

*« ...elevatis manibus suis, Iesus benedixit eis ... »*



RITUALE ROMANUM  
EX DECRETO SACROSANCTI ŒCUMENICI  
CONCILII VATICANI II INSTAURATUM  
AUCTORITATE IOANNIS PAULI II PROMULGATUM

DE BENEDICTIONIBUS

EDITIO TYPICA



TYPIS VATICANIS

*Editio typica 1984*

*Reimpressio 1985*

*Reimpressio 1993*

*Reimpressio 2013*



## CONGREGATIO PRO CULTU DIVINO

Prot. N. 1200/84

### DECRETUM

Benedictionum celebrationes, inter sacramentalia ad bonum pastorale populi Dei ab Ecclesia instituta, peculiarem obtinent locum. Ipsæ enim, quatenus liturgicæ actiones, christifideles ad Deum laudandum adducunt eosque disponunt, ut præcipuum sacramentorum effectum attingant atque varia vitæ adiuncta recte sanctificent.

Sacramentalium vero recognitionem præcipiens, Œcumenicum Vaticanum II Concilium statuit ut in illis celebrandis conscia, actiosa et facilis christifidelium participatio summopere esset attendenda atque ab eis prorsus arcerentur ea, quæ decursu temporum sacramentalium naturam ac finem minus elucentia reddidissent.

Idem autem Concilium insuper decrevit ut benedictiones reservatæ perpaucae exstarent, et in favorem tantum Episcoporum vel Ordinariorum atque opportune provideretur, quo sacramentalia quædam, saltem in specialibus rerum adiunctis et de iudicio Ordinarii, a laicis congruis qualitatibus præditis administrari possent.

Quibus decretis obsecuta, Congregatio hæc pro Cultu Divino novum Ritualis Romani titulum apparavit, quem Summus Pontifex Ioannes Paulus II Auctoritate Sua Apostolica approbavit evulgarique iussit.

Quapropter eadem Congregatio, de speciali mandato Summi Pontificis, *Ordinem Benedictionum* publici iuris facit, qui, lingua latina exaratus, statim ac prodierit vigere incipiet; linguis autem vernaculis, cum interpretationes a Sede Apostolica sint recognitæ, a die quem Conferentiæ Episcoporum statuerint.

Contrariis quibuslibet minime obstantibus.

Ex ædibus Congregationis pro Cultu Divino, die 31 maii 1984.

✠ AUGUSTINUS MAYER, O. S. B.

Archiep. tit. Satrianensis

*Pro-Præfectus*

✠ VERGILIUS NOË

Archiep. tit. Vancariensis

*a Secretis*



## **PRÆNOTANDA GENERALIA**



## PRÆNOTANDA GENERALIA

### I. BENEDICTIO IN HISTORIA SALUTIS

1. Omnis benedictionis fons et origo<sup>1</sup> est Deus super omnia benedictus,<sup>2</sup> qui unus bonus cuncta bene fecit, ut creaturas suas benedictionibus adimpleret<sup>3</sup> et semper eas, etiam post hominis lapsum, in signum misericordiæ concessit.

2. At ubi venit plenitudo temporis, Pater Filium suum misit atque per eum, qui carnem sumpsit, homines in omni spiritali benedictione iterum benedixit.<sup>4</sup> Et ita vetus maledictio nobis in benedictionem transiit cum « ortus est sol iustitiæ, Christus Deus noster; qui solvens maledictionem, dedit benedictionem ».<sup>5</sup>

3. Maxima Patris benedictio, Christus in Evangelio apparuit benedicens fratribus, præsertim minimis,<sup>6</sup> et orationem benedictionis ad Patrem dirigens.<sup>7</sup> Denique, gloria a Patre donatus et in cælum ascendens in fratres, quos sanguine acquisiverat, Spiritus sui donum effudit, ut eius ducti virtute Deum Patrem in omnibus laudarent et magnificarent atque eum adorarent eique gratias agerent, et caritatis opera exercentes inter benedictos regni connumerari mererentur.<sup>8</sup>

<sup>1</sup> Cf. *Missale Romanum*, ex decreto sacrosancti œcumenici Concilii Vaticani II instauratum, auctoritate Pauli PP. VI promulgatum, ed. typ. altera, Romæ, 1975: Benedictiones in fine Missæ, Benedictiones sollemnes, n. 3, Initio anni.

<sup>2</sup> Cf. Rom 9, 5.

<sup>3</sup> Cf. *Missale Romanum*, Prex Eucharistica IV, n. 117.

<sup>4</sup> Cf. Gal 4, 4; Eph 1, 3.

<sup>5</sup> Cf. *Officium divinum* ex decreto sacrosancti œcumenici Concilii Vaticani II instauratum, auctoritate Pauli PP. VI promulgatum, *Liturgia Horarum* iuxta ritum Romanum, ed. typ., vol. IV, Romæ 1972: In Nativitate B. Mariæ Virginis, die 8 septembris, ad Benedictus, antiphona.

<sup>6</sup> Cf. Act 3, 26; Mc 10, 16; 6, 41; Lc 24, 50 etc.

<sup>7</sup> Cf. Mt 9, 31; 14, 19; 26, 26; Mc 6, 41; 8, 7. 9; 14, 22; Lc 9, 16; 24, 30; Io 6, 11.

<sup>8</sup> Cf. *Missale Romanum*, Commune Sanctorum et Sanctarum: 9. Pro iis qui opera misericordiæ exercuerunt, collecta.

4. Per Spiritum enim Sanctum, Abrahæ benedictio<sup>9</sup> in Christo magis magisque adimpletur, cum in filios transit qui ad novam vitam « in omni benedictionis plenitudine »<sup>10</sup> vocati sunt, quatenus membra corporis Christi effecti fructus eiusdem Spiritus ad mundum benedictione divina sanandum prorsus diffundant.

5. Ad Christum Salvatorem aspiciens Pater primum fœdus sui amoris erga homines iam multiplici benedictionum effusione confirmaverat. Hoc modo populum electum ad Redemptorem suscipiendum præparavit eumque fœderis dignum in dies effecit. Populus vero in viis iustitiæ ambulans, ore et corde Deum honorare potuit, benedictionis divinæ signum ac sacramentum in mundo factus.

6. Deus autem, a quo omnis benedictio descendit, hominibus iam eo tempore concessit, ut, præsertim patriarchæ, reges, sacerdotes, levitæ, parentes<sup>11</sup> nomen eius laudando benedicerent eiusque nomine alios homines et res creatas divinis benedictionibus cumularent.

Cum vero Deus sive per se benedicit, sive per alios, semper quidem Domini adiutorium promittitur, eius gratia annuntiatur, eius fidelitas erga fœdus initum prædicatur. Cum quidem homines benedidunt, eum laudant quem bonum et misericordem proclamant.

Deus enim benedictionem impertit bonitatem suam communicando vel prænuntiando. Homines benedidunt Deum eius laudes proferendo, ei gratias agentes, pietatis cultum et obsequium eidem tribuentes, et cum ceteros benedidunt, Dei adiutorium vel super singulos vel super cœtus congregatos invocant.

7. Scriptura Sacra testante universa quæ Deus creavit et iugiter sua gratia providenti in mundo sustentat, benedictionem Dei referunt et ad eum benedicendum trahere debent.<sup>12</sup> Quod præsertim tenendum est postquam Verbum caro factum, res omnes mundi Incarnationis suæ mysterio sanctificare cœpit.

Attamen benedictiones primo et principaliter Deum respiciunt, cuius magnitudinem et bonitatem extollunt; quoniam vero beneficia

<sup>9</sup> Cf. Gen 12, 3.

<sup>10</sup> S. BASILIUS, *De Spiritu Sancto*, cap. 15, 36: PG 32, 131. Cf. S. AMBROSIIUS, *De Spiritu Sancto*, I, 7, 89: PL 16, 755; CSEL 79, 53.

<sup>11</sup> Cf. Gen 14, 19-20 — Hebr 7, 1; Gen 27, 27-29; 38, 40 — Hebr 11, 20; Gen 49, 1-28 — Hebr 11, 21; Deut 21, 5; Deut 33; Ios 14, 13; 22, 6; 2 Chr 30, 27; Lev 9, 22-23; Neh 8, 6; Sir 3, 9-11.

<sup>12</sup> Cf. v. gr. Dan 3, 57-88; Ps 65 (66), 8; 102 (103); 134 (135); 1 Tim 4, 4-5.



divina communicant, homines etiam spectant quos Deus sua providentia regit atque tuetur; at etiam ad res creatas diriguntur, quarum copia et varietate Deus hominem benedicit.<sup>13</sup>

## II. BENEDICTIONES IN VITA ECCLESIAE

8. Præceptis Salvatoris monita, Ecclesia calici benedictionis participat,<sup>14</sup> gratias agendo Deo pro inenarrabili dono eius in mysterio Paschali prima vice acquisito, in Eucharistia deinde nobis communicato. Nam ex eucharistico mysterio Ecclesia gratiam et virtutem haurit per quas et ipsa in mundo fit benedictio, et tamquam universale salutis sacramentum,<sup>15</sup> inter homines et pro hominibus opus sanctificationis semper exercet, et cum Christo capite in Spiritu Sancto Patrem glorificat.

9. Multifariam Ecclesia, Spiritus Sancti operante virtute, hoc suum exprimit ministerium unde plures instituit benedicendi formas, quibus homines ad Deum laudandum vocat, ad eius expostulandam protectionem allicit, ad illius misericordiam vitæ sanctitate promerendam adhortatur, ad eius beneficia impetranda preces adhibet, ut ea quæ invocatur, felicem consequantur effectum.

Huc ergo accedunt benedictiones ab Ecclesia institutæ, quæ sunt signa sensibilia quibus « significatur et modo singulis proprio efficitur »<sup>16</sup> et illa hominum in Christo sanctificatio et illa Dei glorificatio, quæ finem constituunt ad quem omnia alia Ecclesiæ opera contendunt.<sup>17</sup>

10. Utpote signa, quæ Dei verbo innituntur et operante fide celebrantur, benedictiones illustrare intendunt et manifestare debent vitæ novitatem in Christo, quæ Sacramentis Novi Fœderis a Domino institutis oritur et crescit. Benedictiones insuper in aliquam Sacramentorum imitationem institutæ, semper effectus præsertim spirituales significant, quos vero ex Ecclesiæ impetratione obtinent.<sup>18</sup>

<sup>13</sup> Cf. Gen 27, 27; Ex 23, 25; Deut 7, 13; 28, 12; Iob 1, 10; Ps 64 (65), 11; Ier 31, 23.

<sup>14</sup> Cf. 1 Cor 10, 16.

<sup>15</sup> Cf. Conc. Vat. II, Const. dogmatica de Ecclesia, *Lumen Gentium*, n. 48.

<sup>16</sup> Conc. Vat. II, Const. de Sacra Liturgia, *Sacrosanctum Concilium*, n. 7.

<sup>17</sup> *Ibidem*, nn. 7 et 10.

<sup>18</sup> Cf. *ibidem*, n. 60.

11. Persuasum hoc sibi habens, Ecclesia sollicita est, ut celebratio benedictionis ad Dei laudem et exaltationem re vera cedat et ad spiritale eius populi emolumentum ordinetur.

Quo autem clarius hoc pateat, antiqua ex traditione, formulæ benedictionum eo spectant ut imprimis Deum pro eius donis glorificent eiusque impetrent beneficia atque maligni potestatem in mundo compescant.

12. Deum in omnibus glorificans et præsertim attendens ad gloriæ Dei manifestationem erga homines, gratia renatos vel renascendos, Ecclesia benedictionibus pro eis et cum eis Dominum collaudat in peculiaribus vitæ adiunctis, et super eos eius gratiam invocat. Interdum autem Ecclesia etiam res et loca sive ad navitatem humanam sive ad vitam liturgicam, ac pietatem et devotionem spectantia benedicit, hominibus tamen semper præ oculis habitis, qui illis rebus utuntur et in illis locis operantur. Homo enim, pro quo omnia Deus et bona voluit et fecit, receptaculum est sapientiæ eius, et benedictionis ritibus se ita rebus creatis uti fatetur, ut ipso earum usu Deum quærat, Deum diligat, uni Deo fideliter serviat.

13. Fide ducti christifideles, spe roborati et caritate compulsi, non solum bonitatis divinæ vestigia in universis rebus creatis sapienter dignoscere valent, sed et in operibus humanæ navitatis Christi regnum implicate quærun et insuper omnes mundi eventus tamquam signa considerant paternæ illius providentiæ qua Deus omnia regit atque sustentat. Semper ergo et ubique occasio præbetur Deum per Christum in Spiritu Sancto laudandi, invocandi eique gratias reddendi, dummodo agatur de rebus, locis, vel adiunctis quæ normæ vel spiritui Evangelii non contradicant. Ideo unaquæque celebratio benedictionis pastoralis iudicio semper est subicienda, præsertim si periculum admirationis apud fideles vel ceteros oriturum prævideri possit.

14. Pastoralis huiusmodi benedictionum consideratio eiusdem Concilii Œcumenici Vaticani II verbis congruit: « Liturgia Sacramentorum et Sacramentalium id efficit ut fidelibus bene dispositis omnis fere eventus vitæ sanctificetur, gratia divina manante e mysterio Paschali Passionis, Mortis et Resurrectionis Christi, a quo omnia Sacramenta et Sacramentalia suam virtutem derivant; nullusque pæne rerum ma-

terialium usus honestus ad finem hominem sanctificandi Deumque laudandi dirigi non possit ».<sup>19</sup>

Ita benedictionum ritibus ad præcipuum Sacramentorum effectum suscipiendum homines disponuntur et varia eorum vitæ adiuncta sanctificantur.

15. « Ut hæc plena efficacia habeatur, necessarium est ut fideles cum recti animi dispositionibus ad sacram Liturgiam accedant ».<sup>20</sup> Quare illi qui benedictionem Dei per Ecclesiam expostulant, dispositiones suas ea fide confirmant, cui omnia suntabilia;<sup>21</sup> spe innituntur, quæ non confundit;<sup>22</sup> caritate præsertim vivificentur, quæ mandata Dei servanda urget.<sup>23</sup> Ita enim homines bonam Dei voluntatem quærentes<sup>24</sup> benedictionem Domini plene intellegent et vere consequentur.

### III. DE OFFICIIS ET MINISTERIIS

16. Benedictiones Ecclesiæ liturgicæ sunt actiones, ideoque communitaria celebratio quæ interdum requiritur, liturgicæ precationis indoli melius respondet, et dum per Ecclesiæ orationem veritas fidelibus proponitur, adstantes ad Matris vocem corde et ore participandam adducuntur.

Pro benedictionibus maioris momenti, quæ Ecclesiam localem spectant, convenit ut diocesana communitas vel parœcialis, episcopo vel parrocho præside, congregetur.

Sed et ceteris quoque benedictionibus præstat ut fideles intersint: quod enim pro aliquo cœtu peragitur in totam quodammodo communitatem redundat.

17. Quando autem nullus adest fidelium cœtus, tum ille qui benedicere Deum vult vel benedictionem divinam petit tum minister qui celebrationi præest, memores esse debent se iam Ecclesiam repræsentare celebrantem, ita ut ex eorum communi oratione et petitione

<sup>19</sup> Conc. Vat. II, Const. de Sacra Liturgia, *Sacrosanctum Concilium*, n. 61.

<sup>20</sup> *Ibidem*, n. 11.

<sup>21</sup> Cf. Mc 9, 23.

<sup>22</sup> Cf. Rom 5, 5.

<sup>23</sup> Cf. Io 14, 21.

<sup>24</sup> Cf. Rom 12, 2; Eph 5, 17; Mt 12, 50; Mc 3, 35.

benedictio « licet per hominem, non tamen ab homine »<sup>25</sup> descendat, quatenus est « sanctificationis et gratiarum votiva collatio ».<sup>26</sup>

Celebratio benedictionis rerum vel locorum de more ne fiat sine participatione alicuius saltem fidelis.

18. Ministerium benedictionis coniungitur cum peculiari exercitio sacerdotii Christi et secundum locum et officium unicuique in populo Dei proprium, sequenti ratione exercetur:

a) *Episcopo* competit illis potissimum præesse celebrationibus, quæ universam communitatem diœcesanam spectant et quæ peculiari sollemnitate magnoque populi concursu peraguntur, qua de re quasdam celebrationes, præsertim forma sollemnior peractas, ipse sibi reservare potest.<sup>27</sup>

b) *Presbyteris*, ut eorum servitii natura erga populum Dei requirit, præesse competit benedictionibus, illis præsertim quæ communitatem respiciunt, ad cuius servitium deputantur, ideoque omnes benedictiones huius libri celebrare possunt, nisi præsens sit Episcopus, qui eisdem præsideat.

c) *Diaconis*, utpote adiumentum præstantibus Episcopo eiusque Presbyterio quatenus verbi, altaris et caritatis ministris, competit præsidere nonnullis celebrationibus, ut suo loco indicatur.

Quotiescumque vero adest sacerdos, ipsi opportunius munus præsidendi tribuendum est, dum diaconus ei ministrabit in actione liturgica propria munera exercens.

d) *Acolythis* atque *lectoribus*, qui peculiari munere in Ecclesia e collata ipsius institutione funguntur, facultas quasdam benedictiones impertiendi iure præ ceteris laicis tribuitur, de iudicio Ordinarii loci.

Alii etiam *laici* viri ac mulieres, vi sacerdotii communis, cuius munere in Baptismo et Confirmatione sunt aucti, sive proprii muneris virtute (ut parentes pro filiis), sive ministerium extraordinarium exercentes, sive alia peculiaria munera in Ecclesia exsequentes, ut religiosi vel catechistæ nonnullis in regionibus, de iudicio Ordinarii loci<sup>28</sup> cum nota sit eorum debita institutio pastoralis necnon prudentia in proprio munere apostolico fungendo, quasdam benedictiones, ritu

<sup>25</sup> Cf. S. CÆSARIUS ARELATENSIS, *Sermo* 77, 5: CCL 103, 321.

<sup>26</sup> S. AMBROSIIUS, *De Benedictionibus patriarcharum*, 2, 7: PL 14, 709; CSEL *De Patriarchis*, 32, 2, 18.

<sup>27</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 79.

<sup>28</sup> Cf. *ibidem*.



et formulis pro ipsis prævisis, celebrare possunt, prout in unoquoque Ordine indicatur.

Cum vero adsit sacerdos vel diaconus, ipsi munus præsidendi relinquatur.

19. Fidelium participatio eo magis actiosa erit, quo altior ipsis impertiatur de momento benedictionum institutio. Presbyteri igitur et ministri in ipsis celebrationibus necnon in prædicatione et in catechesi benedictionum significationem atque vim christifidelibus proponant.

Maxime enim præstat populum Dei doceri de recta significatione rituum et precum quibus Ecclesia in benedictione impertienda utitur, ne in celebrationem sacram aliquid inducatur quod vel superstitione vel vanæ credulitatis permixtione, fidei noceat puritati.

#### IV. DE CELEBRATIONE BENEDICTIONIS

##### *De structura typica*

20. Celebratio typica benedictionis duas partes præcipuas exhibet quarum prior est proclamatio verbi Dei, altera vero laus divinæ bonitatis et auxilii cælestis impetratio.

Celebratio de more brevibus ritibus aperitur atque concluditur.

21. Pars prior eo tendit ut benedictio signum sacrum revera fiat, quod ex verbi Dei proclamatione sensum haurit et efficaciam.<sup>29</sup>

Centrum ergo huius primæ partis est proclamatio verbi Dei, ad quam tum monitio introductoria tum brevis explicatio, vel adhortatio aut homilia quæ pro opportunitate addi possunt, iure referuntur.

Ad fidem vero participantium magis excitandam, psalmus vel cantus vel sacrum silentium opportune interponuntur, præsertim si plures lectiones fiunt.

22. Pars altera eo tendit ut, ritibus et precibus Deus laudetur eiusque auxilium per Christum in Spiritu Sancto impetretur. Huius autem partis centrum constituit formula benedictionis, seu oratio Ecclesiæ, quam peculiare signum sæpe comitatur.

<sup>29</sup> Cf. *Missale Romanum*, Ordo Lectionum Missæ, Ed. typ. altera, Romæ, 1981, Prænotanda, nn. 3-9.

Ad orationem vero adstantium magis fovendam, addi potest communis prex, quæ de more orationem benedictionis præcedit, interdum vero sequitur.

**23.** In celebrationibus propositis elementa potiora, uti sunt proclamatio verbi Dei et Ecclesiæ oratio, quæ numquam omittenda sunt, etiam in Ritibus brevioribus, a ceteris elementis, in aptatione celebrationis, sedulo distinguere debent.

**24.** Insuper in celebratione disponenda hæc apprime notentur:

a) forma communitaria plerumque præferatur<sup>30</sup> ita ut in ea diaconus, lector, psalmista, schola propria munera exerceant;

b) normæ primariæ attendatur de conscia, actuosa et apta participatione fidelium;<sup>31</sup>

c) rerum et adstantium adiunctis opportune consulatur,<sup>32</sup> servatis principiis horum rituum instaurationis et normis a competente auctoritate traditis.

### *De signis adhibendis*

**25.** Signa visibilia quæ sæpe orationes comitantur eo præsertim tendunt ut salutiferas actiones Domini in mentem revocent, necessitudinem quandam cum præcipuis Ecclesiæ Sacramentis ostendant, ideoque adstantium fidem alant eorumque attentionem ad ritum participandum excitent.<sup>33</sup>

**26.** Signa autem quæ potissimum adhibentur hæc sunt: manuum extensio vel elevatio vel iunctio, manuum impositio, signum crucis, aspersio aquæ benedictæ et incensatio.

a) Cum formula benedictionis sit in primis « oratio », minister prout in singulis Ordinibus indicatur manus vel extendit vel elevat vel iungit.

b) Peculiarem locum inter signa benedictionis manuum impositio obtinet, sicut Christus in usum habuit, qui de discipulis loquens,

<sup>30</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 27.

<sup>31</sup> Cf. *ibidem*, n. 79.

<sup>32</sup> Cf. *ibidem*, n. 38.

<sup>33</sup> Cf. *ibidem*, nn. 59-60.

dixit: « super ægrotos manus imponent et bene habebunt » (Mc 16, 18), et in Ecclesia et per Ecclesiam hoc signum adhuc peragit.

c) Sæpe etiam, iuxta antiquam Ecclesiæ traditionem, crucis signum proponitur.

d) Aquæ benedictæ aspersio in quibusdam Ordinibus proponitur. Tunc ministri adhortentur fideles ad paschale mysterium commemorandum et ad fidem Baptismi renovandam.

e) In quibusdam Ordinibus incensatio adhibetur, quæ est signum venerationis et honoris, et aliquando Ecclesiæ orationem adumbrat.

**27.** Quamvis signa in benedictionibus adhibita, et præsertim crucis signum, quandam evangelizationem et fidei communicationem exprimant, ad actuosiores reddendam participationem et ad periculum vitandum superstitionis, benedictionem rerum et locorum solo signo externo, nulla verbi Dei vel alicuius precis habita ratione, de more impertire non licet.

*De modo uniendi celebrationem benedictionis cum aliis celebrationibus vel cum aliis benedictionibus.*

**28.** Cum quædam benedictiones peculiarem necessitudinem cum Sacramentis præ se ferant, interdum coniungi possunt cum Missæ celebratione.

In Rituali de Benedictionibus indicantur quænam sint huiusmodi benedictiones, qua cum parte vel ritu coniungendæ et pro singulis casibus normæ rituales præbentur, quas prætergredi non licet. Aliæ vero benedictiones nullo modo coniungendæ sunt cum celebratione eucharistica.

**29.** Cum aliis celebrationibus, quædam benedictiones coniungi possunt, ut suis locis in Ordinibus indicatur.

**30.** Opportunum interdum esse potest plures benedictiones unica celebratione peragere. In celebratione disponenda hoc præ oculis habeatur: adhibeatur Ordo qui benedictionem potius respiciat, additis in monitione et in precibus aptis verbis et signis, quibus manifestetur intentio alias quoque benedictiones impertiendi.

*De munere ministri in præparanda ordinandaque celebratione*

31. Meminerit minister benedictiones in primis fideles respicere, at celebrari posse quoque pro catechumenis et, attentis normis can. 1170, nisi obstet Ecclesiæ prohibitio, etiam non catholicis.

Ad benedictiones modo communitario cum fratribus seiunctis celebrandas singulis in casibus normæ ab Ordinario loci datæ servantur.

32. Celebrans vel minister, omnibus consideratis adiunctis, votis etiam fidelium auditis, facultatibus in variis Ordinibus concessis pro opportunitate utatur, structuram vero servet, nec partium principalium ordinem ullo modo perturbet.

33. In celebratione communitaria peragenda attendatur ut omnes, sive ministri sive fideles, munere suo fungentes, totum id, quod ad ipsos pertinet, cum decore, ordine et pietate agant.

34. Itemque attendatur ad indolem peculiarem temporis liturgici, ut monitiones et preces fidelium vinculum cum annuo Christi mysteriorum circulo habeant.

*De vestibus liturgicis adhibendis*

35. Episcopus, cum maioris momenti celebrationibus præest, vestes adhibet quæ in Cæremoniali Episcoporum indicantur.

36. Presbyter et diaconus, cum benedictionibus forma communitaria, præsertim in aula ecclesiæ vel cum aliqua externa sollemnitate præsent, induant albam cum stola. Alba cum superpelliceo commutari potest, quando habitus talaris adhibetur. In sollemnioribus celebrationibus pluviale adhiberi poterit.

37. Color paramentorum vel albus sit, vel congruat tempori aut festo liturgico.

38. Ministri rite instituti, cum celebrationibus communitatis præsent, vestes induant quæ a Conferentia Episcoporum vel ab Ordinario loci pro celebrationibus liturgicis sunt præscriptæ.

## V. DE APTATIONIBUS QUÆ CONFERENTIIS EPISCOPORUM COMPETUNT

39. Conferentiis Episcoporum competit, vi Constitutionis de Sacra Liturgia,<sup>34</sup> Rituale particulare exarare quod huic titulo Ritualis Romani respondeat, singularum tamen regionum necessitatibus accommodatum ut, actis ab Apostolica Sede recognitis,<sup>35</sup> in regionibus ad quas pertinet adhibeatur.

Qua in re, Conferentiarum Episcoporum erit:

a) Aptationes definire, iuxta principia in hoc libro statuta rituum tamen structura propria servata.

b) Sedulo ac prudenter considerare quid ex traditionibus ingenioque singulorum populorum opportune admitti possit, ideoque alias aptationes, quæ utiles vel necessariæ existimentur, proponere.<sup>36</sup>

c) Proprias autem Ritualium particularium iam exstantium benedictiones si quæ habentur, vel antiqui Ritualis Romani et quæ adhuc in usu sint, retinere, dummodo cum mente Constitutionis de Sacra Liturgia, et principiis in hoc titulo expositis ac necessitatibus hodiernis componi queant; vel ea aptare.

d) In variis benedictionum Ordinibus, præsertim quando plures formulæ ad libitum eligendæ exhibentur, alias etiam formulas eiusdem generis præter eas quæ in Rituali Romano inveniuntur, adicere.

e) Prænotanda, sive generalia sive particularia uniuscuiusque Ordinis, quæ in hoc libro habentur, non solum integre vertere, sed, si casus ferat, complere, ita ut ministri significationem rituum plenius intellegant ac fidelium participatio conscia et actuosa reddatur.

f) Illas partes complere quæ in libro desiderantur, ut v. gr. alias lectiones præbere, quæ utiles esse possunt; cantus aptiores indicare.

g) Versiones textuum parare, ita ut indoli variorum sermonum atque ingenio diversarum culturarum accommodentur.

h) In editionibus libri materiam ordinare modo qui ad usum pastorem aptior videatur, partes libri separatim edere, præcipuis prænotandis semper præmissis.

<sup>34</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 63, b).

<sup>35</sup> Cf. C.I.C., can. 838 §§ 2 et 3; cf. C.I.C., can. 1167 § 1.

<sup>36</sup> Cf. Conc. Vat. II, Const. de Sacra Liturgia, *Sacrosanctum Concilium*, nn. 37-40; 65.



**PARS PRIMA**

**DE BENEDICTIONIBUS**

**QUÆ DIRECTE PERSONAS SPECTANT**





## CAPUT I

### ORDINES BENEDICTIONIS FAMILIARUM EARUMQUE MEMBRORUM

#### PRÆNOTANDA

40. Communitatem vitæ et amoris coniugalis, a Creatore conditam et a Christo Domino ad exemplar suæ cum Ecclesia arcanæ et fecundæ unionis constitutam tamquam Novi Fœderis sacramentum ac vitæ statum et ordinem, semper Ecclesia in sua actione pastoralis magni habuit. Etenim ex huiusmodi communitate procedit familia, in qua coniuges donum proprium in populo Dei retinent propriamque vocationem, ut sibi invicem, filiis suis ceterisque familiaribus, gratiæ cooperatores necnon fidei et amoris Christi testes sint. Ideoque christiana familia, velut Ecclesia domestica, missionem divinitus acceptam adimplens et suum exercens apostolatatum tum virtutes Regni Dei in mundo tum spem vitæ beatæ elata voce coram hominibus proclamare tenetur.<sup>1</sup>

41. Quo vero coniuges et cetera familiæ membra aptiora in dies redderentur ad proprium munus plenius assumendum et protenus persequendum, Ecclesia quædam sacramentalia subsidia instituit quibus vita familiaris, certis in adiunctis, Dei verbi proclamatione et peculiari benedictione ditaretur. Huc accedunt præsertim Ordines benedictionis qui hoc in capite describuntur.

<sup>1</sup> Cf. Conc. Vat. II, Const. dogmatica de Ecclesia, *Lumen Gentium*, nn. 11 et 35; Decretum de apostolatu laicorum, *Apostolicam actuositatem*, nn. 7 et 11; Const. pastoralis de Ecclesia in mundo huius temporis, *Gaudium et spes*, nn. 47-52.

## I. ORDO BENEDICTIONIS FAMILIÆ

### PRÆNOTANDA

42. Quoties benedictionem vel christiana familia postulat, vel pastoralis cura suadet, hæc benedictio opportune videtur impertienda, ut vita christiana in familiæ membris foveatur. Quo autem melius id obtineri possit, celebratio rerum adiunctis erit accommodanda.

43. Benedictio familiæ peragi potest etiam in Missæ celebratione, iuxta Ordinem infra nn. 62-67 descriptum.

### A. ORDO BENEDICTIONIS

44. Ordo, qui hic præbetur, adhiberi potest tum a sacerdote tum a diacono et etiam a laico, ritibus tamen et formulis pro laico prævisis.

45. Ex hoc Ordine, semper potioribus elementis servatis, quædam sumi possunt ut celebratio adiunctis loci et membrorum familiæ accommodetur.

### RITUS INITIALES

46. Familia congregata, minister dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

47. Deinde minister, si est presbyter vel diaconus, adstantes salutat, dicens:

Grátia vobis et pax a Deo Patre  
et a Dómino nostro Iesu Christo.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel:

Benedíctus Deus in sǎcula.

vel alio apto modo.

---

48. Si vero minister est laicus, adstantes salutát, dicens:

Grátia Dómini nostri Iesu Christi  
sit cum ómnibus nobis.

Omnes respondent:

Amen.

---

49. Minister adstantes ad benedictionem accipiendam disponit his vel similibus verbis:

Caríssimi, família, quæ per Matrimónii sacraméntum Christi grátiam et vitæ novitátem accépit, singuláre moméntum habet tam pro Ecclesiá quam pro civíli societáte, quarum est célula prima et vitális.

Hac celebratióne invocámus illam Dómini benedictiónem, qua membra famíliæ constánter inter se grátiae cooperatóres fiant necnon fidei præcónes in váriis vitæ adiúctis.

Dei auxílio suffúlti, missiónem vestram adimplébitis, totam vitam vestram ad Evangélium conformántes, ut Christi testes vos ipsos exhibeátis in mundo.

#### LECTIO VERBI DEI

50. Deinde unus ex adstantibus vel ipse minister legit textum Sacrarum Scripturarum ex iis qui infra proponuntur selectum.

1 Cor 12, 12-14 « *Unum corpus sumus* ».

Audíte, fratres, verba Pauli apóstoli ad Corínthios.

Sicut corpus unum est et membra habet multa, ómnia autem membra córporis, cum sint multa, unum corpus sunt, ita et Christus; étenim in uno Spíritu omnes nos in unum corpus baptizáti sumus, sive Iudæi sive Græci sive servi sive líberi, et omnes unum Spíritum potáti sumus. Nam et corpus non est unum membrum sed multa.

51. Vel:

Eph 4, 1-6 « *Supportantes invicem in caritate* ».

Audíte, fratres, verba Pauli apóstoli ad Ephésios.

Obsecro vos ego vinctus in Dómino, ut digne ambulétis vocatióne, qua vocáti estis, cum omni humilitáte et mansuetúdine, cum longanimitáte, supportántes invicem in caritáte, sollíciti serváre unitátem spíritus in vínculo pacis; unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

52. Vel:

Rom 12, 4-16 « *Caritate fraternitatis invicem diligentes* ».

Sicut in uno córpore multa membra habémus ...

1 Cor 12, 31b—13, 7 « *Caritas omnia suffert, omnia credit, omnia sperat, omnia sustinet* ».

Adhuc excellentiorem viam ...

53. Pro opportunitate dici vel cani potest psalmus responsorius aut alius cantus aptus.

Ps 127 (128), 1-2. 4-6a

R. (cf. 1) *Beáti omnes qui timent Dóminum.*

54. Minister, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

55. Sequitur prex communis. Ex intercessionibus quæ infra proponuntur, minister seligere potest eas quæ aptiores videantur vel alias adicere quæ pecularia rerum vel familiarum adiuncta respiciant.

Christum Dóminum, coætérnum Patris Verbum, qui cum homínibus conversátus, in família vívere dignátus est, eámque benedictiónibus cæléstibus implére, humíliter deprecémur, ut famíliam hanc propítius prótegat, eíque dicámus:

*R. Famíliam nostram in tua pace, Dómine, tuére.*

Qui Mariæ et Ioseph súbditus,  
domésticam vitam consecrásti,  
— famíliam hanc tua præsentia sanctifica. *R.*

Qui studiósus fuisti eórum quæ Patris tui sunt,  
— præsta ut in omni família Deus colátur et honorétur. *R.*

Qui sanctam famíliam tuam  
oratiónis, amóris et voluntátis Patris faciéndæ  
exémplar mirábile demonstrásti,  
— famíliam hanc tua grátia sanctifica  
tuisque donis cumuláre dignéris. *R.*

Qui propínquos amásti et ab ipsis amátus es,  
— omnes famílias in pace et mútua caritaté constítue. *R.*

Qui in Cana Galiléæ famíliæ primórdia  
primo tuo signo lætificásti,  
aquam in vinum convértens,  
— huius famíliæ dolóres et anxietátes  
benígne lénias et in gáudium suáviter convértas. *R.*

Qui familiæ unitati prospiciens, dixisti:

« quod Deus coniunxit, homo non séparet »,

— cóniuges istos arctíssimo tuæ dilectiónis vínculo  
in dies serva coniúctos. R.

**56.** Precibus absolutis, minister opportune invitat omnes præsentes ad orationem dominicam canendam vel dicendam his vel similibus verbis:

Præcéptis salutáribus móniti,  
et divína institutióne formáti,  
audémus dícere:

Omnes:

Pater noster, qui es in cælis ...

#### ORATIO BENEDICTIONIS

**57.** Tum minister, si est sacerdos vel diaconus, manibus super membra familiæ extensis, secus manibus iunctis, benedictionis orationem profert:

Creátor pópuli tui, Deus, et miséricors reparátor,  
qui familiam in nuptiáli fœdere constitútam  
Christi et Ecclesiæ sacraméntum fieri voluísti,  
copiósam, quæsumus, benedictiónem infúnde  
super hanc familiam tuo nómine congregátam,  
ut qui in ea uno amóre coniungúntur,  
spíritu fervéntes et oratióni instántes,  
sollicitúdinem mútuam sibi præstent,  
necessitatibus ómnium commúnicent,  
atque verbo et exémplo fidei præcónes exsístant.  
Per Christum Dóminum nostrum.

R. Amen.

58. Vel:

Te, Dómine, benedícimus,  
qui Fílium tuum, hóminem factum,  
in humána familia partem habére voluísti,  
ut in cuius íntima societáte adoléscheret,  
curas étiam nosset et gáudia prægustáret.  
Te ergo, Dómine, pro hac familia humíliter implorámus:  
illam prótege atque custódi,  
ut, grátiae tuæ múnere roboráta,  
prosperitáte fruátur, concórdia ditétur,  
et velut Ecclésia doméstica,  
glóriam tuam testificétur in mundo.  
Per Christum Dóminum nostrum.

R. Amen.

59. Pro opportunitate, minister familiam congregatam aqua benedicta aspergit, nihil dicens.

#### CONCLUSIO RITUS

60. Tum minister ritum concludit dicens:

Dóminus Iesus,  
qui Názareth cum sua familia commorátus est,  
semper in vestra familia máneat,  
eam ab omni malo deféndat,  
vobisque concédatur  
ut sitis cor unum et ánima una.

Omnes respondent:

Amen.

61. Celebratio apto cantu laudabiliter perficitur.

## B. ORDO BENEDICTIONIS CELEBRATIONI MISSÆ CONIUNCTÆ

**62.** Sacerdos, in ordinanda Missa, servatis de iure servandis, libenter facultate seligendi diversas Missæ partes utatur, ad membrorum familiæ bonum spiritale præsertim attendens.

Quando benedictio familiæ peragitur intra Missæ celebrationem in domo ipsius familiæ, ritus instrui debet secundum principia et normas Instructionis « Actio pastoralis » pro cœtibus particularibus<sup>2</sup> vel etiam, data occasione, « Directorii de Missis cum pueris »<sup>3</sup> opportunis utique monitionibus adhibitis.

**63.** Post lectionem Evangelii, celebrans in homilia ex textu sacro exponat gratiam et munera vitæ familiaris in Ecclesia.

**64.** Sequitur oratio fidelium, modo in Missæ celebratione consueto vel modo qui hic proponitur; quam orationem celebrans concludit formula benedictionis, nisi opportunius videatur hanc formulam in fine celebrationis Missæ adhibere, tamquam orationem super populum. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum vel familiarum adiuncta respiciant:

Christum Dóminum, coætérnum Patris Verbum, qui cum homínibus conversátus, in familia vívere dignátus est, eámque benedictiónibus cæléstibus implére, humíliter deprecémur, ut famíliam hanc propítius prótegat, eíque dicámus:

*R. Famíliam nostram in tua pace, Dómine, tuére.*

Qui Maríæ et Ioseph súbditus,  
domésticam vitam consecrásti,  
— famíliam hanc tua præsentia sanctífica. *R.*

Qui studiósus fuísti eórum quæ Patris tui sunt,  
— præsta ut in omni familia Deus colátur et honorétur. *R.*

Qui sanctam famíliam tuam  
oratiónis, amóris et voluntátis Patris faciéndæ

<sup>2</sup> S. Congr. pro Cultu Divino, 15 maii 1969, A.A.S. 61 (1969) pp. 806-811.

<sup>3</sup> S. Congr. pro Cultu Divino, 1 novembris 1973, A.A.S. 66 (1974) pp. 30-46.



exemplar mirabile demonstrasti,  
— familiam hanc tua grátia sanctifica  
tuisque donis cumuláre dignéris. R.

Qui propínquos amásti et ab ipsis amátus es,  
— omnes familias in pace et mútua caritaté constitue. R.

Qui in Cana Galilææ familiæ primórdia  
primo tuo signo lætificásti,  
aquam in vinum convértens,  
— huius familiæ dolóres et anxietátes  
benigne lénias et in gáudium suáriter convértas. R.

Qui familiæ unitáti prospiciens, dixísti:  
« quod Deus coniúnxit, homo non séparet »,  
— cóniuges istos arctíssimo tuæ dilectiónis vínculo  
in dies conserva coniúctos. R.

**65.** Celebrans, manibus super membra familiæ extensis, immediate  
prosequitur:

Creátor pópuli tui, Deus, et miséricors reparátor,  
qui familiam in nuptiáli fœdere constitútam  
Christi et Ecclesiæ sacraméntum fieri voluísti,  
copiósam, quæsumus, benedictiónem infúnde  
super hanc familiam tuo nómine congregátam,  
ut qui in ea uno amóre coniungúntur,  
spíritu fervéntes et oratióni instántes,  
sollicitúdinem mútuam sibi præsent,  
necessitatibus ómnium commúnicent,  
atque verbo et exemplo fidei præcónes exsistant.  
Per Christum Dóminum nostrum.

Omnes respondent:

Amen.

66. Vel:

Te, Dómine, benedícimus,  
qui Fílium tuum, hóminem factum,  
in humana familia partem habére voluísti,  
ut in cuius íntima societáte adolésceret,  
curas étiam nosset et gáudia prægustáret.  
Te ergo, Dómine, pro hac familia humíliter implorámus:  
illam prótege atque custódi,  
ut, grátiae tuæ múnere roboráta,  
prosperitáte fruátur, concórdia ditétur,  
et velut Ecclésia doméstica,  
glóriam tuam testificétur in mundo.  
Per Christum Dóminum nostrum.

Omnes respondent:

Amen.

67. Si vero opportunius videtur, oratio benedictionis adhiberi potest  
in fine celebrationis Missæ, post invitatorium:

Inclináte vos ad benedictiónem.

vel aliud.

Post orationem benedictionis, celebrans semper subdat:

Benedícat vos omnípotens Deus,  
Pater, et Fílius, ✠ et Spíritus Sanctus.

Omnibus respondentibus:

Amen.

## II. ORDO BENEDITIONIS ANNUÆ FAMILIARUM IN PROPRIIS DOMIBUS

### PRÆNOTANDA

68. Mandato Christi obœdientes, pastores inter potissima actionis pastoralis munera, sollicitudinem habere debent christianas familias invisendi eisque Christi pacem nuntiandi, qui discipulis suis commendavit: « In quamcumque domum intraveritis, primum dicite: Pax huic domui » (Lc 10, 5).

69. Parochi igitur eorumque adiutores commendatam sibi habeant consuetudinem familias in propria dicione commorantes, quotannis, præsertim tempore paschali, invisendi. Est enim occasio pretiosa muneris pastoralis exercendi et eo quidem magis efficax, quo singulæ familiæ dignosci possunt.

70. Cum Ordo benedictionis annuæ familiarum in propriis domibus familiam ipsam directe respiciat, eius membrorum præsentiam requirit.

71. Benedictio domorum sine commorantium præsentia peragenda non est.

72. Ordo, qui hic præbetur, adhiberi potest a sacerdote vel a diacono.

73. De more hæc benedictio in unaquaque domo celebratur, attamen, propter rationes pastorales et ad unitatem firmandam familiarum, quæ in eodem ædificio vel loco vivunt, opportune pro pluribus familiis, loco apto adunatis, celebrari potest. Hoc in casu plurali numero oratio proferatur.

74. Celebrans, servatis semper partibus præcipuis, lectione nempe Dei verbi et oratione benedictionis, singulas partes singulis familiarum et locorum adiunctis aptabit. Insuper in celebratione peragenda ad omnes præsentés, præsertim ad pueros, ad senes, ad infirmos sedula caritate attendat.

## ORDO BENEDICTIONIS

### RITUS INITIALES

**75.** Familia congregata, celebrans adstantes salutatur dicens:

Pax huic dómui et ómnibus habitántibus in ea.

vel:

Grátia vobis et pax a Deo Patre  
et a Dómino nostro Iesu Christo.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

**76.** Tum parochus, vel qui eum coadiuvat in ministerio, adstantes ad benedictionem accipiendam disponit his vel similibus verbis:

Pastóris visitátio id potíssimum inténdit, ut in eius persóna Christus ipse domum vestram ingrediátur, pacem vobis áfferens et gáudium. Quod præsertim fiet lectióne Dei verbi et Ecclésiæ oratióne.

Animos nostros ígitur præparémus ut hac celebratióne Christus Dóminus, per Spírítum Sanctum suum, nos álloqui ac confovére dignétur.

Aliis in circumstantiis opportune monitio erit aptanda.

### LECTIO VERBI DEI

**77.** Deinde unus ex adstantibus vel ipse celebrans legit textum Sacrarum Scripturarum, ex iis potissimum selectum qui infra indicantur.

Mt 7, 24-28 « *Domus supra petram ædificata* ».

Audíte, fratres, verba sancti Evangélii secúndum Matthæum.

In illo témpore dicébat Iesus: « Omnis qui audit verba mea hæc et facit ea, assimilábitur viro sapiénti, qui ædificávit domum suam supra petram. Et descéndit plúvia, et venérunt flúmina, et flavérunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea, símilis erit viro stulto, qui ædificávit domum suam supra arénam. Et descéndit plúvia, et venérunt flúmina, et flavérunt venti et irruérunt in domum illam, et cécidit, et fuit ruína eius magna ».

Et factum est cum consummáset Iesus verba hæc, admirábantur turbæ super doctrínam eius.

78. Vel:

Eph 4, 1-6 « *Supportantes invicem in caritate* ».

Obsecro vos ego Paulus vinctus ...

Col 3, 12-25 « *Super omnia autem hæc caritatem* ».

Indúite vos sicut elécti ...

Act 2, 44-47 « *Frangentes circa domos panem, sumebant cibum cum exultatione et simplicitate cordis* ».

Omnes qui credíderant ...

Lc 19, 1-10 « *Hodie salus domui huic facta est* ».

Ingréssus Iesus perambulábat Iéricho ...

Io 1, 35-39 « *Apud eum manserunt* ».

Stabant Ioánnes Baptísta et ex discípulis eius ...

79. Pro opportunitate dici vel cani potest psalmus responsorius aut alius cantus aptus.

Ps 99 (100), 2. 3. 4. 5

R. (3c) *Nos pópulus eius et oves páscuæ eius.*

Ps 127 (128), 1-2. 3. 4-6a

R. (4) *Ecce sic benedicétur qui timet Dóminum.*

Ps 148, 1-2. 3-4. 12-13

R. (13a) *Laudent nomen Dómini.*

**80.** Celebrans pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

**81.** Sequitur prex communis. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum vel familiæ adiuncta respiciant.

#### *Tempore paschali*

Fratres caríssimi, pascháli lætítia exsultántes, Christum a mórtuis suscitátum, quem Pater constituit nostræ communionis princípium et fundaméntum, a Spíritu Sancto moti, súpplīces invocémus dicéntes:

R. *Mane nobíscum, Dómine.*

Dómine Iesu Christe,

qui post resurrectionem tuam, discipulis appárens,

eósdem pacis tuæ dono lætificásti,

— fac ut hæc família te præsentem advértat

tibíque in suavitate pacis tuæ semper adhærere conténdat. R.

Qui ad glóriam resurrectionis

per crucis humiliatióem pervenísti,

— ómnia huius familiæ membra

doce e cotidiánis étiam angústiiis

caritátis ædificáre consórtium. R.

Qui cum discipulis ad mensam accúbens,

eis in fractiōe panis teípsum agnoscéndum præbuísti,

— fac ut hæc familia  
Eucharistiæ celebratióem in communitáte participans,  
suam róboreset fidem  
suæque exhibeat pietátis testimónium. R.

Qui domum, in qua coadunáti erant discípuli,  
Spíritus Sancti replevísti virtúte,  
— eúndem Spíritum in hanc familiam immítte,  
ut ipsíus pace perfruátur et gáudio. R.

82. Vel:

*Extra tempus paschale*

Fratres caríssimi, benedictiónem Dómini super vestram famíliam imploránte, præ óculis habeámus communiónis consuetúdinem tum solum servári posse et augéri, cum ipsum Dóminum habúerit auctórem. Eum ígitur invocémus dicénte:

R. *Sanctífica nos, Dómine.*

Dómine Iesu Christe,  
per quem omnis ædificatio  
Spíritus virtúte in templum sanctum crescit,  
— fac ut hi fámuli tui in nómine coadunéntur  
earúmque vita te firmíssimo fundaménto nitátur. R.

Qui domésticam vitam cum Maríá et Ioseph sanctificásti,  
— doce omnes in hac domo habitánte  
ínvicem sui ipsíus donatióem conférre,  
qua vita familiáris régitur atque firmátur. R.

Qui membra familiæ naturális  
per christíanam initiatióem  
spiritalis fecísti familiæ consórtes,  
— fac ut hi fámuli tui  
munus suum in Ecclésia fidéliter exsequántur. R.

Qui nascéntem Ecclésiám  
cum María, Matre tua,  
in cenáculo voluísti congregátam,  
— da ut Ecclésia hæc doméstica  
a beáta Vírgine discat verba tua in corde serváre,  
in oratióne perseveráre  
aliisque se suáque aperíre. R.

83. Precibus absolutis, celebrans opportune invitat omnes præsen-  
tes ad orationem dominicam canendam vel dicendam his vel similibus  
verbis:

Præcéptis salutáribus móniti,  
et divína institutióne formáti,  
audémus dícere:

Omnes:

Pater noster, qui es in cælis ...

#### ORATIO BENEDICTIONIS

84. Tum celebrans, manibus super membra familiæ extensis, imme-  
diate subiungit:

#### *Tempore paschali*

Benedíctus es, Dómine,  
qui in véteris páschate testaménti  
pópuli tui domos  
agni ságuine linítas,  
incólumes serváre voluísti,  
quique in tuórum consummatióne signórum  
Iesum, Fílium tuum,  
pro nobis crucifíxum  
atque a mórtuis suscitátum,  
Agnum verum paschálem dedísti,



ut fidèles tuos ab inimici fraude protéctos,  
Sancti Spíritus grátia cumuláres,  
super hanc famíliam et domum  
benedictiónem tuam ✠ effúnde,  
ut caritátis gáudium inhabitántium corda refóveat.  
Per Christum Dóminum nostrum.

R. Amen.

85. Vel:

*Extra tempus paschale*

Deus ætérne,  
qui necessitatibus hóminum  
patérna pietáte consúlere non désinis:  
super hanc famíliam et domum, quæsumus,  
cópiam tuæ benedictiónis ✠ effúnde,  
et habitántes in ea grátia tuæ dono sanctífica,  
ut, in tuis præcéptis perseverántes,  
et præsens tempus rediméntes,  
ad mansiónem in cælis sibi parátam aliquándo pervéniant.  
Per Christum Dóminum nostrum.

R. Amen.

86. Vel:

Benedíctus Deus, Pater noster,  
pro hac domo quam huic famíliæ præstas habitándam.  
Spíritus tui dona in ea commorántes obtíneant  
et grátiam tuæ ✠ benedictiónis  
in operósa caritáte maniféstent,  
ut quotquot hanc domum frequentáverint  
illum semper invéniant amóris et pacis afféctum,  
cuius te solum prædicámus auctórem.  
Per Christum Dóminum nostrum.

R. Amen.

87. Post orationem benedictionis celebrans adstantes et domum aqua benedicta aspergit, dicens, pro opportunitate:

Sit hæc aqua suscepti Baptismatis memória  
et Christum récolat,  
qui Passióne et Resurrectióne sua nos redémit.  
R. Amen.

#### CONCLUSIO RITUS

88. Tum celebrans ritum concludit dicens:

Deus répleat vos omni gáudio et spe in credéndo.  
Pax Christi exsúltet in córdibus vestris.  
Spíritus Sanctus in vos sua dona profúndat.

Omnes respondent:

Amen.

89. Celebratio cantu apto laudabiliter perficitur.

### III. ORDINES BENEDICTIONIS CONIUGUM

#### PRÆNOTANDA

90. In præcipuis anniversariis Matrimonii, uti v. gr. in XXV, L, LX, opportune peculiaris memoria sacramenti habetur celebratione Missæ propriæ cum orationibus in Missali Romano indicatis.<sup>4</sup>

91. Benedictio coniugum peragi potest intra Missam, Ordinibus infra descriptis, nn. 94-106; 107-114 vel extra Missam, iuxta Ordines qui infra nn. 115-131; 132-134 exhibentur.

92. Extra anniversaria, etiam in peculiaribus vitæ necessitatibus vel adiunctis, uti esse possunt conventus spiritalis vel communis pere-

<sup>4</sup> Cf. *Missale Romanum*, Missæ Rituales, Pro Sponsis, 2. In Anniversariis Matrimonii.

grinatio, coniuges benedictionem expetere possunt. Si plures coniuges simul sunt benedicendi, oratio benedictionis et benedictio finalis plurali numero proferantur.

93. Ex his Ordinibus, elementis potioribus semper servatis, quædam sumi possunt ut celebratio adiunctis loci, coniugum et familiarum accommodetur.

A.

ORDO BENEDITIONIS INTRA MISSAM  
OCCASIONE DATA ANNIVERSARII MATRIMONII ADHIBENDUS

94. In liturgia verbi, ad normam rubricarum, sumi possunt lectiones vel ex Lectionario in celebratione Matrimonii,<sup>5</sup> vel e Missa pro gratiis Deo agendis ex Lectionario Missarum pro variis necessitatibus.<sup>6</sup>

95. Post lectionem Evangelii, celebrans in homilia, e textu sacro facienda, exponat mysterium et gratiam matrimonialis vitæ christianæ, attentis tamen diversis personarum adiunctis.

96. Deinde celebrans coniuges invitat ut orationem in silentio peragant et propositum coram Deo renovent sancte vivendi in Matrimonio.

97. Tunc celebrans, pro opportunitate, hanc orationem profert:

Famulorum tuorum, Dómine,  
amorem auge atque sanctifica;  
ut qui hos ánulos  
in fidei signum sibi mútuo tradidérunt,  
in grátiam sacraménti semper proficiant.  
Per Christum Dóminum nostrum.

R. Amen.

Et anuli incensatione honorari possunt.

<sup>5</sup> Cf. *Rituale Romanum*, Ordo celebrandi Matrimonium, nn. 67-105; *Missale Romanum*, Ordo Lectionum Missæ, nn. 801-805.

<sup>6</sup> Cf. *ibid.*, nn. 943-947.

**98.** Si vero anuli renovantur, celebrans hanc orationem benedictionis profert:

Famulorum tuorum, Dómine,  
bénedic amórem et sanctífica;  
et quibus hi ánuli sunt fidei signum,  
mútuaé mémorent dilectiónis afféctum  
gratiámque sacraménti.

Per Christum Dóminum nostrum.

R. Amen.

**99.** Adhiberi possunt etiam sequentes formulæ:<sup>7</sup>

Bénedic, Dómine, hos ánuos,  
quos in tuo nómine ✠ benedícimus;  
ut qui eos gestáverint,  
fidelitátem íntegram ínvicem tenéntes,  
in pace et voluntáte tua permáneant  
atque in mútua caritáte semper vivant.  
Per Christum Dóminum nostrum.

R. Amen.

Vel:

Fámulos tuos, Dómine,  
in suo amóre bénedic ✠ atque sanctífica;  
et quibus hi ánuli sunt fidei signum,  
mútuaé mémorent dilectiónis afféctum.  
Per Christum Dóminum nostrum.

R. Amen.

**100.** Sequitur oratio fidelium modo in Missæ celebratione consueto, vel prex communis modo qui hic proponitur:

Dei Patris omnipoténtis, qui providentíssimo suo consílio  
históriam salútis in amóre, fidelitáte (et fecunditáte) coniu-

<sup>7</sup> Cf. *Rituale Romanum*, Ordo celebrandi Matrimonium, nn. 110-111.

gáli significátam vóluit, misericórdiam invocémus dicentés:

*R. Tuórum, Dómine, rénova fidelitátem servórum.*

Pater sancte, qui fidélis vocáris  
et observántiam tui fœderis póstulas atque repéndis,  
— hos fámulos tuos,  
qui (vigésimumquíntum, quinquagésimum, sexagésimum)  
sui Matrimónii anniversárium récolunt,  
benedictiónibus tuis replére dignéris. *R.*

Qui una cum Fílio et Spíritu Sancto,  
plena vitæ unitáte  
et amóris communióne ab ætérno frúeris,  
— concéde ut quod fœdus amóris  
hi fámuli tui sacraménto pepigérunt,  
et iúgiter mémorent et fidéliter servent. *R.*

Qui omnes humánæ vitæ experiéntias  
ita in tua providéntia dispónis  
ut fidéles ad Christi mystérium participándum addúcas,  
— da ut hi fámuli tui  
próspera et advérsa plácide suscipiéntes,  
Christo adhærére eíque soli vívere conéntur. *R.*

Qui coniugále consórtium  
vitæ cristiánæ documéntum esse voluísti,  
— præsta ut omnes cóniuges  
testes fiant in mundo mystérii dilectiónis Fílii tui. *R.*

**101.** Celebrans immediate dicit, manibus extensis, hanc vel aliam aptam precem:

Deus, in cuius dispositióne  
societas familiáris firmum suum habet fundaméntum,  
famulórum tuórum preces miserátus exáudi,  
et præsta ut, exémpla sanctæ Famíliæ sectántes,

in lætítia domus tuæ te sine fine colláudent.  
Per Christum Dóminum nostrum.

R. Amen.

**102.** In liturgia eucharistica omnia fiunt secundum Ordinem Missæ præter ea quæ sequuntur.

In præsentatione donorum coniuges panem, ac vinum et aquam ad altare, pro opportunitate, deferre possunt.

**103.** Dicto *Pater* et omisso *Libera nos*, celebrans ad coniuges conversus, manibus extensis, dicit:

Te Deum, ómnium laudámus et benedícimus creatórem,  
qui virum et mulierem in princípío fecísti,  
ut vitæ et amóris societátem constitúerent;  
tibi étiam grátias ágimus  
quia famulórum tuórum N. et N.  
familiáre consórtium benedícere dignátus es,  
ut uniónis Christi cum Ecclésia imáginem exhibéret:  
eos ergo hódie cleménter réspice,  
et quorum communionem inter gáudia servásti atque labóres,  
nuptiále fœdus indesinénter répara,  
auge caritátem, vínculum pacis confírma,  
ut (cum hac qua circumdántur filiórum coróna)  
tua semper benedictióne fruántur.  
Per Christum Dóminum nostrum.

Omnes respondent:

Amen.

**104.** Dicto *Pax Dómini*, pro opportunitate et iuxta locorum consuetudines, coniuges et ceteri omnes, modo convenienti, pacem et caritatem sibi invicem significant.

**105.** Coniuges communicare possunt sub utraque specie.

**106.** In fine Missæ celebrans benedicit coniuges vel modo consueto, vel formula sollemniori, v. gr. modo sequenti:

Diaconus adstantes ad benedictionem accipiendam invitat his vel similibus verbis:

**Inclináte vos ad benedictiónem.**

Tum celebrans, manibus super coniuges extensis, dicit:

**Deus Pater omnípotens gáudium suum vobis concédát.**

**R. Amen.**

**Unigénitus Dei Fílius in prósperis et advérsis  
vobis miserátus assístat.**

**R. Amen.**

**Spíritus Sanctus caritátem in corda vestra  
semper effúndat.**

**R. Amen.**

Denique omnes adstantes benedicit, addens:

**Et vos omnes, qui hic simul adéstis,  
benedícat omnípotens Deus,  
Pater et Fílius, ✠ et Spíritus Sanctus.**

**R. Amen.**

## B.

### ORDO BENEDICTIONIS INTRA MISSAM ALIIS IN CIRCUMSTANTIIS

**107.** In liturgia verbi, ad normam rubricarum, sumi possunt lectiones ex Lectionario pro sponsis vel pro gratiis Deo reddendis.<sup>8</sup>

**108.** Post lectionem Evangelii, celebrans in homilia, e textu sacro facienda, exponat gratiam mysteriumque matrimonialis vitæ christanæ, attentis tamen diversis personarum adiunctis.

<sup>8</sup> Cf. *Missale Romanum*, Ordo Lectionum Missæ, nn. 801-805 vel nn. 943-947.

**109.** Deinde opportune celebrans coniuges invitat ut orationem in silentio peragant et propositum coram Deo renoveant sancte vivendi in Matrimonio.

**110.** Sequitur oratio fidelium modo in Missæ celebratione consueto, vel prex communis modo qui hic proponitur:

Dei Patris omnipotentis, qui providentissimo suo consilio historiam salutis in amore, fidelitate (et fecunditate) coniugali significatam voluit, misericordiam invocemus, dicentes:

*R. Tuorum, Domine, renova fidelitatem servorum.*

Pater sancte, qui coniugium  
in Christo et in Ecclesia  
mysterium magnum effecisti,  
— amoris tui plenitudinem  
in hos famulos tuos munificus infunde. *R.*

Qui una cum Filio et Spiritu Sancto,  
plena vitæ unitate  
et amoris communione ab æterno fruëris,  
— concede ut hi famuli tui,  
föderis amoris memores quod sacramento pepigerunt,  
totius vitæ decursu se invicem confirment. *R.*

Qui omnes humanæ vitæ experientias  
ita in tua providentia disponis  
ut fideles ad Christi mysterium participandum adducas,  
— da ut hi famuli tui  
prospera et adversa placide suscipientes,  
Christo adhærere eique soli vivere conentur. *R.*

Qui coniugale consortium  
vitæ christianæ documentum esse voluisti,  
— præsta ut omnes coniuges,  
testes fiant in mundo mysterii dilectionis Filii tui. *R.*



111. Celebrans orationem concludit, manibus extensis, dicens:

Deus, qui indissolúbile coniúgii fœdus  
ad tantam evexisti dignitatem,  
ut Christi Fílii tui nuptiális cum Ecclesiá uniónis  
fieret sacraméntum,  
réspecte propítius hos fámulos tuos N. et N.,  
qui coniugáli iuncti consórtio,  
auxílium tuum implórant  
et Vírginis Mariæ subsidium deprecántur:  
inter próspera et advérsa  
mútuam sibi præbeant caritatem,  
adiutórium ínvicem præstántes,  
solliciti serváre unitatem spíritus  
in vínculo pacis;  
te, Dómine, in labóribus sibi gáudeant adesse ut fáveas,  
te séntiant in necessitatibus adstáre ut lénias,  
te fontem lætitiæ semper agnóscant ut ímpleas.  
Per Christum Dóminum nostrum.

Omnes respondent:

Amen.

112. In liturgia eucharistica omnia fiunt secundum Ordinem Missæ præter ea quæ sequuntur.

In præsentatione donorum, coniuges panem ac vinum et aquam ad altare, pro opportunitate, deferre possunt.

113. Dicto *Pax Dómini*, pro opportunitate et iuxta locorum consuetudines, coniuges et ceteri omnes, modo convenienti, pacem et caritatem sibi invicem significant.

114. In fine Missæ celebrans benedicit coniuges vel modo consueto vel formula sollemniori, v. gr. modo sequenti:

Diaconus adstantes ad benedictionem accipiendam invitat his vel similibus verbis:

Inclináte vos ad benedictiónem.

Tum celebrans, manibus super coniuges extensis, dicit:  
Deus Pater omnípotens gáudium suum vobis concédât.  
R. Amen.

Unigénitus Dei Fílius in prósperis et advérsis  
vobis miserátus assístat.  
R. Amen.

Spíritus Sanctus caritátem in corda vestra  
semper effúndat.  
R. Amen.

Denique omnes adstantes benedicit, addens:  
Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.  
R. Amen.

### C.

#### ORDO BENEDICTIONIS EXTRA MISSAM

**115.** Ordo, qui hic præbetur, adhiberi potest etiam a diacono et a laico ritibus et precibus pro ipso prævisis.

**116.** Ex hoc Ordine, semper servatis elementis potioribus, quædam sumi possunt ut celebratio adiunctis loci et coniugum accommodetur.

Quando coniuges benedicendi sunt sine communitate, minister Ritus breviorē adhibere potest, qui in fine huius Ordinis, nn. 132-134, exhibetur.

#### RITUS INITIALES

**117.** Communitate congregata, cani potest Psalmus 33 (34) vel alius cantus aptus. Cantu expleto, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**118.** Deinde minister, si est sacerdos vel diaconus, adstantes salutatur dicens:

Grátia vobis et pax a Deo Patre,  
qui fœdus nuptiále  
ad sacraméntum Christi et Ecclésiæ provéxit.

vel alia apta verba e Scripturis Sacris præsertim deprompta.

Omnes respondent:

Et cum spírítu tuo.

vel alio apto modo.

---

**119.** Si vero minister est laicus, adstantes salutatur, dicens:

Benedíctus Deus, Pater totíus consolatiónis,  
qui fecit nobíscum misericórdiam suam.

Omnes respondent:

Amen.

---

**120.** Tum minister, in anniversariis Matrimonii, coniuges et adstantes ad benedictionem excipiendam disponit his vel similibus verbis:

Huc convénimus ad recoléndum anniversárium celebratiónis matrimónii horum fratrum nostrórum. Dum gáudium eórum participámus, cum ipsis grátias ágimus. Deus eos constituit amóris sui signum in mundo, ipsique annórum decúrsu fidelitátem servavérunt (offíciá patris et matris digne persolvé-

runt). Grátias étiam reddámus, fratres caríssimi, pro ómnibus beneficiis quæ in coniugáli vita vestra a Dómino accepístis. Deus vos in mútuo servet amóre, ut in dies cor unum semper sitis et ánima una.

Aliis in circumstantiis opportune monitio erit aptanda.

#### LECTIO VERBI DEI

**121.** Deinde lector vel unus ex adstantibus, legit textum Sacrarum Scripturarum, ex iis potissimum selectum qui in Ordine celebrandi Matrimonium et in Lectionario Missarum pro sponsis et pro gratiis Deo reddendis indicantur.<sup>9</sup> Seligantur autem textus qui coniugum adiuncta melius respicere videantur.

1 Cor 1, 4-9 « *Gratias Deo in gratia Dei quæ data est vobis* ».

Audíte, fratres, verba Pauli apóstoli ad Corínthios.

Grátias ago Deo meo semper pro vobis in grátia Dei, quæ data est vobis in Christo Iesu, quia in ómnibus dívites facti estis in illo, in omni verbo et in omni sciéntia, sicut testimónium Christi confirmátum est in vobis, ita ut nihil vobis desit in ulla donatióne, exspectántibus revelatióem Dómini nostri Iesu Christi; qui et confirmábit vos usque ad finem sine crímine in die Dómini nostri Iesu Christi. Fidélis Deus, per quem vocáti estis in communióne Fílii eius Iesu Christi Dómini nostri.

**122.** Pro opportunitate dici vel cani potest psalmus responsorius aut alius cantus aptus.

Ps 127 (128), 1-2. 3. 4-5

R. (cf. 1) *Beáti omnes qui timent Dóminum.*

<sup>9</sup> Cf. *Rituale Romanum*, Ordo celebrandi Matrimonium, nn. 67-105; *Missale Romanum*, Ordo Lectionum Missæ, nn. 801-805 vel 943-947.

**123.** Post lectionem opportune minister breviter illustrat textum sacrum, gratiamque et mysterium matrimonialis vitæ christianæ exponit, ut adstantes sensus celebrationis fide percipiant.

Deinde minister coniuges invitat ut orationem in silentio peragant et propositum coram Deo renovent sancte vivendi in Matrimonio.

**124.** Tunc minister, in anniversariis Matrimonii, hanc orationem pro opportunitate profert:

Famulorum tuorum, Dómine,  
amorem auge atque sanctifica;  
ut qui hos ánulos  
in fidei signum sibi mútuo tradiderunt,  
in grátiam sacraménti semper proficiant.  
Per Christum Dóminum nostrum.

R. Amen.

Et anuli incensatione honorari possunt.

**125.** Si vero anuli renovantur, minister eos benedicit, dicens:

Famulorum tuorum, Dómine,  
amorem bédedic atque sanctifica;  
et quibus hi ánuli sunt fidei signum,  
mútuae mémorent dilectiónis afféctum  
gratiámque sacraménti.  
Per Christum Dóminum nostrum.

R. Amen.

**126.** Adhiberi possunt a sacerdote vel diacono etiam sequentes formulæ:<sup>10</sup>

Bédedic, Dómine, hos ánulos,  
quos in tuo nómine ✠ benedícimus;  
ut qui eos gestáverint,

<sup>10</sup> Cf. *Rituale Romanum*, Ordo celebrandi Matrimonium, nn. 110-111.

fidelitatem integram invicem tenentes,  
in pace et voluntate tua permaneant  
atque in mutua caritate semper vivant.

Per Christum Dominum nostrum.

R. Amen.

Vel:

Fámulos tuos, Dómine,  
in suo amore benedic ✠ atque sanctifica;  
et quibus hi ánuli sunt fidei signum,  
mutuæ memorent dilectionis affectum.

Per Christum Dominum nostrum.

R. Amen.

#### PRECES

**127.** Sequitur prex communis. Ex intercessionibus quæ infra proponuntur, minister seligere potest eas, quæ aptiores videantur, vel alias adicere, quæ peculiaria coniugum vel rerum adiuncta respiciant.

Dei Patris omnipotentis, qui providentissimo suo consilio historiam salutis in amore, fidelitate (et fecunditate) coniugali significatam voluit, misericordiam invocemus dicentes:

R. *Tuorum, Dómine, rénova fidelitatem servorum.*

Pater sancte, qui coniúgium  
in Christo et in Ecclesia  
mysterium magnum effecisti,  
— amoris tui plenitudinem  
in hos fámulos tuos muníficus infúnde. R.

---

In annuali vel in XXV, L, LX matrimonii anniversario die:

Pater sancte, qui fidélis vocáris  
et observántiam tui fœderis póstulas et remuneráris,

— hos fámulos tuos,  
qui annuále (vel: vigesimumquíntum,  
quinguagésimum, sexagésimum)  
sui Matrimónii anniversárium récolunt,  
benedictiónibus tuis replére dignéris. R.

---

Qui una cum Fílio et Spíritu Sancto,  
plena vitæ unitáte  
et amóris communióne ab ætérno frúeris,  
— concéde ut hi fámuli tui  
fóderis amóris mémoires quod sacraménto pepigérunt,  
totíus vitæ decúrsu se ínvicem confírment. R.

Qui omnes humánæ vitæ experiéntias  
ita in tua providéntia dispónis  
ut fidéles ad Christi mystérium participándum addúcas,  
— da ut hi fámuli tui  
próspera et advérsa plácide suscipiéntes,  
Christo adhærére eíque soli vívere conéntur. R.

Qui coniugále consórtium  
vitæ cristiánæ documéntum esse voluísti,  
— præsta ut omnes cóniuges,  
testes fiant in mundo mystérii dilectiónis Fílii tui. R.

#### ORATIO BENEDICTIONIS

**128.** Minister, manibus extensis, si est sacerdos vel diaconus, secus vero manibus iunctis benedictionis orationem profert, formula selecta secundum rerum adiuncta.

a) *In annuali, XXV, L, LX matrimonii anniversario die*

Te Deum, ómnium laudámus et benedícimus creatórem,  
qui virum et mulierem in princípio fecísti,

ut vitæ et amoris societatem constituerent;  
tibi etiam gratias agimus  
quia famulorum tuorum N. et N.  
familiare consortium benedicere dignatus es,  
ut unionis Christi cum Ecclesia imaginem exhiberet:  
eos ergo hodie clementer respice,  
et quorum communionem inter gaudia servasti et labores,  
nuptiale foedus indesinenter repara,  
auge caritatem, vinculum pacis confirma,  
ut (cum hac qua circumdantur filiorum corona)  
tua semper benedictione fruantur.  
Per Christum Dominum nostrum.

R. Amen.

b) *Aliis in circumstantiis*

Deus, qui indissolubile coniugii foedus  
ad tantam evexisti dignitatem  
ut Christi Filii tui nuptialis cum Ecclesia unionis  
fieret sacramentum,  
respice propitius hos famulos tuos N. et N.,  
qui coniugali iuncti consortio,  
auxilium tuum implorant  
et Virginis Mariæ subsidium deprecantur:  
inter prospera et adversa  
mutuam sibi præbeant caritatem,  
adiutorium invicem præstantes,  
sollíciti servare unitatem spiritus  
in vinculo pacis;  
te, Domine, in laboribus sibi gaudeant adesse ut faveas,  
te sentiant in necessitatibus adstare ut lenias,  
te fontem lætitiæ semper agnoscant ut impleas.  
Per Christum Dominum nostrum.

R. Amen.



---

CONCLUSIO RITUS

**129.** Tum minister, si est sacerdos vel diaconus, ritum concludens primum coniuges benedicit manibus ad eos extensis:

Deus Pater omnípotens gáudium suum vobis concédât.

R. Amen.

Unigénitus Dei Fílius in prósperis et advérsis  
vobis miserátus assístat.

R. Amen.

Spíritus Sanctus caritátem in corda vestra  
semper effúndat.

R. Amen.

Denique adstantes benedicit, addens:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

Omnes respondent:

Amen.

---

**130.** Si vero minister est laicus, ritum concludit seipsum signans et dicens:

Deus répleat nos omni gáudio et spe in credéndo.  
Pax Christi exsúltet in córdibus nostris.  
Spíritus Sanctus in nos sua dona profúndat.

Omnes respondent:

Amen.

---

**131.** Celebratio cantu apto laudabiliter perficitur.

## D.

## RITUS BREVIOR

**132.** Minister dicit:

**v.** Adiutórium nostrum in nómine Dómini.

Omnes respondent:

**R.** Qui fecit cælum et terram.

**133.** Tunc ab uno ex adstantibus vel ab ipso ministro legitur textus Sacrae Scripturae, v. gr.:

Mc 10, 8-9: Non sunt duo, sed una caro. Quod ergo Deus coniúnxit, homo non séparet.

Io 15, 9. 10. 11: Manéte in dilectiône mea. Si præcépta mea servavéritis, manébitis in dilectiône mea, ut gáudium meum in vobis sit, et gáudium vestrum impleátur.

**134.** Deinde minister, si est sacerdos vel diaconus, manibus extensis, secus vero manibus iunctis, benedictionis aptam orationem profert, formula selecta secundum rerum adiuncta:

a) *In annuali, XXV, L, LX matrimonii anniversario die*

Te Deum, ómnium laudámus et benedícimus creatórem,  
qui virum et mulierem in princípio fecísti,  
ut vitæ et amóris societátem constitúerent;  
tibi étiam grátias ágimus  
quia famulórum tuorum N. et N.  
familiáre consórtium benedícere dignátus es,  
ut uniónis Christi cum Ecclésia imáginem exhibéret:  
eos ergo hódie cleménter réspice,  
et quorum communiónem inter gáudia servásti et labóres,  
nuptiále fœdus indesinénter répara,  
auge caritátem, vínculum pacis confírma,

ut (cum hac qua circumdantur filiórum coróna)  
tua semper benedictióne fruántur.  
Per Christum Dóminum nostrum.

R. Amen.

b) *Aliis in circumstantiis*

Deus, qui indissolúbile coniúgii fœdus  
ad tantam evexisti dignitatem  
ut Christi Filii tui nuptiális cum Ecclesia uniónis  
fieret sacramentum,  
réspice propítius hos fámulos tuos N. et N.,  
qui coniugáli iuncti consórtio,  
auxílium tuum implórant  
et Vírginis Mariæ subsidium deprecántur:  
inter próspera et advérsa  
mútuam sibi præbeant caritatem,  
adiutórium ínvicem præstántes,  
sollíciti serváre unitatem spíritus  
in vínculo pacis;  
te, Dómine, in labóribus sibi gáudeant adesse ut fáveas,  
te séntiant in necessitatibus adstáre ut lénias,  
te fontem lætitiæ semper agnóscant ut ímpleas.  
Per Christum Dóminum nostrum.

R. Amen.

#### IV. ORDINES BENEDICTIONIS PUERORUM

##### PRÆNOTANDA

135. Variæ haberi possunt occasiones pastorales in quibus Deus exoratur pro pueris iam baptizatis, v. gr. cum parentes pro eis benedictionem sacerdotis petunt, cum quædam festa pro pueris aguntur,

cum annus scholaris inchoatur et aliæ huiusmodi. Hæc ergo celebratio peculiaribus adiunctis accommodanda est.

**136.** Ordines, qui hic præbentur, adhiberi possunt a sacerdote, a diacono et etiam a laico, præsertim a catechista et ab illo cui puerorum educatio concredita est, ritibus et precibus pro laicis prævisis.

**137.** Ex his Ordinibus, elementis potioribus semper servatis, quædam sumi possunt ut celebratio adiunctis familiarum et puerorum accommodetur.

**138.** Si de uno tantum agitur puero benedicendo, minister orationem benedictionis numero singulari proferat vel, si casus ferat, Ritus breviorum adhibeat, qui in fine Ordinum nn. 170-172 exhibetur.

#### A.

### ORDO BENEDICTIONIS PUERORUM IAM BAPTIZATORUM

#### RITUS INITIALES

**139.** Communitate congregata, cani potest Psalmus 112 (113) vel alius cantus aptus. Cantu expleto, minister dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

**140.** Deinde minister, si est sacerdos vel diaconus, pueros et adstantes salutat, dicens:

Grátia vobis et pax  
a Deo Patre nostro,  
et a Filio eius Iesu Christo  
qui amórem suum púeris manifestávit.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**141.** Si vero minister est laicus, pueros et adstantes salutatur, dicens:

Fratres, Dóminum laudémus, eíque grátias agámus  
qui compléxans párvulos,  
benedicébat eos.

Omnes respondent:

Benedíctus Deus in sácula.

vel:

Amen.

---

**142.** Tum minister pueros et adstantes ad benedictionem accipiendam disponit his vel similibus verbis:

Fílius Dei, Dóminus noster, in mundum véniens, formam assúmpsit púeri, qui proficiébat sapiéntia, ætáte et grátia apud Deum et hómines. Ipse póstea púeros benígne excépit et benedíxit, eórum dignitátem éxtulit, immo eósdem exémpulum propósuit iis qui vere regnum Dei quærunt. Attamen púeri adultórum índigent adiutório ut genuínas dotes atque virtútes tum moráles et intellectuáles, tum étiam phýsicas evolvéntes, ad maturitátem humánam atque christiánam felíciter pervéniant. Super illos ígitur benedictiónem divínam invocémus, ut et nos eórum institutióni alácriter consulámus, et ipsi débitam disciplínam libénter amplectántur.

143. Deinde lector vel unus ex adstantibus vel ipse minister legit textum e Sacra Scriptura.

Mc 10, 13-16 « *Iesus benedicebat parvulos* ».

Audíte, fratres, verba sancti Evangélii secúndum Marcum.

Offerébant Iesu párvulos, ut tángeret illos; discípuli autem comminabántur eis. At videns Iesus, indígne tulit et ait illis: « Sínite párvulos veníre ad me. Ne prohibuéritis eos; tálíum est enim regnum Dei. Amen dico vobis: Quisquis non recéperit regnum Dei velut párvulus, non intrábit in illud ». Et compléxans eos benedicébat impónens manus super illos.

144. Vel:

Mt 18, 1-5. 10 « *Qui suscepit unum parvulum, me suscipit* ».

Audíte, fratres, verba sancti Evangélii secúndum Matthæum.

In illa hora accessérunt discípuli ad Iesum dicéntes: « Quis putas maior est in regno cælórum? ». Et ádvocans párvulum, státuit eum in médio eórum et dicit: « Amen dico vobis: Nisi convérsi fuéritis et efficiámini sicut párvuli, non intrábitis in regnum cælórum. Quicúmque ergo humiliáverit se sicut párvulus iste, hic est maior in regno cælórum. Et qui suscepit unum párvulum talem in nómine meo, me súscipit.

Vidéte, ne contemnátis unum ex his pusillis; dico enim vobis, quia ángeli eórum in cælis semper vident fáciem Patris mei, qui in cælis est ».

145. Vel:

Mt 19, 13-15 « *Sinite parvulos ad me venire* ».

Obláti sunt Iesu párvuli ...

Mt 21, 14-16 « *Ex ore infantium et lactantium perfecisti laudem* ».

Accessérunt ad Iesum cæci et claudi ...

Lc 2, 46-52 « *Iesus proficiebat sapientia et ætate et gratia* ».

Post tríduum María et Ioseph invenérunt púerum Iesum ...

**146.** Qui præest, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant. Allocutio vero sit brevis et puerorum captui accommodata, ita tamen ut etiam adulti ex ea fructum capere possint.

**147.** Post lectionem vel post allocutionem opportune canitur psalmus, hymnus vel alius cantus pueris notus.

Ps 99 (100), 2. 3. 4. 5

R. (3c) *Nos pópulus eius et oves páscuæ eius.*

Ps 150, 1-2. 3-4. 5

R. (5c) *Omne quod spirat, laudet Dóminum.*

#### PRECES

**148.** Sequitur prex communis. Ex intercessionibus quæ infra proponuntur, minister seligere potest eas quæ aptiores videantur vel alias adicere quæ peculiaria puerorum vel rerum adiuncta respiciant.

Duo præbentur schemata quorum alterum specimen est precum, quibus pueri respondere possunt et etiam proprias intentiones addere.

A. Dóminum Iesum, qui ómnibus se sequéntibus simplicitátem et docilitátem puerórum tamquam condicióem propósuit ad ingrediéndum regnum cælórum, súpplīces invocémus dicéntes:

R. *Da nobis, Dómine, ut et in párvulis te suscipiámus.*

Dómine Iesu,  
qui natus ex Vírgine,  
infántiæ quoque condicióem sanctificásti,  
— concéde ut hi púeri  
tuum sequéntes exémplum,  
sapiéntia, ætáte et grátia proficiant. R.

Qui púeris  
per paréntes et per Ecclésiám

amóris tui suavitátem osténdis,  
— concéde ut omnes quorum curæ committúntur  
in ipsórum ánimis excoléndis  
sédulo adlabórent. R.

Qui nos omnes in Baptísimo  
ad novam infántiam genuísti  
nobísque domus Patris tui iánuam aperuísti,  
— concéde ut quocúmque nos dúcere velis  
te semper húmili sequámur obséquio. R.

Qui adhuc infans  
persecutiómem et exílium expértus es,  
— concéde ut omnes púeri,  
quod hóminum temporúmque premit iníquitas,  
auxílium invéniant atque tutelam. R.

149.

B. Dómine Iesu, qui púeros excepísti ac benedixísti,  
audi benígne preces nostras:

*Te rogámus, audi nos.*

Prótege nos ab ómnibus perículis.

*Te rogámus, audi nos.*

Dirige vitam et educatiómem nostram.

*Te rogámus, audi nos.*

Concéde ut et nos sapiéntia, ætáte et grátia apud Patrem  
et hómines proficiámus.

*Te rogámus, audi nos.*

Adiuva omnes púeros nostræ ætátis.

*Te rogámus, audi nos.*



Fac ut pro tuæ benevoléntiæ donis, grátias tibi referámus.  
*Te rogámus, audi nos.*

Bénedic paréntes, amícos et benefactóres nostros.  
*Te rogámus, audi nos.*

#### ORATIO BENEDICTIONIS

**150.** Tum minister, si est sacerdos vel diaconus, pro opportunitate, manus super pueros imponens, benedictionis orationem profert:

Dómine, Deus noster,  
qui nóminis tui laudem  
ex ore infántium perfecísti,  
réspice benígnus hos párvulos (hunc párvulum / hanc párvulam)  
quos (quem/quam) fides Ecclésiæ pietáti tuæ comméndat;  
et, sicut Fílius tuus, e Vírgine natus,  
púeros libénter suscepít,  
compléxans benedíxit  
et exémplum ómnibus propósuit imitándum,  
ita effúnde, Pater, super eos (eum/eam) benedictiónem tuam,  
ut cum adoléverint (adoléverit)  
per conversatióem inter hómínes bonam,  
Spíritus Sancti operánte virtúte,  
Christi testes efficiántur (efficiátur) in mundo  
fidémque diffúndant (diffúndat)  
atque deféndant (deféndat).  
Per Christum Dóminum nostrum.  
R. Amen.

---

**151.** Si vero minister est laicus, manibus iunctis, dicit:

Dómine Iesu Christe,  
qui tanto párvulos es prosecútus amóre,

ut qui illos suscepissent te suscipere dixeris:  
preces nostras pro his párvulis  
(hoc párvulo/hac párvula) exáudi,  
et, quos (quem/quam) Baptísmatis grátia cumulásti,  
contínua protectióne custódi,  
ut, cum adoléverint (adoléverit) líbera te fide  
confiteántur (confiteátur)  
in caritaté sint férvidi (sit férvidus/sit férvida),  
et in regni tui spe fórtiter perseverént (persevéret).  
Qui vivis et regnas in sácula sæculórum.

R. Amen.

---

**152.** Post orationem benedictionis, minister pueros aqua benedicta aspergere potest, dicens, pro opportunitate:

Sit hæc aqua suscépti Baptísmatis memória  
et Christum récolat,  
qui Passióne et Resurrectióne sua nos redémit.

R. Amen.

#### CONCLUSIO RITUS

**153.** Tum minister, si est sacerdos vel diaconus, ritum concludit dicens:

Dóminus Iesus, qui púeros diléxit,  
vos benedícat et in suo amóre custódiat.

Omnes respondent:

Amen.

---

**154.** Si vero minister est laicus, seipsum signans, ritum concludit dicens:

Dóminus Iesus, qui púeros diléxit,  
nos benedícat et in suo amóre custódiat.

Omnes respondent:

Amen.

---

**155.** Laudabiliter cantu apto celebratio perficitur.

## B.

### ORDO BENEDICTIONIS PARVULI NONDUM BAPTIZATI

**156.** Occasione data alicuius cœtus, qui ad præparationem Baptismi proxime celebrandi congregetur, opportunum esse potest super infantem nondum baptizatum peculiarem invocare benedictionem, tamquam super catechumenum. Sic enim in praxi pastoralis melius illustrari potest significatio crucis super infantem a ministro et a parentibus descriptæ, qua exprimitur puerum signo salutis muniri, Deo iam dicari et ad Baptismum suscipiendum disponi.

**157.** Ordo, qui hic præbetur, adhiberi potest etiam a diacono et a laico, præsertim a catechista, ritibus et precibus pro ipso prævisis.

### RITUS INITIALES

**158.** Familia congregata, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**159.** Deinde minister, si est sacerdos vel diaconus, parvulum et adstantes salutatur, dicens:

Grátia vobis et pax  
a Deo Patre nostro,  
et a Filio eius Iesu Christo  
qui amórem suum púeris manifestávit.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel:

Benedíctus Deus in sácula.

vel alio apto modo.

---

**160.** Si vero minister est laicus, parvulum et adstantes salutatur dicens:

Fratres, Dóminum laudémus, eíque grátias agámus  
qui compléxans párvulos  
benedicébat eos.

Omnes respondent:

Benedíctus Deus in sácula.

vel:

Amen.

---

**161.** Tum minister adstantes ad celebrationem disponit his vel similibus verbis:

Fílius Dei, Dóminus noster, in mundum véniens, formam  
assúmpsit púeri, qui proficiébat sapiéntia, ætáte et grátia

apud Deum et homines. Ipse postea pueros benigne excipit et benedixit, eorum dignitatem extulit, immo eisdem exemplum proposuit iis qui vere regnum Dei quaerunt.

Attamen pueri adultorum indigent adiutorio ut genuinas doctes atque virtutes tum morales tum intellectuales, tum etiam physicas evolvētes, ad maturitatem humanam atque christianam feliciter perveniant.

Super illos igitur benedictionem divinam invocemus ut et nos eorum institutioni alacriter consulamus, et ipsi debitam disciplinam libenter amplectantur.

#### LECTIO VERBI DEI

**162.** Deinde unus ex adstantibus vel ipse minister legit textum Sacrarum Scripturarum, ex iis potissimum selectum qui in Ordinibus Baptismi parvulorum et Initiationis christianae adultorum et in Lectionario Missalis Romani indicantur.<sup>11</sup> Seligatur autem lectio, quae magis apta videatur ut parentes ad filii Baptismum opportune praeparantur.

Mc 10, 13-16 « *Iesus benedicebat parvulos* ».

Audite, fratres, verba sancti Evangelii secundum Marcum.

Offerēbant Iesu parvulos, ut tangeret illos; discipuli autem comminabāntur eis. At videns Iesus, indigne tulit et ait illis: « Sinite parvulos venire ad me. Ne prohibueritis eos; talium est enim regnum Dei. Amen dico vobis: Quisquis non receperit regnum Dei velut parvulus, non intrabit in illud ». Et complēxans eos benedicēbat impōnens manus super illos.

**163.** Qui praest, pro opportunitate adstantes alloquitur, lectionem biblicam illustrans, ut sensum celebrationis fide percipiant.

<sup>11</sup> Cf. *Rituale Romanum*, Ordo Baptismi parvulorum, nn. 186-215, Ordo Initiationis christianae adultorum, n. 388; *Missale Romanum*, Ordo Lectionum Missae, nn. 751-763.

164. Post lectionem vel post allocutionem opportune canitur psalmus, hymnus vel alius cantus.

Ps 150, 1-2. 3-4. 5

R. (5c) *Omne quod spirat, laudet Dóminum.*

#### PRECES

165. Sequitur communis prex. Ex intercessionibus quæ infra proponuntur, minister seligere potest eas quæ aptiores videantur vel alias adicere quæ peculiaria parvuli vel rerum adiuncta respiciant.

Dóminum Iesum, qui ómnibus se sequéntibus simplicitátem cordis et docilitátem fidéntem puerórum tamquam condició-nem propósuit pro ingrèssu in regnum cælórum, súpplīces invocémus dicéntes:

R. *Da nobis, Dómine, ut et in párvulis te suscipiámus.*

Dómine Iesu,  
qui non ex carne neque ex sáanguine  
sed ex Deo vis  
ut novi filii Ecclésiæ generéntur,  
— fac ut dum Baptísmini celebrándi tempus exspectátur,  
eiusdem celebrátio plénius præparétur. R.

Qui huic párvulo  
per paréntes et per Ecclésiám  
amóris tui suavitétem osténdis,  
— concéde ut omnes quorum curæ commítitur,  
in ipsíus ánimo excoléndo,  
sédulo adlabórent. R.

Qui nos omnes in Baptísimo  
ad novam infántiam generásti  
nobísque domus Patris tui iánuam aperuísti,  
— concéde, ut quocúmque nos dúcere velis  
te semper húmili sequámur obséquio. R.

Qui adhuc infans  
persecutiónem et auxiliúm expértus es,  
— concéde ut omnes púeri,  
quos hóminum temporúmque premit iníquitas,  
auxiliúm invéniant atque tutelám. R.

## ORATIO BENEDICTIONIS

**166.** Tum minister, si est sacerdos vel diaconus, manus super parvulum imponens, secus vero manibus iunctis benedictionis orationem profert:

Deus, Pater omnípotens,  
fons benedictiónum et infántium custos,  
qui filiórum dono  
coniúgium ditas gaudióque perfúndis:  
párvulum hunc benígnus réspice,  
et ex aqua et Spíritu Sancto regenerándum  
in gregem tuum ascríbere dignéris,  
ut, Baptísmatis dono suscepto,  
regni tui consors efficiátur  
et nobíscum, in Ecclésia, te benedícere discat.  
Per Christum Dóminum nostrum.

R. Amen.

**167.** Minister et parentes signant signo crucis parvulum in fronte, nihil dicentes.

## CONCLUSIO RITUS

**168.** Tum minister, si sacerdos est vel diaconus, ritum concludit dicens:

Dóminus Iesus, qui púeros diléxit,  
vos benedícat et in suo amóre custódiat.

---

169. Si vero minister est laicus, seipsum signans, ritum concludit dicens:

Dóminus Iesus, qui púeros diléxit,  
nos benedícat et in suo amóre custódiat.

---

Omnes respondent:

Amen.

C.

#### RITUS BREVIOR

170. Minister dicit:

¶. Adiutórium nostrum in nómine Dómini.

Omnes respondent:

R. Qui fecit cælum et terram.

171. Tunc ab uno ex adstantibus vel ab ipso ministro legitur textus Sacrae Scripturae, v. gr.:

Mc 10, 14: Sínite párvulos veníre ad me. Ne prohibuéritis eos; tálíum est enim regnum Dei.

Mt 18, 3: Amen dico vobis: Nisi convérsi fuéritis et efficiámini sicut párvuli, non intrábitis in regnum cælórum.

Mt 18, 5: Qui suscepérit unum párvulum talem in nómine meo, me súscipit.

1 Cor 14, 20: Fratres, nolíte púeri éffici sénsibus, sed malítia párvuli estóte, sénsibus autem perfécti estóte.



172. Deinde minister, si est sacerdos vel diaconus, manus super puerum imponens, secus vero manibus iunctis, benedictionis aptam orationem profert:

a) *Pro puero iam baptizato*

Dómine Iesu Christe,  
qui tanto párvulos es prosecútus amóre,  
ut qui illos suscepíssent te suscipere díxeris:  
preces nostras pro hoc párvulo exáudi,  
et, quem (quam) Baptísmatis grátia cumulásti,  
contínua protectióne custódi,  
ut, cum adoléverit líbera te fide confiteátur  
in caritáte sit férvidus (sit férvida),  
et in regni tui spe fórtiter persevéret.  
Qui vivis et regnas in sácula sáculórum.

R. Amen.

b) *Pro puero nondum baptizato*

Deus, Pater omnípotens,  
fons benedictiónum et infántium custos,  
qui filiórum dono  
coniúgium ditas gaudióque perfúndis:  
párvulum hunc benígnus réspice,  
et ex aqua et Spíritu Sancto regenerándum  
in gregem tuum ascríbere dignéris,  
ut, Baptísmatis dono suscepto,  
regni tui consors efficiátur  
et nobíscum, in Ecclésia, te benedícere discat.  
Per Christum Dóminum nostrum.

R. Amen.

---

## FORMULA BREVIS

**173.** Pro opportunitate, sacerdos vel diaconus adhibere potest sequentem formulam brevem benedictionis:

Dóminus Iesus  
qui púeros diléxit  
te N. benedícat ✠  
et in suo amore custódiat.

R. Amen.

## V. ORDO BENEDICTIONIS FILIORUM

## PRÆNOTANDA

**174.** Iesu, teste Evangelio, parvuli offerebantur ut eis benediceret et manus imponeret. Id genus autem benedictionis parentes christiani etiam filiis suis impertiri percipiunt. Immo, in traditionibus populorum magno in honore habetur benedictio filiorum quæ ab ipsis parentibus impertiatur. Quod fieri potest peculiaribus in adiunctis vitæ filiorum vel etiam cum familia simul congregatur ad orationem faciendam vel ad meditationem Sacræ Scripturæ suscipiendam.

**175.** Si forte adsit sacerdos vel diaconus, præsertim occasione data visitationis, qua, definitis certisque temporibus, singulas familias pastores adeunt benedicendi, tunc ad eosdem opportunius pertinet hoc benedicendi ministerium.

**176.** Ordo igitur, qui hic præbetur, adhiberi potest tum a parentibus, tum a sacerdote, vel a diacono qui, potioribus elementis ac ritus structura servatis, adiunctis singulas partes aptabunt.

**177.** Si vero filius vel filii benedicendi sunt in alia benedictionis celebratione, adhiberi potest formula brevis quæ in fine huius Ordinis, n. 194, exhibetur.

**178.** Si filius infirmus est benedicendus, adhiberi potest ritus qui in capite II, nn. 313-316 exhibetur.

---

ORDO BENEDICTIONIS

## RITUS INITIALES

179. Familia congregata, ille qui præest dicit:  
In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

180. Deinde, si ille qui præest est sacerdos vel diaconus, adstantes salutat dicens:

Grátia vobis a Deo Patre,  
qui nos suæ adoptiónis fílios effécit.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio modo apto.

---

181. Si vero ille qui præest est laicus, adstantes salutat dicens:  
Laudémus, fratres, Deum Patrem,  
qui nos suæ adoptiónis fílios effécit.

Omnes respondent:

Ipsi glória in sæcula.

vel:

Amen.

---

**182.** Tum ille qui præest filios et adstantes ad benedictionem accipiendam disponit his vel similibus verbis:

Iure novellis olivárum in circúitu mensæ domésticæ filii famílias comparántur in psalmo: ipsi enim non solum signum sunt et auspícium divínæ benedictiónis, sed Dei ipsíus efficácem testántur præsentiam, qui dum donat in filiis fecunditátem, exsultatióem in família multiplicat et magníficat lætítiam. Non solum ergo máxima debétur filiis reveréntia sed ad Dei amórem ac timórem ipsi tempestíve instituántur opórtet, ut, officiórum suórum cónscii, sapiéntia proficiant et grátia, et quæcúmque sunt vera et iusta et sancta cogitántes iam et agéntes, Christi fiant testes in mundo eiúsque Evangélii præcónes.

#### LECTIO VERBI DEI

**183.** Deinde unus ex adstantibus vel ipse qui præest legit textum Sacrarum Scripturarum:

Mt 19, 13-15 « *Sinite parvulos ad me venire!* ».

Audíte, fratres, verba Evangélii secundum Matthæum.

In illo témpore, obláti sunt Iesu párvuli, ut manus eis impóneret et oráret; discípuli autem increpábant eis. Iesus vero ait: « *Sinite párvulos et nolite eos prohibére ad me venire; tálíum est enim regnum cælórum* ». Et cum imposuísset eis manus, ábiit inde.

**184.** Vel:

Tob 4, 5-7. 19 « *Fili, memor esto præceptorum meorum* ».

Audíte, fratres, verba libri Thobis.

Omnibus diébus tuis, fili, Dóminum in mente habe et noli velle peccáre et præteríre præcépta illíus. Iustítiam fac ómni-

bus diébus vitæ tuæ et noli ire in vias iniquitátis, quóniam, agente te veritátem, próspera erunt itínera in opéribus tuis et in ómnibus, qui faciunt iustítiam. Ex substántia tua, fili, fac eleemósynam et noli avértere fáciem tuam ab ullo páupere, ne a te avertátur fácies Dei. Omni témpore bénedic Dóminum et póstula ab illo, ut dirigántur vitæ tuæ et omnes sémitæ tuæ et consília bene disponántur, quóniam omnes gentes non habent consílium bonum, sed ipse Dóminus dabit ipsis bonum consílium. Quem enim volúerit, álleuat, et, quem volúerit, Dóminus demérgit usque ad íferos deórsum. Et nunc, fili, memor esto præceptórum meórum, et non deleántur de corde tuo.

185. Vel:

Prov 4, 1-7 « *Audite, filii disciplinam patris* ».

Audíte, fratres, verba libri Proverbiórum.

Audíte, filii, disciplinam patris et atténdite, ut sciátis prudéntiam; quóniam doctrínam bonam tríbuam vobis, legem meam ne derelinquátis. Nam et ego fílius fui patris mei, tenéllus et unigénitus coram matre mea; et docébat me atque dicébat: « Suscípiat verba mea cor tuum, custódi præcépta mea et vives. Pósside sapiéntiam, pósside prudéntiam, ne obliviscáris neque declínes a verbis oris mei. Ne dimíttas eam, et custódiet te, dílige eam, et servábit te. Princípium sapiéntiæ: pósside sapiéntiam et in omni possessióne tua acquíre prudéntiam ».

186. Vel:

Mt 18, 1-5. 10 « *Qui suscepit unum parvulum talem in nomine meo, me suscipit* ».

In illa hora accessérunt ... me súscipit. 10 Vidéte ...

187. Pro opportunitate dici vel cani potest psalmus responsorius aut alius cantus aptus.

Ps 127 (128), 1-2. 3. 4-6a

R. (4) *Ecce sic benedicétur qui timet Dóminum.*

vel:

R. (cf. 1) *Beáti omnes qui timent Dóminum.*

188. Ille qui præest, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

189. Sequitur prex communis. Ex intercessionibus quæ infra proponuntur, ille qui præest seligere potest eas quæ aptiores videantur vel alias adicere quæ peculiaria rerum adiuncta respiciant.

Deum omnipoténtem, quem Dóminus Iesus, Patrem nostrum invocáre nos dócuit, súpplīces deprecémur dicéntes:

R. *Pater sancte, custódi filios tuos.*

Pater amábilis, qui ita hómines dilexísti  
ut Fílium tuum unigénitum dares,  
— nos fílios tuos in Baptísimo regenerátos  
prótege atque tuére. R.

Qui in Fílio dilectiónis tuæ plene tibi complacuísti,  
— concéde ut munus cuique commíssum  
in mundo et in Ecclésia fidéliter prosequámur. R.

Qui Fílium tuum Maríæ et Ioseph  
piíssimæ custódiæ, dum adolésceret, commisísti,  
— concéde ut filii  
crescant per ómnia in illum. R.

Qui derelictórum sortem  
præcípuo amóre proséqueris,

— fac ut omnes púeri, qui familiári carent afféctu,  
christiána communitáte adiuvánte,  
paternitátem tuam vívide experiántur. R.

#### ORATIO BENEDICTIONIS

**190.** Tum parentes, pro opportunitate, filios signo crucis in fronte signantes, benedictionis orationem proferunt:

Pater sancte, inexháustus vitæ fons,  
et ómnium auctor bonórum,  
tibi benedicimus tibique grátias ágimus,  
qui amoris nostri communióne  
filiórum dono lætificáre voluísti:  
concéde, quæsumus,  
ut hæc novélla famíliæ membra,  
in doméstica societáte viam invéniant,  
qua ad melióra semper adspírent,  
et ad finem sibi præstitútum  
aliquándo, te favénte, váleant perveníre.  
Per Christum Dóminum nostrum.

R. Amen.

---

**191.** Ministri, qui parentes non sunt, hanc benedictionis orationem proferunt:

Dómine Iesu Christe,  
qui tanto párvulos es prosecútus amóre,  
ut qui illos suscepíssent te suscípere díxeris:  
preces nostras pro his párvulis  
(hoc párvulo/hac párvula) exáudi,  
et, quos (quem/quam) Baptísmatis grátia cumulásti,  
contínua protectióne custódi,  
ut, cum adoléverint (adoléverit) líbera te fide

confiteántur (confiteátur)  
in caritáte sint férvidi (sit férvidus/férvida),  
et in regni tui spe fórtiter perseverént (persevéret).  
Qui vivis et regnas in sácula sæculórum.  
R. Amen.

---

#### CONCLUSIO RITUS

192. Tum parentes, seipsos signantes, ritum concludunt dicentes:  
Dóminus Iesus, qui púeros diléxit,  
nos benedícat et in suo amóre custódiat.  
Hac formula utitur et minister laicus.

---

193. Minister vero qui est sacerdos vel diaconus ritum concludit  
dicens:

Dóminus Iesus, qui púeros diléxit,  
vos benedícat et in suo amóre custódiat.

---

Omnes respondent:

Amen.

---

#### FORMULA BREVIS

194. Pro opportunitate adhiberi potest formula brevis benedictionis:  
Dóminus te (vos) custódiat,  
et in suo amóre te (vos) créscere fáciat,  
ut digne ámbules (ambulétis)  
vocatióne qua vocátus es (vocáti estis).  
R. Amen.



## VI. ORDO BENEDICTIONIS DESPONSATORUM

### PRÆNOTANDA

**195.** Inter coniugum christianorum officia et eorum apostolatus formas, præter filiorum educationem, haud parvi videtur esse momenti auxilium desponsatis præstandum quo ipsi melius sese ad Matrimonium præparent.

Honesta igitur christianorum sponsalia pro duabus familiis peculiaris fiunt eventus, quem aliquo ritu et communi oratione celebrare convenit ut benedictione divina impetrata, quod feliciter incipitur, feliciter etiam suo tempore consummetur.

Quo melius id obtineri possit, celebratio rerum adiunctis erit accommodanda.

**196.** Quando sponsalia in intimitate duarum familiarum celebrantur, unus ex parentibus ritui benedictionis opportune præesse potest. Si vero adsit sacerdos vel diaconus, tunc ipsi præsidis officium opportunius competit, dummodo perspicuum adstantibus evadat non agi de celebratione Matrimonii.

**197.** Ordo igitur, qui hic præbetur, adhiberi potest tum a parentibus, tum a sacerdote, a diacono vel ab alio laico qui, potioribus elementis ac ritus structura servatis, adiunctis singulas partes aptabunt.

**198.** Hic Ordo celebrationis adhiberi potest etiam quando, iam inito sponsalium tempore, desponsati adunantur ad catechetica præparationem faciendam antequam Matrimonium celebretur. Numquam vero sponsalia vel peculiaris benedictio desponsatorum cum Missæ celebratione sunt coniungenda.

## ORDO BENEDICTIONIS

### RITUS INITIALES

**199.** Familia congregata, ille qui præest dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**200.** Deinde minister, si est sacerdos vel diaconus, adstantes salutatur, dicens:

Grátia vobis et pax

a Dómino nostro Iesu Christo,

qui diléxit nos et trádedit se ipsum pro nobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**201.** Si minister est laicus, adstantes salutatur dicens:

Fratres, Dóminum nostrum Iesum Christum laudémus,  
qui diléxit nos et trádedit se ipsum pro nobis.

Omnes respondent:

Amen.

---

**202.** Tum minister adstantes ad benedictionem accipiendam disponit his vel similibus verbis:

Omnibus omníque témpore grátiam Dei semper necessariam esse scimus; néminem tamen latet eádem grátia tum máxime christifidélibus opus esse cum ad novam famíliam instituendam se præparant.

Ut ergo hi fratres nostri in mútua crescant æstimatióne, sincerius se díligant atque opportúna vitæ necessitúdine et comúní oratióne sancti Matrimónii celebratióem caste matúrent, divínam pro ipsis benedictiόnem implorémus.

## LECTIO VERBI DEI

**203.** Deinde unus ex adstantibus vel ipse minister legit textum Sacrarum Scripturarum.

Io 15, 9-12 « *Hoc est præceptum meum, ut diligatis invicem, sicut dilexi vos* ».

Audíte, fratres, verba sancti Evangélíi secúndum Ioánnem.

Dixit Iesus discíplis suis: « Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur. Hoc est præcéptum meum, ut diligátis ínvicem, sicut diléxi vos ».

**204.** Vel:

1 Cor 13, 4-13 « *Caritas omnia credit, sperat, suffert* ».

Audíte, fratres, verba Pauli apóstoli ad Corínthios.

Cáritas pátiens est, benígna est cáritas, non æmulátur, non agit supérbe, non inflátur, non est ambitiósá, non quærit, quæ sua sunt, non irritátur, non cógitat malum, non gaudet super iniquitátem, congáudet autem veritáti; ómnia suffert, ómnia credit, ómnia sperat, ómnia sústinet.

Cáritas numquam éxcidit. Sive prophetiæ, evacuabúntur; sive línguæ, cessábunt; sive sciéntia, destruétur. Ex parte enim cognóscimus et ex parte prophetámus; cum autem vénerit, quod perféctum est, evacuábitur, quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus; quando factus sum vir, evacuávi, quæ erant párvuli.

Vidémus enim nunc per spéculum in ænígmate, tunc autem

fácie ad fáciem; nunc cognósko ex parte, tunc autem cognóscam, sicut et cógnitus sum. Nunc autem manet fides, spes, cáritas, tria hæc; maior autem ex his est cáritas.

**205.** Vel:

Os 2, 21-26 *Sponsabo te in fide.*

Hæc dicit Dóminus ad Sion: « Sponsábo te mihi ...

Phil 2, 1-5 « *Idipsum sentientes* ».

Fratres, si qua consolátio in Christo ...

**206.** Pro opportunitate dici vel cani potest psalmus responsorius aut alius cantus aptus.

Ps 144 (145), 8-9. 10 et 15. 17-18

R. (9a) *Suávis Dóminus univérsis.*

**207.** Ille qui præest adstantes breviter alloquitur, lectionem bibliacam illustrans, ut sensum celebrationis fide percipiant, eamque recte a celebratione Matrimonii distinguere valeant.

#### PRECES

**208.** Sequitur prex communis. Ex intercessionibus quæ infra proponuntur, ille qui præest seligere potest eas quæ aptiores videantur vel alias adicere quæ peculiaria rerum adiuncta respiciant:

Deum Patrem, qui hómines ita diléxit ut filios suos rédderet in Christo, eósque dilectiónis suæ testes mundo manifestáret, fidénter invocémus:

R. *Amórem tuum, Dómine, fac nos habére perpétuum.*

Qui in mútua dilectióne veros filios tuos,  
Christi fratres,  
maniféstos fieri voluísti. R.

Qui suáves amoris tui condiciónes homínibus impónis,  
ut iisdem obsequéntes,  
felicitátem invéniant. R.

Qui virum et mulierem,  
mútua dilectiône coniúngis  
ut quæ inde família constitúitur  
filiórum coróna lætétur. R.

Qui amoris sponsális plenitúdinem  
in Matrimónii sacraménto  
per oblatiõem paschálem Fílii tui mýstice figurásti,  
qua Christus diléxit Ecclésiám  
eámque immaculátam tibi in ságuine suo exhibuit. R.

Qui N. et N.  
ad plenam ádvocas amoris communiõem  
qua christiánæ famíliæ membra  
corde fiant et ánimo unum. R.

**209.** Ante orationem benedictionis, secundum loci consuetudinem, sponsalia contrahentes signum promissionis exprimere possunt, v. gr. alicuius instrumenti subsignatione, anulorum vel aliorum donorum traditione.

**210.** Anuli vel alia desponsationis dona possunt sequenti formula benedici:

Obláta invicem múnera ita servétis,  
ut, quæ mútua donatiõe spopondístis,  
suo témpore compleátis.

R. Amen.

#### ORATIO BENEDITIONIS

**211.** Tum ille qui præest, manibus iunctis, orationem profert; si vero est sacerdos vel diaconus, manibus extensis:

Laudes tibi, Dómine, persólvimus,  
qui hos fílios tuos N. et N.  
ad invicem diligéndos

suávi consílio próvocas atque dispónis;  
eórum corda, quæsumus, confirmáre dignéris,  
ut fidem servántes,  
et per ómnia tibi placéntes,  
ad coniúgii sacraméntum felíciter pervéniant.  
Per Christum Dóminum nostrum.

R. Amen.

212. Vel quando præest sacerdos vel diaconus:

Dómine Deus, totíus fons dilectiónis,  
cuius providénti consílio  
iúvenes isti mútuo sibi obviavérunt occúrsu;  
concéde propítius  
ut qui ad sacraméntum se præparántes  
tuam grátiam éxpetunt,  
supérna benedictióne ✠ suffúlti,  
et mútua æstimatióne proficiant  
et ínvicem sincéra díligant caritáte.  
Per Christum Dóminum nostrum.

R. Amen.

#### CONCLUSIO RITUS

213. Tum ille qui præest ritum concludit dicens:

Deus amóris et pacis hábitet in vobis,  
gressus vestros dírigat  
et corda vestra in suo amóre confírmet.

Omnes:

Amen.

214. Celebratio laudabiliter cantu apto perficitur.

## VII. ORDINES AD BENEDICENDAM MULIEREM ANTE VEL POST PARTUM

### PRÆNOTANDA

**215.** Benedictio mulieris ante partum peragi potest pro singula muliere præsertim in medio propriæ familiæ, vel pro pluribus in valetudinariis. Quo in casu, formulæ numero plurali proferantur.

**216.** Benedictio vero mulieris post partum, quæ hic præbetur, cum respiciat tantum casum alicuius mulieris quæ non valuit participare celebrationi Baptismi filii sui, peragitur pro singula.

**217.** Ordines, qui hic præbentur, adhiberi possunt a sacerdote, a diacono et etiam a laico, qui potioribus elementis ac ritus structura servatis, mulierum et locorum adiunctis celebrationem aptabunt.

**218.** In peculiaribus adiunctis, sacerdos vel diaconus adhibere possunt formulas breves, quæ post Ritus breviores nn. 235 et 257 exhibentur.

### A.

## ORDO BENEDICTIONIS MULIERIS ANTE PARTUM

### RITUS INITIALES

**219.** Familia vel communitate fidelium congregata, minister dicit:  
In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**220.** Deinde minister, si est sacerdos vel diaconus, mulierem et adstantes salutatur, dicens:

Christus, Dei Fílius,

qui in sinu Vírginis Mariæ factus est homo,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**221.** Si vero minister est laicus, mulierem et adstantes salutat,  
dicens:

Fratres, Dóminum Iesum benedicámus,  
qui in sinu Vírginis Mariæ  
factus est homo.

Omnes respondent:

Benedíctus Deus in sæcula.

vel:

Amen.

---

**222.** Tum minister mulierem et adstantes ad benedictionem accipiendam disponit his vel similibus verbis:

Omnis vitæ Dóminus est Deus, qui síngulos hómines esse decérnit, omniúmque vitam sua providéntia regit atque con-sérvat. Id autem máxime valére crédimus, quóties ágitur de vita quæ ex christiáno exórta conúbio, ipsíus vitæ divínæ dono in Baptísmi sacraménto suo témpore recipiéndó cumulábitur. Id plane exprímere inténdit benedíctio mulieris ante partum, ut in fide et in spe múlter ipsa tempus expsécet pariéndi et divínæ dilectióni cóoperans fructum quem gerit matérno iam prosequátur amóre.



## LECTIO VERBI DEI

**223.** Deinde lector vel unus ex adstantibus vel ipse minister legit textum e Sacra Scriptura.

Lc 1, 39-45 « *Exsultavit infans in utero* ».

Audíte, fratres, verba sancti Evangélíi secúndum Lucam.

In diébus illis exsúrgens Maríá ábiit in montána cum festinátione in civitátem Iudæ, et intrávit in domum Zachariæ et salutávit Elísabeth. Et factum est ut audívit salutatiónem Maríæ Elísabeth, exsultávit infans in útero eius, et repléta est Spíritu Sancto Elísabeth et exclamávit voce magna et dixit: « Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ crédidit, quóniam perficiéntur ea, quæ dicta sunt ei a Dómino ».

**224.** Vel:

Lc 1, 26-38 « *Ecce concipies et paries filium* ».

Missus est ángelus Gábriel a Deo ...

Lc 2, 1-14 « *Peperit Maria filium suum* ».

Factum est in diébus illis ...

**225.** Pro opportunitate dici vel cani potest psalmus responsorius aut alius cantus aptus.

Ps 32 (33), 12 et 18. 20-21. 22

R. (5b) *Misericórdia Dómini plena est terra.*

**226.** Minister, pro opportunitate, adstantes breviter alloquitur, lectionem bíblicam illustrans, ut sensum celebrationis fide percipiant.

## PRECES

**227.** Sequitur prex communis. Ex invocationibus quæ infra proponuntur, minister seligere potest eas quæ aptiores videantur, vel alias adicere quæ peculiaria mulieris vel rerum adiuncta respiciant.

Christum Dóminum, benedíctum fructum ventris Mariæ qui per mystérium Incarnatiónis suæ, grátiam et benignitátem in mundum effúndere dignátus est, débitis láudibus extolámus dicéntes:

*R. Benedictus es, Dómine, in bonitáte et misericórdia tua.*

Qui ex muliere homo fieri dignátus es,  
ut adoptiόνem filiórum reciperémus. *R.*

Qui matris úterum non horruísti,  
sed ventrem qui te portávit et úbera quæ suxísti  
beáta prædicári voluísti. *R.*

Qui per Víginem Mariám,  
benedíctam inter mulieres,  
femíneum sexum honorásti. *R.*

Qui in cruce pendens  
Mariám Ecclésiæ dedísti matrem,  
quam tuam elégeras. *R.*

Qui per matrum ministérium  
Ecclésiám tuam nova prole fecúndas,  
múltiplicans exsultatiόνem  
et magníficans lætítiam. *R.*

## ORATIO BENEDICTIONIS

**228.** Tum minister, si est sacerdos vel diaconus, pro opportunitate super mulierem manus extendens, vel signo crucis eam in fronte signans, secus vero manibus iunctis benedictionis orationem profert:

Dómine Deus, humáni géneris creátor,  
cuius Fílius, Spíritus Sancti cooperánte virtúte,  
de Vírgine María nasci dignátus est,  
ut antíqui solúto débito peccáti,  
hómínes redímeret atque salváret,  
vota huius fámulæ tuæ  
humíliter supplicántis  
pro nascitúræ prolis integritáte  
benígnus súscipe,  
et concéde  
ut fílium prospere páriat,  
qui tuis fidélibus aggregétur,  
et tibi in ómnibus desérviens  
vitam consequátur ætérrnam.  
Per Christum Dóminum nostrum.

R. Amen.

**229.** Post orationem benedictionis, minister omnes adstantes invitat ad protectionem b. Mariæ Virginis invocandam, quod opportune fit recitatione vel cantu antiphonæ (cf. App. n. 1):

Sub tuum præsidium confúgimus,  
sancta Dei Génetríx;  
nostras deprecationes ne despicias in necessitatibus;  
sed a periculis cunctis libera nos semper,  
Virgo gloriósa et benedícta.

Pro hac supplicatione adhiberi possunt et aliæ preces: v. gr. antiphona *Alma Redemptóris Mater*; vel *Ave María*; vel *Salve, Regína* (cf. App. nn. 2-4).

#### CONCLUSIO RITUS

**230.** Tum minister, si est sacerdos vel diaconus, ad mulierem conversus, ritum concludit post invitatorium: Inclínate vos ad benedictiónem vel aliud, dicens:

Deus, fons et orígo omnis vitæ,  
bonitáte sua te prótegat.

R. Amen.

Fidem tuam confírmet,  
spem róboret,  
caritátem in dies augére dignétur.

R. Amen.

Témpore partus,  
supplicatióibus tuis adsit  
et sua te grátia confírmet.

R. Amen.

Denique omnes adstantes benedicit, dicens:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

---

**231.** Si vero minister est laicus, super mulierem omnesque adstantes benedictionem Domini implorat, seipsum signans ac dicens:

Deus, qui per beátæ Mariæ Vírginis partum  
salútis æternæ gáudia  
humáno géneri annuntiávit et præstitit,  
nos benedícere et custodíre dignétur.

R. Amen.

## B.

## RITUS BREVIOR

**232.** Minister dicit:

Y. Adiutórium nostrum in nómine Dómini.

Omnes respondent:

R. Qui fecit cælum et terram.

**233.** Tunc ab uno ex adstantibus vel ab ipso ministro legitur textus Sacrae Scripturae, v. gr.:

Is 44, 3: Effúndam aquas super terram sitiéntem et fluénta super áridam; effúndam spíritum meum super semen tuum et benedictiónem meam super stirpem tuam.

Lc 1, 41-42a: Factum est, ut audívit salutatióem Maríæ Elísabeth, exsultávit infans in útero eius, et repléta est Spíritu Sancto Elísabeth et exclamávit voce magna et dixit: « Benedícta tu inter mulíeres, et benedíctus fructus ventris tui ».

**234.** Deinde minister, si est sacerdos vel diaconus, manus super mulierem extendens, secus vero manibus iunctis benedictionis orationem profert:

Dómine Deus, humáni generis creátor,  
cuius Fílius, Spíritus Sancti cooperánte virtúte,  
de Vírgine María nasci dignátus est,  
ut antíqui solúto débito peccáti,  
hómines redímeret atque salváret,  
vota huius fámulae tuæ  
humíliter supplicántis  
pro nascitúrae prolis integritáte  
benígnus súscipe,  
et concéde  
ut fílium prospere páriat,

qui tuis fidélibus aggregétur,  
et tibi in ómnibus desérviens  
vitam consequátur ætérrnam.  
Per Christum Dóminum nostrum.  
R. Amen.

---

#### FORMULA BREVIS

**235.** Pro opportunitate, sacerdos vel diaconus adhibere potest sequentem formulam brevem benedictionis:

Deus, qui per beátæ Maríæ Vírginis partum  
mundum lætificávit,  
gáudio sancto ímpleat cor tuum  
teque cum prole tua incólumem servet.  
In nómine Patris, ✠ et Fílii, et Spíritus Sancti.  
R. Amen.

#### C.

#### ORDO BENEDICTIONIS MULIERIS POST PARTUM

**236.** Benedictio mulieris post partum iam continetur in Ordine Baptismi parvulorum.<sup>12</sup>

**237.** Si puerpera celebrationi Baptismi filii sui participare non valuit, convenienter benedictio in ipso ritu prævísá, peculiari celebratione resumitur, qua et puerpera et adstantes ad gratias Deo agendas pro accepto beneficio sollicitantur.

#### RITUS INITIALES

**238.** Familia vel communitate fidelium congregata, minister dicit:  
In nómine Patris, et Fílii, et Spíritus Sancti.

Omnes signo crucis se signant, et respondent:  
Amen.

<sup>12</sup> Cf. *Rituale Romanum*, Ordo Baptismi parvulorum, n. 105.

**239.** Deinde minister, si est sacerdos vel diaconus, mulierem et adstantes salutatur, dicens:

Christus, Dei Fílius,  
qui pro nostra salúte  
e Vírgine Matre nasci dignátus est  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**240.** Si vero minister est laicus, mulierem et adstantes salutatur, dicens:

Fratres, Dóminum Iesum benedicámus,  
qui pro nostra salúte  
e Vírgine Matre nasci dignátus est.

Omnes respondent:

Benedíctus Deus in sæcula.

vel:

Amen.

---

**241.** Tum minister mulierem et adstantes ad benedictionem accipiendam disponit his vel similibus verbis:

Fílium quem genuísti, magno cum gáudio commúnitas christiána iam excépit. In ritu eius Baptísmatis étiam pro te orá-

vimus ut cónschia doni suscépti munerísque tibi in Ecclésia commíssi, Dóminum cum beáta María Vírgine magnificáres. Nunc vero tecum in gratiárum actióne læto ánimo consociári cúpimus, Dei benedictiónem super te invocántes.

#### LECTIO VERBI DEI

**242.** Deinde lector vel unus ex adstantibus vel ipse minister legit textum Sacrae Scripturae.

1 Sam 1, 20-28 « *Dedit mihi Dominus petitionem meam* ».

Audíte, fratres, verba libri primi Samuélis.

Factum est post círculum diérum concépit Anna et péperit fílium vocavítque nomen eius Sámuel, eo quod a Dómino postulásset eum.

Ascéndit autem vir Elcána et omnis domus eius, ut immoláret Dómino hóstiam ánnuam et votum suum. Et Anna non ascéndit; dixit enim viro suo: « Non vadam, donec ablactétur infans, et ducam eum, et appáreat ante conspéctum Dómini et máneat ibi iúgiter ». Et ait ei Elcána vir suus: « Fac, quod bonum tibi vidétur, et mane, donec abláctes eum; precórque, ut ímpleat Dóminus verbum suum ». Mansit ergo múlIER et lactávit fílium suum, donec amovéret eum a lacte.

Et addúxit eum secum, postquam ablactáverat, cum vítulo trium annórum et tribus módiis farínæ et utre vini; et addúxit eum ad domum Dómini in Silo. Puer autem erat adhuc infántulus. Et immolavérunt vítulum et obtulérunt púerum Heli, et ait Anna: « Obsecro, mi dómINE, vivit ánima tua, dómINE; ego sum illa múlIER, quæ steti coram te hic orans Dóminum. Pro púero isto orávi, et dedit mihi Dóminus petitióNem meam, quam postulávi eum. Idcírco et ego commodávi eum Dómino; cunctis diébus, quibus vivet, postulátus erit pro Dómino ». Et adoravérunt ibi Dóminum.



**243.** Vel:

1 Sam 2, 1-10 *Oratio Annæ.*

Et orávit Anna et ait ...

Lc 1, 67-79 « *Benedictus Dominus* ».

Zacharías pater Ioánnis implétus ...

**244.** Pro opportunitate dici vel cani potest psalmus responsorius aut alius cantus aptus.

Ps 127 (128), 1-2. 3. 4-6a

R. (3c) *Filii tui sicut novéllæ olivárum.*

**245.** Post lectionem, minister breviter Sacrae Scripturae textum explanat ut mater et adstantes pro dono a Deo accepto gratias agant graveque omnes, pro sua quisque parte, munus sibi assumant christianae educationis parvulo impertiendae.

#### ACTIO GRATIARUM

**246.** Sequitur communis gratiarum actio. Ex invocationibus quae infra proponuntur, minister seligere potest eas quae aptiores videantur vel alias adicere quae peculiariter mulieris vel rerum adiuncta respiciant.

Pro nova, quae in hac familia efflóruit vita, grátias agámus Dómino, dicéntes:

R. *Grátias tibi, Dómine.*

Pro infántulo

quem huic matri felíciter largíri voluísti. R.

Pro córporis sanitáte quæ, te donánte,  
et mater gaudet et filius. R.

Pro recépto Baptísmini sácraménto,  
quo cor infántuli templum fecísti Spíritus Sancti. R.

Pro seréna lætítia

quam in ómnium corda hac nativité infúndere dignáris. R.

Pro univérsis beneficiis

quibus nos, Pater, cumuláre non désinis. R.

247. Deinde omnes *Magnificat* cantant vel dicunt (cf. App. n. 36).  
Adhiberi possunt et alii hymni quibus apte gratiarum actio exprimatur.

#### ORATIO BENEDICTIONIS

248. Deinde minister, si est sacerdos vel diaconus, manibus extensis,  
seculus vero manibus iunctis benedictionis orationem profert:

Deus, humánæ vitæ cónditor atque præsídiu,  
qui huic fámulæ tuæ  
gáudium maternitátis largíri dignátus es:  
nostras benígnus súscipe laudes  
et quas effúndimus preces propítius exáudi,  
ut matrem cum prole sua ab omni malo deféndas,  
in huius vitæ itinéribus semper comitéris  
et in gáudium domus tuæ  
suo témpore lætánte excípias.  
Per Christum Dóminum nostrum.

R. Amen.

249. Vel:

Deus, a quo omnis benedíctio descéndit,  
et ad quem húmilis ascéndit precátio benedicéntis,  
præsta ut hæc mater, tua benedictióne suffúlta,  
et débitas tibi agat habeátque grates,  
et una cum filio suo  
de tua semper protectióne lætétur.  
Per Christum Dóminum nostrum.

R. Amen.

## CONCLUSIO RITUS

**250.** Tum celebrans, si est sacerdos vel diaconus, ad mulierem conversus, ritum concludit dicens:

Dóminus Deus omnípotens,  
qui tibi gáudia cóntulit maternitátis,  
dignétur te benedícere ✠,  
ut, quæ de sóbole grátias nunc agis accépta,  
perpétua cum ipsa beatitúdine perfruáris.  
Per Christum Dóminum nostrum.

Omnes:

Amen.

**251.** Vel post invitorium: Inclína te ad benedictiónem, vel aliud, dicit manibus extensis:

Deus, fons et orígo omnis vitæ,  
bonitáte sua te próteget.  
R. Amen.

Fidem tuam confírmet,  
spem róboret,  
caritátem in dies augére dignétur.  
R. Amen.

Fílium tuum consérvet  
ut córporis gáudeat sanitáte  
et mentis sapiéntia præstet.  
R. Amen.

Denique omnes adstantes benedicit, addens:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.  
R. Amen.

---

**252.** Si vero minister est laicus, super mulierem omnesque adstantes benedictionem Domini, seipsum signans, implorat, dicens:

Miserátio Dei Patris omnipoténtis,  
pax Unigéniti Fílii eius Iesu Christi,  
grátia et consolátio Spíritus Sancti,  
custódiat vitam vestram,  
ut in lúmine fídei ambulántes,  
promíssa bona cónsequi valeátis.  
Et nos omnes benedícat omnipotens Deus,  
Pater, et Fílius, et Spíritus Sanctus.

R. Amen.

---

**253.** Celebratio apto cantu laudabiliter perficitur.

D.

#### RITUS BREVIOR

**254.** Minister dicit:

v. Sit nomen Dómini benedíctum.

Omnes respondent:

R. Ex hoc nunc et usque in sæculum.

**255.** Tunc ab uno ex adstantibus vel ab ipso ministro legitur textus Sacrae Scripturae, v. gr.:

1 Sam 1, 27: Pro púero isto orávi, et dedit mihi Dóminus petitionem meam, quam postulávi eum.

Lc 1, 68-69: Benedíctus Dóminus Deus Israel, quia visitávit et fecit redemptionem plebi suae et eréxit cornu salutis nobis in domo David púeri sui.

1 Th 5, 18: In ómnibus grátias ágite; hæc enim volúntas Dei est in Christo Iesu erga vos.

**256.** Deinde minister, si est sacerdos vel diaconus, manibus extensis, secus vero, manibus iunctis, benedictionis orationem profert.

Deus, a quo omnis benedíctio descéndit,  
et ad quem húmilis ascéndit precátio benedicéntis,  
præsta ut hæc mater, tua benedictióne suffúlta,  
et débitas tibi agat habeátque grates,  
et una cum filio suo  
de tua semper protectióne lætétur.  
Per Christum Dóminum nostrum.

R. Amen.

---

#### FORMULA BREVIS

**257.** Pro opportunitate sacerdos vel diaconus adhibere potest sequentem formulam brevem benedictionis:

Dóminus Deus omnípotens,  
qui temporáli Filii sui nativité  
mundum lætificáre dignátus est,  
te benedícat ✠,  
ut de accépta prole,  
semper in Dómino lætéris.

R. Amen.

### VIII. ORDO BENEDITIONIS SENUM DOMI MANENTIUM

#### PRÆNOTANDA

**258.** Senes quorum vires debilitantur, domi vel simul in peculiari valetudinario degentes, fraterno egent adiutorio, ut in familiam et communitatem ecclesialem adhuc plene receptos se sentiant. Hæc bene-

dictio ad hoc tendit ut ipsi senes a fratribus testimonium accipiant reverentiæ gratæque mentis, dum simul cum ipsis Domino gratias reddimus pro beneficiis ab eo acceptis et pro bonis operibus eo adiuvante peractis.

**259.** Ordo, qui hic præbetur, adhiberi potest a sacerdote, a diacono et etiam a laico, qui, ritus structura ac præcipuis elementis servatis, singulis adiunctis celebrationem aptabunt.

**260.** Benedictio senum haberi etiam potest, quibusdam selectis elementis ex hoc Ordine, ut infra nn. 277-285 indicatur vel intra Missæ celebrationem, post homiliam, vel in fine Missæ, vel quando senibus domi detentis Ss.ma Eucharistia defertur etiam ab acolytho, vel ab alio ministro extraordinario sacræ Communionis ad normam iuris deputato, ritibus et precibus pro laicis prævisis.

**261.** Si vero unus alterve senex est benedicendus, in alia benedictionis celebratione adhiberi potest formula brevis quæ in fine horum Ordinum, n. 289, exhibetur.

## A.

### ORDO BENEDICTIONIS

#### RITUS INITIALES

**262.** Familia vel communitate fidelium congregata, minister dicit:  
In nómine Patris, et Filii, et Spíritus Sancti.

Omnes signo crucis se signant, et respondent:

Amen.

**263.** Deinde minister, si est sacerdos vel diaconus, senes ceterosque adstantes salutatur, dicens:

Grátia Dómini nostri Iesu Christi,  
et cáritas Dei  
et comunicatio Sancti Spíritus  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**264.** Si vero minister est laicus, senes et adstantes salutatur, dicens:

Dóminum Iesum, fratres, benedicámus,  
qui in ulnas a beáto Simeóne accéptus,  
dum a sene portabátur  
ipse senem regébat.

Omnes respondent:

Benedíctus Deus in sæcula.

vel:

Amen.

---

**265.** Tum minister senes et adstantes ad benedictionem accipiendam disponit his vel similibus verbis:

Tempus senectútis donum Dei est, quod grato ánimo récipi debet. Hi fratres nostri iam ætáte provécti, divítias experiéntiæ ac vitæ christiánæ nobis trádere possunt. Cum illis sociáti, Deo grátias agámus eiúsque adiutórium pro ipsis implorémus, ut spes eórum erigátur et fidúcia firmétur.

#### LECTIO VERBI DEI

**266.** Deinde lector vel unus ex adstantibus vel ipse minister legit textum e Sacra Scriptura.

Lc 2, 25-32. 36-38 « *Exspectantes consolationem Israel* ».

Audíte, fratres, verba sancti Evangélíi secúndum Lucam.

Homo erat in Ierúsalem, cui nomen Símeon, et homo iste iustus et timorátus, exspéctans consolatiónem Israel, et Spíritus Sanctus erat super eum, et respónsum accéperat a Spírítu Sancto non visúrum se mortem nisi prius vidéret Christum Dómini. Et venit in Spírítu in templum. Et cum indúcerent púerum Iesum paréntes eius, ut fácerent secúndum consuetúdinem legis pro eo, et ipse accépit eum in ulnas suas et benedíxit Deum et dixit:

« Nunc dimíttis servum tuum, Dómine,  
secúndum verbum tuum in pace,  
quia vidérunt óculi mei  
salutare tuum,  
quod parásti  
ante fáciem ómnium populórum,  
lumen ad revelatiónem géntium  
et glóriam plebis tuæ Israel ».

Et erat Anna prophetíssa, fília Phánuel, de tribu Aser. Hæc procésserat in diébus multis et víxerat cum viro suo annis septem a virginitáte sua; et hæc vídua usque ad annos octogínta quáttuor, quæ non discedébat de templo, ieiúniis et obsecratióibus sérvíens nocte ac die. Et hæc ipsa hora supervéniens confitebátur Deo et loquebátur de illo ómnibus, qui exspectábant redemptiόnem Ierúsalem.

(Ex præcedenti textu, si casus fert, pars tantum legi potest).

**267.** Vel:

Sir 3, 2-18 « *Suscipe senectam patris mei* ».  
Indícium patris audíte, filii ...

Sir 25, 6-8. 13-16 « *Gloria senum: timor Dei* ».  
Quam speciόsum ... 13. Quam magnus ...



Sap 4, 8-9 « *Ætas senectutis vita immaculata* ».

Senectus venerabilis, non quæ est diuturna ...

Phil 3, 20 — 4, 1 « *Salvatorem expectamus* ».

Noster municipatus in cælis est ...

**268.** Pro opportunitate dici vel cani potest psalmus responsorius aut alius cantus aptus.

Ps 70 (71), 1-2. 3-4. 5-6. 14-15

R. (12b) *Deus meus, in auxilium meum festina.*

Ps 125 (126), 1-2b. 2d-3. 4-5. 6

R. (3) *Magnificavit Dominus facere nobiscum;  
facti sumus lætantes.*

**269.** Minister, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

**270.** Sequitur prex communis. Ex intercessionibus quæ infra proponuntur, minister seligere potest eas quæ aptiores videantur vel alias adicere quæ peculiaria senum vel rerum adiuncta respiciant.

Deum Patrem omnipotentem, qui nos omni ætate gratiæ suæ iuventute renovat atque confirmat, supplices deprecemur, dicentes:

R. *Ne derelinquas nos, Domine.*

Deus, qui Simeóni et Annæ,  
expectantibus redemptionem Israel,  
Filium tuum misericórditer revelasti,  
— tribue ut hi famuli tui  
videant in fide salutáre tuum  
et Sancti Spíritus consolatióne læténtur. R.

Qui per Fílium tuum in mundum  
ómnibus laborántibus angoribúsque onerátis  
refectiónem sanctam promisisti et pacem,  
— fac ut hi fámuli tui  
cotídie crucem suam patiénter tollant. R.

Qui benignitáte et munificéntia,  
præcláre semper excéllis,  
— præsta ut his fámulis tuis débitum solácium  
a propínquis et amícis amabíliter tribuátur. R.

Qui néminem a patérna tua dilectióne destítuis  
et quos humilióres invéneris  
eósdem suavióre díligis caritáte,  
— concéde, ut in humánæ societátis consórtio  
senum dígnitas agnoscátur et fírmiter observétur. R.

#### ORATIO BENEDICTIONIS

271. Tum minister, si est sacerdos vel diaconus, pro opportunitate super omnes senes simul vel super singulos manus extendens, vel signo crucis singulos in fronte signans, secus vero manibus iunctis benedictionis orationem profert:

Dómine, Deus noster,  
qui his fidélibus tuis grátiam largítus es,  
ut, inter vitæ varietátes, te spem suam dúcerent,  
et quam bonus esses gustárent atque vidérent,  
tibi, quod per tot sériem annórum  
eos munéribus cumuláveris,  
benedícimus et pétimus ut,  
renováta semper exsúltent spíritus iuventúte,  
córporum vígeant sanitáte,  
et iucúndum stúdeant

suæ conversatiónis exémplum ómnibus exhibére.  
Per Christum Dóminum nostrum.

R. Amen.

272. Vel:

Tibi, omnípotens ætérne Deus,  
in quo vívimus, movémur et sumus,  
grátias ágimus et benedícimus,  
quia his fámulis tuis longitúdinem diérum  
cum perseverántia in fide  
et in bonis opéribus tribuísti:  
præsta, quæsumus, Dómine,  
ut fratrum benevoléntia confortáti,  
et de bona valetúdiue læténtur,  
et de infírma non se demíttant,  
ut benedictióne tua refécti,  
matúræ tempus ætátis  
in tui laudem libénter impéndant.  
Per Christum Dóminum nostrum.

R. Amen.

273. Vel:

Dómine, Deus omnípotens,  
qui his fámulis tuis  
longævam donásti senectútem,  
benedictiónem tuam eis impertíre dignéris:  
te séntiant sibi suáriter adésse,  
ut, respiciéntes prætérita, de tua misericórdia læténtur,  
et prospiciéntes futúra, in spe sancta fiduciáliter perseverént.  
Per Christum Dóminum nostrum.

R. Amen.

## CONCLUSIO RITUS

**274.** Tum celebrans, si est sacerdos vel diaconus, ritum concludit, dicens ad senes conversus invitorium: Inclínate vos ad benedictiónem, vel aliud, atque addens, manibus extensis:

Dóminus Iesus Christus  
apud vos máneat ut vos deféndat.  
R. Amen.

Ante vos sit ut vos dedúcat,  
post vos sit ut vos múníat.  
R. Amen.

Vos respíciat, vos consérvet  
atque vos benedícat.  
R. Amen.

Denique omnes adstantes benedicit, addens:

Et vos omnes, qui hic simul adéstis,  
benedícat omnípotens Deus,  
Pater, et Filius, ✠ et Spíritus Sanctus.  
R. Amen.

---

**275.** Si vero minister est laicus, se signans, super senes omnesque adstantes benedictionem Domini implorat, dicens:

Dóminus nos benedícat,  
et ab omni malo deféndat,  
et ad vitam perdúcat ætérrnam.  
R. Amen.

---

**276.** Celebratio laudabiliter cantu apto perficitur.

## B.

## ORDO BENEDICTIONIS CELEBRATIONI MISSÆ CONIUNCTÆ

277. Homilia expleta, fit prex communis vel modo in Missæ celebratione consueto vel modo qui hic proponitur. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria senum vel rerum adiuncta respiciant. Semper tamen adhibenda est oratio benedictionis quæ infra proponitur.

Deum Patrem omnipotentem, qui nos omni ætate gratiæ suæ iuventute renovat atque confirmat, supplices deprecemur, dicentes:

*R. Ne derelinquas nos, Dómine.*

Deus, qui Simeóni et Annæ,  
expectantibus redemptionem Israel,  
Fílium tuum misericórditer revelásti,  
— tríbue ut hi fámuli tui  
videant in fide salutáre tuum  
et Sancti Spíritus consolatióne læténtur. *R.*

Qui per Fílium tuum in mundum  
ómnibus laborántibus angoribúsque onerátis  
refectionem sanctam promísisti et pacem,  
— fac ut hi fámuli tui  
cotídie crucem suam patiénter tollant. *R.*

Qui benignitáte et munificéntia  
præcláre semper excéllis,  
— præsta ut his fámulis tuis débitum solácium  
a propínquis et amícis amabíliter tribuátur. *R.*

Qui néminem a patérna tua dilectiône destítuis  
et quos humilióres invéneris

eósdem suavióre díligis caritáte,  
— concéde, ut in humánæ societátis consórtio  
senum dígnitas agnoscátur et fírmiter observétur. R.

278. Tum celebrans super omnes senes simul manus extendens,  
immediate subiungit:

Dómine, Deus noster,  
qui his fidélibus tuis grátiam largítus es,  
ut, inter vitæ varietátes, te spem suam dúcerent,  
et quam bonus esses gustárent atque vidérent,  
tibi, quod per tot sériem annórum  
eos munéribus cumuláveris,  
benedícimus et pétimus ut,  
renováta semper exsúltent spíritus iuventúte,  
córporum vígeant sanitáte,  
et iucúndum stúdeant  
suæ conversatiónis exémplum ómnibus exhibére.  
Per Christum Dóminum nostrum.

R. Amen.

279. Si vero opportunius iudicatur, in fine Missæ post invitatorium:  
Inclináte vos ad benedictiónem, vel aliud quo senes invitantur ad  
benedictionem peculiarem accipiendam, celebrans manibus super  
senes extensis, dicit benedictionem vel orationem omnibus respon-  
dentibus:

Amen.

#### BENEDICTIO

280. Ad senes conversus celebrans dicit:

Dóminus Iesus Christus  
apud vos máneat ut vos deféndat.

R. Amen.

Ante vos sit ut vos dedúcat,  
post vos sit ut vos múníat.

R. Amen.

Vos respíciat, vos consérvet  
atque vos benedícat.

R. Amen.

Denique omnes adstantes benedicit, addens:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

#### ORATIO

281. Celebrans, manibus super senes extensis, dicit:

Tibi, omnípotens ætérne Deus,  
in quo vívimus, movémur et sumus,  
grátias ágimus et benedícimus,  
quia his fámulis tuis longitúdinem diérum  
cum perseverántia in fide  
et in bonis opéribus tribuísti:  
præsta, quæsumus, Dómine,  
ut fratrum benevoléntia confortáti,  
et de bona valetúdine læténtur,  
et de infírma non se demíttant,  
ut benedictióne tua refécti,  
matúræ tempus ætátis  
in tui laudem libénter impéndant.  
Per Christum Dóminum nostrum.

R. Amen.

282. Post orationem, celebrans subdit:

Et benedictio Dei omnipotentis,  
Patris, et Filii, ✠ et Spiritus Sancti,  
descendat super vos et maneat semper.

R. Amen.

C.

ORDO BENEDICTIONIS COMMUNIONI  
EXTRA MISSAM CONIUNCTÆ

283. Si ritus cum ampliore verbi Dei celebratione coniungitur, textus Sacrae Scripturae sumi potest ex his qui supra nn. 266-268 proponuntur.

284. Prex communis fieri potest modo supra proposito n. 270 et concluditur semper, si celebrans sacerdos vel diaconus sit, sequenti oratione, quæ, extensis ad senes manibus, dicitur:

Dómine, Deus noster,  
qui his fidélibus tuis grátiam largítus es,  
ut, inter vitæ varietátes, te spem suam dúcerent,  
et quam bonus esses gustárent atque vidérent,  
tibi, quod per tot sériem annórum  
eos munéribus cumuláveris,  
benedícimus et pétimus ut,  
renováta semper exsúltent spíritus iuventúte,  
córporum vígeant sanitáte,  
et iucúndum stúdeant  
suæ conversatiónis exémplum ómnibus exhibére.  
Per Christum Dóminum nostrum.

R. Amen.

---



**285.** Si vero minister est laicus dicit, manibus iunctis, sequentem benedictionis orationem:

Dómine, Deus omnípotens,  
qui his fámulis tuis  
longævam donásti senectútem,  
benedictiónem tuam eis impertíre dignéris:  
te séntiant sibi suáriter adesse,  
ut, respiciéntes prætérita, de tua misericórdia læténtur,  
et prospiciéntes futúra, in spe sancta fiduciáliter perseverént.  
Per Christum Dóminum nostrum.

R. Amen.

---

D.

#### RITUS BREVIOR

**286.** Minister dicit:

v. Adiutórium nostrum in nómine Dómini.

Omnes respondent:

R. Qui fecit cælum et terram.

**287.** Tunc ab uno ex adstantibus vel ab ipso ministro legitur textus Sacrae Scripturae, v. gr.:

Sap 4, 8: Senéctus venerábilis, non quæ est diutúrna, neque annórum número computátur; cani autem sunt sensus hóminis, et ætas senectútis vita immaculáta.

Iac 5, 7-8: Patiéntes estóte, fratres, usque ad advéntum Dómini. Ecce agrícola expéctat pretiósum fructum terræ, patiénter ferens, donec accípiat imbrem temporáneum et serótinum. Patiéntes estóte et vos.

Lc 9, 23: Dicébat Iesus ad omnes: « Si quis vult post me veníre, ábneget seípsum et tollat crucem suam cotídie et sequátur me ».

**288.** Deinde minister, si est sacerdos vel diaconus, pro opportunitate, super senem manus extendens, vel signo crucis eum in fronte signans, secus vero, manibus iunctis, benedictionis orationem profert:

Dómine, Deus omnípotens,  
qui huic fámulo tuo  
longævam donásti senectútem,  
benedictiónem tuam ei impertíre dignéris:  
te séntiat sibi suáriter adesse,  
ut, respiciens prætérita, de tua misericórdia lætétur  
et prospiciens futúra in spe sancta fiduciáliter persevéret.  
Per Christum Dóminum nostrum.

R. Amen.

---

#### FORMULA BREVIS

**289.** Pro opportunitate sacerdos vel diaconus adhibere potest formulam brevem benedictionis:

Benedícat ✠ te (vos) omnípotens Deus  
qui néminem derelínquit  
et usque in senéctam et sénium  
fílios suos patérna cura susténtat.

R. Amen.

## CAPUT II

### ORDO BENEDICTIONIS INFIRMORUM

#### PRÆNOTANDA

**290.** Antiquissima est consuetudo, quæ originem ducit e Christi et Apostolorum se gerendi ratione, ut infirmi ab Ecclesiæ ministris benedicantur. Ministri, cum infirmos visitant, diligenter servant oportet ea quæ in Ordine Unctionis infirmorum eorumque pastoralis curæ, nn. 42-45, dicuntur; sed in primis sollicitudinem et caritatem Christi et Ecclesiæ eis manifestent.

**291.** In Ordine Unctionis infirmorum eorumque pastoralis curæ, plures benedicendi infirmos occasiones prævidentur ac benedictionis formulæ indicantur.<sup>13</sup>

**292.** Ordo, qui hic præbetur, adhiberi potest tum a sacerdote, tum a diacono, et etiam a laico, ritibus tamen et precibus pro laico prævisis, qui omnes, ritus structura et potioribus elementis servatis, infirmorum et locorum adiunctis celebrationem aptabunt.

**293.** Si unus tantum infirmus est benedicendus in alia benedictionis celebratione, sacerdos vel diaconus adhibere potest formulam brevem quæ post Ritus brevior n. 320 exhibetur.

#### I. ORDO BENEDICTIONIS

##### A. PRO ADULTIS

#### RITUS INITIALES

**294.** Communitate congregata, minister dicit:  
In nómine Patris, et Fílii, et Spíritus Sancti.

<sup>13</sup> Cf. *Rituale Romanum*, Ordo Unctionis infirmorum eorumque pastoralis curæ, n. 45.

Omnes signo crucis se signant, et respondent:

Amen.

**295.** Deinde minister, si est sacerdos vel diaconus, infirmos et adstantes salutatur, dicens:

Pax huic dómui et ómnibus habitántibus in ea.

vel:

Pax Dómini sit semper vobíscum.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**296.** Si vero minister est laicus, infirmos et adstantes salutatur, dicens:

Fratres, Dóminum benedicámus,  
qui pertránsiit benefaciéndo  
et sanádo omnes.

Omnes respondent:

Benedíctus Deus in sáecula.

vel:

Amen.

---

**297.** Tum minister infirmos et adstantes ad benedictionem accipiendam disponit his vel similibus verbis:

Dóminus Iesus, qui pertránsiit benefaciéndo et sanádo omnes languóres et infirmitátes, discípulis suis commísit ut curam habérent infirmórum, super eos manus impónerent eósque in

nómine suo benedícerent. In hac celebratióne, fratres infirmos Deo commendábimus ut omnes córporis et ánimi dolóres patiénter váleant sustinére, sciéntes quóniam, sicut sócii sunt passiónum Christi, sic erunt et consolatiónis.

#### LECTIO VERBI DEI

**298.** Deinde lector vel unus ex adstantibus vel ipse minister legit textum Sacrarum Scripturarum, ex iis potissimum selectum qui in Ordine Unctionis infirmorum eorumque pastoralis curæ et in Lctionario Missarum pro infirmis indicantur.<sup>14</sup> Seligantur autem textus qui infirmorum condiciones, tam animi quam corporis melius respicere videantur.

2 Cor 1, 3-7 « *Deus totius consolationis* ».

Audíte, fratres, verba Pauli apóstoli ad Corínthios.

Benedíctus Deus et Pater Dómini nostri Iesu Christi, Pater misericordiárum et Deus totíus consolatiónis, qui consolátur nos in omni tribulatióne nostra, ut possímus et ipsi consolári eos, qui in ómni pressúra sunt, per exhortatióne, qua exhortámur et ipsi a Deo; quóniam, sicut abúndant passiónes Christi in nobis, ita per Christum abúndat et consolatio nostra. Sive autem tribulámur, pro vestra exhortatióne et salúte; sive exhortámur, pro vestra exhortatióne, quæ operátur in tolerántia earúndem passiónum, quas et nos pátimur. Et spes nostra firma pro vobis, sciéntes quóniam, sicut sócii passiónum estis, sic éritis et consolatiónis.

**299.** Vel:

Mt 11, 28-30 « *Venite ad me et ego reficiam vos* ».

Audíte, fratres, verba sancti Evángelii secúndum Matthæum.

In illo témpore dixit Iesus discíplis suis: « Veníte ad me, omnes, qui laborátis et oneráti estis, et ego reficiam vos. Tól-

<sup>14</sup> Cf. *Rituale Romanum*, Ordo Unctionis infirmorum eorumque pastoralis curæ, nn. 153-229; *Missale Romanum*, Ordo Lctionum Missæ, nn. 790-795, 796-800, 933-937.

lite iugum meum super vos et dísците a me, quia mitis sum et húmilis corde, et inveniétis réquiem animábus vestris. Iugum enim meum suáve et onus meum leve est ».

**300.** Vel:

Mc 6, 53-56 « *In plateis ponebant infirmos* ».

Audíte, fratres, verba sancti Evangélíi secúndum Marcum.

In illo témpore: cum Iesus et discípuli eius transfretássent in terram, pervenérunt Gennésaret et applicuérunt.

Cumque egréssi essent de navi, contínuo cognovérunt eum et percurréntes univérsam regiónem illam coepérunt in grabátis eos, qui se male habébant, circumférre, ubi audiébant eum esse. Et, quocúmque introíbat in vicos aut in civitátes vel in villas, in platéis ponébant infirmos, et deprecabántur eum ut vel fímbriam vestiménti eius tángerent; et quotquot tangébant eum, salvi fiébant.

**301.** Pro opportunitate, dici vel cani potest psalmus responsorius, aut alius cantus aptus:

Is 38, 10. 11. 12a-d. 16

R. (cf. 17b) *Tu, Dómine, eruísti ánimam meam, ut non períret.*

Ps 101 (102), 2-3. 24-25

R. (2) *Dómine, exáudi oratióem meam  
et clamor meus ad te véniat.*

**302.** Minister, pro opportunitate adstantes breviter alloquitur, lectionem bíblicam illustrans, ut sensum celebrationis fide percipiant.

#### PRECES

**303.** Sequitur prex communis. Ex intercessionibus quæ infra proponuntur, minister seligere potest eas quæ aptiores videantur vel

alias adicere quæ peculiaria rerum vel infirmorum adiuncta respiciant.

Dómino Iesu, salvatóri nostro, ut fratres nostros ægrótos sua grátia consolétur, fidénter supplicémus, dicéntes:

*R. His infirmis, Dómine, adésto propítius.*

Qui médicus venísti carnális et spiritalís,  
ut nostras sanáres infirmitátes. *R.*

Qui vir dolórum  
languóres nostros portásti  
et dolóres nostros ipse tulísti. *R.*

Qui per ómnia voluísti frátribus similári,  
ut teípsum misericórdem manifestáres. *R.*

Qui carnis debilitátem experíri voluísti,  
ut nos a malo liberáres. *R.*

Qui Genetrícem tuam iuxta crucem stantem  
in dolóribus sóciam habuísti  
eámque matrem nobis dedísti. *R.*

Qui vis ut in carne nostra adimpleámus  
quæ desunt passiónum tuárum  
pro córpore tuo, quod est Ecclésia. *R.*

**304.** Loco communis supplicationis dici possunt, vel etiam supplicationi adici, litanix quæ in Ordine Uctionis infirmorum eorumque pastoralis curæ sub nn. 240 et 241 inveniuntur:

Qui infirmitátes nostras ipse tulísti,  
et dolóres nostros portásti: *Kýrie, eléison.*

*R. Kýrie, eléison.*

Qui pie misértus super turbam,  
transísti benefaciéndo et sanándo infirmos: *Christe, eléison.*

*R. Christe, eléison.*

Qui Apóstolis tuis mandásti,  
ut super ægros manus impónerent: Kýrie, eléison.

R. *Kýrie, eléison.*

305. Vel:

Pro fratre nostro infírmo et pro ómnibus qui ei curádo vel  
inserviédo sunt addícti, Dóminum deprecémur.

R. *Te rogámus, audi nos.*

— Ut hunc infírimum N. benígne respícias.

R. *Te rogámus, audi nos.*

— Ut membris eius vigórem novum infúndas.

R. *Te rogámus, audi nos.*

— Ut eius angóres mitigári concédas.

R. *Te rogámus, audi nos.*

— Ut ómnibus infírmiss grátia tua succúrras.

R. *Te rogámus, audi nos.*

— Ut quotquot eis assístunt divíno róbre sustentés.

R. *Te rogámus, audi nos.*

— Ut ei, cui in tuo nómine manus impónimus,  
vitam et salútem donáre dignéris.

R. *Te rogámus, audi nos.*

#### ORATIO BENEDICTIONIS

306. Tum minister, si est sacerdos vel diaconus, pro opportunitate,  
super omnes infirmos simul vel super singulos manus imponens, bene-  
dictionis orationem profert:

Dómine, Deus noster,  
qui Fílium tuum in mundum misísti,  
ut languóres nostros ipse perférret,



et dolóres nostros ipse portáret,  
pro fámulis tuis infírmiss  
súpplīces deprecámur,  
ut patiéntia confirmáti et in sua spe refécti,  
infirmitátem te benedicénte súperent  
et próspera, te adiuvánte, sanitáte fruántur.  
Per Christum Dóminum nostrum.  
R. Amen.

307. Vel, sine manuum impositione:

Te, Dómine,  
qui pertransísti benefaciéndo et sanándo omnes  
súpplīces deprecámur,  
ut hos fámulos tuos infírmos  
benedícere ✠ dignéris:  
da eis córporis fortitúdinem, stabilitátem ánimī,  
tolerántiam dolórum, valetúdinis integritátem  
ut fratrum cóetui restitúti,  
te gaudéntes benedícant.  
Qui vivis et regnas in sǎcula sǎculórum.  
R. Amen.

308. Si minister est laicus, signo crucis singulos in fronte signans,  
benedictionis orationem profert:

In dilectióne tua salva nos, Dómine, Deus noster,  
qui factúram tuam múltiplici semper pietáte custódis;  
et hos fámulos tuos infírmos  
délixtera tua érige, divína virtúte confírma;  
medélam ádhībe, sana languóres  
ut quod a te solácium exspéctant  
felíciter consequántur.  
Per Christum Dóminum nostrum.  
R. Amen.

309. Vel, pro uno infirmo:

Dómine, sancte Pater, omnípotens ætérne Deus,  
qui condiciónis nostræ fragilitátem  
tua benedictióne érigis atque confírmis,  
super hunc fámulum tuum N. propitiátus inténde,  
ut infirmitáte pénitus detrúsa,  
et valetúdine íntegre reparáta,  
nomen sanctum tuum memor grátusque benedícat.  
Per Christum Dóminum nostrum.

R. Amen.

310. Post orationem benedictionis, minister omnes adstantes invitatur ad invocandam b. Mariæ Virginis protectionem, quod opportune fit recitatione vel cantu antiphonæ marialis, v. gr. *Sub tuum præsidium* vel *Salve Regina*. (cf. App. nn. 1-4).

#### CONCLUSIO RITUS

311. Tum minister, si est sacerdos vel diaconus, ad infirmos conversus, ritum concludit, dicens:

Benedícat vos (te) Deus Pater.

R. Amen.

Sanet vos (te) Dei Fílius.

R. Amen.

Illúminet vos (te) Spíritus Sanctus.

R. Amen.

Denique omnes adstantes benedicit, addens:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

---

312. Si vero minister est laicus, super infirmos omnesque adstantes benedictionem Domini implorat, ac seipsum signans, dicit;

Dóminus Iesus,  
qui pertránsiit benefaciéndo et sanádo omnes infirmos,  
in bona valetúdine nos custodíre  
et sua nos benedictióne cumuláre dignétur.

R. Amen.

---

### B. PRO PUERIS

313. Pro benedictione puerorum infirmorum textus qui supra indicantur eorum conditioni sunt aptandi. Híc preces proponuntur et peculiaris exhibetur oratio benedictionis.

#### PRECES

314. Intercessionibus quæ infra proponuntur minister alias adicere potest, quæ peculiariora rerum adiuncta vel infirmorum condiciones respiciant:

Dóminum Iesum, qui párvulos peculiári amóre díligit atque custódit, pro his púeris deprecémur dicéntes:

R. *Custódi eos in ómnibus viis suis.*

Qui párvulos ad te ádvocans,  
tálium esse dixísti regnum cælórum,  
oratiónem nostram pro his púeris cleménter exáudi. R.

Qui non sapiéntibus et prudéntibus,  
sed párvulis mystéria regni dixísti esse reveláta,  
his púeris amóris tui signum manifestáre dignéris. R.

Qui pueríle decus libénter excepísti,  
cum tibi passúro prompsit hosánna pium,

hos púeros eorúmque paréntes  
tua sancta consolatióne confírma. R.

Qui discípulis tuis commisísti,  
ut infirmórum curam habérent,  
ómnibus, qui horum puerórum valetúdini reparándæ  
álacrem præstant óperam,  
adésto benígnus. R.

#### ORATIO BENEDICTIONIS

**315.** Minister, si est sacerdos vel diaconus, pro opportunitate super omnes pueros infirmos simul vel super singulos manus imponens, benedictionis orationem profert:

Dómine, Deus noster,  
cuius Fílius Iesus Christus  
púeros libénter suscepit et benedíxit,  
super hos fámulos tuos (N. et N.)  
in ténera ætáte languéntes,  
déteram tuam benígnus exténde,  
quátenus, vigóre sanitátis recépto  
et Ecclésiæ tuæ sanctæ suisque paréntibus  
incólumes restitúti,  
gratiárum tibi réferant actiões.  
Per Christum Dóminum nostrum.  
R. Amen.

**316.** Si minister est laicus, et præsertim cum pater vel mater filium infirmum benedicunt, signo crucis singulos in fronte signans, orationem benedictionis profert.

Pater misericordiárum  
et Deus totíus consolatiónis  
qui, creatúræ tuæ múltiplici pietáte  
consúlere dignáris

et ánimæ et córpori salútem benígnus infúndis:  
hos párvulos (N. et N.)  
(hunc párvulum N.)  
(fílium quem mihi donásti)  
ab ægritúdine erígere dignéris,  
ut cunctis vitæ diébus,  
grátia et sapiéntia coram te et homínibus proficiens,  
in iustítia et sanctitáte tibi sérviat,  
et débitas misericórdiæ tuæ réferat gratiárum actiónes.  
Per Christum Dóminum nostrum.  
R. Amen.

## II. RITUS BREVIOR

317. Minister dicit:

v. Adiutórium nostrum in nómine Dómini.

Omnes respondent:

R. Qui fecit cælum et terram.

318. Tunc ab uno ex adstantibus vel ab ipso ministro legitur textus Sacrae Scripturæ, v. gr.:

2 Cor 1, 3-4: Benedíctus Deus et Pater Dómini nostri Iesu Christi, Pater misericordiárum et Deus totíus consolatiónis, qui consolátur nos in omni tribulatióne nostra, ut possimus et ipsi consolári eos, qui in omni pressúra sunt.

Mt 11, 28-29: Veníte ad me, omnes, qui laborátis et oneráti estis, et ego refíciam vos. Tóllite iugum meum super vos et díscite a me, quia mitis sum et húmilis corde, et inveniétis réquiem animábus vestris.

**319.** Deinde minister, si est sacerdos vel diaconus, pro opportunitate super infirmum manus imponens vel si est laicus signo crucis eum in fronte signans, benedictionis orationem profert:

Dómine, sancte Pater, omnípotens ætérne Deus,  
qui condiciónis nostræ fragilitátem  
tua benedictióne érigis atque confírmas,  
super hunc fámulum tuum N. propitiátus inténde,  
ut infirmitáte pénitus detrúsa,  
et valetúdine íntegre reparáta,  
nomen sanctum tuum memor grátusque benedícat.  
Per Christum Dóminum nostrum.

R. Amen.

---

#### FORMULA BREVIS

**320.** Pro opportunitate sacerdos vel diaconus adhibere potest formulam brevem benedictionis:

Ipse te, N., benedícat ✠,  
qui solus est Dóminus ac Redémptor,  
corpus tuum custódiat  
ánimam tuam salvet,  
et ad vitam te perdúcat ætéram.

R. Amen.

### CAPUT III

## ORDO BENEDICTIONIS EORUM QUI AD EVANGELIUM NUNTIANDUM MITTUNTUR

### PRÆNOTANDA

**321.** Cum Christi discipuli — clerici, religiosi, laici — a legitimis Ecclesiæ pastoribus ad salutis mysterium gentibus prædicandum mittuntur, ritum valde convenit celebrari quo benedictio Dei in novos Evangelii præcones imploretur, fideles autem de missionariæ actuositatis natura ac vi moneantur atque excitentur ut orationibus illos prosequantur qui, peculiari charismate præditi, ad Evangelium nuntiandum sunt profecturi.

**322.** Ritus benedictionis convenienter peragitur vel in apta celebratione verbi vel in Eucharistiæ celebratione, ut infra indicatur.

**323.** Ordines, qui hic præbentur, adhiberi possunt a presbytero, qui, ritus structura et potioribus elementis servatis, missionariorum et locorum adiunctis celebrationem aptabit. Si ritui laudabiliter præest Episcopus, omnia opportune aptentur.

## I. ORDO BENEDICTIONIS IN CELEBRATIONE VERBI

### RITUS INITIALES

**324.** Populo congregato, celebrans, diaconus et ministri, sua quisque veste indutus, præcedentibus crucifero et diacono librum Evangeliorum ferente, e secretario per aulam ecclesiæ ad presbyterium pergunt, dum schola cum populo cantat aptum cantum.

**325.** Processioni intersunt ii qui ad Evangelium nuntiandum sunt profecturi.

**326.** Cantu expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**327.** Deinde celebrans adstantes salutat dicens:

Dóminus, qui vos de ténebris vocávit  
in admirábile lumen suum,  
sit cum ómnibus vobis.

vel alia apta verba e Sacra Scriptura præsertim deprompta.

Omnes respondent:

Et cum spíritu tuo.

vel alio apto modo.

**328.** Deinde celebrans adstantes breviter alloquitur ut eorum animos ad celebrationem disponat et ritus illustret, quod facere potest his vel similibus verbis.

Fratres caríssimi, celebratióem hanc vos hódie participánte, primævæ Ecclesiæ agéndi modum aliquómodo renovátis, cum ipsa gaudens ad fratres in fide vel Christum nondum agnoscéntes adiuvándos e fíliis suis nonnúllos in céteros pópulos mittébat.

Istórum fratrum ac sorórum míssio in diversa loca propter Ecclesiæ necessitátes íntima reddat nostræ coniunctiόνis víncula cum illis Ecclesiis particuláribus; quæ vero únio iam nunc in oratióne manifestátur.

**329.** Et omnes per aliquod temporis spatium silentio orant. Tunc celebrans prosequitur:

Deus, qui omnes hómines vis salvos fieri  
et ad agnitiónem veritátis veníre,



réspice messem tuam multam  
et operários in eam mittere dignéris,  
ut omni creatúræ Evangélium prædicétur,  
et plebs tua, verbo vitæ congregáta  
et sacramentórum virtúte suffúlta,  
in via salútis et caritátis procédât.  
Per Christum Dóminum nostrum.

Omnes:

Amen.

#### LECTIO VERBI DEI

**330.** Deinde leguntur a lectoribus vel diacono unus vel plures Sacra Scripturæ textus, ex iis qui in Lectionario pro evangelizatione populorum proponuntur,<sup>15</sup> interiectis congruentibus psalmis responsorii vel intervallis silentio peragendis. Lectio autem Evangelii principem locum obtineat.

**331.** Antequam Evangelium proclametur, valde convenit ut missionarii fidelibus præsententur, modo sequenti: diaconus nuntiat eorum nomina, indicans, si opportunum videtur, gradum vel officium quod in Populo Dei habent necnon Ecclesiam ad quam mittuntur, v. gr.:

Hæc sunt nómina eórum,  
quos Ecclésia nostra N.,  
iuxta mandátum Dómini,  
ad Evangélium nuntiándum mittit  
et suis comitátur oratió nibus:

N. N., présbyter,  
ad Ecclésiam quæ est in región e N.

N. N., diáconus,  
ad Ecclésiam quæ est in región e N.

<sup>15</sup> Cf. *Missale Romanum*, Ordo Lectionum Missæ, nn. 872-876.

N. N., religiósus (religiósa),  
ex Institúto N.  
ad Ecclésiám quæ est in regióne N.

N. N., láicus,  
ad servítium Ecclésiæ quæ est in regióne N.

**332.** Si vero inter missionarios profecturos adsunt religiosi vel religiosas, loco diaconi, superior vel antistita Instituti eorum nomina et munera necnon locum quo mittuntur fidelibus nuntiat, dicens, v. gr.:

Ex nostro Institúto N.,  
caritaté impúlsi et oboediéntia confirmáti,  
ad Evangélium nuntiándum proficiscúntur:

frater N., (v. gr. catechísta), ad regiónem N.

soror N., (v. gr. infirmórum curæ addícta), in pagum N.

---

**333.** Diacono vocanti missionarii respondent aptis verbis (v. gr. Adsum) vel signo aliquo (v. gr. surgendo).

**334.** Lecto Evangelio, celebrans homiliam habet, in qua tum lectiones biblicas tum sensum ritus illustrat.

**335.** Expleta homilia, missionarii surgunt, ad celebrantem accedunt et ita se disponunt ut ritus ab omnibus aspici possit.

#### PRECES

**336.** Sequitur prex communis, in qua omnes rogant tum pro missionariis profecturis tum pro Ecclesiis ad quas mittuntur. Ex invocationibus quæ infra proponuntur, celebrans seligere potest eas quæ aptiores videantur, vel alias adicere quæ peculiaria rerum et missionariorum adiuncta respiciunt.

Deum Patrem misereritissimum precémur, qui Fílium suum unxit Spírítu Sancto ad evangelizándos páuperes, contrítis corde medéndum et omnes lugéntes consolándos. Fidénter dicámus.

*R. Sit laus tua in pópulo tuo, Dómine.*

Miséricors sempitérne Deus,  
qui vis omnes hómines salvos fieri,  
et ad agnitióem veritátis perveníre,  
— tibi grátias ágimus, qui Unigénitum tuum  
mundo dedísti, Magístrum et Redemptórem. *R.*

Qui Iesum Christum misísti evangelizáre paupéribus,  
nuntiáre captívis remissióem et prædicáre tempus grátia:  
— Ecclésiám tuam exténde  
ut hómines ex omni lingua et natióne amplectátur. *R.*

Qui omnes hómines vocas  
de ténebris in admirábile lumen tuum,  
ut in nómine Iesu omne genu flectátur  
cæléstium, terréstrium et infernórum,  
— fac nos testes veros Evangélii salútis. *R.*

Cor rectum ac sincérum dona nobis  
ad audiéndum verbum tuum,  
— et in nobis et in mundo  
abundantióres éxhibe fructus sanctitátis. *R.*

#### ORATIO BENEDICTIONIS

**337.** Celebrans, pro opportunitate, super missionarios profecturos una simul manus imponens, benedictionis orationem immediate subiungit:

Te Deum benedícimus atque laudámus,  
quia ineffábili misericórdia tuæ consílio  
Fílium tuum in mundum misísti,

ut hómines a captivitáte peccáti  
effúso sángine liberáret,  
et Spíritus Sancti donis impléret.  
Qui morte devícta,  
ántequam ad te, Pater, ascénderet,  
Apóstolos misit sui amóris suæque vicários potestátis,  
ut cunctis géntibus Evangélium vitæ nuntiárent  
et credéntes unda ablúerent salutári.  
Réspice ergo, quæsumus, Dómine,  
hos fámulos tuos, quos signo crucis instrúctos,  
núntios míttimus salutis et pacis.  
Délixtera tua, Dómine, eórum dírige gressus,  
animósque grátiae tuæ róbor virtúte,  
ne labóre fatigáti defícient.  
Fac ut eórum verba Christi résonent vocem,  
ut qui eos audierint ad obœdiéntiam trahántur Evangélii.  
In eórum corda Spíritum Sanctum benígnus infúnde,  
ut, ómnia ómnibus facti,  
multos ad te, Pater, addúcant,  
qui in sancta Ecclésia te sine fine colláudent.  
Per Christum Dóminum nostrum.  
R. Amen.

#### TRADITIO CRUCIS

**338.** Tunc celebrans cruces benedicit, dicens:

Dómine, sancte Pater,  
qui crucem Fílii tui  
fontem ómnium benedictiónum  
omniúmque causam gratiárum  
fieri voluísti,  
benedícere dignáre has cruces  
et præsta,

ut qui eas coram homínibus gestáverint,  
in Fílii tui imáginem  
stúdeant transformári.  
Qui vivit et regnat in sæcula sæculórum.  
R. Amen.

**339.** Deinde missionarii ad celebrantem singuli accedunt, qui eis tradit crucem, dicens:

Accipe hoc caritátis Christi  
et fídei nostræ signum.  
Christum prædica eúmque crucifíxum,  
Dei virtútem et Dei sapiéntiam.

Missionarius respondet:

Amen.

Crucem accipit, eam osculatur et ad locum suum revertitur.

---

**340.** Pro opportunitate, celebrans formulam traditionis crucis semel pro omnibus pronuntiat, elata voce dicens:

Accípите hoc caritátis Christi  
et fídei nostræ signum.  
Christum prædicáte eúmque crucifíxum,  
Dei virtútem et Dei sapiéntiam.

vel:

Accípите crucem, signum caritátis Christi  
et missiόνis ad quam vos elégit Ecclésia.

Missionarii omnes simul respondent:

Amen.

Et ad celebrantem accedunt crucem recepturi.

---

## CONCLUSIO RITUS

**341.** Tum celebrans ritum concludit. Post invitatorium: Inclínate vos ad benedictiónem, vel aliud, ad missionarios conversus, manibus extensis, dicit:

Deus, qui in Christo veritátem  
et caritátem suam manifestávit,  
fáciat vos núntios Evangélíi  
et amóris sui testes in mundo.

R. Amen.

Dóminus Iesus, qui Ecclésiæ suæ promísit  
se ei adfutúrum usque ad sǎculi consummationem,  
gressus vestros dirigat et verba confirmet.

R. Amen.

Spíritus Dómini sit super vos,  
ut, itínera mundi peragrántes,  
evangelizáre valeátis paupéríbus,  
et sanáre contrítos corde.

R. Amen.

Denique celebrans universum populum benedicit:

Et vos omnes, qui hic simul adéstis,  
benedícat omnípotens Deus,  
Pater, et Filius, ✠ et Spíritus Sanctus.

Omnes:

Amen.

**342.** Laudabiliter apto cantu ritus perficitur.

## II. ORDO BENEDICTIONIS CELEBRATIONI MISSÆ CONIUNCTÆ

**343.** Quando benedictio peragitur intra Missæ celebrationem, in Missæ formulario eligendo hæc servantur:

a) in sollemnitatibus et in dominicis Adventus, Quadragesimæ et Paschæ dicitur Missa diei;

b) in dominicis Temporis Nativitatis, Temporis per annum, in festis et in memoriis dicitur vel Missa diei vel Missa pro evangelizatione populorum.

**344.** Si ritui præest Episcopus, omnia opportune aptentur.

**345.** In Liturgia verbi omnia fiunt more solito, præter hæc:

a) iuxta rubricas, lectiones vel e Missa diei vel e Missa pro evangelizatione populorum sumuntur;<sup>16</sup>

b) antequam Evangelium proclametur, valde convenit ut missionarii fidelibus præsententur, modo qui infra describitur.

**346.** Expleta secunda lectione, diaconus nuntiat fidelibus nomina eorum qui sunt profecturi, indicans, si opportunum videtur, gradum vel officium quod in Populo Dei habent necnon Ecclesiam ad quam mittuntur, v. gr.:

Hæc sunt nómina eórum,  
quos Ecclésia nostra N,  
iuxta mandátum Dómini,  
ad Evangélium nuntiándum mittit  
et suis comitátur oratióibus:

N. N., présbyter,  
ad Ecclésiam quæ est in regióne N.

N. N., diáconus,  
ad Ecclésiam quæ est in regióne N.

<sup>16</sup> *Missale Romanum*, Ordo Lectionum Missæ, nn. 872-876.

N. N., religiósus (religiósa),  
ex Institutó N.  
ad Ecclésiám quæ est in regióne N.

N. N., láicus,  
ad servítium Ecclésiæ quæ est in regióne N.

---

**347.** Si vero inter missionarios profecturos adsunt religiosi vel religiosæ, loco diaconi, superior vel antistita Instituti eorum nomina et munera necnon locum quo mittuntur fidelibus nuntiat, dicens, v. gr.:

Ex nostro Institutó N.,  
caritaté impúlsi et obœdiéntia confirmáti,  
ad Evangélium nuntiándum proficiscúntur:

frater N., (v. gr. catechísta), ad regiónem N.,  
soror N., (v. gr. infirmórum curæ addícta), in pagum N.

---

**348.** Diacono vocanti missionarii respondent aptis verbis (v. gr. Adsum) vel signo aliquo (v. gr. surgendo).

**349.** Lectio Evangelii fit ab uno e diaconis vel e presbyteris in missiones profecturis.

Dum canitur Versus ad Evangelium, celebrans incensum imponit; deinde, omissa consueta diaconi benedictione, dicit elata voce diacono omnibusque missionariis:

Evangélium quod in hac aula Dei proclamátur,  
verbis et vita géntibus nuntiáte,  
ut eis Christi et Ecclésiæ reserétur mystérium.

vel alia apta verba.

Diaconus et missionarii profecturi respondent:

Amen.



**350.** Lecto Evangelio, celebrans homiliam habet, in qua tum lectiones biblicas tum sensum ritus illustrat.

#### ORATIO BENEDICTIONIS

**351.** Post homiliam omnes surgunt. Missionarii profecturi accedunt ad celebrantem et coram eo sistunt, ita ut ritus a fidelibus conspici possit. Celebrans, manus una simul super eos imponens, dicit:

Te Deum benedícimus atque laudámus,  
quia ineffábili misericórdiæ tuæ consílio  
Fílium tuum in mundum misísti,  
ut hómines a captivitáte peccáti  
effúso sáanguine liberáret,  
et Spíritus Sancti donis impléret.  
Qui morte devícta,  
ántequam ad te, Pater, ascénderet,  
Apóstolos misit sui amóris suæque vicários potestátis,  
ut cunctis géntibus Evangélíum vitæ nuntiárent  
et credéntes unda ablúerent salutári.  
Réspice ergo, quæsumus, Dómine,  
hos fámulos tuos, quos signo crucis instrúctos,  
núntios míttimus salutis et pacis.  
Déxtera tua, Dómine, eórum dírige gressus,  
animósque grátiae tuæ róbor virtúte,  
ne labóre fatigáti defícient.  
Fac ut eórum verba Christi résonent vocem,  
ut qui eos audierint ad obediéntiam trahántur Evangélíi.  
In eórum corda Spíritum Sanctum benígnus infúnde  
ut, ómnia ómnibus facti,  
multos ad te, Pater, addúcant,  
qui in sancta Ecclésia te sine fine colláudent.  
Per Christum Dóminum nostrum.

R. Amen.

## TRADITIO CRUCIS

**352.** Tunc celebrans cruces benedicit, dicens:

Dómine, sancte Pater,  
qui crucem Fílii tui  
fontem ómnium benedictiónum  
omniúmque causam gratiárum  
fieri voluísti,  
benedícere dignáre has cruces  
et præsta,  
ut qui eas coram homínibus gestáverint,  
in Fílii tui imáginem  
stúdeant transformári.  
Qui vivit et regnat in sæcula sæculórum.

R. Amen.

**353.** Deinde missionarii ad celebrantem singuli accedunt, qui eis tradit crucem, dicens:

Accipe hoc caritátis Christi  
et fídei nostræ signum.  
Christum prædica eúmque crucifíxum,  
Dei virtútem et Dei sapiéntiam.

Missionarius respondet:

Amen.

Crucem accipit, eam osculatur et ad locum suum revertitur.

---

**354.** Pro opportunitate, celebrans formulam traditionis crucis semel pro omnibus pronuntiat, elata voce dicens:

Accípite hoc caritátis Christi  
et fídei nostræ signum.

Christum prædicâte eúmque crucifíxum,  
Dei virtútem et Dei sapiéntiam.

vel:

Accípite crucem, signum caritátis Christi  
et missiónis ad quam vos elégit Ecclésia.

Missionarii omnes simul respondent:

Amen.

Et ad celebrantem accedunt crucem recepturi.

---

**355.** Interea cani potest antiphona (cf. App. n. 5):

Annuntiáte  
de die in diem salutáre eius.

cum Psalmo 95 (96), vel alius aptus cantus.

**356.** Sequitur communis prex, in qua fit quoque precatio tum pro missionariis profecturis tum pro Ecclesiis ad quas mittuntur.

**357.** Dum cantus ad offertorium canitur, nonnulli missionarii profecturi ad altare opportune afferunt panem, vinum, aquam pro Missæ celebratione.

**358.** Si opportunum videtur, postquam celebrans dixit *Pax Dómini*, missionarii ad altare singuli accedunt pacem ab eo recepturi.

**359.** Postquam celebrans Corpus et Sanguinem sumpsit, missionarii profecturi ad altare accedunt, communionem sub utraque specie recepturi.

#### CONCLUSIO RITUS

**360.** Nisi Missa propriam benedictionem sollemnem habeat, hæc formula adhiberi potest. Celebrans dicit:

Dóminus vobíscum.

Populus respondet:

Et cum spírítu tuo.

Deinde diaconus, pro opportunitate, populum ad benedictionem accipiendam invitat his vel similibus verbis:

Inclináte vos ad benedictiónem.

Tum celebrans, manibus super missionarios extensis, eos benedicit, dicens:

Deus, qui in Christo veritátem  
et caritátem suam manifestávit,  
fáciat vos núntios Evangélíi  
et amóris sui testes in mundo.

R. Amen.

Dóminus Iesus, qui Ecclésiæ suæ promísit  
se ei adfutúrum usque ad sǎculi consummationem,  
gressus vestros dírigat et verba confírmet.

R. Amen.

Spíritus Dómini sit super vos,  
ut, itínера mundi peragrántes,  
evangelizáre valeátis paupéríbus,  
et sanáre contrítos corde.

R. Amen.

Denique celebrans universum populum benedicit:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

Omnes:

Amen.

## CAPUT IV

### ORDINES BENEDICTIONIS AD CATECHESIM ET ORATIONEM COMMUNEM SPECTANTES

#### I. ORDO BENEDICTIONIS EORUM QUI AD CATECHESIM FACIENDAM DEPUTANTUR

##### PRÆNOTANDA

**361.** Ritus benedictionis eorum qui in Ecclesia locali ad catechesim faciendam deputantur, convenienter peragitur vel in apta celebratione verbi vel in Eucharistiæ celebratione, ut infra indicatur.

**362.** Ordo, qui hic præbetur, adhiberi potest tum a sacerdote tum a diacono, qui, ritus structura et potioribus elementis servatis, locorum adiunctis celebrationem aptabunt.

#### A. ORDO BENEDICTIONIS IN CELEBRATIONE VERBI

##### RITUS INITIALES

**363.** Communitate congregata, convenienter fit cantus aptus, quo completo, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**364.** Deinde celebrans adstantes salutat dicens:

Deus Pater misericordiárum  
qui vult omnes hómines salvos fíeri,  
sit cum ómnibus vobis.

vel alia apta verba e Sacra Scriptura præsertim deprompta.

Omnes respondent:

Et cum spírítu tuo.

vel alio apto modo.

**365.** Deinde celebrans adstantes breviter alloquitur ut eorum animos ad celebrationem disponat et ritum illustret, quod facere potest his vel similibus verbis:

Actio pastorális Ecclésiæ plurimórum indiget cooperatióne, ut communitates et singuli christifidéles ad fidei maturitatem possint pervenire, et fidem ipsam celebratióne, stúdio ac vitæ testimonio iúgiter annúntient.

Cooperatio huiúsmodi præbétur ab eis, qui se impéndunt in catechésim tradéndam, initiatióem faciéntes necnon eruditiónem atque institutióem céteris impertiéntes de iis, quæ verbo Dei et Ecclésiæ doctrína illumináti ipsi vivénda ac celebránda didicérunt.

Pro istis cooperatóribus nostris Dóminum nunc benedícimus atque super eos Spíritus Sancti grátiae fluxum implorámus, qua indigent in ecclesiáli servítio exsequéndo.

#### LECTIO VERBI DEI

**366.** Deinde lector, vel unus ex adstantibus vel ipse celebrans legit textum Sacrarum Scripturarum, ex iis potissimum selectum qui in Lectionario pro evangelizatione populorum proponuntur,<sup>17</sup> vel pro ministris Ecclésiæ,<sup>18</sup> vel:

Rom 10, 9-15 « *Quam speciosi pedes evangelizantium bona* ».

Audíte, fratres, verba Pauli apóstoli ad Romános.

Si confiteáris in ore tuo: « Dóminum Iesum! », et in corde tuo credíderis quod Deus illum excitávit ex mórtuis, salvus eris.

<sup>17</sup> *Missale Romanum*, Ordo Lectionum Missæ, nn. 872-876.

<sup>18</sup> *Ibid.*, nn. 848-851.

Corde enim créditur ad iustítiam, ore autem conféssio fit in salutem. Dicit enim Scriptúra: « Omnis, qui credit in illo, non confundétur ». Non enim est distíctio Iudæi et Græci, nam idem Dóminus ómnium, dives in omnes, qui ínvocant illum: Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo vero prædicábunt nisi mittántur? Sicut scriptum est: « Quam speciósi pedes evangelizántium bona ».

**367.** Pro opportunitate, dici vel cani potest psalmus responsorius aut alius cantus aptus.

Ps 95 (96), 1-2a. 2b-3. 7-8a. 10

R. (3) *Annuntiáte in ómnibus pópulis mirabilia Dómini.*

**368.** Celebrans, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

**369.** Sequitur prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum vel adstantium adiuncta respiciant.

Deus omnes hómines vult salvos fíeri.

Ideo eum sic deprecémur:

R. *Trahe omnes ad te, Dómine.*

Fac ut gentes cognóscant te, Patrem, solum verum Deum esse,  
— et Iesum Christum Fílium tuum, quem misísti. R.

Mitte operários in messem tuam,  
— ut magnificétur nomen tuum in géntibus. R.

Qui discípulos misísti ad Evangélium prædicándum,  
— nos ádiuva ut victóriam Crucis extendámus. R.

Fac nos dóciles prædicatióni Apostolórum,  
— et confórmes veritáti fidei nostræ. R.

Qui nos hódie ad tuum servítium vocas erga fratres,  
— veritátis tuæ minístros fac nos esse. R.

Minístros sanctæ Ecclésiæ tuæ serva,  
— ut cum álios docuérimus  
fidéles in tuo servítio inveniámur. R.

Spíritus Sancti grátia dírigat corda et lábia nostra,  
— ut in tuo amóre et laude semper maneámus. R.

#### ORATIO BENEDICTIONIS

**370.** Tum celebrans, manibus extensis, benedictionis orationem profert:

Hos, Dómine, fámulos tuos  
qui in catechésim tradéndam  
se impéndere præóptant,  
patérna tua benedictióne ✠  
in suo propósito confirmáre dignéris:  
ut quæ in verbo tuo meditándo  
et in Ecclésiæ doctrína persolvénda didícerint  
fratres suos sátagant edocére  
tibi que cum illis alácrité deservíre.  
Per Christum Dóminum nostrum.  
R. Amen.

#### CONCLUSIO RITUS

**371.** Tum celebrans, ad catechistas conversus, ritum concludit, dicens:

Deus, qui in Christo veritátem  
et caritátem suam manifestávit,  
fáciat vos Evangélii et amóris sui testes in mundo.  
R. Amen.



Dóminus Iesus, qui Ecclésiæ suæ promísit  
se ei adfutúrum usque ad sǽculi consummationem,  
ópera vestra et verba confírmet.

R. Amen.

Spíritus Dómini sit super vos,  
ut adiuváre valeátis  
verbi sui minístros.

R. Amen.

Denique omnes adstantes benedicit, dicens:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

**372.** Laudabiliter ritus apto cantu perficitur.

## B. ORDO BENEDICTIONIS CELEBRATIONI MISSÆ CONIUNCTÆ

**373.** Secundum rubricas, si opportunum videtur, adhibetur Missa pro Laicis, cum lectionibus in Lectionario propositis.<sup>19</sup>

**374.** Post lectionem Evangelii, celebrans in homilia e textu sacro exponat sensum celebrationis, attentis tamen diversis locorum et personarum adiunctis.

**375.** Sequitur prex communis, modo in Missæ celebratione consueto vel modo qui hic proponitur; quam orationem celebrans concludit formula benedictionis, nisi opportunius videatur hanc formulam in fine celebrationis Missæ adhibere, tamquam orationem super populum. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiariter rerum vel locorum adiuncta respiciant.

<sup>19</sup> Cf. *Missale Romanum*, Ordo Lectionum Missæ, nn. 826-866.

Deus omnes hómines vult salvos fieri.

Ideo eum sic deprecémur:

R. *Trahe omnes ad te, Dómine.*

Fac ut gentes cognóscant te, Patrem, solum verum Deum esse,  
— et Iesum Christum Fílium tuum, quem misísti. R.

Mitte operários in messem tuam,  
— ut magnificétur nomen tuum in géntibus. R.

Qui discípulos misísti ad Evangélium prædicándum,  
— nos ádiuva ut victóriam Crucis extendámus. R.

Fac nos dóciles prædicatióni Apostolorum,  
— et confórmes veritatí fídei nostræ. R.

Qui nos hódie ad tuum servítium vocas erga fratres,  
— veritatís tuæ minístros fac nos esse. R.

Minístros sanctæ Ecclésiæ tuæ serva,  
— ut cum álios docuérimus  
fidéles in tuo servítio inveniámur. R.

Spiritus Sancti grátia dírigat corda et lábia nostra,  
— ut in tuo amóre et laude semper maneámus. R.

376. Celebrans profert orationem, manibus extensis, dicens:

Hos, Dómine, fámulos tuos  
qui in catechésim tradéndam  
se impéndere præóptant,  
patérna tua benedictióne ✠  
in suo propósito confirmáre dignéris:  
ut quæ in verbo tuo meditádo  
et in Ecclésiæ doctrína persolvénda didícerint  
fratres suos sátagant edocére  
tibíque cum illis alácritér deservíre.  
Per Christum Dóminum nostrum.

R. Amen.

**377.** Si vero opportunius videtur, oratio benedictionis adhiberi potest in fine celebrationis Missæ, post invitorium:

Inclináte vos ad benedictionem.

vel aliud.

Post orationem benedictionis, celebrans semper subdat:

Benedícat vos omnípotens Deus,  
Pater, et Fílius, ✠ et Spíritus Sanctus.

Omnes respondent:

Amen.

## II. ORDO BENEDITIONIS PRO CŒTU AD CATECHESIM VEL ORATIONEM FACIENDAM CONGREGATO

### PRÆNOTANDA

**378.** Cum christifideles vel catechumeni in nomine Christi conveniunt in unum, in illo cœtu congregato, iuxta verbum Domini, ipse Christus præsens adest. De quo sponte venit ut a cordibus cœtum participantium preces benedictionis ad Christum fundantur, una cum divini auxilii invocatione ad illud obtinendum, propter quod conventus factus est. Idipsum peculiari modo evenit in cœtibus ad catechesim vel orationem faciendam congregatis; sed etiam in diversi generis conventibus opportunum est ut iidem initium capiant ab oratione liturgica et saltem quoddam spatium temporis ad istam peragendam reservent.

Hac ratione Institutio generalis de Liturgia Horarum (cf. n. 27) laicorum cœtus ubivis congregatos invitat ut in adunationibus quacumque de causa faciendis (orationis, apostolatus aliussve rationis) Ecclesiæ Officium expleant, Liturgiæ Horarum partem celebrantes: « oportet enim discant præprimis in actione liturgica Deum Patrem in spiritu et veritate adorare (cf. Io 4, 23) », memores « se cultu publico et oratione omnes homines attingere et ad totius mundi salutem non paulum conferre posse ».

Si autem hoc fieri nequit, attenta adiunctorum varietate, congruum videtur cœtum inire Spiritum Sanctum benedictionemque Domini invocando hymno *Veni creátor* (cf. App. n. 6) vel antiphona *Veni Sancte Spíritus* (cf. App. n. 7) aut alio cantu apto atque, post brevem lectionem biblicam opportune selectam, orationem concludere una e collectis Missalis Romani, præsertim deprompta e Missis de Spiritu Sancto vel e Missa hebdomadæ VII temporis paschalis vel e Missa pro conventu spiritali vel pastoralis.

**379.** In fine adunationis vero haberi potest celebratio benedictionis cum oratione benedictionis, quæ a præside profertur, modo quo sequitur.

**380.** Oratio benedictionis omittitur quando illas adunationes eucharistica sequitur celebratio.

**381.** Ordo, qui hic præbetur, adhiberi potest tum a presbytero, tum a diacono, tum etiam, ritibus pro ipso prævisis, a laico, qui omnes, ritus structura servata, locorum adiunctis celebrationem aptabunt.

### ORDO BENEDICTIONIS

**382.** Ille qui præest adstantes ad benedictionem accipiendam disponit his vel similibus verbis:

In hac nostra quam persolvimus adunatióne, Dóminus ipse locútus est nobis. Grátias ergo ei ágere debémus, qui mystérium absconditum a sáculis in Deo, nobis dignátus est reveláre. Nunc vero vitam nostram verbo quod audívimus conformári opórtet. Antequam ergo discedámus, mentem nostram ad Deum elevémus ut suo Spíritu nos ad pleniórem ducat veritátem et nos róboret ut quæ plácita sunt ei semper faciámus.

### PRECES

**383.** Ubi opportunum videtur, ante orationem benedictionis, prex communis haberi potest. Ex intercessionibus quæ infra proponuntur,

ille qui præest seligare potest eas quæ aptiores videantur vel alias adicere quæ peculiaria rerum adiuncta respiciant.

Verba quæ nobis Dóminus locútus est, spíritus et vita sunt: Eum ergo rogémus ut qui verba vitæ æternæ habet non audítóres tantum invéniat in nobis sed et factóres verbi, eiúsque veritátis cooperatóres. Dicámus ergo:

R. *Lóquere, Dómine, verba vitæ habes!*

Christe, Fili Dei, qui in mundum venísti  
ut Patris tui amórem homínibus nuntiáres,  
— adáuge fidem nostram, ut verba tua,  
tamquam signum patrénæ bonitátis recipiámus. R.

Christe, in quo Pater sibi bene complácuit,  
mandans nobis ut te fidénter audiámus,  
— da nobis intelléctum,  
ut verba tua suáriter perscrutántes  
eórum dulcédinem experíri valeámus. R.

Christe, qui beátum dixísti  
quicúmque audit verbum Dei et custódit illud,  
— concéde nobis ut verba tua cum María custodiéntes,  
in corde nostro assídue conferámus. R.

Christe, qui verbo tuo mentis ténebras illústras  
et intelléctum das párvulis,  
— fac ut te in simplicitáte cordis audiéntes,  
regni cælórum mystéria cognoscámus. R.

Christe, qui in Ecclésia verbum tuum proférre non désinis,  
ut hómines univérsos illud audiéntes  
una fides illúminet, cáritas una coniúngat,  
— verbi tui amatóres et factóres nos in dies redde,  
ut in illo cor unum et ánima una christiáni omnes simus. R.

Christe, qui in verbis tuis lucérnam pédibus  
et lumen sémitis nostris præstitísti,

— fac, ut te audiéntes,  
viam mandatórum tuórum dilatáto corde currámus. R.

Christe, qui verbum tuum protulísti  
ut in salútem hóminum currat et glorificétur,  
— verbis tuis ádeo nos replére dignéris  
ut Evangélii præcónes nos exhibeámus et testes. R.

Tum sequitur oratio benedictionis ut infra.

**384.** Quando Preces non dicuntur, ante orationem benedictionis, minister, his vel similibus verbis, omnes ad orandum invitat, ut divinum exposcant auxilium:

Orémus, fratres caríssimi,  
Deum Patrem omnipoténtem,  
ut gressus nostros  
in viam dírigat mandatórum suórum.

Et pro opportunitate, omnes per aliquod temporis spatium silentio orant. Sequitur oratio benedictionis.

---

#### ORATIO BENEDICTIONIS

**385.** Tum minister, si est sacerdos vel diaconus, manibus extensis, si est laicus, manibus iunctis, benedictionis orationem profert:

Grátias ágimus, Dómine, et benedícimus tibi,  
qui multifáriam multísque modis  
olim pátribus locútus in prophétis,  
novíssime vero in Fílio tuo locútus es,  
ut divítias grátiae tuæ  
ómnibus in ipso manifestáres:  
tuam ergo benignitátem súpplīces exorámus,  
ut qui ad scrutándas Scriptúras convénimus,  
agnitióne voluntátis tuæ repleámur

et digne tibi per ómnia placéntes,  
in omni ópere bono fructificémus.  
Per Christum Dóminum nostrum.

R. Amen.

#### CONCLUSIO RITUS

**386.** Tum minister ritum concludit, dicens:

Deus Pater misericordiárum,  
qui Verbum suum in mundum misit  
per Spíritum suum omnem docéntem veritátem,  
fáciat nos núntios Evangélii  
et amóris sui testes in mundo.

R. Amen.

**387.** Laudabiliter ritus cantu apto perficitur.

**CAPUT V**

**ORDO BENEDICTIONIS CONSOCIATIONUM**

**AD AUXILIUM**

**IN PUBLICIS NECESSITATIBUS PRÆSTANDUM**

**PRÆNOTANDA**

**388.** Fideliter Evangelio adhærens Ecclesia quidquid bonum in communitate humana invenitur sua actione fovet ac roborat.

Etsi totius populi Dei est fratrum miseras atque labores in publicis necessitatibus pro viribus allevare, valde tamen laudandæ sunt ac sustinendæ hominum consociationes, quæ dum efficacius ipsæ, collatis viribus, auxilium ferre possunt, alios quoque satagunt sibi asciscere adiutores ad magis idoneum adiumentum opportune præstandum.

**389.** Nomine vero consociationum ad auxilia in publicis necessitatibus præstanda hic intelleguntur consociationes ad infirmos in valedudinarium deducendos, ad incendia extinguenda, ad aquarum inundationes decontinendas, etc., etiam si pars sint alicuius structuræ a publica auctoritate in communitate civili promotæ.

**390.** Ordo, qui hic præbetur, adhiberi potest tum a sacerdote tum a diacono, qui, ritus structura et potioribus elementis servatis, consociationis et locorum adiunctis celebrationem aptabunt.

**ORDO BENEDICTIONIS**

**RITUS INITIALES**

**391.** Sodalibus consociationis congregatis, opportune fit cantus aptus, quo expleto, celebrans dicit:

In nómine Patris, et Filii, et Spíritus Sancti.



Omnes signo crucis se signant, et respondent:

Amen.

**392.** Deinde celebrans adstantes salutat dicens:

Dóminus, qui pertránsiit benefaciéndo,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**393.** Tum celebrans adstantes ad benedictionem accipiendam disponit, his vel similibus verbis:

Deus, qui caritas est, caritátis suæ volens hómines esse partícipes, Fílium suum misit in mundum ut homínibus subveníret, eósque vel infirmos vel débiles vel rebus advérsis afflíctos léniter adiuváret; Christus autem tanto fratres suos est prosecútus amóre, ut sibi factum affírmans quidquid pro illis esset impénsum, hómines misericóordes Patris sui benedíctos vocavérit, eisque vitam ætérrnam promísérit.

Super huius ergo consociatiónis sodáles, qui óperam suam in fratrum auxílium impéndere sibi propónunt, largam Dómini benedictiónem implorémus.

#### LECTIO VERBI DEI

**394.** Deinde lector vel unus ex adstantibus vel ipse celebrans legit textum Sacrarum Scripturarum. Seligatur autem textus qui fines consociationis melius respicere videatur.

Mt 25, 31-46 « *Quamdiu fecistis uni de his fratribus meis minimis, mihi fecistis* ».

Audíte, fratres, verba sancti Evangélíi secúndum Matthæum.

In illo témpore dixit Iesus discípulis suis: « Cum vénerit

Fílius hóminis in glória sua, et omnes ángeli cum eo, tunc sedébit super thronum glóriæ suæ. Et congregabúntur ante eum omnes gentes; et separábit eos ab ínvicem, sicut pastor ségregat oves ab hædis, et státuet oves quidem a dextris suis, hædos autem a sinístris. Tunc dicet Rex his, qui a dextris eius erunt: « Veníte, benedícti Patris mei; possidéte parátum vobis regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infírmus, et visitástis me; in cárcere eram, et venístis ad me ». Tunc respondébunt ei iústi dicéntes: « Dómine, quando te vídimus esuriéntem et pávimus, aut sitiéntem et dédimus tibi potum? Quando autem te vídimus hóspitem et collégimus, aut nudum et cooperúimus? Quando autem te vídimus infírmum aut in cárcere et vénimus ad te? ». Et respóndens Rex dicet illis: « Amen dico vobis: Quámdui fecístis uni de his fratribus meis mínimis, mihi fecístis ». Tunc dicet et his, qui a sinístris erunt: « Discédite a me, maledícti, in ignem ætérnum, qui præparátus est diábolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infírmus et in cárcere, et non visitástis me ». Tunc respondébunt et ipsi dicéntes: « Dómine, quando te vídimus esuriéntem aut sitiéntem aut hóspitem aut nudum aut infírmum vel in cárcere et non ministrávimus tibi? ». Tunc respondébit illis dicens: « Amen dico vobis: Quámdui non fecístis uni de mínimis his, nec mihi fecístis ». Et ibunt hi in supplícium ætérnum, iústi autem in vitam ætérnam ».

395. Vel:

Is 58, 1ab. 5-11 *Frangere esurienti panem tuum.*

Audíte, fratres, verba Isaíæ prophétæ.

Clama fórtiter, ne cesses; quasi tuba exálta vocem tuam. Numquid tale est ieiúnium, quod elégi, dies, quo homo afflí-

git ánimam suam? Numquid contorquére quasi iúncum caput suum et saccum et cínerem stérnere? Numquid istud vocábis ieiúnium et diem acceptábilem Dómino? Nonne hoc est ieiúnium, quod elégi: dissólvere víncula iníqua, sólvere funes iúgi, dimíttre eos, qui confrácti sunt, líberos, et omne iúgum dirúmpere? Nonne frángere esuriénti panem tuum et egénos, vagos indúcere in domum? Cum víderis nudum, óperi eum et carnem tuam ne despéxeris. Tunc erúmpet quasi auróra lumen tuum, et sanátio tua cítius oriétur; et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet, clamábis, et dicet: « Ecce adsum ». Si abstúleris de médio tui iúgum et desíeris exténdere dígitum et loqui iniquitátem, si effúderis esuriénti ánimam tuam et ánimam afflíctam satiáveris, oriétur in ténebris lux tua, et calígo tua erit sicut merídies. Et te ducet Dóminus semper, et satiábit in locis áridis ánimam tuam et ossa tua firmábit; et eris quasi hortus irríguus et sicut fons aquárum, cuius non deficient aquæ.

396. Vel:

Tob 12, 6-13 « *Bonum facite, et malum non inveniet vos* ».

Dixit ángelus Dómini Thobi et filio eius: « Deum benedicite ... ».

Sir 3, 33 — 4, 11 « *Animam esurientem ne contristaveris* ».

Ignem ardéntem exstínguit aqua ...

Sir 7, 36-39 « *Non desis plorantibus in consolatione* ».

Páuperi pórrige manum tuam ...

Mc 2, 1-12 « *Venerunt ad Iesum ferentes paralyticum, qui a quattuor portabatur* ».

Iterum intrávit Iesus Caphárnaum ...

Lc 10, 25-37 « *Quis est meus proximus?* ».

Ecce quidam legis peritus surréxit tentans Iesum dicens ...

Io 13, 12-17 « *Et vos debetis alter alterius lavare pedes* ».

Postquam lavit Iesus pedes discipulórum suórum ...

397. Pro opportunitate dici vel cani potest psalmus responsorius aut alius cantus aptus.

Ps 33 (34), 2-3. 4-5. 6-7. 10-11. 12-13

R. (9a) *Gustáte et vidéte quóniam suávis est Dóminus.*

Ps 102 (103), 1-2. 3-4. 11-12. 13-14. 17-18

R. (8) *Miserátor et miséricors Dóminus,  
longánimis et multæ misericórdiæ.*

398. Celebrans pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

399. Ubi opportunum videtur, ante orationem benedictionis, prex communis haberi potest. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria sodalium vel rerum adiuncta respiciant.

Christus Dóminus, languóres nostros ipse ferens, ærúmnastras et nostros ipse portans dolóres, pertránsiit benefaciéndo nobis relínquens exémplum, ut eius vestígia sequámur. In eius ergo caritáte fundáti, ipsum deprecémur dicétes:

R. *Doce nos, Dómine, frátribus inservíre.*

Qui propter nos egénus factus,  
non ministrári sed ministráre venísti,  
— da ut et nos fratres diligámus  
eósque in necessitàtibus adiuvémus. R.

Qui mundum, redemptione tua, novum effecísti,  
in quo hómines sibi ínvicem próximi fíerent,  
et inter se dilígèrent,  
— da ut et nos ad evangélicam vivéendi ratióne  
instaurándam aláriter laborémus. R.

Qui omnes hómines  
bonórum tuórum vis esse partícipes,  
— multos súscita in pópulo tuo;  
qui caritáte tua urgénte,  
egénis miserísque iuvándis,  
se libénter addícant. R.

Qui Mariám matrem tuam,  
matrem quoque nostram esse voluísti,  
— fac ut sub eius præsídiū confugiéntes,  
adiutrícem nobis cælitus datam  
iúgiter sentiámus. R.

Tum sequitur oratio benedictionis ut infra.

**400.** Quando Preces non dicuntur, ante orationem benedictionis, celebrans, his vel similibus verbis, omnes ad orandum invitat, ut divinum exposcant auxilium:

Orémus, fratres dilectíssimi,  
Deum qui cáritas est,  
ut Spíritus sui ardóre nos inflammáre dignétur  
et mútua fáciat dilectióne fervéntes  
sicut Christus diléxit nos.

Et pro opportunitate, omnes per aliquod temporis spatium silentio orant. Sequitur oratio benedictionis.

---

#### ORATIO BENEDICTIONIS

**401.** Tum celebrans, extensis manibus, subiungit:

Benedíctus es, Dómine, Deus misericordiárum,  
qui nobis in Fílio tuo admirábile caritátis exémplum dedísti  
et per eum mandátum dilectiónis eníxe commendásti:  
hos fámulos tuos,  
qui ad fratres adiuvándos se generóse condónant,

benedictionibus tuis ✠ cumulâre dignéris,  
ut, necessitatibus urgéntibus,  
toto ánimo totisque víribus,  
fidéliter tibi in próximis adminístrent.  
Per Christum Dóminum nostrum.

R. Amen.

#### CONCLUSIO RITUS

**402.** Post orationem benedictionis opportune canitur antiphona (cf. App. n. 8):

In hoc cognóscant omnes, quia discípuli mei estis, si dilecti-  
onem habuéritis ad ínvicem.

ꝛ. Dixit Iesus discíplis suis. In hoc.

**403.** Vel sequens (cf. App. n. 9):

Ant. Ubi caritas est vera, Deus ibi est.

ꝛ. Congregávit nos in unum Christi amor.

ꝛ. Exsultémus et in ipso iucundémur.

ꝛ. Timeámus et amémus Deum vivum.

ꝛ. Et ex corde diligámus nos sincéro.

Ant. Ubi caritas est vera, Deus ibi est.

ꝛ. Simul ergo cum in unum congregámur:

ꝛ. Ne nos mente dividámur, caveámus.

ꝛ. Cessent iúrgia maligna, cessent lites.

ꝛ. Et in médio nostri sit Christus Deus.

Ant. Ubi caritas est vera, Deus ibi est.

ꝛ. Simul quoque cum beátis videámus

ꝛ. Gloriánter vultum tuum, Christe Deus:

ꝛ. Gáudium, quod est imménsum atque probum,

ꝛ. Sæcula per infiníta sæculórum.

vel alius cantus aptus.

## CAPUT VI

### ORDO AD BENEDICENDOS PEREGRINOS

#### PRÆNOTANDA

404. Peregrinationes ad loca sancta, ad sepulcra Sanctorum et ad sanctuaria, sive traditis formis suscipiuntur sive novis, magni in vita pastorali habendæ sunt, utpote quæ fideles ad conversionem provocent, eorum vitam christianam nutrant et apostolicam navitatem promoveant.

405. Curandum est ut quod est proprium peregrinationis christianæ, eius nempe natura spiritalis, apte exponatur et opportune præparetur, ut peregrini vere fiant « præcones itinerantes Christi »<sup>20</sup> et peregrinationis fructus abunde percipiant.

406. Quo autem facilius id consequi possint, haud raro bonum erit, occasione data incipiendæ vel concludendæ peregrinationis, aptam celebrationem instituere, in qua peregrinis peculiaris benedictio impertiatur.

407. Si vero præferatur peregrinationem incipere vel absolvere celebratione Missæ vel Liturgiæ Horarum vel alius actionis liturgicæ, omnia concludi possunt peculiari peregrinorum benedictione, iuxta Ordines infra propositos.

408. Ordines, qui hic præbentur, adhiberi possunt tum a sacerdote, tum a diacono, qui, ritus structura et potioribus elementis servatis, peregrinationis et locorum adiunctis celebrationes aptabunt.

<sup>20</sup> Conc. Vat. II, Decretum de apostolatu laicorum, *Apostolicam Actuositatem*, n. 14.

## I. ORDO BENEDICTIONIS PEREGRINORUM ITER INEUNTUM

### RITUS INITIALES

**409.** Communitate peregrinorum congregata, opportune canitur Ps 121 (122) vel alius cantus aptus. Cantu absoluto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**410.** Deinde adstantes salutat, dicens:

Deus, salus et consolátio nostra,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**411.** Tum celebrans adstantes ad benedictionem accipiendam disponit his vel similibus verbis:

Ineúntes nos, fratres caríssimi, hanc sacram peregrinatió-nem, in mentem revocémus opórtet quo consílio hoc sanctum propósitum maturavérimus.

Loca, quæ invísere cúpimus, devotió-nem testántur pópuli Dei, qui eo frequens accúrrit ut inde rédeat in vita christiána profiténda fórtiter confirmátus, et ad caritátis ópera patrán-da aláacriter parátus.



Sed et fídelibus ibi degéntibus nos ipsi, peregríni, áliquíd afférre debémus: exéplum nempe fidei, spei et caritátis nostræ ut omnes, et indígenæ et adventíci, mútua ædificatióne diténtur.

#### LECTIO VERBI DEI

**412.** Deinde lector vel unus ex adstantibus vel ipse celebrans legit textum e Sacris Scripturis.

2 Cor 5, 6b-10 « *Peregrinamur a Domino* ».

Audíte, fratres, verba Pauli apóstoli ad Corínthios.

Dum præséntes sumus in córpore, peregrinámur a Dómino; per fidem enim ambulámus et non per spéciem. Audémus autem et bonam voluntátem habémus magis peregrinári a córpore et præséntes esse ad Dóminum. Et ídeo conténdimus sive præséntes sive abséntes placére illi. Omnes enim nos manifestári opórtet ante tribúnal Christi, ut réferat unusquisque pro eis, quæ per corpus gessit, sive bonum sive malum.

**413.** Vel:

Is 2, 2-5 « *Ambulemus in lumine Domini* ».

Erit in novíssimis diébus ...

Lc 2, 41-51 « *Ascenderunt Ierosolymam* ».

Ibant paréntes Iesu per omnes annos ...

Lc 24, 13-35 « *Ipse Iesus appropinquans ibat cum illis* ».

In illo témpore duo ex discípulis ibant ipsa die (resurrectiόνis Iesu) in castéllum ...

Hebr 10, 19-25 « *Accedamus cum vero corde in plenitudine fidei* ».

Habéntes, fratres, fidúciam ...

1 Petr 2, 4-12 « *Tamquam advenæ et peregrini* ».

Caríssimi, ad Iesum accedéntes ...

414. Pro opportunitate dici vel cani potest psalmus responsorius aut alius cantus aptus.

Ps 23 (24), 1-2. 3-4b. 5-6

R. (cf. 6) *Hæc est generatio quærentium faciem tuam, Dómine.*

Ps 26 (27), 1. 4. 13-14

R. (cf. 4) *Unum pétii a Dómino, ut inhábitem in domo Dómini.*

415. Celebrans pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

416. Sequitur prex communis. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculioria peregrinorum, vel rerum adiuncta respiciant.

Deum humanæ nostræ peregrinationis principium et finem, fidenter invocemus, dicentes:

R. *Iter nostrum, Dómine, propitius comitare.*

Pater sancte,  
qui olim pópulo tuo in desérto peregrinánti,  
ducem et viam te ipsum præbuísti:  
— nobis, hoc iter inchoántibus,  
præsídium tuum benígnus accómmoda  
ut, quibúslibet perículis superátis,  
felíciter ad nostra redeámus. R.

Qui Unigénitum tuum  
tamquam viam qua ad te perveniámus nobis præbuísti,  
— fac ut illum fidéliter et perseverántes sequámur. R.

Qui Mariám semper Vírginem,  
imáginem et exémpplar Christi sequélæ nobis præbuísti,

— tríbue ut illam semper aspiciéntes,  
in novitáte vitæ digne ambulémus. R.

Qui Ecclesiám tuam peregrinántem in terris,  
per Spíritum Sanctum ad te dírigis,  
— concéde ut te super ómnia quæréntes,  
in viam mandatórum tuórum currámus. R.

Qui nos ad te vocas  
per sémitas iustítiæ et pacis,  
— præsta ut te, aliquándo, in æténa pátria contemplémur. R.

#### ORATIO BENEDICTIONIS

417. Tum celebrans, extensis manibus, subiungit:

Omnípotens Deus,  
qui diligéntibus te  
misericórdiam tuam semper impéndis  
et quæréntibus te  
nulla es in regiône longínquus,  
adéstó fámulis tuis pie peregrinántibus  
et eórum viam in tua dírige voluntáte,  
ut, per diem umbra tua salutáriter circumtéciti  
ac lúmine grátia tuæ per noctem illustráti,  
ad eum, quo pergunt locum,  
te comitánte,  
feliciter váleant perveníre.  
Per Christum Dóminum nostrum.  
R. Amen.

#### CONCLUSIO RITUS

418. Tum celebrans ritum concludit dicens:  
Dírigat Dóminus viam nostram  
et in salútis suæ prosperitáte dispónat.  
R. Amen.

Adsit nobis Dóminus  
et comes noster esse dignétur.

R. Amen.

Iter, quod nunc fidénter aggrédimur,  
Deo opitulánte felíciter absolvámus.

R. Amen.

419. Opportune fit cantus aptus.

## II. ORDO BENEDICTIONIS PEREGRINORUM ANTE VEL POST REDITUM

420. Communitate peregrinorum congregata, opportune cantus aptus habetur, v. gr. *Urbs Ierúsalem beáta* (cf. App. n. 10), vel alius qui et locis et adiunctis congruat. Cantu expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

421. Deinde celebrans, adstantes salutat dicens:

Deus, spes et consolátio nostra,  
pace vos répleat et gáudio in Spíritu Sancto.

vel alia apta verba e Sacris Scripturis præsertim deprompta.

Omnes respondent:

Amen.

vel:

Ipsi glória in sácula.

vel alio apto modo.

**422.** Tum celebrans adstantes ad benedictionem accipiendam disponit his vel similibus verbis:

Peculiäre tempus grátiae Deus nobis peregrinántibus concessit. Qui ergo loca sancta fidénter adívimus, ad cor nostrum renovándum íntima sollicitatióne compéllimur.

Sanctuária vero quæ visitávimus, signum exstant domus Dei non manufactæ, Córporis scílicet Christi, cuius nos vivi et elécti lápidés sumus, super ipsum, petram angulárem, ædificáti. Ad própria redeúntes, vocatiónem nostram vivámus, qua genus eléctum, regále sacerdotium, gens sancta et pópulus acquisitiónis vere sumus, ut virtútes eius annuntiémus, qui de ténebris nos vocávit in admirábile lumen suum.

#### LECTIO VERBI DEI

**423.** Deinde lector vel unus ex adstantibus vel ipse celebrans legit textum Sacrarum Scripturarum.

1 Chr 29, 9-18 « *Peregrini sumus coram te, Deus, et advenæ* ».

Audíte, fratres, verba libri primi Chronicórum.

Lætátus est pópulus super prompto ánimo princípum et aliórum, quia corde toto offerébant ea Dómino; sed et David rex lætátus est gáudio magno.

Et benedíxit Dómino coram univérsa multitúdine et ait:

« Benedíctus es, Dómine Deus Israel patris nostri,  
ab ætérno in ætérnum.

Tua est, Domine, magnificéntia et poténtia,  
glória, splendor atque maiéstas.

Cuncta enim, quæ in cælo sunt et in terra tua sunt.

Tuum, Dómine, regnum, et tu eleváris ut caput super ómnia.

De te sunt divítiae et glória,  
tu domináris ómnium.

In manu tua virtus et poténtia,  
 in manu tua est magnificáre et firmáre ómnia.  
 Nunc ígitur, Deus noster, confitémur tibi  
 et laudámus nomen tuum ínclitum.

Quis ego et quis pópulus meus, ut possímus hæc tibi univérsa  
 offérre? Tua sunt hæc ómnia, et, quæ de manu tua accépimus  
 dédimus tibi. Peregríni enim sumus coram te et ádvenæ, sicut  
 omnes patres nostri; dies nostri quasi umbra super terram,  
 et nulla est spes. Dómine Deus noster, omnis hæc cópia,  
 quam parávimus, ut ædificarétur domus nómini sancto tuo,  
 de manu tua est et tua sunt ómnia. Scio, Deus meus, quod  
 probes corda et simplicitátem díligas; unde et ego in simpli-  
 citáte cordis mei lætus óbtuli univérsa hæc et pópulum tuum,  
 qui hic repértus est, vidi cum ingénti gáudio sponte tibi of-  
 férre donária. Dómine Deus Abraham et Isaac et Israel patrum  
 nostrórum, custódi in ætérnum hanc voluntátem cordis  
 eórum; et semper in veneratióne tui mens ista permáneat ».

424. Vel:

Lc 24, 28-35 « *Narrabant quæ gesta erant in via* ».  
 Appropinquavérunt discípuli castélló quo ibant ...

Io 5, 1-15 « *Tolle grabatum tuum et ambula* ».  
 Erat dies festus Iudæórum ...

Io 9, 1-38 « *Abii et lavi et vidi* ».  
 Prætériens Iesus vidit ...

Act 8, 26-35 « *Venerat adorare in Ierusalem et revertebatur* ».  
 Angelus Dómini locútus est ad Philíppum ...

Hebr 13, 12-21 « *Non habemus hic manentem civitatem, sed futuram  
 inquiremus* ».

Fratres: Iesus, ut sanctificáret ...

425. Pro opportunitate dici vel cani potest psalmus responsorius aut alius cantus aptus.

Ps 83 (84), 3. 4. 5-6. 7-8

R. (2) *Quam dilécta tabernácula tua, Dómine virtútum!*

Ps 121 (122), 1-2. 4-5. 6-7. 8-9

R. (cf. 1) *In domum Dómini lætántes íbimus.*

426. Celebrans, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

427. Sequitur prex communis. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria peregrinorum vel rerum adiuncta respiciant.

Dóminum cæli et terræ, qui vóluit ut plenitúdo divinitátis in húmana Christi natúra inhabitáret, súpplīces deprecémur dicéntes:

R. *Réspice, Dómine, de sanctuário tuo et bédic pópulo tuo.*

Pater sancte, qui in éxodo pascháli  
salútis viam pópulo tuo percurréndam  
mýstice præfigurátam voluísti,  
— præsta ut in viis nostris obeúndis  
corde magno et ánimo volénti tibi adhæreámus. R.

Qui Ecclésiā tuā  
velut sanctuárium in mundo posuísti  
unde lux vera ómnibus præfulgéret,  
— fac ut pópuli multi ad eam úndique fluant  
et ámbulent in sémitis tuis. R.

Qui divínitus affirmásti  
manéntem civitátem hic habéri non posse,  
— fac ut futúram fidénter inquirámus. R.

Qui signa præséntiæ tuæ  
in vitæ sémitis doces esse dignoscénda,  
— concéde ut et nos Fílium tuum,  
cómitem habeámus in via  
et in fractióne panis convívam. R.

#### ORATIO BENEDICTIONIS

428. Tum celebrans, extensis manibus, subiungit:

Benedíctus Deus,  
Pater Dómini nostri Iesu Christi,  
qui ex ómnibus géntibus  
devótum tibi pópulum elegísti,  
sectatórem bonórum óperum:  
tu qui horum fratrum corda divínitus tetigísti,  
ut tibi fidélius adhærérent et prómptius inservírent,  
illos, quæsumus,  
benedictiónibus tuis cumuláre dignéris,  
ut cum gáudio ad própria redeúntes,  
mirábília tua et dictis éfferant  
et factis ómnibus maniféstent.  
Per Christum Dóminum nostrum.  
R. Amen.



## CONCLUSIO RITUS

429. Tum celebrans ritum concludit dicens:

Dóminus cæli et terræ,  
qui vobis in hac peregrinatione  
propítius adesse vóluit,  
sua vos semper protectione custódiat.

R. Amen.

Deus, qui filios suos dispérsos  
in Christo Iesu congregávit in unum,  
concédatur et vos in ipso  
cor unum sitis et ánima una.

R. Amen.

Deus, qui pro suo beneplácito  
et velle et perfícere in vobis operári dignátur,  
devotiónem vestram sua benedictione confírmet.

R. Amen.

430. Laudabiliter ritus concluditur apto cantu.

## CAPUT VII

### ORDO BENEDICTIONIS PRO ITINERE INEUNDO

#### PRÆNOTANDA

**431.** Veneranda est consuetudo, in ipsa Scriptura pluries memorata, ut qui iter sint inituri, Domini deprecentur auxilium. Hic Ordo benedictionis specimen præbet orationis, ut pia consuetudo servetur.

Adhiberi potest præsertim pro itinerantibus, qui patria vel domo emigrant, etiam tantum ad tempus, ut laborem exerceant, aut alium in locum se dirigunt, verbi gratia ad ferias agendas.

**432.** Minister huius benedictionis potest esse tum sacerdos tum diaconus tum etiam laicus, qui omnes, ritus structura et potioribus elementis servatis, itinerantium et locorum adiunctis celebrationem aptabunt.

**433.** Si unus tantum vel aliquis parvus coetus sit benedicendus, adhiberi potest Ritus brevior qui in fine huius Ordinis, nn. 449-452 exhibetur.

#### I. ORDO BENEDICTIONIS

##### RITUS INITIALES

**434.** Communitate congregata, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

**Amen.**

vel alio apto modo.

**435.** Deinde minister, si est sacerdos vel diaconus, adstantes salutatur dicens:

Dóminus qui visitábit nos óriens ex alto  
ad dirigéndos pedes nostros in viam pacis,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**436.** Si vero minister est laicus adstantes salutatur, dicens:

Dominus convértat vultum suum ad nos  
et dírigat pedes nostros in viam pacis.

Omnes respondent:

Amen.

---

**437.** Tum minister adstantes ad benedictionem accipiendam disponit his vel similibus verbis:

Fratres nostros discedéntes Dómino commendémus ut eis  
prósperum iter apériat et ipsi, inter huius mundi vias, Deum  
laudent in creatúris suis, eius bonitátem in fratrum hospitalitáte experiántur, bonum núnium salútis homínibus manifestent, ómnibus se præbeant affábiles, afflíctos et egénos quos invénerint et benígne salútent et consolári sciant et sátagant adiuváre.

## LECTIO VERBI DEI

438. Deinde lector vel unus ex adstantibus vel ipse minister qui præest legit textum Sacrarum Scripturarum.

Lc 3, 3-6 « *Rectas facite semitas eius* ».

Audíte, fratres, verba sancti Evangélíi secúndum Lucam.

Venit Ioánnes Baptísta in omnem regiónem circa Iordánem prædicans baptísmum pæniténtiæ in remissionem peccatorum, sicut scriptum est in libro sermónum Isaíæ prophétæ: « Vox clamántis in desérto: Paráte viam Dómini, rectas fácite sémitas eius. Omnis vallis implébitur, et omnis mons et collis humiliábitur; et erunt prava in dirécta et áspera in vias planas; et vidébit omnis caro salutáre Dei ».

439. Vel:

Deut 6, 4-9 *Meditaberis verba mea in itinere.*

Audíte, fratres, verba libri Deuteronomíi.

Audi Israel: Dóminus Deus noster Dóminus unus est. Díliges Dóminum Deum tuum ex toto corde tuo et ex tota ánima tua et ex tota fortitúdyne tua. Erúntque verba hæc, quæ ego præcípíio tibi hódie, in corde tuo, et inculcábis ea fíliis tuis et loqueris ea sedens in domo tua et ámbulans in itinere, decúmbens atque consúrgens; et ligábis ea quasi signum in manu tua, erúntque quasi appénsum quid inter óculos tuos, scribésque ea in póstibus domus tuæ et in portis tuis.

440. Vel:

Gen 12, 1-9 « *Egredere in terram, quam monstrabo tibi* ».

Dixit Dóminus ad Abram: « Egrédere de terra tua ...

Gen 28, 10-16 « *Ego tecum sum et custodiam te, quocumque perrexeris* ».

Egréssus Iácob de Bersabée pergébat Charran ...

Tob 5, 17-22 « *Deus protegat vos ibi, et reducat vos* ».

Dixit Azarías Thobi: « Ibo cum illo, ne timéris ... »

Lc 24, 13-35 « *Ipse Iesus appropinquans ibat cum illis* ».

In illo témpore duo ex discipulis ibant ipsa die (resurrectionis Iesu) in castéllum ...

Io 14, 1-11 « *Ego sum via et veritas et vita* ».

Dixit Iesus discipulis suis: « Non turbétur cor vestrum ... »

**441.** Pro opportunitate dici vel cani potest psalmus responsorius aut alius cantus aptus:

Ps 22 (23), 1-3. 4. 5. 6

R. (1) *Dóminus pascit me, et nihil mihi déerit.*

Ps 24 (25), 5-6. 9-10. 12-13

R. (4) *Vias tuas, Dómine, démonstra mihi.*

Ps 90 (91), 1-2. 10-11. 12-13. 14-15

R. (cf. 11) *Angeli Dómini custódiant te in ómnibus viis tuis.*

**442.** Minister qui præest, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

---

## PRECES

**443.** Ubi opportunum videtur, ante orationem benedictionis, communis prex haberi potest. Ex intercessionibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

Deum, nostrárum viárum princípium et finem, fidénter invocémus dicéntes:

R. *Pius adésto, Dómine, gréssibus nostris.*

Pater sancte,

cuius Unigénitus se nobis tamquam viam præbuit,

qua ad te perveniámus,

— fac ut illum præeúntem fidéli perseverántia sequámur. R.

Qui serviéntibus tibi

semper et ubíque es propínquus,

— fámulos tuos patérna protectióne custódi,

ut te séntiant cómitem in via,

quem futúrum sperant convívam in pátria. R.

Qui olim pópulo tuo in desérto peregrinánti

ducem et viam temetípsum præbuísti,

— nobis, hoc iter inchoántibus,

præsídium tuum largíre benígnus

ut, quibúslibet perículis superátis,

felíciter ad nostra redeámus. R.

Qui hospitalitátem peregrínis exhibítam

inter signa adveniéntis regni tui posuísti,

— concéde ut omnes, qui sine domo vagántur,

stábilem possint sedem inveníre. R.

Tum sequitur oratio benedictionis ut infra.

**444.** Quando preces non dicuntur, ante orationem benedictionis, minister, his vel similibus verbis, divinum auxilium exposcit, dicens:

Vias tuas, Dómine, demónstra nobis.

R. *Kýrie, eléison.*

Mitte nobis, Dómine, auxílium de sancto.

R. *Kýrie, eléison.*

Esto nobis, Dómine, turris fortitúdinis.

R. *Kýrie, eléison.*

Salvos fac servos tuos, Dómine, sperántes in te.

R. *Kýrie, eléison.*

Sequitur oratio benedictionis.

---

## ORATIO BENEDICTIONIS

**445.** Tum minister, si est sacerdos vel diaconus, manibus extensis, secus vero, manibus iunctis, benedictionis orationem profert.

Si ipse non est cum aliis profecturus:

Omnípotens et miséricors Deus,  
qui filios Israel per médium mare  
siccó vestígio transíre fecísti,  
et Magis ad Fílium tuum veniéntibus  
iter, stella duce, ostendísti;  
auxiliáre frátribus nostris,  
et iter eis prósperrum concéde,  
ut, te protegénte et comitánte,  
quo tendunt incólumes perveníre  
ac demum ætérnæ salútis portum  
feliciter intráre mereántur.  
Per Christum Dóminum nostrum.  
R. Amen.

**446.** Vel cum ipse est simul cum aliis profecturus:

Omnípotens sempíterne Deus,  
qui Abraham de terra sua edúctum,  
et de cognatióne detráctum  
per omnes suæ peregrinatiónis vias  
illæsum custodísti:  
nos étiam fámulos tuos custodíre dignéris:  
esto nobis, Dómine, in procínctu suffrágium,  
in viá comes atque solátium,  
in adversitáte præsidium:  
ut, te duce, quo téndimus,  
prósperè perveniámus,  
et ad própria feliciter redíre possímus.  
Per Christum Dóminum nostrum.  
R. Amen.

## CONCLUSIO RITUS

**447.** Tum ille qui præest, si est sacerdos vel diaconus, ritum concludit dicens:

Dóminus vobis (nobis) inseparabíliter inhæreat  
et iter vestrum (nostrum) beneplácito suo  
misericórditer dírigat.

Per Christum Dóminum nostrum.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

---

**448.** Si vero minister est laicus super profecturos omnesque adstantes benedictionem Domini implorat, ac seipsum signans, dicit:

Benedícat nos omnípotens Deus,  
ac nos pro vobis exáudiat supplicántes  
ut próspere iter habeátis.

R. Amen.

---

## II. RITUS BREVIOR

**449.** Ille qui præest dicit:

Adiutórium nostrum in nómine Dómini.

Omnes respondent:

Qui fecit cælum et terram.

**450.** Tunc ab uno ex adstantibus vel ab eo qui præest legitur textus Sacrae Scripturae, v. gr.:



Tob 4, 19a: Omni tēmpore bēdic Dóminum et póstula ab illo, ut dirigántur viæ tuæ et omnes sémitæ tuæ et consília bene disponántur.

Io 14, 6: Dixit Iesus: « Ego sum via et véritas et vita. Nemo venit ad Patrem nisi per me ».

**451.** Deinde ille qui præest benedictionis orationem profert:

Omnípotens sempitérne Deus,  
qui Abraham de terra sua edúctum,  
et de cognatióne detráctum  
per omnes suæ peregrinatiónis vias  
illæsum custodísti:  
nos étiam fámulos tuos custodíre dignéris:  
esto nobis, Dómine, in procínctu suffrágium,  
in via comes atque solátium,  
in adversitatē præsídium:  
ut, te duce, quo téndimus,  
próspere perveniámus,  
et ad própria felíciter redíre possímus.  
Per Christum Dóminum nostrum.

R. Amen.

**452.** Vel:

Benedícat nos Deus  
omni benedictióne cælésti  
viásque nostras in prosperitatē dispónat,  
ut inter omnes mundánas varietátēs,  
eius semper protectiõem  
experíri valeámus.  
Per Christum Dóminum nostrum.

R. Amen.



**PARS SECUNDA**

**DE BENEDICTIONIBUS QUÆ ÆDES  
ET CHRISTIFIDELIUM MULTIMODAM  
NAVITATEM SPECTANT**



## PRÆNOTANDA PARTIS SECUNDÆ

**453.** Fide ducti christifideles, spe roborati et caritate compulsi, bonitatis divinæ vestigia non solum in universis rebus creatis sapienter dignoscere valent, sed omnes mundi eventus tamquam signa considerant paternæ illius providentiæ, qua Deus omnia regit atque gubernat. Semper ergo et ubique occasio præbetur et orandi, et Domino fidendi et gratias debitas agendi.

**454.** Sensum fidei, quo Dei præsentia in cunctis vitæ eventibus percipitur, peculiaribus decet ritibus exhibere, qui in huiusmodi rebus aut ædificiis inaugurandis peraguntur. Deum enim benedicimus eique pro novis rebus vel ædificationibus gratias agimus, imprimis ab illo petentes, ut eos qui horum operum vel rerum utentur beneficio, sua ipse benedictione cumulare dignetur.

**455.** Ordines benedictionum, qui in hac parte inveniuntur, res adhibendas atque ædificia inauguranda respiciunt, quæ christifidelium multimodam spectant navitatem, quæque in eorum vita magni sunt momenti.

## CAPUT VIII

### ORDO BENEDICTIONIS OPERIS QUO NOVI ÆDIFICII STRUCTURA PARATUR

#### PRÆNOTANDA

456. Ritus, qui sequitur, adhibetur cum opus inchoatur ad ædificium exstruendum vel benedicitur primarius lapis ædificii alicuius momenti, præsertim pro aliqua communitate peculiari. Modus autem benedicendi primarii lapidis sicut etiam benedicendi operis ad novam ecclesiam ædificandam fit iuxta ritum in Ordine Dedicationis ecclesiæ et altaris propositum.<sup>1</sup>

457. Ordo, qui hic præbetur, adhiberi potest tum a sacerdote tum a diacono qui, ritus structura et potioribus elementis servatis, adstantium et operis ac locorum adiunctis celebrationem aptabunt.

458. Hæc celebratio etsi respicit communitatem cui ædificium exstruendum destinatur, plenior tamen sensum consequi potest cum adsunt etiam illi qui proprio labore immediate opus ædificabunt.

### ORDO BENEDICTIONIS

#### RITUS INITIALES

459. Coetu congregato ad locum ubi ædificium exstruendum est, convenienter fit cantus aptus, v. gr. Ps 126 (127), 1-2.

460. Cantu expleto, celebrans dicit:

In nómine Patris, et Fílii, et Spíritus Sancti.

<sup>1</sup> *Pontificale Romanum*, Ordo Dedicationis ecclesiæ et altaris, cap. I.

Omnes signo crucis se signant, et respondent:

Amen.

461. Deinde celebrans adstantes salutatur, dicens:

Grátia vobis et pax a Deo Patre nostro,  
a quo bona cuncta procedunt.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

462. Secundum loci consuetudines, post salutationem, legati eorum qui opus exstruere curabunt aliquam præsentationem operis facere possunt.

463. Deinde celebrans adstantes ad benedictionis celebrationem disponit his vel similibus verbis:

Opus quod hódie inchoámus, fidem nostram debet excitáre et gratos animórum sensus exhibére. Illud psalmi útique nóvimus: Nisi Dóminus ædificáverit domum in vanum labórant qui ædificant eam. Dei autem quodámmodo sumus adiutóres, quóties opéribus nostris frátribus vel communitáti consúlimus atque servímus. Dei ígitur auxílium hac nostra celebratióne, fratres, implorémus, ut hanc structúram ad optátum éxitum felíciter ducat, molitóres prótegat et ab omni malo deféndat.

#### LECTIO VERBI DEI

464. Deinde lector vel unus ex adstantibus vel ipse celebrans legit textum Sacrarum Scripturarum.

1 Cor 3, 9-11 « *Dei ædificatio estis* ».

Audíte, fratres, verba Pauli apóstoli ad Corínthios.

Dei sumus adiutóres: Dei agricultúra estis, Dei ædificatio estis. Secundum grátiam Dei quæ data est mihi, ut sápiens architèctus fundaméntum pósui; álius autem superædificat. Unusquísque autem vídeat quómodo superædificet; fundaméntum enim áliud nemo potest pónere præter id, quod pósitum est, qui est Iesus Christus.

**465.** Vel:

Is 28, 16-17b « *Ego mittam in fundamentis Sion lapidem angularem* ». Hæc dicit Dóminus ...

1 Petr 2, 4-10 « *Et ipsi tamquam lapides vivi ædificamini* ». Ad Dóminum accedéntes ...

Lc 6, 47-49 « *Domus bene ædificata* ».

Dicébat Iesus discipulis suis: « Omnis qui venit ad me ...

**466.** Pro opportunitate dici vel cani potest psalmus responsorius aut alius cantus aptus:

Ps 120 (121), 1-2. 3-4. 5-6. 7-8

R. (cf. 2) *Adiutórium nostrum in nómine Dómini.*

Ps 89 (90), 12-14. 16-17

R. (cf. 17c) *Opus mánuum nostrárum confírma.*

**467.** Celebrans, pro opportunitate, brevem homiliam facere potest, lectionem biblicam illustrans, ut adstantes sensum celebrationis fide percipiant.

## PRECES

**468.** Sequitur prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere, quæ peculiaria adstantium vel rerum adiuncta respiciant.



Deum Patrem omnipotentem, fratres caríssimi, deprecémur  
ut opus, quod hódie inchoámus, ad regnum Dei ædificándum  
cónferat et nos Christo, angulári lápidi, in fide et caritáte  
coniúngat.

*R. Benedíctus es, Pater, in ætérnum.*

Qui nobis sapiéntiam et vires dedísti,  
ut óperis tui adiutóres efficerémur. *R.*

Qui per Fílium tuum Dóminum nostrum,  
Ecclésiám tuam sanctam supra firmam petram  
ædificáre voluísti. *R.*

Qui per Spíritum Fílii tui  
domum nos ædíficas spíritálem,  
in qua mansiónem tuam fácere dignáris. *R.*

Qui nobis id firma ponis in spe,  
ut hoc opus cuius hódie, te benedicénte,  
inítium súmimus,  
te protegénte, ad felícem éxitum perducámus. *R.*

Qui tunsiónem plúrima  
lápides nos vivos sculpis atque pérpolis,  
ut dignos effícias  
qui in Sanctam Ierúsalem exstruámur. *R.*

#### ORATIO BENEDICTIONIS

**469.** Tum celebrans, manibus extensis, orationem benedictionis  
profert:

Omnípotens Deus, misericordiárum Pater,  
qui per Fílium tuum cuncta creásti,  
et ipsum regni tui fundaméntum firmíssimum statuísti,

concéde, quæsumus,  
ut quod ad glóriam nóminis tui  
et ad nostrum proféctum aggrédimur,  
ætérno tuæ sapiéntiæ múnere,  
in dies cápiat increméntum  
et suo témpore felíciter consummétur.  
Per Christum Dóminum nostrum.

R. Amen.

470. Vel:

Rerum cónditor Deus,  
qui hóminem iussísti labóris offícia sustinére,  
da, ut opus quod incípimus  
huius vitæ prosit increméntis,  
et regno Christi dilatándo  
tua benignitáte profíciat.  
Per Christum Dóminum nostrum.

R. Amen.

471. Tum celebrans, pro opportunitate, aream novi ædificii ex-  
struendi et primarium lapidem aqua benedicta aspergere potest.  
Deinde lapis in fundamentis ponitur, dum populus cantum aptum  
peragit.

#### CONCLUSIO RITUS

472. Deinde celebrans, manibus super adstantes extensis, ritum  
concludit, dicens:

Benedícat vos omnípotens Dóminus,  
et propítius cordis vestri vota suscípiat.

R. Amen.

Det vobis Dóminus  
ut quæcúmque fácitis  
ómnia in eius nómine faciátis.

R. Amen.

Labórem vestrum Dóminus seréno vultu respíciat  
et vitam vestram ab omni malo deféndat.

R. Amen.

**473.** Laudabiliter ritus cantu apto perficitur.

## CAPUT IX

### ORDO BENEDICTIONIS NOVÆ DOMUS

#### PRÆNOTANDA

474. Cum novam domum christifideles auspicari desiderant, pastor animarum eiusque cooperatores eorum voluntati libenter assentiantur; pretiosa enim eis præbetur occasio eosdem fideles conveniendi, ut pro novæ habitationis copia simul et in lætitia Deo gratias agant, a quo bona cuncta procedunt.

475. Ordo, qui hic præbetur, adhiberi potest tum a sacerdote tum a diacono et etiam a laico, ritibus tamen et formulis pro ipso prævisis.

476. Ex hoc Ordine, semper servatis structura ritus ac potioribus elementis, quædam sumi possunt ut celebratio adiunctis loci et commorantium accommodetur.

477. Benedictio novæ domus sine commorantium præsentia ne fiat.

### ORDO BENEDICTIONIS

#### RITUS INITIALES

478. Familiæ membris, propinquis quoque et amicis loco apto congregatis, minister dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

479. Tum minister, si est sacerdos vel diaconus, adstantes salutat, dicens:

Pax huic dómui et ómnibus habitántibus in ea.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**480.** Si vero minister est laicus, adstantes salutat dicens:

Deus, quem unánimes uno ore glorificámus,  
det nobis, per Spíritum eius  
idípsum sápere in altérutrum  
secúndum Christum Iesum.

Omnes respondent:

Amen.

---

**481.** Deinde adstantes ad celebrationem benedictionis disponit his vel similibus verbis:

Ad Christum, fratres caríssimi, qui ex Vírgine María nasci dignátus est et habitávit in nobis, fervens nostra dirigátur orátio ut sub hoc tectum intráre et hanc domum sua præ-séntia benedicere dignétur. Christus Dóminus sit hic in médio vestri, caritátem fratérnam in vobis alat, gáudia partícipet, súblevet mæróres. Vos autem, Christi præcéptis et extrémis addúcti, id appríme curáte ut hæc nova domus caritátis sit domicílium, unde bonus Christi odor longe latéque diffundátur.

#### LECTIO VERBI DEI

**482.** Deinde unus ex adstantibus vel ipse minister legit textum Sacrarum Scripturarum.

Lc 10, 5-9 « *Pax huic domui* ».

Audíte, fratres, verba sancti Evangélii secúndum Lucam.

Dixit Dóminus discipulis suis: « In quamcúmque domum intravéritis, primum dícite: Pax huic dómui. Et si ibi fúerit filius pacis, requiescet super illam pax vestra; sin autem ad vos revertétur. In eádem autem domo manéte edéntes et bibéntes, quæ apud illos sunt: dignus enim est operárius mercede sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte, quæ apponúntur vobis, et curáte infirmos, qui in illa sunt, et dícite illis: Appropinquávit in vos regnum Dei ».

483. Vel:

Gen 18, 1-10a « *Domine, ne transeas servum tuum!* ».

In diébus illis: Appáruit Abrahæ Dóminus iuxta Quercus Mambre ...

Mc 1, 29-30 *Iesus venit in domum Simonis.*

Egrédiens Iesus de synagóga venit in domum Simónis ...

Lc 10, 38-42 « *Martha excepit Iesum* ».

Intrávit Iesus in quoddam castéllum ...

Lc 19, 1-9 « *Hodie salus domui huic facta est* ».

Ingréssus Iesus perambulábat Iéricho ...

Lc 24, 28-32 « *Mane nobiscum* ».

Iesus et duo discipuli appropinquavérunt castélló ...

484. Pro opportunitate dici vel cani potest psalmus responsorius aut alius cantus aptus.

Ps 111 (112), 1-2. 3-4. 5-6. 7-8. 9

R. (1a) *Beátus vir qui timet Dóminum.*

Ps 126 (127), 1. 2. 3-4. 5

R. (cf. 1) *Dóminus ædíficet nobis domum.*

Ps 127 (128), 1-2. 3. 4-6a

R. (4) *Ecce sic benedicétur homo qui timet Dóminum.*

485. Minister, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

486. Sequitur prex communis. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria adstantium vel rerum adiuncta respiciant.

Fílium Dei, Dóminum cæli et terræ, qui, caro factus, habitávit in nobis, grato et læto corde invocémus, dicéntes:

R. *Mane nobíscum, Dómine.*

Dómine Iesu Christe,  
qui vitam domésticam cum María et Ioseph sanctificásti,  
— nobíscum in hac domo commorári dignéris,  
ut te nostrum hóspitem sentiámus et caput venerémur. R.

Tu, in quo omnis ædificátio compácta  
crescit in templum sanctum  
— fac ut habitántes in hac domo  
coædificéntur in habitáculum Dei in Spíritu. R.

Qui fidéles tuos domum suam supra firmam petram  
ædificáre docuísti  
— da ut huius famíliæ vita  
verbis tuis fórtiter adhæreat  
et omni divisióne remóta,  
corde magno et ánimo volénti tibi desérviat. R.

Qui, domo própria carens, hospitalitátem amicórum  
in lætítia paupertátis accepísti,

— fac ut omnes qui locum habitatiónis inquíruunt  
domum suo nómine dignam,  
adiuvántibus nobis invéniant. R.

#### ORATIO BENEDICTIONIS

487. Tum minister, si est sacerdos vel diaconus, manibus extensis,  
secus vero, manibus iunctis, subiungit:

Adésto, Dómine, fámulis tuis  
qui domum hanc (hódie) auspicántes,  
benedictiónem tuam súplices exórant,  
ut in ea commorántes te refúgium séntiant,  
ab ea exeúntes te cómite læténtur,  
ad eam redeúntes te hóspite perfruántur  
donec mansiónem sibi parátam  
in domo Patris tui felíciter invéniant.  
Qui vivis et regnas in sæcula sæculórum.

R. Amen.

488. Adhiberi possunt a sacerdote vel diacono etiam Orationes benedictionis quæ in Ordine benedictionis annuæ familiarum in domibus suis extra tempus paschale supra capite I, nn. 85-86 indicantur.

489. Post orationem benedictionis, minister adstantes et domum aqua benedicta aspergit, dicens, pro opportunitate:

Sit hæc aqua suscepti Baptísmatis memória  
et Christum récolat,  
qui Passióne et Resurrectióne sua nos redémit.

R. Amen.



## CONCLUSIO RITUS

**490.** Tum minister ritum concludit dicens:

Pax Christi regnet in córdibus nostris  
verbum Christi hábitet in nobis abundánte,  
ut quodcúmque fácimus in verbo aut in ópere,  
ómnia in nómine Dómini faciámus.

Omnes respondent:

Amen.

**491.** Laudabiliter ritus cantu apto perficitur.

## CAPUT X

### ORDO BENEDICTIONIS NOVI SEMINARII

#### PRÆNOTANDA

**492.** Cum novum seminarium aperitur seu domus ubi sacrorum Ordinum candidati instituuntur, opportune peculiaris instruitur ritus benedictionis.

**493.** Cum novi seminarii aperitio vitam spiritalem christifidelium totius diœcesis quodammodo afficiat, eos certiores fieri oportet de die quo benedictio impertitur, ut frequentiores ritui interesse possint vel saltem eidem se oratione sociare. Ad fovendum autem fidelium concursum necnon propter indolem ritus, eligatur dies festiva, præsertim dies dominica.

**494.** Ubi ecclesia seminarii dedicatur vel benedicitur, opportune in litanis vel oratione fidelium aptæ inseri possunt invocationes seu intentiones, peculiaria domus et institutionis alumnorum adiuncta spectantes.

**495.** Ordo, qui hic præbetur, adhibetur ab Episcopo vel etiam a presbytero, qui, ritus structura servata, adstantium ac rerum adiunctis celebrationem aptabit.

**496.** In regionibus ubi benedictionem omnium domorum tempore paschali vel alio peculiari tempore fit, celebrans, ex elementis in hoc Ordine indicatis, aptam instruere potest celebrationem, quæ participantium alumnorum bono spiritali faveat.

## ORDO BENEDICTIONIS

## RITUS INITIALES

**497.** Alumni et fideles congregantur ad locum ubi novum seminarium benedicendum est erectum, et convenienter fit cantus aptus.

**498.** Cantu expleto, celebrans dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

**499.** Deinde celebrans adstantes salutatur, dicens:

Grátia Dómini nostri Iesu Christi,  
qui ætérna est Sapiéntia et únicus Magíster,  
sit cum ómnibus vobis.

vel alia apta verba e Sacra Scriptura præsertim deprompta.

Populus respondet:

Et cum spírítu tuo.

vel:

Ipsi glória in sæcula.

**500.** Deinde celebrans adstantes breviter alloquitur ut eorum animos ad celebrationem disponat et ritum illustret, quod facere potest his vel similibus verbis:

Dei misericórdia, fratres caríssimi, hic congregáti sumus ad novum seminárium benedicéndum, quod eius largitátis magnum est donum. Seminárium enim vélutí vivárium — uti nomen sonat — exstat diœcésis, ubi Ecclésiæ ministri educántur. Rogémus ergo Dóminum, ut novum seminárium

schola sit orationis et aula cælestis doctrinæ et, quos alumnos suscepit, vobis reddat sedulos pastores, nobis autem sacri ministerii socios et adiutores.

**501.** Et omnes per aliquod temporis spatium silentio orant. Tunc prosequitur:

Réspice, Dómine, Ecclésiám tuam N.,  
quæ hanc novam seminárii sedem eréxit,  
ubi, te donánte,  
futúri Christi minístri, in unum collécti,  
communióne vitæ et sacræ doctrinæ stúdio,  
ad tanta múnera obeúnda recte instituántur.  
Per Christum Dóminum nostrum.

R. Amen.

#### LECTIO VERBI DEI

**502.** Deinde lectores vel diaconus legunt unum vel aliquot Sacræ Scripturæ textus, ex iis potissimum qui infra proponuntur vel ex iis qui in Lectionario pro conferendis sacris Ordinibus proponuntur,<sup>2</sup> interiectis congruentibus psalmis responsoriis vel intervallis silentio peragendis. Lectio autem Evangelii principem locum semper obtineat.

**503.** Tamquam prima lectio adhiberi potest textus qui infra proponitur:

1 Cor 1, 26 — 2, 5 « *Videte vocationem vestram, fratres!* ».

Audíte, fratres, verba Pauli apóstoli ad Corínthios.

Vidéte vocatióem vestram, fratres, quia non multi sapiéntes secúndum carnem, non multi poténtes, non multi nóbiles; sed, quæ stulta sunt mundi, elégit Deus, ut confúndat sapiéntes, et infírma mundi elégit Deus, ut confúndat fórtia, et ignobília mundi et contemptibília elégit Deus, quæ non sunt, ut ea,

<sup>2</sup> Cf. *Missale Romanum*, Ordo Lectionum Missæ, nn. 770-774.

quæ sunt, destrúeret, ut non gloriétur omnis caro in conspéctu Dei. Ex ipso autem vos estis in Christo Iesu, qui factus est sapiéntia nobis a Deo et iustítia et sanctificátio et redémptio, ut quemádmódum scriptum est: « Qui gloriátur, in Dómino gloriétur ».

Et ego, cum veníssem ad vos, fratres, veni non per sublimitátem sermónis aut sapiéntiæ annúntians vobis mystérium Dei. Non enim iudicávi scire me áliquid inter vos nisi Iesum Christum et hunc crucifíxum. Et ego in infirmitáte et timóre et tremóre multo fui apud vos, et sermo meus et prædicátio mea non in persuasibílibus sapiéntiæ verbis, sed in ostensióne Spíritus et virtútis, ut fides vestra non sit in sapiéntia hóminum sed in virtúte Dei.

504. Vel:

1 Sam 3, 1-10 « *Loquere, Domine, quia audit servus tuus* ».

Puer Sámuel ministrábat Dómino ...

Sap 9, 1-6. 10-18 « *Mitte sapientiam, Deus, ut mecum sit et mecum laboret* ».

Deus patrum meórum ... computábitur. 10 Emítte ...

1 Cor 9, 7-27 « *Væ mihi est si non evangelizavero!* ».

Fratres, quis militat ...

505. Si canitur psalmus responsorius, unus ex sequentibus sumi potest.

Ps 15 (16), 1-2 et 5. 7-8. 11

R. (cf. 5) *Tu es, Dómine, pars hereditátis meæ.*

Ps 22 (23), 1-3. 4. 5. 6

R. (1) *Dóminus pascit me, et nihil mihi déerit.*

Ps 83 (84), 3-4. 5 et 11

R. (5) *Beáti qui hábitant in domo tua, Dómine.*

Ps 99 (100), 2. 3. 4. 5

R. (Io 15, 14) *Vos amici mei estis, si feceritis quæ præcipio vobis.*

**506.** Adhiberi potest sequens textus:

Mt 9, 35-38 « *Messis quidem multa, operarii autem pauci* ».

Audíte, fratres, verba sancti Evangélíi secúndum Matthæum.

Circumíbat Iesus civitátes omnes et castélla, docens in synagógis eórum et prædicans evangélium regni et curans omnem languórem et omnem infirmitátem. Videns autem turbas, mísertus est eis quia erant vexáti et iacéntes sicut oves non habéntes pastórem. Tunc dicit discípulis suis: « *Messis quidem multa, operárii autem pauci; rogáte ergo Dóminum messis, ut mittat operários in messem suam* ».

**507.** Vel:

Mt 13, 44-46 « *Simile est regnum cælorum thesauro abscondito* ».

In illo die dixit Iesus discípulis suis: « *Símile ...*

Mc 4, 1-2. 26b-34 « *Seorsum discipulis Iesus docebat omnia* ».

Iterum cœpit Iesus docére ... in doctrína sua: 26b. « *Sic est regnum Dei ...*

Lc 24, 44-48 « *Iesus aperuit illis sensum ut intellegerent Scripturas* ».

Appárens discípulis suis Iesus, dixit ad eos ...

Io 1, 35-42 « *Viderunt ubi maneret Iesus et apud eum manserunt* ».

Altera die íterum videt Ioánnes Iesum ...

Io 20, 19-23 « *Sicut misit me Pater, et ego mitto vos* ».

Cum esset sero die illa ...

**508.** Deinde celebrans homíliam habet, in qua tum lectiones bíblicas tum significationem celebrationis explanat.

## PRECES

**509.** Sequitur prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere, quæ peculiaria rerum vel personarum adiuncta respiciant.

In Christo, qui perfectæ Dei Patris imago est, omnes thesauri gratiæ et sapientiæ inveniuntur. Fidénti ánimo illum adeámus, et invocémus dicéntes:

*R. Da, Dómine, ut quocúmque ieris te sequámur.*

vel:

*R. Quos éligis, intuére, Dómine.*

vel:

*R. Tu, Dómine, verba vitæ æternæ habes.*

Dómine Iesu Christe, qui discípulos congregásti  
ut, te docénte, ministério regni sociáres,  
— concéde nobis ut et tibi confórmes fiámus  
et famulátui pópuli Dei nos devoveámus. *R.*

Qui pro discíplis orásti,  
ut in veritate sanctificaréntur,  
— immítte in nos Sanctum Spíritum  
ut, tibi adhæréntes,  
fructum afferámus et fructus noster máneat. *R.*

Qui, Póntifex ex homínibus assúptus,  
pópulum a te redéemptum Deo et Patri tuo  
regnum fecísti et sacerdótes,  
— fac ut quod legem Dómini meditántes credidérimus,  
verbi et vitæ testimónio comprobémus. *R.*

Qui voluntátem Patris adímplens,  
genus vitæ virginális et páuperis elegísti,

— fac ut, Deo summe dilécto plene mancipáti,  
tibi adhæreámus, tibi que soli vívere et placére studeámus. R.

Qui factus es nobis sapiéntia a Deo,  
— da ut, sapiéntiam Crucis edócti,  
in ostensióne Spíritus et virtútis  
loquámur atque vivámus. R.

Qui Patrem tuum oráre nobis præcepísti,  
ut operários mittat in messem suam,  
— supplicatiónes nostras exáudi,  
ut dum in dies messis succrésцит,  
messóres étiam multiplicéntur. R.

#### ORATIO BENEDICTIONIS

510. Tum celebrans, manibus extensis, dicit:

Te, Dómine, benedícimus,  
tuum nomen celebrámus,  
quia ineffábili misericórdiæ tuæ consílio  
statuísti ut únicum summúmque Christi sacerdótium  
in ætérnum manéret  
eiúsque invisíbilis poténtia,  
per visíbiles ministros,  
Ecclésiám tuam iúgiter sustentáret.  
Ipse enim Fílius tuus amóris tui mystérium  
géntibus maniféstat,  
cum Evangélíi præcónes verbum salútis annúntiat:  
ipse, sedens ad dexteram glóriæ tuæ,  
nobíscum orat cum precátio résonat sacerdótum,  
et sui ipsíus tibi oblatiónem repræsentáre dignátur,  
cum ad altária sacerdótes sacra célebrant mystéria;  
ipse Ecclésiám tuam gubérnat et regit,  
cum pastóres oves sibi créditos custódiunt  
atque depáscunt.



Réspice, ergo, Dómine, Ecclésiám tuam N.,  
quæ hanc novam seminárii domum eréxit,  
ubi futúros Christi minístros in unum colléctos,  
communióne vitæ et sacræ doctrínæ stúdio  
ad tanta múnera obeúnda recte instituéndos curáret.  
Súpplices ergo te, sancte Pater, adprecámur:  
ut quos vis Evangélii esse núntios altarísque minístros,  
hic orándo díscant quod aliquándo docébunt,  
et mente apprehéndant quod móribus demonstrábunt;  
hic consuéscent spiritáles hóstias offérre,  
et divína frequentántes mystéria,  
cæléstium sacramentórum vim experiántur salutárem;  
hic obcædiéndo oves sint quæ Pastórem bonum agnóscant,  
ut sua vice pastóres effécti domínici gregis,  
pro óvibus sibi commíssis  
ánimam suam libénter dare pernóscant.  
Per Christum Dóminum nostrum.

R. Amen.

**511.** Post orationem benedictionis, celebrans adstantes et novam domum aqua benedicta aspergit, dum canitur antiphona (cf. App. n. 9):

Ant. Ubi cáritas est vera, Deus ibi est.

- ✠. Congregávit nos in unum Christi amor.
- ✠. Exsultémus et in ipso iucundémur.
- ✠. Timeámus et amémus Deum vivum.
- ✠. Et ex corde diligámus nos sincéro.

Ant. Ubi cáritas est vera, Deus ibi est.

- ✠. Simul ergo cum in unum congregámur:
- ✠. Ne nos mente dividámur, caveámus.
- ✠. Cessent iúrgia malígna, cessent lites.
- ✠. Et in médio nostri sit Christus Deus.

Ant. Ubi c  ritas est vera, Deus ibi est.

v. Simul quoque cum be  tis vide  mus

v. Glori  nter vultum tuum, Christe Deus:

v. G  udium, quod est imm  nsus atque probum,

v. S  cula per infin  ta s  cul  rum.

vel alius cantus aptus.

#### CONCLUSIO RITUS

**512.** Deinde diaconus pro opportunitate adstantes ad benedictionem accipiendam invit  t his vel similibus verbis:

Inclin  te vos ad benedicti  nem.

Tum celebrans, manibus super adstantes extensis, ritum concludit dicens:

Deus, qui past  res p  pulo suo provid  re non d  sinit,  
eff  ndat in Eccl  siam suam  
sp  ritum piet  tis et fortitudinis,  
ut qui, ipso voc  nte,  
sacerdot  le munus ass  munt,  
digne, Sp  ritus gr  tia adiuv  nte,  
st  deant adimpl  re.

R. Amen.

Et vos omnes, qui hic simul ad  stis,  
bened  cat omn  potens Deus,  
Pater, et F  lius, ✠ et Sp  ritus Sanctus.

R. Amen.

**513.** Vel:

Deus, cui voc  nti gener  se respond  stis  
et in quo spem firmam p  nit  s

vos in ministério sancto servos bonos  
futúros esse atque fidéles,  
suam vobis benedictionem benígnus infúndat.

R. Amen.

Et quia ánimum inténditis  
ad Christi sacerdotium hierárchicum participándum,  
vos Spíritus Sanctus suis répleat donis,  
ut apostólicam vivéendi formam vere instaurétis.

R. Amen.

Dies et actus vestros in sua dilectione Dóminus dispónat,  
ut munus Christi salutáre  
apud hómines explére valeátis  
et in Ecclesiæ servítio assíduo stúdio perseveráre.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

**514.** Laudabiliter ritus apto cantu perficitur.

## CAPUT XI

### ORDO BENEDICTIONIS NOVÆ DOMUS RELIGIOSÆ

#### PRÆNOTANDA

**515.** Cum in domo religiosa ii congregentur, qui evangelica consilia profitentes, Christum Dominum pressius sequi et imitari percipiunt, præstat ut ipsa domus peculiari benedictione donetur.

**516.** In præsentī Ordine, nomine domus religiosæ, conventus etiam et monasteria designantur. In celebratione, servatis semper elementis potioribus, omnia locorum et personarum adiunctis accommodentur, ratione etiam habita indolis quæ religiosi Instituti vel muneris apostolici propria sit et peculiaris. Ad benedicendam domum formationis elementa quædam sumi possunt ex Ordine benedictionis seminarii, opportune aptata, ut supra capite X.

**517.** Etsi hæc benedictio respicit in primis ipsos religiosos, apte tamen dies ad eam celebrandam eligitur, quo fidelium communitas, in cuius bonum nova domus religiosa erigitur, celebrationi participare possit.

**518.** Ordo, qui hic præbetur, adhiberi potest a presbytero. Ad Ordinarium, cui domus religiosæ cura commissæ est, spectat novam domum benedicere. Si vero ipse ritui præesse nequeat, munus committat superiori communitatis. Si ritui præest presbyter, qui non sit ipsius Instituti, vel Episcopus, omnia attente et opportune aptentur.

**519.** Si domus religiosa propria ditetur ecclesia, quæ dedicatur vel benedicatur, opportune in litanis vel oratione fidelium aptæ inseri possunt invocationes seu intentiones, domum et peculiare vitæ religiosæ genus quod in ea sodales ducent, spectantes.

**520.** In regionibus ubi domorum benedictionem tempore paschali vel alio peculiari tempore opportunum impertire videtur etiam do-

mibus religiosis, minister ex elementis in hoc Ordine indicatis, collatisque cum religiosa familia consiliis aptam instruat celebrationem, quæ participantium bono spiritali faveat.

## ORDO BENEDICTIONIS

### RITUS INITIALES

**521.** Religiosi et christifideles congregantur ad locum ubi nova domus religiosa est erecta, et convenienter fit cantus aptus.

**522.** Cantu expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**523.** Deinde celebrans adstantes salutat, dicens:

Deus, omnis sanctitátis fons et orígo,  
qui hómines ad Christi sequélam  
semper vocáre dignátur,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel:

Ipsi glória in sæcula.

vel alio apto modo.

**524.** Tum celebrans adstantes ad celebrationem disponit his vel similibus verbis:

Ubi duo vel tres in nómine Christi congregántur, ibi Christus ipse est in médio illórum. Domum hanc benedicéntes quo ii

convénient quos in unum Christi amor cóngregat ut ipsum in caritaté et virginitaté, in paupertaté et in obœdiéntia fidéliter pressiusque sequántur, eius implorámus bonitátem a quo bona cuncta procedunt, ut quæ promiserunt suæ vitæ móribus expríméntes, Patris glóriam cum Iesu in ómnibus quærant; oratióni fratérne instántes, orántis Ecclésiæ imáginem maniféstent, Spíritu autem ducti iuxta suam quisque vocatiónem iúgiter adlabórent, ut Christus semper in ómnibus nobis inhábitet.

525. Expleta admonitione, celebrans dicit:

Orémus.

Et omnes per aliquod temporis spatium silentio orant. Tum celebrans prosequitur:

Deus, qui et velle et perfícere  
in nobis operári non désinis,  
te benedícimus quod in terréna peregrinatióne  
átria tua nobis concupíscere dedísti.

Da, quæsumus, ut fámuli tui  
quorum novam domum adímus  
te in fide auscúltent,  
te in oratióne precéntur,  
in labóribus te quærant,  
in ómnibus te invéniant,  
et testes fiant Evangélii,  
ut per eos bonum odórem notítiæ suæ  
Christus in omni loco maniféstet,  
donec ipsi in revelatióne glóriæ eius  
gáudeant exsultántes.  
Qui vivit et regnat in sácula sæculórum.

R. Amen.

## LECTIO VERBI DEI

**526.** Deinde leguntur a lectoribus vel diaconis unus vel plures Sacræ Scripturæ textus, ex iis qui in Lectionario Missæ pro religiosis<sup>3</sup> vel in consecratione virginum et in professione religiosa<sup>4</sup> indicantur, interiectis congruentibus psalmis responsoriis vel intervallis silentio peragendis. Lectio autem Evangelii principem locum semper obtineat.

**527.** Adhiberi possunt etiam textus qui infra proponuntur.

Hebr 13, 1-3. 5-7. 14-17 « *Non habemus hic manentem civitatem* ».

Audíte, fratres, verba epistolæ ad Hebræos.

Cáritas fraternitátis máneat. Hospitalitátem nolíte oblivísci, per hanc enim quidam nesciéntes hospítio recepérunt ánge-  
los. Mementóte vinctórum tamquam simul vincti, laborán-  
tium tamquam et ipsi in córpore morántes. Sint mores sine  
avarítia; conténti præsentibus. Ipse enim dixit: « Non te  
déseram, neque derelínquam », ita ut confidénter dicámus:  
« Dóminus mihi adiútor est, non timébo; quid fáciat mihi  
homo? ». Mementóte præpositórum vestrórum, qui vobis  
locúti sunt verbum Dei, quorum intuéntes éxitum conversa-  
tiónis imitámini fidem. Non habémus hic manéntem civitátem,  
sed futúram inquirimus. Per Christum ergo offerámus hóstiam  
laudis semper Deo, id est fructum labiórurn confiténtium  
nómini eius. Beneficiéntiæ autem et communiónis nolíte obli-  
vísci, tálibus enim hóstiis oblectátur Deus. Obædíte præpó-  
sitis vestris et subiacéte eis, ipsi enim pervigilant pro ani-  
mábus vestris quasi ratiónem redditúri, ut cum gáudio hoc  
fáciant et non geméntes, hoc enim non éxpedit vobis.

<sup>3</sup> Cf. *Missale Romanum*, Ordo Lectionum Missæ, nn. 852-856.

<sup>4</sup> *Ibidem*, nn. 811-815.

528. Vel:

Io 1, 35-42 « *Apud Iesum manserunt die illo* ».

Audíte, fratres, verba sancti Evangélii secúndum Ioánnem.

Altera die íterum stabat Ioánnes et ex discípulis eius duo, et respiciens Iesum ambulántem dicit: « Ecce agnus Dei ». Et audierunt eum duo discípuli loquéntem et secúti sunt Iesum. Convérsus autem Iesus et videns eos sequéntes se dicit eis: « Quid quæritis? ». Qui dixerunt ei: « Rabbi — quod dicitur interpretátum Magíster —, ubi manes? ». Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo, hora erat quasi décima. Erat Andréas frater Simónis Petri, unus ex duóbus, qui audierant ab Ioáanne et secúti fúerant eum. Invénit hic primum fratrem suum Simónem et dicit ei: « Invénimus Messíam », quod est interpretátum Christus; addúxit eum ad Iesum.

529. Pro opportunitate, dici vel cani potest psalmus responsorius aut alius cantus aptus:

Ps 23 (24), 1-2. 3-4. 5-6

R. (cf. 6) *Hæc est generatio quæréntium faciem tuam, Dómine.*

Ps 44 (45), 11-12. 14-15. 16-17

R. (cf. Mt 25, 6) *Ecce sponsus venit: exite óbviám Christo Dómino.*

Ps 83 (84), 3. 4. 5. 11. 12

R. (2) *Quam dilécta tabernácula tua, Dómine virtútum!*

Ps 132 (133), 2. 3

R. (1) *Ecce quam bonum et quam iucúndum habitáre fratres in unum.*

530. Deinde celebrans homiliam habet, in qua tum lectiones biblicas tum sensum celebrationis illustrat.



## PRECES

**531.** Sequitur prex communis. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum vel adstantium adiuncta respiciant.

Christus Dóminus in médio discipulórum suórum ad finem usque témporum se mansúrum promísit: húmili ergo fidentíque amóre eum deprecémur:

R. *Mane nobíscum, Dómine!*

Qui carnem ex Vírgine María de Spíritu Sancto assumpsísti et in nobis habitáre voluísti:

— Te grato ánimo in nostra recípimus. R.

Qui in civitáte Názareth cum María et Ioseph habitáre voluísti:

— domum hanc habitatiónis tuæ locum elígere dignéris. R.

Qui promísísti te in médio eórum adfutúrum, qui in nómine tuo congregántur:

— réspice nos quos amor tui congregávit in unum. R.

Qui in terris non habuísti ubi caput reclináres:

— accéptum hábeas hoc tibi amánter parátum domicílium. R.

Qui te in hospítibus benígne excipiéntes, a te in ætéRNA tabernácula recéptos fore promísísti:

— doce nos te in frátribus agnóscere eisque pro te læto ánimo servíre. R.

## ORATIO BENEDICTIONIS

**532.** Tum celebrans immediate benedictionis orationem, manibus extensis, subiungit:

Deus, omnis sancti propósi inspirátor et auctor,  
preces nostras benígnus exáudi,

ut hanc domum habitántibus,  
benignitátis tuæ grátiam largiáris:  
sit in loco isto iúgis verbi tui meditátio,  
mútua diléctio, návitas assídua,  
    ímpigrum in fratres obséquium,  
ut qui se ad Christi sequélam devovérunt  
se consecratiónis suæ vivum exhíbeant ómnibus documéntum.  
Per Christum Dóminum nostrum.

R. Amen.

533. Vel:

Dómine Iesu Christe,  
qui evangélica consília profiténtibus  
mansiónem asseverásti esse in cælo parátam,  
hanc quam benedicimus religiósæ famíliæ domum,  
muro tuæ custódiæ prótege atque circúmda,  
ut omnes in ea habitatúri  
fratérnæ téneant compáginem caritátis,  
tibíque et frátribus liberáliter serviéntes,  
et Evangélíi fiant sua vita præcónes  
et christiánæ pietátis fóveant increméntum.  
Qui vivis et regnas in sæcula sæculórum.

R. Amen.

534. Post orationem benedictionis, celebrans adstantes et domum  
aqua benedicta aspergit dum canitur antiphona (cf. App. n. 9):

Ant. Ubi cáritas est vera, Deus ibi est.

v. Congregávit nos in unum Christi amor.  
v. Exsultémus et in ipso iucundémur.  
v. Timeámus et amémus Deum vivum.  
v. Et ex corde diligámus nos sincéro.

Ant. Ubi caritas est vera, Deus ibi est.

ꝛ. Simul ergo cum in unum congregámur:

ꝛ. Ne nos mente dividámur, caveámus.

ꝛ. Cessent iúrgia maligna, cessent lites.

ꝛ. Et in médio nostri sit Christus Deus.

Ant. Ubi caritas est vera, Deus ibi est.

ꝛ. Simul quoque cum beátis videámus

ꝛ. Gloriánte vultum tuum, Christe Deus:

ꝛ. Gáudium, quod est imménsum atque probum,

ꝛ. Sæcula per infinita sæculórum.

vel alius cantus aptus.

#### CONCLUSIO RITUS

**535.** Deinde diaconus, pro opportunitate, adstantes ad benedictionem accipiendam invitat his vel similibus verbis:

Inclináte vos ad benedictiónem.

Tum celebrans, manibus super adstantes extensis, ritum concludit, dicens:

Deus, qui hanc domum nos inhabitáre concédit,  
ab ómnibus perturbatió nibus  
intérius exteriúsque custódiat,  
consolatórem Spíritum Sanctum  
in nos benígnus emíttat  
et in sancto propósito,  
quo nosmetípsos ei devovémus,  
perseverántes reddat atque fidéles consérvet.

R. Amen.

Et vos omnes, qui hic simul adéstis,  
benedícat omnípotens Deus  
Pater, et Fílius, ✠ et Spíritus Sanctus.

R. Amen.

536. Vel:

Deus Pater omnípotens,  
vos benedícat,  
ut hæc sit habitátio sancta in qua  
coram ipso ministrábitis.

R. Amen.

Christus Dóminus  
hábitet per fidem in córdibus vestris  
et dispónat vobis regnum in domo Patris sui.

R. Amen.

Spíritus Sanctus  
in vobis sit et apud vos máneat,  
ut quæ nunc in gáudio percípitis  
eius múnere felíciter perficiátis.

R. Amen.

Denique omnes adstantes benedicit, addens:

Et vos omnes, qui hic simul adéstis,  
benedícat omnípotens Deus  
Pater, et Fílius, ✠ et Spíritus Sanctus.

R. Amen.

537. Laudabiliter ritus apto cantu perficitur.

## CAPUT XII

### ORDO BENEDICTIONIS NOVÆ SCHOLÆ VEL STUDIORUM UNIVERSITATIS

#### PRÆNOTANDA

**538.** Scholas omnes, sive quæ inferiorem, sive quæ altiore ordinem respiciunt, semper Ecclesia sedula cura prosequitur: in scholis enim discipulorum mentes aperiuntur eorumque animi efficaciter educantur. Hoc autem valet in primis de catholicis illis institutis, ubi adolescentes ac iuvenes non tantum culturam et humanam formationem acquirere, sed etiam spiritum Evangelii in dies alere possunt.

**539.** Hic, qui proponitur, Ordo benedictionis tum docentes, tum discentes tum omnes respicit qui quocumque modo de schola vel studiorum Universitate curam adhibent, necnon ipsam communitatem in cuius bonum nova schola vel Universitas erigitur; quos omnes celebrationi, quantum fieri potest, adesse præstat.

**540.** Hic Ordo adhiberi potest tum a sacerdote tum a diacono, qui ritus structura et præcipuis elementis servatis, adiunctis locorum et personarum celebrationem aptabunt.

**541.** In regionibus ubi benedictio scholarum tempore paschali vel alio tempore quotannis celebratur, ex elementis in hoc Ordine indicatis, et etiam in Ordine benedictionis puerorum, sub capite I, nn. 135-155 descripto, ita instruatur celebratio ut docentes ac discentes simul respiciat.

**542.** Hæc benedictio haberi potest etiam intra Missæ celebrationem. Si vero nova schola vel studiorum Universitas propria ditetur ecclesia, quæ vel dedicanda sit, vel benedicenda, opportune in litanis vel oratione fidelium aptæ inseri possunt invocationes seu intentiones, domum ac scholæ navitatem spectantes.

## I. ORDO BENEDICTIONIS

### RITUS INITIALES

**543.** Communitatē congregata loco apto, cani potest Psalmus 66 (67) vel alius aptus cantus. Quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**544.** Deinde celebrans adstantes salutat, dicens:

Fons sapiéntiæ, Deus,  
Verbum eius incarnátum, Christus Dóminus,  
et Spíritus veritátis,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

**545.** Tum celebrans adstantes ad benedictionem accipiendam disponit his vel similibus verbis:

Deus scientiárum Dóminus múltiplici nos ratióne condúcit ad profundiórem acquiréndam sui cognitióem, quam in Fílio suo, pro nobis incarnáto, quodámmodo complévit. Disciplínæ autem, sciéntiæ atque doctrínæ omne genus, in quibus áltius perscrutándis, hóminum mentes incúmbunt, eo tén-dere debent, ut veritátem inveniámus et Deum verum adoré-mus. Super hanc ergo sedem veritátis inquiréndæ, addiscén-dæ ac diffundéndæ, hódie Dei benedictiόem implorámus ut omnes qui púeros vel iunióres hic instituéndos excípient, eos

recte dóceant humánam sapiéntiam cum evangélica veritáte compónere, ita ut veram fidem et ipsi in ánimis custodíre et móribus et vita váleant profitéri. Id étiam nostra invocatióne quærémus ut discípuli in docéntibus Christum Magístrum ita præséntem invéniant, ut eruditióné atque doctrína sive humána sive divína ditióres effécti, ad fratres illuminándos et adiuvándos apti sint atque paráti.

#### LECTIO VERBI DEI

**546.** Deinde lector vel unus ex adstantibus vel ipse celebrans legit textum Sacrarum Scripturarum.

Mt 5, 1b. 2. 13-16 « *Vos estis lux mundi* ».

Audíte, fratres, verba sancti Evangélii secúndum Matthæum.

Cum sedísset Iesus, accessérunt ad eum discípuli eius; et apériens os suum docébat eos dicens: « Vos estis sal terræ; quod si sal evanúerit, in quo saliétur? Ad níhilum valet ultra, nisi ut mittátur foras et conculcétur ab hóminibus. Vos estis lux mundi. Non potest cívitas abscóndi supra montem pósita; neque accéndunt lucérnam et ponunt eam sub módio, sed super candelábrum, ut lúceat ómnibus, qui in domo sunt. Sic lúceat lux vestra coram homínibus, ut vídeant vestra bona ópera et gloríficent Patrem vestrum qui in cælis est ».

**547.** Vel:

Prov 1, 1-7 « *Timor Domini principium scientiæ* ».  
Parábolæ Salomónis filii David ...

Sap 7, 7-20 « *Venerunt mihi omnia bona pariter cum sapientia* ».  
Optávi et datus est mihi sensus ...

Sap 9, 1-6. 10-18 « *Da mihi sedium tuarum assitricem sapientiam!* ».  
Deus patrum meórum ... computábitur. 10 Emítte ...

Sir 1, 1-5. 22-25 « *Fons sapientiæ verbum Dei* ».  
Omnis sapiéntia ... æténa. 22 Coróna ...

Sir 51, 18-29 « *Danti mihi sapientiam dabo gloriam* ».

Cum adhuc iúnior essem ...

Eph 4, 11-24 « *Veritatem facientes in caritate* ».

Ipse Dóminus dedit quosdam apóstolos ...

Mt 11, 25-30 « *Abscondisti hæc a sapientibus et prudentibus  
et revelasti ea parvulis* ».

In illo témpore respóndens Iesus dixit: « Confíteor tibi ...

**548.** Pro opportunitate dici vel cani potest psalmus responsorius  
aut alius cantus aptus.

Ps 18B (19B), 8. 9. 10. 12

R. (Io 6, 68c) *Dómine, verba vitæ ætérnæ habes.*

Ps 77 (78), 1-2. 3-4. 5 et 7

R. (1 Cor 1, 30) *Christus Iesus factus est sapiéntia nobis a Deo.*

Ps 118 (119), 97-98. 99-100. 124-125

R. (cf. 105) *Lumen sémitis meis verbum tuum, Dómine!*

Ps 138 (139), 1-2. 3-4. 5-6. 17-18

R. (cf. 10) *Manus tua dedúcet me, Dómine.*

**549.** Celebrans, pro opportunitate, adstantes breviter alloquitur,  
lectionem biblicam illustrans, ut sensum celebrationis fide percipiant.

## PRECES

**550.** Sequitur prex communis. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum vel personarum adiuncta respiciant.

Cum inítium totíus sapiéntiæ sit timor Dómini, Deum invocémus ut quæcúmque sunt vera, quæcúmque iústa et mente discernere possimus et móribus tenére. Súpplīces ígitur dicámus:

R. *Spíritum sapiéntiæ doná nobis, Dómine.*



a) *Pro schola*

Dómine Deus noster,  
qui tanto nos es prosecútus amóre  
ut filii tui nominémur et simus,  
— fac ut étiam humánis adhíbitis disciplínis,  
sensum vocatiónis nostræ  
et clárius percipiámus et plénius perpetrémus. R.

Qui in Christo Fílio tuo  
novi hóminis exéplum præbuísti,  
sapiéntia et ætáte et grátia proficiéntis,  
— da ut, dum in dies humánis profícimus institútis,  
dívinis étiam progrediámur efféctibus. R.

Qui ad hóminem plene efformándum  
proximórum cooperatiónem disposuísti,  
— concéde ut quotquot in nostram incumbunt institutiónem,  
ad bonum étiam commúne promovéndum  
nos provocáre non désinant. R.

Qui dignitátis humánæ auctor es et vindex,  
— præsta ut sanæ educatiónis benefícia  
ad omnes hómines, ubíque terrárum, cítiús extendántur. R.

b) *Pro Universitate*

Dómine Deus noster,  
qui hóminem sapiéntiæ tuæ participem effecísti,  
— concéde nobis ut,  
quodvis humanitátis stúdium mere terréstre vitántes,  
íntegram humánæ persónæ perfectiόnem  
assídue prosequámur. R.

Qui Fílium tuum, lucem veram  
quæ illúminat omnem hóminem,

in mundum misisti  
ut testimónium perhibéret veritatí,  
— fac ut quæ sunt vera libere inquirentes,  
ad humanæ societátis promotiõnem  
inventiõne prõpria conférre possimus. R.

Qui, sapiénti consílio, communitátis humanæ unitátem  
ab ipso salutis mystério  
haud aliénam esse voluisti,  
— da ut scientiæ profectus atque doctrinæ,  
ad hómines inter se uniéndos effícaciter conspíret. R.

Qui evangélicum nobis dedisti mandátum,  
ut in fratrum servítium liberalíter impendámur,  
— præsta ut ad hóminum iura apérte affirmánda,  
concordi ratiõne, iúgiter laborémus. R.

#### ORATIO BENEDICTIONIS

**551.** Tum celebrans, manibus extensis, benedictionis orationem profert:

Dómine Deus omnípotens,  
preces nostras cleménter exáudi,  
ut hæc domus,  
quæ humanæ iúvenum disciplínæ fovendæ,  
scientiárum progréssui provehendo  
et litterárum proficiendæ eruditiõni dicátur,  
sedes fiat in qua discípuli atque magístri  
verbis veritátis instrúcti,  
christiánæ vitæ documénta secténtur  
et Christo Magístro toto corde stúdeant adhærére.  
Qui vivit et regnat in sæcula sæculórum.

R. Amen.

552. Vel:

Deus, qui hoc opus  
ad humanas tradendas disciplinas  
nobis hodie auspicari concedis,  
præsta, quæsumus,  
ut qui huc vel docendi vel discendi causa convenient,  
et veritatem semper inquirant,  
et veritatis fontem te unum agnoscant.  
Per Christum Dominum nostrum.

R. Amen.

553. Post orationem benedictionis celebrans adstantes et domum  
aqua benedicta aspergit, dum fit cantus aptus.

#### CONCLUSIO RITUS

554. Tum celebrans ritum concludit, manibus super adstantes extensis, dicens:

Deus, scientiarum Dominus,  
vias suas nobis ostendat;  
Christus, Sapientia æterna,  
verba nos veritatis edoceat;  
Spíritus Sanctus, lux beatíssima,  
mentes nostras semper illústret,  
ut quæ recta sunt et bona discamus,  
et, quæ didicérimus, opere compleamus.

R. Amen.

Et benedictio Dei omnipotentis  
Patris, et Filii, ✠ et Spíritus Sancti,  
descendat super vos et maneat semper.

R. Amen.

**555.** Tum celebrans, aut diaconus si adsit, pro opportunitate populum ad benedictionem accipiendam invitat his vel similibus verbis:  
Inclináte vos ad benedictiónem.

Deinde celebrans, manibus super adstantes extensis, eos benedicit, dicens:

Deus scientiárum Dóminus  
sua vos benedictióne confírmet.

R. Amen.

Magíster unus Christus  
æternæ vitæ verba vos edóceat.

R. Amen.

Spíritus Sanctus Paráclitus  
in omnem vos dedúcat veritátem.

R. Amen.

Et benedíctio Dei omnipoténtis  
Patris, et Fílii, ✠ et Spíritus Sancti,  
descéndat super vos et máneat semper.

R. Amen.

**556.** Laudabiliter ritus apto cantu perficitur.

## II. ORDO BENEDICTIONIS INTRA MISSÆ CELEBRATIONEM

**557.** In celebratione Missæ convenienter, servatis servandis, eliguntur orationes et lectiones ex Missis votivis de Spiritu Sancto.<sup>5</sup>

**558.** Post Evangelium celebrans homiliam habet, in qua ex textu sacro illustrat etiam sensum ritus. Expleta homilia, pro opportunitate, dicitur Symbolum.

<sup>5</sup> Cf. *Missale Romanum*, Ordo Lectionum Missæ, nn. 62-63, 764-768.

**559.** Oratio universalis haberi potest vel forma consueta in Missæ celebratione vel formulis in hoc ritu pro Precibus indicatis supra n. 550.

**560.** Oratione post Communionem peracta, celebrans adstantes ad benedictionem accipiendam disponit his vel similibus verbis:

Deum, scientiarum Dóminum, fratres caríssimi, humíliter exorémus ut omnes qui huc advénient, doctrínam et vitæ régulas in prælectiónibus inquiréntes, a Sancto Spíritu intus edoceántur, et Christum Dóminum áudiant in suo Evangélio Magístrum.

Et omnes per aliquod temporis spatium silentio orant. Deinde celebrans, manibus extensis, dicit:

Dómine Deus omnípotens,  
preces nostras cleménter exáudi,  
ut hæc domus,  
quæ humánæ iúvenum disciplínæ fovéndæ,  
scientiarum progréssui provehéndo  
et litterárum proficiéndæ eruditióni dicátur,  
sedes fiat in qua discípuli atque magístri  
verbis veritátis instrúcti,  
christiánæ vitæ documénta secténtur  
et Christo Magístro toto corde stúdeant adhærére.  
Qui vivit et regnat in sæcula sæculórum.

R. Amen.

**561.** Vel:

Deus, qui hoc opus  
ad humánas tradéndas disciplínas  
nobis hódie auspicári concédis,  
præsta, quæsumus,  
ut qui huc vel docéndi vel discéndi causa convénient,  
et veritátem semper inquírant,

et veritátis fontem te unum agnóscant.

Per Christum Dóminum nostrum.

R. Amen.

**562.** Tum celebrans, vel diaconus si adsit, pro opportunitate populum ad benedictionem accipiendam invitat his vel similibus verbis:

Inclináte vos ad benedictiónem.

Deinde celebrans, manibus super adstantes extensis, eos benedicit, dicens:

Deus scientiárum Dóminus  
sua vos benedictióne confírmet.

R. Amen.

Magíster unus Christus  
ætérnæ vitæ verba vos edóceat.

R. Amen.

Spíritus Sanctus Paráclitus  
in omnem vos dedúcat veritátem.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

**563.** Laudabiliter ritus cantu apto perficitur.

## CAPUT XIII

### ORDO BENEDICTIONIS NOVÆ BIBLIOTHECÆ

#### PRÆNOTANDA

**564.** Cum nova instruitur bibliotheca, quæ ad usum præsertim communitalis inserviat, opportuna occasio pastoralis præbetur aptam benedictionem impertiendi eiusque significationem in fidelium mentes revocandi.

**565.** Hic Ordo adhiberi potest tum a sacerdote tum a diacono, qui, ritus structura et elementis potioribus servatis, adiunctis loci et personarum celebrationem aptabunt.

**566.** In regionibus ubi, tempore paschali vel alio tempore, quotannis benedictio etiam in bibliothecis vel locis similibus impertitur, congrua instruatur celebratio, apte adhibitis elementis potioribus in hoc Ordine indicatis.

**567.** Semper tamen communitas ipsa vel aliqui saltem ab ea delegati ritum benedictionis participant.

### ORDO BENEDICTIONIS

#### RITUS INITIALES

**568.** Communitate congregata, cani potest aptus cantus. Quo expleto, celebrans dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

**569.** Deinde celebrans adstantes salutatur, dicens:

Dóminus Iesus, qui est via, véritas et vita,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

**570.** Tum celebrans adstantes ad benedictionem accipiendam disponit his vel similibus verbis:

Sermo Dei, qui ex ipsa Veritate summa procedit et ad veritatem ducit, vivus et éfficax currit et clarificátur non tantum cum in prædicatióne audítur, verum étiam cum per libros et cétera communicatiónis sociális instruménta légitur et apprehénditur.

Deus enim corde hóminum desidérium accéndit conservándi in libris ceterisque instruméntis fructum humánæ investigatiónis, quæ ducit ad veritatem acquiréndam. Véritas autem modo singulári invenítur in libris Scriptúræ Sacræ, útpote divínitus inspirátis. Sed étiam libri, quibus hóminum cogitatio atque sermo alúntur, si ad veram cultúram diffundéndam, ad veritatem pénitus inquirendam et ad ánimos honéste recreándos, scribúntur atque servántur, ex eódem divíno sapiéntiæ et bonitátis fonte semper aliquómodo quæ bona vulgant, háuriunt et quæ illústrant deprómun. Id vero ex librorum lectiόne obtinéri potest, ut véritas fiat vitæ disciplína, sapiéntia alat humilitátem et facílius ad mútuam consensiónem hómines inducántur.

Actiόnem ídeo vestram in libris servándis ac diffundéndis tamquam formam veritátis nuntiándæ divína cónvenit benedictiόne fulcírí.



## LECTIO VERBI DEI

**571.** Deinde lector, vel unus ex adstantibus vel ipse celebrans legit textum e Sacris Scripturis.

Col 3, 16-17 « *Omne quodcumque facitis in nomine Iesu gratias agentes Deo Patri per ipsum* ».

Audíte, fratres, verba Pauli apóstoli ad Colossénses.

Verbum Christi hábitet in vobis abundánte, in omni sapiéntia docétes et commonétes vosmetípsos psalmis, hymnis, cánticis spiritalibus, in grátia cantátes in córdibus vestris Deo; et omne, quodcúmque fácitis in verbo aut in ópere, ómnia in nómine Dómini Iesu grátias ágétes Deo Patri per ipsum.

**572.** Ubi opportunum videtur, expositio haberi potest alicuius libri Sacrae Scripturae, praesertim Evangeliorum; vel eiusdem Sacrae Scripturae lectio longior, haud tamen omissa homilia ante orationem benedictionis.

**573.** Textus Sacrae Scripturae qui adhiberi possunt:

Lc 1, 1-4 « *Ut cognoscas eorum verborum firmitatem* ».  
Quóniam quidem multi ...

Lc 4, 16-22a « *Traditus est illi liber* ».  
Venit Iesus Názaeth ... 22 *usque ad* de ore ipsíus.

Io 21, 24-25 « *Nec ipsum arbitror mundum capere eos qui scribendi sunt libros* ».  
Ioánnes est discípulus ...

**574.** Pro opportunitate dici vel cani potest psalmus responsorius aut alius cantus aptus.

Ps 18B (19B), 8. 9. 10. 12

R. (cf. Io 6, 63c) *Verba tua, Dómine, spíritus et vita sunt.*

Ps 76 (77), 12-13. 14-15. 16

R. (15) *Tu es Deus, qui facis mirabília.*

**575.** Celebrans, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

**576.** Ubi opportunum videtur, ante orationem benedictionis, communis prex haberi potest. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Dóminum nostrum, cuius verba, signa et mirabilia et in rerum natúra ómnibus exhibéntur et libros sacros fide legéntibus scripta proferúntur, uno corde deprecémur dicétes:

*R. Da, Dómine, ut te semper quærámus  
et quæréntes inveniámus.*

Christe, Redémptor noster, Verbum Patris  
et Sapiéntia æténa,  
lux vera, quæ illúminat omnem hóminem,  
— viam nobis veritátis osténde. *R.*

Qui Spíritum Sanctum discípulos tuos  
omnem veritátem doctúrum promisísti,  
ut divína mystéria áltius penetrárent,  
— fac ut, eódem inspiránte et adiuvánte Spíritu,  
ad omne opus bonum simus instrúcti. *R.*

Qui Názareth librum revolvísti  
et proclamátum textum præsentibus explicásti:  
— concéde ut veritátem semper inquirámus  
eámque in caritáte faciámus. *R.*

Qui voluísti ut multa eórum quæ fecísti  
scripto traderéntur, quátenus credámus,

et credentes vitam in nómine tuo habeámus:  
— præsta ut firma fide viam veritátis et salutis  
frátribus libénter aperiámus. R.

Qui voluísti ut discípuli et fidéles tui  
áliis tráderent quæ recte ac sapiénter cogitáverint:  
— concéde ut dócili ánimo illos audiámus magístros,  
quos tuo consílio et sana doctrína novérimus  
esse replétos. R.

Qui dignus es accíperere librum  
et aperíre signácula eius:  
— da ut in libro vitæ nómina nostra  
scripta inveniántur. R.

Tum sequitur oratio benedictionis ut infra.

**577.** Quando preces non dicuntur, ante orationem benedictionis,  
celebrans his vel similibus verbis, divinum auxilium exposcit, dicens:

Deus, scientiárum Dómine,  
dírige nos in veritáte tua.

R. *Kýrie, eléison.*

Tu, Dómine, qui ómnia nosti,  
vias tuas nobis demónstra.

R. *Kýrie, eléison.*

Qui sapiéntia tua orbem terrárum constituísti,  
quid apud te sit accéptum homínibus manifésta.

R. *Kýrie, eléison.*

Da sédium tuárum assistrícem sapiéntiam,  
óm nibus qui huc, lectionis vel studiórums causa, convénient.

R. *Kýrie, eléison.*

In divinárum humanarúmque rerum sciéntia  
et in tui dilectióne,  
omnes huc accedéntes, in dies proficere concéde.

R. *Kýrie, eléison.*

---

**578.** Tum celebrans, manibus extensis, orationem benedictionis profert:

Magnus es, Dómine, Deus noster,  
qui multifárie multísque modis  
incessánte homínibus te revélas  
et verba tua in Scriptúra divínitus inspiráta  
nobis trádere dignátus es:  
adésto ergo précibus nostris et concéde,  
ut quotquot hanc bibliothécæ sedem,  
ad sciéntias et artes excoléndas adierint,  
sapiéntiæ Verbi tui iúgiter sérviant,  
et in vera doctrína probe versáti,  
ad mundum humánus exstruéndum assídue adlabórent.  
Per Christum Dóminum nostrum.

R. Amen.

**579.** Post orationem benedictionis, celebrans adstantes et loca aqua benedicta aspergit.

#### CONCLUSIO RITUS

**580.** Tum celebrans ritum concludit, manibus super adstantes extensis, dicens:

Deus, scientiárum Dóminus,  
vias suas nobis osténdat;  
Christus, Sapiéntia æténa,

verba nos veritátis edóceat;  
Spíritus Sanctus, lux beatíssima,  
mentes nostras semper illústret,  
ut quæ recta sunt et bona discámus,  
et, quæ didicérimus, ópere compleámus.

R. Amen.

Et benedíctio Dei omnipoténtis,  
Patris, et Fílii, ✠ et Spíritus Sancti,  
descéndat super vos et máneat semper.

R. Amen.

**581.** Laudabiliter ritus apto cantu perficitur.

## CAPUT XIV

### ORDO BENEDICTIONIS NOVI NOSOCOMII VEL CUIUSVIS DOMUS ÆGROTIS CURANDIS APTATÆ

#### PRÆNOTANDA

**582.** Omnes domus ad curandos ægrotos exstructæ, iure tamquam signum haberi possunt fidelitatis qua evangelicum mandatum de infirmis curandis a Christi discipulis servatur.

In huiusmodi domibus auspicandis, opportuna præbetur occasio pastoralis, ad communitatem christianam congregandam, quo melius infirmitatis significatio et medicæ artis momentum in divinæ providentiæ dispensatione a fidelibus percipiatur.

**583.** Hæc celebratio non directe infirmos sed illos potius respicit qui infirmis quovis modo assistunt et serviunt. Quare benedictio nosocomii ne fiat sine participatione medicorum et aliorum qui infirmis curandis operam suam studiumque navant.

**584.** Hic Ordo adhiberi potest tum a sacerdote tum a diacono, qui, ritus structura et elementis potioribus servatis, semper quædam elementa sumere possunt ut celebratio adiunctis loci et personarum melius accommodetur.

**585.** In regionibus ubi quotannis tempore paschali vel alio peculiari tempore benedictio celebratur in nosocomiis vel valetudinariis, ex elementis potioribus in hoc Ordine indicatis et in Ordine benedictionis infirmorum, sub capite II, nn. 294-316 posito, celebratio instruatur quæ respiciat tum infirmos tum medicos et infirmarios.

## ORDO BENEDICTIONIS

## RITUS INITIALES

**586.** Communitate loco apto congregata, post congruum cantum celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**587.** Deinde celebrans adstantes salutatur, dicens:

Dóminus Iesus,  
qui discípulis suis commendávit  
ut infirmos curárent  
eisque levámen afférrent,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**588.** Tum celebrans adstantes ad benedictionem accipiendam disponit his vel similibus verbis:

Pater misericordiárum et Deus totíus consolatiónis, qui per Fílium suum in Spíritu Sancto nos consoláitur, hómines in omni tribulatióne, infirmos et eos, qui infirmis quovis modo assístunt et sérviant, peculiári proséquitur amóre et benedictiόne.

Etenim infirmi non solum in carne sua adímplent ea quæ desunt passiόnum Christi pro Córpoze eius, quod est Ecclé-sia, sed ipsíus Christi persónam singuláriter éxprimunt, qui

dixit se ita in infirmis esse præséntem, ut quod illis præbétur obséquium, sibimetípsi præstitum æstimáret.

Iure ergo super cunctos, qui in hac domo vel (degunt) degent infirmi, vel in infirmos curándos se generóse (impéndunt) impéndent, ideóque super domum istam, ægrótis curándis aptátam, benedictiónem divínam implorémus.

#### LECTIO VERBI DEI

**589.** Deinde lector vel unus ex adstantibus vel ipse celebrans legit textum Sacrarum Scripturarum:

Mt 4, 23-25 « *Obtulerunt Iesu male habentes et curavit eos* ».

Audíte, fratres, verba sancti Evangélíi secúndum Matthæum.

Circumíbat Iesus totam Galilæam, docens in synagógis eórum et prædicans evangélium regni et sanans omnem languórem et omnem infirmitátem in pópulo. Et ábiit opínio eius in totam Sýriam; et obtulérunt ei omnes male habéntes, váriis languóribus et torméntis comprehénsos, et qui dæmónia habébant et lunáticos et paralýticos, et curávit eos. Et secútæ sunt eum turbæ multæ de Galilæa et Decápoli et Hierosólymis et Iudæa et de trans Iordánem.

**590.** Vel:

Sir 38, 1-14 « *Medicum creavit Altissimus* ».

Honóra médicum propter necessitátem ...

2 Cor 1, 3-7 « *Deus totius consolationis* ».

Benedíctus Deus et Pater ...

Mt 25, 31-46 « *Infirmus eram et visitastis me!* ».

Cum vénerit Fílius hómínis ...

Lc 10, 30-37 « *Fecit misericordiam in illum* ».

Suscípiens Iesus dixit: « Homo quidam ...



591. Pro opportunitate dici vel cani potest psalmus responsorius aut alius cantus aptus.

Is 38, 10. 11. 12a-d. 16

R. (cf. 17b) *Tu, Dómine, eruísti ánimam meam ut non períret.*

Ps 101 (102), 2-3. 24-25

R. (2) *Dómine, exáudi oratióem meam,  
et clamor meus ad te véniat.*

592. Celebrans, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

593. Sequitur prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum vel personarum adiuncta respiciant.

Christo Dómino, qui in mundum venit ut ægrótos sanáret et consolarétur afflíctos, humíliter supplicémus:

R. *Bénedic, Dómine, eos qui in te confídunt!*

Qui venísti curáre infirmos

et sanáre contrítos corde:

— hanc domum ingrédere ad infirmos curándos ædificátam. R.

Qui prædicans Evangélium regni,

sanábas omnem infirmitátem in pópulo:

— misericórdiam et bonitátem tuam ómnibus osténde. R.

Qui ægrótos tangébas et sanabántur:

— infirmos hic recipiéndos (recéptos)

grátiae tuæ dono susténta. R.

Qui Apóstolis tuis mandátum dedísti

ut infirmos curárent:

— Ecclesiæ tuæ preces exáudi,  
quibus pro infirmis levaméntum implórat. R.

Qui divínam promisisti te datúrum mercédem,  
iis qui in nómine tuo ægrótos inviserint et alleváverint:  
— adáuge in nobis miseratiónis afféctum,  
ut in frátribus infirmis te semper videámus et diligámus. R.

#### ORATIO BENEDICTIONIS

**594.** Tum celebrans, manibus extensis, benedictionis orationem profert:

Dómine, Deus noster,  
cuius Fílius, Spíritus Sancti operánte virtúte,  
infirmítates nostras languorésque sanávit,  
et discípulos mittens ad Evangélium prædicándum  
præcépit eis ut infirmos inviserent atque curárent,  
præsta nobis, quæsumus,  
ut omnes qui hic degent (degunt) infirmi,  
a médicis eorúmque adiutóribus  
pia comitáte excipiántur  
et assídua navitáte curéntur  
ut hinc discedéntes,  
mentis et córporis sanitáte donáti,  
misericórdiam tuam sine fine colláudent.  
Per Christum Dóminum nostrum.

R. Amen.

**595.** Vel:

Benedíctus es, Deus et Pater noster,  
qui per Fílium tuum  
pópulo in vitæ novitáte ambulánti  
ægrotántium curam misericórditer commisisti;  
votis iúgiter nostris adésto propítius:

sit locus iste, grátia Sancti Spíritus,  
benedictionis domus et sedes caritátis:  
hic médici artem medéndi sapiénter exérceant,  
hic infirmórum minístri servítium suum  
sollícite præstent,  
huc fidéles advéniant  
Christum in frátribus invisúri,  
ut infírmi, in sua ægritúdine confortáti,  
cítius possint ad sanitátem redíre  
et alácrius de accépto beneficio grátias ágere.  
Per Christum Dóminum nostrum.  
R. Amen.

**596.** Post orationem benedictionis, celebrans adstantes et domum aqua benedicta aspergit, dum fit cantus aptus.

#### CONCLUSIO RITUS

**597.** Tum celebrans ritum concludit, manibus super adstantes extensis, dicens:

Deus, mæréntium consolátor  
languidorúmque præsidium,  
qui vos congregávit ad hanc domum auspicándam,  
infírmi curándis dédita ópera præparátam,  
sua vos grátia confírmet,  
ut frátribus ægrótis sédula caritáte assidéntes,  
in ipsis Christo Dómino fidéliter serviátis.  
Qui vivit et regnat in sæcula sæculórum.  
R. Amen.

Et benedíctio Dei omnipoténtis,  
Patris, et Fílii, ✠ et Spíritus Sancti,  
descéndat super vos et máneat semper.  
R. Amen.

**598.** Laudabiliter ritus apto cantu perficitur.

## CAPUT XV

### ORDO BENEDICTIONIS OFFICII, OFFICINÆ LABORIS, EMPTORII

#### PRÆNOTANDA

**599.** Manuum suarum labore, homo creationis opus indesinenter curat. Eodem modo « progressus in rationibus producendis atque in bonis ac servitiis commutandis, œconomiam aptum effecerunt instrumentum, quo adauctis familiæ humanæ necessitatibus melius provideri possit ».<sup>6</sup> Iure ergo meritoque loca benedicuntur, ubicumque homines ad proprium aliorumque bonum assidue adlaborant.

**600.** Hæc celebratio spectat tum ad communitatem in cuius bonum novæ officinæ, officia atque emporia instruuntur, tum ad omnes qui in ipsis opus præstabunt. Ad benedictionem ergo celebrandam, præsentia requiritur et communitatis vel quorundam saltem legatorum, qui ipsius communitatis partibus fungantur, et eorum qui in illis quovis modo adlaborabunt.

**601.** Hic Ordo adhiberi potest tum a sacerdote tum a diacono, qui, ritus structura et elementis potioribus servatis, adiunctis loci et personarum celebrationem aptabunt.

**602.** In regionibus ubi, quotannis tempore paschali vel alio tempore, opportunum videtur, benedictionem etiam in dictis locis impertire, congrua instruatur celebratio, apte adhibitis elementis potioribus in hoc Ordine indicatis.

<sup>6</sup> Cf. Conc. Vat. II, Const. pastoralis de Ecclesia in mundo huius temporis, *Gaudium et spes*, n. 63.

## ORDO BENEDICTIONIS

## RITUS INITIALES

**603.** Communitate loco apto congregata, post congruum cantum celebrans dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

**604.** Deinde celebrans adstantes salutatur, dicens:

Deus, qui hóminem constituit  
super ópera mánuum suárum,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

**605.** Tum celebrans adstantes ad benedictionem accipiendam disponit his vel similibus verbis:

Magnam labóris dignitátem Christus Iesus manifestam reddidit cum et ipse, Patris Verbum, caro factum, fílius fabri vocári dignátus est propriísque mánibus fabrília quæque humíliter vóluit exercére, quibus et véterem peccáti maledictiónem ábstulit et hóminum labórem fontem réddidit benedictiónis.

Etenim homo, labórem suum atque ómnia, quæ órđinem temporálem affíciunt, fidéliter excercens Deoque humíliter illum offerens, se ipsum purificat, opus creatiónis sua mente ac indústria evólvit, caritátem operátur, pauperiores adiuváre

potest et, Christo redemptóri consociátus, in eius amóre perficitur.

Deum ergo benedicámus, eúmque rogémus ut benedictiónem suam effúndat super omnes qui his in locis opus suum præstábunt.

#### LECTIO VERBI DEI

**606.** Deinde lector, vel unus ex adstantibus vel ipse celebrans legit textum Sacrarum Scripturarum.

Gen 1, 27-31a « *Replete terram et subicite eam* ».

Audíte, fratres, verba libri Génesis.

Creávit Deus hóminem ad imáginem suam; ad imáginem Dei creávit illum; másculum et féminam creávit eos. Benedixítque illis Deus et ait illis Deus: « Créscite et multiplicámini et repléte terram et subícite eam et dominámini pískibus maris et volatílibus cæli et univérstis animántibus, quæ movéntur super terram ». Dixítque Deus: « Ecce dedi vobis omnem herbam afferéntem semen super terram et univérsta ligna, quæ habent in semetípsis fructum ligni portántem seméntem, ut sint vobis in escam et cunctis animántibus terræ omníque vólucris cæli et univérstis, quæ movéntur in terra et in quibus est ánima vivens, omnem herbam viréntem ad vescéndum ». Et factum est ita. Vidítque Deus cuncta, quæ fecit, et ecce erant valde bona.

**607.** Vel:

Mc 6, 1-3 « *Nonne iste est faber, filius Mariæ?* ».

Audíte, fratres, verba sancti Evangélii secúndum Marcum.

In illo témpore, egréssus est Iesus inde et venit in pátriam suam, et sequúntur illum discípuli sui. Et facto sábbato,

cœpit in synagoga docere; et multi audiētes admirabāntur dicētes: « Unde huic hæc, et quæ est sapiētia, quæ data est illi, et virtūtes tales quæ per manus eius efficiūntur? Nonne iste est faber, fīlius Mariæ et frater Iacobi et Iosētis et Iudæ et Simōnis? Et nonne soróres eius hic nobīscum sūnt? ». Et scandalizabāntur in illo.

**608.** Vel:

Sir 38, 25-39 « *Cor suum dabit in consummationem operum* ». Sapiētia scribæ ...

1 Th 4, 9-12 « *Rogamus vos ut operemini manibus vestris* ». De caritatē fraternitātis ...

2 Th 3, 6-13 « *Non gratis panem manducavimus sed in labore et fagatione, nocte et die operantes* ». Præcīpimus vobis ...

Mt 6, 25-34 « *Scit Pater vester cælestis quia his omnibus indigetis* ». In illo témpore, dicit Iesus discīpulis suis: « Ne solliciti ...

Mt 25, 14-29 « *Operatus est in eis et lucratus est alia* ». In illo témpore, dicit Iesus discīpulis suis: « Homo péregre ...

Lc 16, 9-12 « *Qui fidelis est in minimo, et in maiori fidelis est* ». In illo témpore, dicit Iesus: « Fácite vobis amícos ...

**609.** Pro opportunitate dici vel cani potest psalmus responsorius aut alius cantus aptus.

Ps 89 (90), 2. 3-4. 12-13. 14 et 16

R. (17c) *Opus mánuum nostrárum confirma, Dómine.*

Ps 103 (104), 1ab et 5. 14-15. 23-24

R. (31) *Sit glória Dómini in sǎculum, lætétur Dóminus in opéribus suis.*

**610.** Celebrans, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

## PRECES

611. Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Dóminus noster qui mundum creávit, eúmque virtútis suæ signis mirabíliter implévit, hóminum étiam labóris sanctificávit exórdia, ut ipsi, Creatóris bonitáti humíliter obsequéntes, creatiónis óperi in dies perficiéndo se assídua cura dicarent. Eum ergo suppliciter exorémus:

*R. Opus mánuum nostrárum, Dómine, dirigere dignéris.*

Benedíctus es, Dómine,  
qui nobis legem labóris dedísti,  
ut mente operántes et brácchio  
in res creátas perficiéndas eníxe incumbámus. *R.*

Benedíctus es, Dómine,  
qui voluísti ut Fílius tuus  
caro pro nobis factus,  
fabrilem artem humíliter exercéret. *R.*

Benedíctus es, Dómine,  
qui labóris nostri iugum  
in Christo suáve reddidísti, onúsque leve. *R.*

Benedíctus es, Dómine,  
qui providéntia tua nos urges ut labóre nostro  
perfectíssima quæque semper moliénda curémus. *R.*

Benedíctus es, Dómine,  
qui labóris nostri oblatiónem benígnus accípere dignéris  
ut nobis ad pæniténtiæ bonum profíciat,  
frátribus præstet lætítiam,  
et ad páuperes sublevándos concúrrat. *R.*



Benedíctus es, Dómine,  
qui panem et vinum, fructum nostri labóris,  
ad Eucharístiæ dignitátem subleváre dignátus es. R.

Tum sequitur oratio benedictionis ut infra.

**612.** Quando Preces non dicuntur, ante orationem benedictionis, celebrans omnes ad orandum invitat, ut divinum exposcant auxilium, dicens:

Orémus.

et pro opportunitate, omnes per aliquod temporis spatium silentio orant. Sequitur oratio benedictionis.

---

#### ORATIO BENEDICTIONIS

**613.** Tum celebrans, manibus extensis, benedictionis orationem profert:

##### a) *Benedictio officii*

Deus, qui providéntiæ tuæ consílio,  
omnes hóminum navitátes  
sive córpora spectántes sive mentes,  
tuis non rénuis benedictiónibus cumuláre,  
præsta ut quotquot in hac sede  
quæstióibus explorándis  
nodisque studúerint dissolvéndis,  
auxílio tuo suffúlti,  
et quæ investigáverint defíniant  
et defínita cómiter exsequántur.  
Per Christum Dóminum nostrum.

R. Amen.

b) *Benedictio officinae laboris*

Deus, cuius Fílius fabrília mánibus suis exércens,  
labóris humáni éxtulit dignitátem,  
nobis quoque præstitit ut suæ redemptionis óperi  
labóre nostro ineffabíliter sociarémus,  
fidéles tuos desideráta benedictióne confirma,  
ut, qui in rebus a te creátis,  
áfubre transformándis incúmbunt,  
dignitátem suam agnóscant,  
et humánæ famíliæ provehéndæ  
in laudem glóriæ tuæ  
se gáudeant esse dicátos.  
Per Christum Dóminum nostrum.

R. Amen.

c) *Benedictio emptorii*

Deus, providentíssime Pater,  
qui terram eiúsque fructus homínibus tradidísti,  
ut ad bona creáta ómnibus providénda  
suo labóre prospícerent;  
bénedic omnes qui has structúras adíbunt,  
quátenus, iustítia et caritáte  
in rebus vendéndis emendísque serváta,  
se boni commúnis præbeant artífices,  
ac terrénæ civitátis proféctus  
se gáudeant esse fautóres.  
Per Christum Dóminum nostrum.

R. Amen.

**614.** Post orationem benedictionis, celebrans adstantes et loca aqua benedicta aspergit, dum cantus aptus canitur.

## CONCLUSIO RITUS

**615.** Tum celebrans ritum concludit, manibus super adstantes extensis, dicens:

Deus, bonitátis Pater,  
qui mandávit unicuíque de próximo suo,  
ut frater a fratre in ómnibus adiuvarétur,  
vos et omnes huc ingressúros  
sua benignitáte respíciat.

R. Amen.

Deinde dicit:

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

**616.** Laudabiliter ritus cantu apto perficitur.

## CAPUT XVI

### ORDO BENEDICTIONIS ÆDIUM AD COMMUNICATIONES SOCIALES PROMOVENDAS

#### PRÆNOTANDA

**617.** Peculiari sollicitudine Mater Ecclesia ea excipit et prosequitur technicæ artis inventa, quæ hominis animum potissimum respiciunt. E quibus inventis ea eminent instrumenta, quæ non modo singulos homines, sed ipsas multitudines totamque humanam societatem afficere valent, sicut prelum, cinematographum, radiophonia, televisio et alia huiusmodi, quæ instrumenta communicationis socialis merito vocantur. Benedictio ædium ac instrumentorum huiusmodi communicationis, forma quædam est curæ vigilantis ipsius Ecclesiæ, ut hæc recte adhibeantur.

**618.** Hæc celebratio spectat tum ad communitatem in cuius bonum hæ ædes ac instrumenta eriguntur, tum præsertim ad omnes qui quocumque modo in ipsis et per ipsa nuntios, cogitata ac varii generis productionem inter homines communicabunt. Ad benedictionem ergo celebrandam præsentia requiritur, et communitatis vel quorundam saltem legatorum, qui ipsius communitatis partibus fungantur, et aliorum ex illis qui ædes ac instrumenta dirigunt, vel in eis quovis modo adlaborabunt.

**619.** Hic Ordo adhiberi potest tum a sacerdote tum a diacono, qui, ritus structura et elementis potioribus servatis, semper quædam elementa sumere possunt ut celebratio adiunctis loci et personarum melius accommodetur.

**620.** In regionibus ubi, quotannis tempore paschali vel alio tempore, opportunum videtur benedictionem etiam in dictis locis imperitare, congrua instruatür celebratio, apte adhibitis elementis potioribus in hoc Ordine indicatis.

## ORDO BENEDICTIONIS

## RITUS INITIALES

**621.** Communitate congregata, fieri potest cantus aptus, quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**622.** Deinde celebrans adstantes salutatur, dicens:

Deus, qui Fílium suum nobis misit, salútis núnctium, et Spíritum veritátis in córdibus nostris semper effúndit, sit cum ómnibus vobis.

vel alia verba apta e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**623.** Tum celebrans adstantes ad benedictionem accipiendam disponit his vel similibus verbis:

Deus, cuius sapiéntiæ non est númerus et bonitátis infinítus est thesáurus, hóminum mentes incessánte illúminat ut novas apériant vias, quibus ipsi cuiúsvis géneris núnctia facílius inter se comunicáre possint. Hæc téchnicæ artis invénta, si recte adhibéntur, humáno géneri várida præbent subsidia, quippe quæ multum cónferant non solum ad auxiliúm in necessitátibus opportúne præstándum, sed étiam ad excoléndos ánimos eósque relaxándos et, data occasióne, ad Dei regnum propagándum atque firmándum.

## LECTIO VERBI DEI

**624.** Deinde lector vel unus ex adstantibus vel ipse celebrans legit textum Sacrarum Scripturarum.

Mc 16, 14a. 15-20 « *Prædicate Evangelium omni creaturæ!* ».

Audíte, fratres, verba sancti Evangélíi secúndum Marcum.

Recumbéntibus úndecim, appáruit Iesus et dixit eis: « Eúntes in mundum univérsum, prædicáte evangélium omni creatúræ. Qui credíderit et baptizátus fúerit, salvus erit; qui vero non credíderit, condemnábitur. Signa autem eos, qui credíderint, hæc sequéntur: in nómine meo dæmónia eícient, linguis loquéntur novis, serpéntes tollent, et, si mortíferum quid bíberint, non eos nocébit, super ægrótos manus impónent et bene habébunt ».

Et Dóminus quidem Iesus, postquam locútus est eis, assúptus est in cælum et sedit a dextris Dei. Illi autem profécti prædicavérunt ubíque, Dómino cooperánte et sermónem confir-mánte, sequéntibus signis.

**625.** Vel:

Bar 3, 29-36 « *Qui scit omnia, novit sapientiam* ».

Qui ascéndit in cælum et accépit sapiéntiam ...

Phil 4, 8-9 « *Quæcumque sunt vera, pudica, iusta, amabilia, bonæ famæ, hæc cogitate!* ».

Quæcúmque sunt vera, quæcúmque pudíca ...

Heb 4, 12-16 « *Omnia nuda et aperta sunt oculis Dei* ».

Vivus est Dei sermo ...

Mt 5, 1b. 2. 13-16 « *Vos estis sal terræ, lux mundi!* ».

Cum sedísset Iesus ... docébat eos dicens: 13 « Vos estis ...

**626.** Pro opportunitate dici vel cani potest psalmus responsorius aut alius cantus aptus.

Ps 8, 4-5. 6-7a. 7b-9

R. (2ab) *Dómine, Dóminus noster,  
quam admirábile est nomen tuum in univérsa terra.*

Ps 18A (19A), 2-3. 4-5.

R. (5) *In omnem terram exívit sonus eórum  
et in fines orbis terræ verba eórum.*

Ps 103 (104), 24. 31-32. 33-34

R. (24c) *Impléta est terra creatúra tua, Dómine!*

**627.** Celebrans, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

**628.** Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Facilior ac rectus usus artis inter se comunicándi valde confert ad humánæ familiæ progréssum promovéndum, sed et Dei consílio óptime cóngruit, qui hómines vult in veritáte et libertáte coniúctos. Dei ergo mirábilia una voce proclamémus dicéntes:

R. *Quam mirábilia sunt ópera tua, Dómine!*

Benedíctus es, Dómine, sapiéntia æténa,  
qui hóminum mentes illúminas  
eorúmque incépta tua benedictióne proséqueris. R.

Benedíctus es, Dómine,  
qui per visibília ad invisibília inquirénda  
in dies nos állicis. R.

Benedíctus es, Dómine,  
qui te quæréntibus  
omnipoténtiæ tuæ secréta reveláre non désinis. R.

Benedíctus es, Dómine,  
qui hómines impéllis  
ut natúræ mystéria perscrutántes,  
te ipsíus auctórem quærant atque colláudent. R.

Benedíctus es, Dómine,  
qui filios tuos, peccáto dispérsos,  
in Christo congregári voluísti,  
ut unam úndique familiam effícient. R.

Benedíctus es, Dómine,  
qui Evangélium regni ómnibus vis géntibus prædicári  
ut te Deum verum agnóscant  
et quem misísti Iesum Christum,  
Fílium tuum, Dóminum nostrum. R.

Tum sequitur oratio benedictionis ut infra.

**629.** Quando preces non dicuntur, ante orationem benedictionis, celebrans dicit:

Orémus.

Et omnes per aliquod temporis spatium silentio orant. Deinde celebrans benedictionis orationem profert.

---

#### ORATIO BENEDICTIONIS

**630.** Tum celebrans, manibus extensis, benedictionis orationem profert:

Te humíliter benedícimus,  
Dómine Deus omnípotens,  
qui hómines illúminas et éxcitas,  
ut a te cóndita natúræ mystéria perscrutántes,



opus tuum mirabiliter perficiant:  
famulos tuos, Domine, respice benignus,  
qui his utuntur technicis instrumentis  
diuturno studio affabre comparatis:  
fac ut veritatem communicent,  
alant caritatem, iustitiam defendant,  
laetitiam quoque diffundant,  
et inter omnes pacem illam foveant atque confirment,  
quam nobis e caelis attulit Christus Dominus,  
qui tecum vivit et regnat in saecula saeculorum.

R. Amen.

631. Post orationem benedictionis, pro opportunitate, celebrans adstantes et loca aqua benedicta aspergit, dum cantus aptus peragitur.

#### CONCLUSIO RITUS

632. Tum celebrans ritum concludit dicens, manibus super adstantes extensis:

Creator omnium Deus,  
qui mirabilia iugiter operatur,  
mentes nostras illuminet,  
ut eum plenius agnoscamus,  
et ad veritatis et pacis incrementum  
constantes adlaboremus.

R. Amen.

Deinde dicit:

Et vos omnes, qui hic simul adestis,  
benedicat omnipotens Deus,  
Pater, et Filius, ✠ et Spiritus Sanctus.

R. Amen.

633. Laudabiliter ritus cantu apto perficitur.

## CAPUT XVII

### ORDO BENEDICTIONIS ÆDIUM ET LOCORUM CORPORIBUS EXERCITANDIS

#### PRÆNOTANDA

634. Corporum exercitationes adhibentur ad corporis sanitatem roborandam, ad animi æquilibrium servandum necnon ad fraternas relationes inter homines cuiuscumque stirpis vel nationis vel condicionis apprime fovendas. Ad quæ in mentem revocanda, opportune potest fieri celebratio benedictionis, occasione data inaugurationis ædium et locorum quæ corporibus exercitandis destinantur præsertim si hæc a christifidelibus peculiariter adhibenda sunt.

635. Hæc celebratio respicit tum illos in cuius commodum ædes et fabricæ exstructæ sunt, tum illos qui eas dirigunt vel in eis quovis modo adlaborant. Ideo benedictio sine illorum præsentia ne fiat.

636. Hic Ordo adhiberi potest tum a sacerdote tum a diacono, qui, ritus structura et elementis potioribus servatis, adiunctis loci et personarum celebrationem aptabunt.

637. In regionibus ubi, tempore paschali vel alio tempore, opportunum videtur quotannis benedictionem celebrare etiam in ædibus et locis corporibus exercitandis, apta instruatur celebratio ex elementis potioribus in hoc Ordine indicatis.

#### ORDO BENEDICTIONIS

638. Initio celebrationis, communitate congregata, fieri potest cantus aptus, quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**639.** Deinde celebrans adstantes salutatur, dicens:

Deus, fons et origo omnium rerum,  
a quo bona cuncta nobis veniunt,  
sit cum omnibus vobis.

vel alia apta verba e Sacris Scripturis praesertim deprompta.

Omnes respondent:

Et cum spiritu tuo.

vel alio apto modo.

**640.** Tum celebrans adstantes ad benedictionem accipiendam disponit his vel similibus verbis:

Dominus vires nobis dedit ut in laetitia ipsi serviámus, fratres adiuvémus, corpúsque nostrum Dei legi subiéctum, ad omne opus bonum aptum reddámus. Ideo étiam quæ ótia fiunt ad ánimum relaxándum et ad corpus exercéndum, a Deo sine dúbio probántur. Dum enim córpori roborándó consúlitur, ánimi étiam æquilíbrío favétur consequéndo, quo fraternitas facílius instaurátur ac cómitas augétur.

#### LECTIO VERBI DEI

**641.** Deinde lector vel unus ex adstantibus vel ipse celebrans legit textum Sacrarum Scripturarum.

1 Cor 9, 24-27 « *Sic currite ut comprehendatis* ».

Audíte, fratres, verba Pauli apóstoli ad Corínthios.

Nescítis quod hi, qui in stádio currunt, omnes quidem currunt, sed unus áccipit bravíum? Sic cúrrite, ut comprehen-

dátis. Omnis autem, qui in agóne conténdit, ab ómnibus se ábstinet, et illi quidem, ut corruptíblem corónam accípiant, nos autem incorrúptam. Ego ígitur sic curro non quasi in incértum, sic pugno non quasi áerem vérberans; sed castígo corpus meum et in servitútem rédigo, ne forte, cum áliis prædicáverim, ipse réprobus effíciar.

**642.** Vel:

1 Cor 3, 16-17 « *Templum Dei estis* ».

Nescítis quia templum Dei estis ...

1 Cor 6, 19-20 « *Glorificate Deum in corpore vestro* ».

An nescítis quóniam corpus vestrum ...

Phil 3, 12-15 « *Ad destinatum persequor* ».

Non quod iam accéperim ...

**643.** Pro opportunitate dici vel cani potest psalmus responsorius aut alius cantus aptus.

Ps 99 (100), 2. 3. 4. 5

R. (3c) *Nos pópulus eius et oves páscuæ eius.*

Ps 148, 5-6. 11-13b. 13c-14

R. *Pleni sunt cæli et terra glória tua.*

**644.** Celebrans, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

## PRECES

**645.** Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Dóminus Iesus, gáudium et fortitúdo nostra, hómines univérsos ad se vocat, ut qui labórant et sunt oneráti, in eius

dilectione manentes suaviter reficiantur. Illum igitur fidenter invocemus:

R. *Trahe nos ad te, Domine!*

Qui vita es omnium quos tuo sanguine redemisti:

R. *Trahe nos ad te, Domine!*

Qui debilius es fortitudo et fortius remuneratio:

R. *Trahe nos ad te, Domine!*

Qui pertransisti benefaciendo et sanando omnes:

R. *Trahe nos ad te, Domine!*

Qui Spiritum tuum ad nos mittis roborantem Paráclitum:

R. *Trahe nos ad te, Domine!*

Qui in tui fratrumque caritate veræ lætitiæ fontem posuisti:

R. *Trahe nos ad te, Domine!*

Qui preces nostras exaudis ut gaudium nostrum sit plenum:

R. *Trahe nos ad te, Domine!*

Qui vis ut in te cor unum simus et anima una:

R. *Trahe nos ad te, Domine!*

Tum sequitur oratio benedictionis ut infra.

**646.** Quando preces non dicuntur, ante orationem benedictionis, celebrans dicit:

Orémus.

Et omnes per aliquod temporis spatium silentio orant. Deinde celebrans benedictionis orationem profert.

---

#### ORATIO BENEDICTIONIS

**647.** Tum celebrans, manibus extensis, orationem benedictionis profert:

Te, Domine, sine intermissione laudamus,  
qui miro ordine omnia dispensas,

hóminum quoque labóres atque negótia prudénter témperas  
et córpora mentésque fatigáta  
quiétis refrigério et honéstis oblectaméntis  
relaxári concédís.

Cleméntiam ergo tuam eníxe, Dómine, implorámus  
ut hæc spátia conveniénter aptáta,  
ótiis fáveant ad ánimum relaxándum,  
et ad mentis et córporis sanitátem firmándam,  
quátenus omnes, huc conveniéntes,  
fratérna inter se conversatióne diténtur,  
et in lætítia te rite colláudent.  
Per Christum Dóminum nostrum.

R. Amen.

648. Post orationem benedictionis, pro opportunitate, celebrans  
adstantes et loca aqua benedicta aspergit, dum cantus aptus peragitur.

#### CONCLUSIO RITUS

649. Tum celebrans ritum concludit, manibus super adstantes exten-  
sis, dicens:

Deus, qui ómnium mentes illúminat  
et córporis réficit vires,  
ópera dírigat nostra,  
ut cordis lætítiam  
et animórum consensiónem  
plénius in dies habeámus.

R. Amen.

Deinde dicit:

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

650. Laudabiliter ritus cantu apto perficitur.

## CAPUT XVIII

### ORDO BENEDICTIONIS OMNIUM QUÆ ITINERANTIBUS HOMINIBUS DESTINANTUR

#### PRÆNOTANDA

**651.** Hominum vita validum invenit adiutorium in instrumentis adhibendis, quæ spatia reddunt breviora atque conventum, unionem mutuamque communicationem inter homines permittunt, quæque modo generali indicari possunt ut instrumenta itinerantibus hominibus destinata. Inter hæc habenda sunt v. gr. via, platea, pons, via ferrea, portus, vehicula cuiusvis generis, navis et navigium aereum.

Cum in huiusmodi instrumentis adhibendis mutuorum officiorum conscientia perficiatur, idonea præbetur occasio ad Deum benedicendum et etiam una simul orandum pro hominibus, qui iisdem utuntur.

**652.** Ordo, qui hic præbetur, adhiberi potest occasione data inchoandi instrumenta illa, quæ quovis modo hominibus itinerantibus destinantur. Attamen sicubi, statutis diebus, usus habetur ecclesiam adeundi rædis automatariis vel ceteris vehiculis seu instrumentis locomotionis ad benedictionem divinam implorandam, quæ sit pignus protectionis Dei in itineribus ineundis, peculiaris celebratio fieri potest, elementa sumendo ex hoc Ordine.

**653.** Benedictio viarum, pontium, platearum, viarum ferrearum spectat ad communitatem in cuius bonum illa instruuntur. Ideoque præsentia requiritur vel communitatis, vel saltem quorundam legatorum, qui ipsius communitatis partibus funguntur.

**654.** Hic Ordo adhiberi potest tum a sacerdote, tum a diacono et etiam a laïco, ritibus tamen et formulis pro ipso prævisis.

**655.** Ex hoc Ordine, semper servatis structura ritus ac potioribus elementis, quædam sumi possunt ut celebratio adiunctis loci et personarum accommodetur.

**656.** Cum unum vehiculum sit benedicendum, Ritus brevior adhiberi potest, qui infra proponitur, nn. 673-677.

## I. ORDO BENEDICTIONIS

### RITUS INITIALES

**657.** Communitate congregata, fieri potest cantus aptus, quo expleto, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**658.** Deinde minister, si est sacerdos vel diaconus, adstantes salutat, dicens:

Dóminus, qui est via, véritas et vita,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**659.** Si vero minister est laicus, adstantes salutat dicens:

Dóminum Iesum Christum,  
qui est via, véritas et vita,  
concórdes benedicámus.

Omnes respondent:

Amen.

---



**660.** Tum minister adstantes ad benedictionem accipiendam disponit his vel similibus verbis:

Christus, Dei Fílius, venit in mundum ut qui erant dispérsi, congregáret in unum. Quidquid ergo ad hómines inter se uniéndos condúcit, Dei consílio respondére vidétur: quos enim vel montes dívidunt vel aquæ seclúdunt vel étiam nímiæ séparant locórum distántiæ, novæ structæ viæ novæque vehéndis homínibus invénta, abláta dissociatióne coniúngunt.

Dóminum ígitur invocémus ut iis benedícat qui hanc óperam molíti sunt et eos, qui eádem uténtur, suo benígnus tueátur auxílio.

#### LECTIO VERBI DEI

**661.** Deinde lector vel unus ex adstantibus vel ipse minister legit textum Sacrarum Scripturarum, ita selectum ut congruenter peculiaris rerum adiuncta respiciat.

Io 14, 6-7 « *Ego sum via, veritas et vita* ».

Audíte, fratres, verba sancti Evangélíi secúndum Ioánnem.

Dixit Iesus discíplis suis: « Ego sum via et véritas et vita. Nemo venit ad Patrem nisi per me. Si cognovístis me, et Patrem meum útique cognoscétis; et ámodo cognóscitis eum et vidístis eum ».

**662.** Vel:

Act 17, 22-28 « *In ipso vivimus et movemur et sumus* ».

Audíte, fratres, verba Actuum Apostolórum.

Stans Paulus in médio Areopági ait: « Viri Atheniénses, per ómnia quasi superstitiosióres vos vídeo; prætériens enim et videns simulácra vestra invéni et aram in qua scriptum erat: « Ignóto deo ». Quod ergo ignorántes cólitis, hoc ego annúnatio vobis. Deus qui fecit mundum et ómnia, quæ in eo sunt,

hic, cæli et terræ cum sit Dóminus, non in manufáctis templis inhábitat, nec mánibus humánis cólitur indigens áliquo, cum ipse det ómnibus vitam et inspiratióem et ómnia; fecít-que ex uno omne genus hóminum inhabitáre super univérsam faciém terræ, defíniens statúta témpora et términos habitatióis eórum, quærere Deum si forte attréctent eum et invéniant, quamvis non longe sit ab unoquóque nostrum. In ipso enim vívimus et movémur et sumus, sicut et quidam vestrum poetárum dixerunt: Ipsíus enim et genus sumus ».

**663.** Vel:

Is 40, 1a. 3-5 « *Fiant prava in directa et aspera in plana* ».  
Sic dicit Dóminus: Consolámini, consolámini pópulum meum... 3 Vox...

Act 8, 26-39 « *Venerat adorare in Ierusalem et revertebatur sedens super currum suum* ».

Surgens Philíppus ábiit ...

Mc 4, 35-41 « *Cessavit ventus et facta est tranquillitas magna* ».  
Illa die, cum sero esset factum, ait Iesus discíplis suis: ...

Lc 3, 3-6 « *Parate viam Domino* ».  
Venit Ioánnes in omnem regiónem circa Iordánem ...

Io 1, 47-51 « *Videbitis angelos Dei ascendentes et descendentes* ».  
Vidit Iesus Nathánael ...

Io 14, 1-7 « *Ego sum via et veritas et vita* ».  
Recumbens in cena Iesus cum discíplis suis, ait illis: « Non turbétur cor vestrum ...

**664.** Pro opportunitate dici vel cani potest psalmus responsorius aut alius cantus aptus.

Ps 22 (23), 1-3. 4. 5. 6

R. (cf. 3b) *Deduc me, Dómine, super sémitas iustitiæ.*

Ps 24 (25), 4-5. 9-10. 12-13

R. (2a) *Deus meus, in te confido.*

Ps 150, 1-2. 3-4. 5

R. (2b) *Laudáte Dóminum*

*secúndum multitudínem magnitúdinis eius.*

665. Minister, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

666. Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

Commúni oratióne Dóminum Iesum Christum humíliter implorémus, qui via nobis est qua perveniámus ad pátriam.

R. *Dirige, Dómine, gressus nostros in via tua.*

Dómine Iesu, qui, homo factus,  
cum homínibus conversári dignátus es:  
— fac ut, tua semper suffúlti præséntia,  
in sémitis dilectiónis tuæ felíciter ambulémus. R.

Dómine Iesu, qui civitátes circúmiens,  
Evangélium tuum annuntiásti et infírmos curásti:  
— per platéas et vias nostras adhuc transíre  
et misericórdia tua nos confortáre dignéris. R.

Dómine Iesu, qui discípulis in mari navigántibus  
præsto fuísti eósque ab omni perículo liberásti:  
— in huius mundi tempestátibus  
nobis semper adéstó propítius. R.

Dómine Iesu, qui discípulis tuis  
te præbuísti cómitem in via:  
— itínera nostra benedícere  
et corda nostra verbis tuis inflammáre dignéris. R.

Dómine Iesu, qui in cælum ascéndens,  
viam nobis aperuísti:

— nos in terra peregrinántes susténta,  
ut in domo Patris tui mansiónem habére possímus. R.

Dómine Iesu, qui nos Matri tuæ fílios commisísti:

— ipsa intercedénte, itínера nobis para tuta,  
ut te aliquándо videámus tecúmque semper collætémur. R.

Tum sequitur oratio benedictionis ut infra.

**667.** Quando preces non dicuntur, ante orationem benedictionis,  
minister dicit:

Orémus.

Et pro opportunitate, omnes per aliquod temporis spatium silentio  
orant. Tunc orationem benedictionis profert.

---

#### ORATIO BENEDICTIONIS

**668.** Tum minister, si est sacerdos vel diaconus, manibus extensis,  
si laicus, manibus iunctis, orationem benedictionis profert:

a) *Benedictio pontis, viæ et plateæ, viæ ferreæ, portus, aeroportus*

1. Deus qui a serviéntibus tibi  
nulla es in regiône longínquus  
et confidéntes in te patérna protectióne custódis,  
omnes qui per hanc viam (platéam / hunc pontem) transíbunt,  
et præcedénte grátia tua dírigas,  
et subsequénte comitáre dignéris,  
ut, ab omni adversitaté, tua opitulatióne defénsi,  
et desideráta possint implére,  
et ad loca destináta felíciter perveníre.  
Per Christum Dóminum nostrum.

R. Amen.

vel:

2. Infínitæ Deus misericórdiæ et maiestátis imménsæ,  
quem nec spátia locórum nec intervállo témporum,  
ab his quos tuéris abiúngunt,  
adéstó fámulis tuis in te ubíque fidéntibus,  
et per omnem quam actúri sunt viam,  
dux eis et comes esse dignáre:  
nihil eis adversitátis nóceat,  
nihil difficultátis obsístat,  
cuncta eis salúbria,  
cuncta vere sint próspera:  
ut ope délixteræ tuæ,  
quidquid iusto expetierint desidério,  
felíciter consequántur efféctu.  
Per Christum Dóminum nostrum.

R. Amen.

b) *Benedictio vehiculi cuiusvis generis*

Omnípotens Deus, Creátor cæli et terræ,  
qui hómini pulchra et magna faciéndã  
in tua multifórmi sapiéntia commisísti,  
concéde, quæsumus, ut qui hoc vehículo usi fúerint,  
et iter suum cauta securitáte percúrrant,  
et aliórum præstent sua prudéntia tutum,  
atque, sive opus ádeunt sive quiétem,  
semper Christum sibi séntiant cómitem in via,  
qui tecum vivit et regnat in sácula sæculórum.

R. Amen.

c) *Benedictio navigii aerii*

1. Dómine, Deus noster,  
qui ponis nubem ascénsus tuum,  
et ámbulas super pennas ventórum,

præsta ut hoc navígium aérium  
ingénio et arte filiórum tuórum exstrúctum,  
itínera præstitúta plácide percúrrat,  
et qui eo usi fúerint,  
a te custodiántur immúnes,  
et ad propósitam sibi metam felíciter transvehántur.  
Per Christum Dóminum nostrum.

R. Amen.

vel:

2. Dómine Deus noster,  
qui ámbulas super pennas ventórum,  
cuius glóriam enárrant cæli,  
cuiúsque ópera annúntiat firmaméntum  
te benedícimus et magnificámus  
in cunctis opéribus tuis,  
quia hómini pulchra et magna faciéndã  
in tua multifórmi sapiéntia commisísti.  
Tríbue nobis, quæsumus,  
ut currus hic, aério itíneri destinátus,  
nóminis tui laudi látius propagándæ  
humanísque rebus prómptius expediéndis  
appríme desérviat.  
Te benedicénte,  
aériæ huius navis gubernatóres,  
prudénti semper procédant consílio,  
ut ad propósitam sibi metam navigántes,  
quovis remóto perículo,  
incólumes perducántur.  
Per Christum Dóminum nostrum.

R. Amen.

d) *Benedictio naviculæ*

Propitiâre, Dómine, supplicatióibus nostris,  
quibus tuam rogâmus cleméntiam,  
ut ab hac navícula  
ómnium ventórum adversitátem procul avértas,  
flúctuum procéllas invícta virtúte compéscas,  
quátenus omnes in ea navigántes,  
tua protectiône muníti,  
desideráta bona prospere consequántur,  
et ad portum optátum incólumes pervéniant.  
Per Christum Dóminum nostrum.

R. Amen.

e) *Benedictio navis*

Deus, qui Ecclésiâ tuam  
inter mundi turbídines fluctuántem,  
cleménti gubernatióne moderáris,  
hanc navem et omnes qui conscénderint,  
prósperum cursum navigáre concéde,  
ut qui, te gubernatóre, márium vada percúrrunt,  
bonis ómnibus expleántur,  
et portum perpétuæ securitátis  
aliquándo intráre læténtur.  
Per Christum Dóminum nostrum.

R. Amen.

**669.** Post orationem benedictionis, pro opportunitate, minister loca, ædes, vehicula atque personas aqua benedicta aspergit, dum cantus aptus peragitur.

## CONCLUSIO RITUS

**670.** Tum minister, si est sacerdos vel diaconus, ritum concludit dicens:

Dóminus dírigat itínera vestra  
ut in pace ambulétis,  
et ad vitam perveniátis ætéram.

R. Amen.

Deinde dicit:

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

---

**671.** Si vero est laicus, minister invocans benedictionem Dei et signans se, dicit:

Dóminus dírigat itínera nostra  
ut in pace ambulémus,  
et ad vitam perveniámus ætéram.

R. Amen.

---

**672.** Laudabiliter ritus apto cantu perficitur.

## II. RITUS BREVIOR

**673.** Minister, initio celebrationis, dicit:

ʏ. Adiutórium nostrum in nómine Dómini.

Omnes respondent:

R. Qui fecit cælum et terram.

**674.** Tum ab uno ex adstantibus vel ab ipso ministro legitur brevis textus Sacrae Scripturae, v. gr.:



Io 14, 6: « Ego sum via et veritas et vita. Nemo venit ad Patrem nisi per me ».

Mt 22, 37a. 39b-40: Dilige Dñm Deum tuum in toto corde tuo. Dilige primum tuum sicut teipsum. In his duobus mandatis unvsa Lex pendet et Propheta.

**675.** Deinde minister, si est sacerdos vel diaconus, manibus extensis, si laicus, manibus iunctis, orationem benedictionis dicit:

Omnipotens Deus, Creator celi et terrae,  
qui homini pulchra et magna facienda  
in tua multifor mi sapientia commisisti,  
concede, quæsumus, ut qui hoc vehiculo usi fuerint,  
et iter suum cauta securitate percurrant,  
et aliorum præstent sua prudentia tutum,  
atque, sive opus adeunt sive quietem,  
semper Christum sibi sentiant comitem in via,  
qui tecum vivit et regnat in sæcula sæculorum.  
R. Amen.

**676.** Vel pro navicula:

Propitiare, Domine, supplicationibus nostris,  
quibus tuam rogamus clementiam,  
ut ab hac navicula  
omnium ventorum adversitatem procul avertas,  
fluctuum procillas invicta virtute compescas,  
quatenus omnes in ea navigantes,  
tua protectione muniti,  
desiderata bona prospere consequantur,  
et ad portum optatum incolumes perveniant.  
Per Christum Dñm nostrum.  
R. Amen.

**677.** Pro opportunitate minister adstantes et vehiculum aqua benedicta aspergit.

## CAPUT XIX

### ORDO BENEDICTIONIS PECULIARIUM INSTRUMENTORUM TECHNICORUM

#### PRÆNOTANDA

**678.** Homo suo labore atque ingenio, ope scientiæ et artis technicæ, suum dominium in naturam iugiter dilatat. Quo fit, ut multa bona, propria industria homo sibi procuret suæ et aliorum vitæ condiciones in melius mutans. Cum peculiaria instrumenta technica prima vice auspiciantur, opportuna esse potest aliqua celebratio, qua clarius appareat christiano nuntio homines officio mundi exstruendi arcte obstringi.<sup>7</sup>

**679.** Hic qui proponitur Ordo benedictionis respicit tum communitatem in cuius bonum quædam instrumenta technica eriguntur (uti v. gr. primariæ sedis energiæ, aquæductus, seismographeï, etc.) tum præsertim omnes qui quocumque modo ea dirigunt. Ideo præsentia saltem quorundam legatorum requiritur.

**680.** Hic Ordo adhiberi potest tum a sacerdote, tum a diacono, et etiam a laico, ritibus tamen et formulis pro ipso prævisis.

**681.** Ex hoc Ordine, semper servatis structura ritus et potioribus elementis, quædam sumi possunt ut celebratio loci et personarum adiunctis accommodetur.

<sup>7</sup> Conc. Vat. II, Const. pastoralis de Ecclesia in mundo huius temporis, *Gaudium et spes*: cf. nn. 33-34.

## ORDO BENEDICTIONIS

### RITUS INITIALES

**682.** Communitate congregata, fieri potest cantus aptus, quo expleto, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**683.** Deinde minister, si est sacerdos vel diaconus, adstantes salutat, dicens:

Deus, qui hómines constitúit  
super ópera mánuum suárum,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**684.** Si vero minister est laicus, adstantes salutat dicens:

Deum, qui hómines constitúit  
super ópera mánuum suárum,  
una voce magnificémus.

Omnes respondent:

Amen.

---

**685.** Tum minister adstantes ad benedictionem accipiendam disponit his vel similibus verbis:

Mánuum suárum labóre et ártium ópere technicárum, homo cum Creatóre cooperátur ut terra dígnior famíliæ humánæ sedes efficiátur. Qui opus creatiόνis perficiéndum curat, humáno consórtio provehéndo próspicit et Christi mandátum servat sese in fratrum servítium aláriter impendéndi. Deum ergo benedicámus qui his invéntis ad cómmodum nostrum útimur, numquam ab eius laude cessémus, qui est lux vera et fons aquæ saliéntis in vitam ætérrnam.

#### LECTIO VERBI DEI

**686.** Deinde lector vel unus ex adstantibus vel ipse minister legit textum Sacrarum Scripturarum.

Gen 1, 1-5a. 14-18 « *Dixit Deus: Fiat lux! et facta est lux* ».

Audíte, fratres, verba libri Génesis.

In princípío creávit Deus cælum et terram. Terra autem erat inánis et vácuá, et ténebræ super fáciem abyssi, et spíritus Dei ferebátur super aquas.

Dixítque Deus: « Fiat lux ». Et facta est lux. Et vidit Deus lucem quod esset bona et divisit Deus lucem ac ténebras. Appellavítque Deus lucem Diem et ténebras Noctem.

Dixit autem Deus: « Fiant luminária in firmaménto cæli, ut dívidant diem ac noctem et sint in signa et témpora et dies et annos, ut lúceant in firmaménto cæli et illúminent terram ». Et factum est ita. Fecítque Deus duo magna luminária: lumináre máius, ut præéssent diéi, et lumináre minus, ut præéssent nocti, et stellas. Et pósuit eas Deus in firmaménto cæli, ut lucérent super terram et præéssent diéi ac nocti et díviderent lucem ac ténebras. Et vidit Deus quod esset bonum.

687. Vel:

Io 4, 5-14 « *Qui biberit ex aqua quam ego dabo ei, non sitiet in æternum!* ».

Audíte, fratres, verba sancti Evangélii secúndum Ioánnem.

Venit Iesus in civitátem Samaríæ, quæ dicitur Sichar, iuxta prædium, quod dedit Iacob Ioseph filio suo; erat autem ibi fons Iacob. Iesus ergo fatigátus ex itínere sedébat sic super fontem; hora erat quasi sexta. Venit múlter de Samaría hauríre aquam. Dicit ei Iesus: « Da mihi bíbere »; discípuli enim eius abíerant in civitátem, ut cibos émerent. Dicit ergo ei múlter illa Samaritána: « Quómodo tu Iudæus cum sis, bíbere a me poscis, quæ sum múlter Samaritána? ». Non enim cou-túntur Iudæi Samaritánis. Respóndit Iesus et dixit ei: « Si scires donum Dei et quis est, qui dicit tibi: “Da mihi bíbere”, tu fórsitan petísses ab eo et dedísset tibi aquam vivam ». Dicit ei múlter: « Dómine, neque in quo háurias habes, et púteus altus est; unde ergo habes aquam vivam? Numquid tu máior es patre nostro Iacob, qui dedit nobis púteum, et ipse ex eo bibit et filii eius et pécora eius? ». Respóndit Iesus et dixit ei: « Omnis qui bibit ex aqua hac, sítiet íterum; qui autem bíberit ex aqua, quam ego dabo ei, non sítiet in ætérnum, sed aqua, quam dabo ei, fiet in eo fons aquæ saliéntis in vitam ætérnam ».

688. Vel:

Num 20, 2-11 « *Egressæ sunt aquæ largissimæ* ».

Cum indígeret aqua pópulus in desérto ...

Is 55, 1-11 « *Omnes sitiéntes, venite ad aquas!* ».

Omnes sitiéntes ...

Sir 17, 1-6 « *Dedit homini potestatem eorum quæ sunt in terra* ».

Deus creávit de terra hóminem ...

689. Pro opportunitate dici vel cani potest psalmus responsorius aut alius cantus aptus.

Ps 17 (18), 12-13. 14-15. 16. 17 et 20

R. (3b) *Deus meus, adiutor meus, et sperabo in eum.*

Ps 28 (29), 1-2. 3-4. 7-9. 10-11

R. (2) *Afferte Dómino glóriam nóminis eius.*

Ps 148, 1-2. 3-4. 5-6

R. (13c) *Magnificéntia Dómini super cælum et terram.*

**690.** Minister, pro opportunitate, adstantes breviter alloquitur lectionem biblicam illustrans, ut sensum celebrationis fide percipiant.

---

#### PRECES

**691.** Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

In opéribus atque invéntis, quæ hóminum debéntur ingénio, pérmanens nobis agnoscénda est Dei creatóris operátio. Unde æquum et iustum est nostras laudes Deo grato corde proférre ipsúmque fidénter invocáre dicéntes:

R. *Opus mánuum nostrárum confírma, Dómine.*

Deus ætérne, qui cuncta bona creásti  
et hóminem tamquam dóminum super ea constituísti,  
— da ut natúræ víribus ad glóriam tuam  
et ad hóminum utilitátem sapiénter utámur. R.

Qui Spíritum tuum nobis contínue largírís,  
— concéde ut cum eódem Spíritu  
non arte tantum, sed iustítia quoque et caritáte  
ad fáciem terræ renovándam cooperémur. R.

Qui corda nosti ómnium,  
— fac ut quæ hóminum profert ingénium  
mens recta gubérnet. R.

Qui Patrem ab ómnibus vocári voluísti,  
— da ut quotquot adhuc iniústo premúntur discrímine,  
ad iúra et bona commúnia  
ómnium auxílio accédere possint. R.

Tum sequitur oratio benedictionis ut infra.

**692.** Quando preces non dicuntur, ante orationem benedictionis, minister dicit:

Orémus.

Et pro opportunitate, omnes per aliquod temporis spatium silentio orant. Tunc orationem benedictionis profert.

---

#### ORATIO BENEDICTIONIS

**693.** Tunc minister, si est sacerdos vel diaconus, manibus extensis, si vero est laicus, manibus iunctis, benedictionis orationem profert:

a) *Benedictio cuiusvis instrumenti technici*

Benedíctus et laudábilis es, Dómine Deus noster,  
qui hóminum ingénio atque labóre,  
omni creatúræ próvides perficiéndæ,  
et húmáni géneris adinventiónibus  
magnitúdinem et bonitátem tuam mirabíliter decláras:  
præsta, quæsumus,  
ut quotquot horum inventórum subsidio,  
ad vitæ suæ proféctum uti desíderant,  
te mirábilem in opéribus tuis agnóscant  
tíbique in vita sua alácrius deservíre conéntur.  
Per Christum Dóminum nostrum.

R. Amen.

b) *Benedictio primariæ sedis energiæ*

Dómine, Deus omnípotens,  
lucis creátor, omnísque hóminis fons et orígo,  
réspice fámulos tuos qui hoc invéntum  
ad energiám eléctricam (atómicam) ádhibent producéndam,  
et præsta ut vultum tuum iúgiter perquiréntes,  
post huius sæculi ténebras,  
ad Te, Lumen indefíciens,  
in quo vívimus, movémur et sumus,  
váleant perveníre.  
Per Christum Dóminum nostrum.

R. Amen.

c) *Benedictio aquæductus*

Benedíctus et laudábilis es, Dómine Deus noster,  
qui hóminum ingénio atque labóre,  
omni creatúræ próvides perficiéndæ,  
et húmáni géneris adinventiónibus  
magnitúdinem et bonitátem tuam mirábiliter decláras:  
præsta, quæsumus.  
ut quotquot aquis hinc defluéntibus  
pro sua quísque necessitaté usi fúerint,  
te aquæ vivæ fontem agnóscant,  
a quo aquam háuriant in vitam ætérnam saliéntem.  
Per Christum Dóminum nostrum.

R. Amen.

**694.** Post orationem benedictionis, instrumentum technicum primo adhibetur. Fieri potest, pro opportunitate, cantus aptus.



---

**CONCLUSIO RITUS**

**695.** Tum minister, si est sacerdos vel diaconus, ritum concludit, dicens:

Deus, a quo bona cuncta procedunt,  
illúminet vultum suum super vos,  
et dírigat vos in viam pacis.

R. Amen.

Deinde dicit:

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

---

**696.** Si vero est laicus, minister invocans benedictionem Dei et signans se, dicit:

Deus, a quo bona cuncta procedunt,  
illúminet vultum suum super nos,  
et dírigat nos in viam pacis.

R. Amen.

---

**697.** Laudabiliter ritus apto cantu perficitur.

## CAPUT XX

### ORDO BENEDICTIONIS INSTRUMENTORUM LABORIS

#### PRÆNOTANDA

698. Instrumenta cuiusvis generis, ingentis quoque molis, quibus utuntur homines ad laborem exercendum, uti sunt v. gr. machinæ sese moventes, naviculæ ad piscandum et similia, opportune benedici possunt, ut ipsi homines valeant agnoscere se proprio labore cum fratribus suis coniungi eisque inservire ac germanam caritatem manifestare atque creationi divinæ perficiendæ sociam operam præbere posse. Benedictio fieri potest in peculiaribus adiunctis, v. gr. in celebratione S. Ioseph opificis vel alicuius sancti Patroni, aut congressus operariorum, dum ipsi operarii simul adunantur, instrumenta laboris sui afferentes.

699. Cum hæc celebratio non ipsa instrumenta sed homines qui cum illis adlaborant potius respiciat, requiritur præsentia ipsorum operariorum aut saltem quorundam legatorum.

700. Hic Ordo adhiberi potest tum a sacerdote, tum a diacono et etiam a laico, ritibus tamen et formulis pro ipso prævisis.

701. Ex hoc Ordine, semper servatis structura ritus ac potioribus elementis, quædam sumi possunt ut celebratio adiunctis loci et personarum accommodetur.

702. Cum agitur de uno alterove instrumento benedicendo, Ritus brevior adhiberi potest qui infra proponitur nn. 718-720.

## I. ORDO BENEDICTIONIS

### RITUS INITIALES

**703.** Communitate congregata, fieri potest cantus aptus, quo expleto minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**704.** Deinde minister, si est sacerdos vel diaconus, adstantes salut, dicens:

Christus, Dei Fílius,  
qui fabri fílius putári dignátus est,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**705.** Si vero minister est laicus, adstantes salutatur dicens:

Christum, Dei Fílium,  
qui fabri fílius putári dignátus est,  
devótis méntibus confitémur.

Omnes respondent:

Amen.

---

**706.** Tum minister adstantes ad benedictionem accipiendam disponit his vel similibus verbis:

Deus hómini mandávit ut terram possidéret et eam subíceret, usque dum cæli novi instauraréntur et terra nova, iuxta illud Apóstoli: « Omnia vestra sunt, vos autem Christi, Christus autem Dei » (1 Cor 3, 23). Ad hunc autem finem assequéndum, ipse homo aptis útitur instruméntis, quibus áliquo modo redemptionis bono cooperátur atque partícipat. Deum ergo pro hac mirábili rerum dispositióne ex corde benedicámus eúmque deprecémur ut suo auxílio hóminem in labóre tueátur atque susténtet.

#### LECTIO VERBI DEI

**707.** Deinde lector vel unus ex adstantibus vel ipse minister legit textum Sacrarum Scripturarum.

1 Th 4, 9. 10b-12 « *Operemini manibus vestris* ».

Audíte, fratres, verba Pauli apóstoli ad Thessalonicénses.

De caritaté autem fraternitátis non necesse habétis, ut vobis scribam, ipsi enim vos a Deo edócti estis, ut diligátis ínvicem; rogámus autem vos, fratres, ut abundétis magis et óperam detis, ut quiéti sitis, et ut vestrum negótium agátis, et operémini mánibus vestris, sicut præcípimus vobis, ut honéste ambulétis ad eos, qui foris sunt et nullíus áliquid desiderétis.

**708.** Vel:

Ex 35, 30 — 36, 1 « *Dedit Deus sapientiam et intellectum, ut scirent fabre operari* ».

Dixítque Móyses ad fílios Israel: « Ecce vocávit Dóminus ...

Iob 28, 1-28 « *Ferrum de terra tollitur et lapis solutus calore in æs vertitur* ».

Habet argéntum venárum princípia ...

Prov 31, 10-31 « *Manum suam misit ad colos et digiti eius apprehenderunt fusum* ».

Mulierem fortem quis invéniet ...

Sir 38, 25-39 « *Unusquisque in arte sua sapiens est* ».

Sapiéntia scribæ ...

Is 28, 23-29 « *Tota die arat arans, ut serat* ».

Hæc dicit Dóminus Deus exercítuum: « Auribus percípите ...

Act 18, 1-5 *Paulus scenofactoriæ erat artis et operabatur.*

Paulus discédens ab Athénis venit Corínthum ...

Mt 13, 1-9 « *Ecce exiit, qui seminat, seminare* ».

In illo die éxiens Iesus de domo ...

Lc 5, 3-11 « *In verbo tuo laxabo rétia* ».

In illo témpore: Ascéndens Iesus in unam navem ...

**709.** Pro opportunitate dici vel cani potest psalmus responsorius aut alius cantus aptus.

Ps 64 (65), 10. 11-12. 13-14

R. (6) *Exáudies nos, Deus salútis nostræ.*

Ps 89 (90), 2. 3-4. 12-13. 14 et 16

R. (17c) *Opus mánuum nostrárum confírma, Dómine.*

Ps 106 (107), 35-36. 37-38. 41-42

R. (1b) *Confitémini Dómino, quóniam bonus!*

Ps 126 (127), 1. 2

R. (cf. 1) *Dóminus ædíficet nobis domum,  
et custódiat civitátem.*

**710.** Minister, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

## PRECES

**711.** Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur,

minister seligere potest eas quæ aptiores videantur vel alias adicere, quæ peculiaria rerum adiuncta respiciant.

Deus, qui p[ro]suit h[om]inem in mundum ut operaretur et custodiret illum, h[um]anas i[un]giter excitat mentes ut ingenio suo atque labore ad creationis profectum cooperentur. Eum colaudemus dicentes:

*R. Benedictus es, D[omi]ne, creator universi.*

Qui h[om]inem ad laborem advocans,  
eidem mundum a te creatum perficiendum committis. *R.*

Qui dignitatem operandi h[om]ini tribuens,  
illum cooperatorem tuum in mundo constituis. *R.*

Qui h[om]inem ad novam semper molienda  
sapientia tua illuminas,  
ut nomen tuum glorificetur  
et laude tua omnis terra resultat. *R.*

Qui Filium tuum in mundum misisti,  
ut sudore vultus sui laborem sanctificans et elevans,  
impigræ navitatis nobis esset exemplar. *R.*

Qui in omni opere bono h[om]ines adspirando praevenis,  
et adiuvando proséquaris. *R.*

Tum sequitur oratio benedictionis ut infra.

**712.** Quando preces non dicuntur, ante orationem benedictionis, minister dicit:

Orémus.

Et pro opportunitate, omnes per aliquod temporis spatium silentio orant. Tunc orationem benedictionis profert.

---

## ORATIO BENEDICTIONIS

**713.** Tum minister, si est sacerdos vel diaconus, manibus extensis, vel si est laicus, manibus iunctis, orationem benedictionis profert:

Deus, a quo benedictionis descendit plenitudo,  
et ad quem precatio benedicentis ascendit,  
famulos tuos protege benignus,  
qui coram te fidei devotione  
laboris sui proferunt instrumenta,  
et presta ut naviter operantes,  
creationi perficiendae collaborent,  
suam suorumque vitam sustentent,  
humanae satagent societatis fovere progressum  
et nominis tui gloriam iugiter collaudare.  
Per Christum Dominum nostrum.  
R. Amen.

**714.** Vel:

Deus, qui naturalium rerum virtutes  
hominum labori subdere voluisti,  
concede propitius,  
ut, operibus nostris intenti,  
creationi tuae perficiendae  
sociam operam liberaliter navemus.  
Per Christum Dominum nostrum.  
R. Amen.

**715.** Pro opportunitate minister adstantes et instrumenta laboris  
aqua benedicta aspergit.

## CONCLUSIO RITUS

**716.** Tum minister ritum concludit, dicens:

Christus Dominus,  
qui ad salutem operandam

humánum suscepit labórem,  
suo nos solácio iúgiter confórtet  
et suam det nobis pacem.

R. Amen.

717. Laudabiliter ritus apto cantu perficitur.

## II. RITUS BREVIOR

718. Minister, initio celebrationis, dicit:

¶. Adiutórium nostrum in nómine Dómini.

Omnes respondent:

R. Qui fecit cælum et terram.

719. Tum ab uno ex adstantibus vel ab ipso ministro legitur brevis textus Sacrae Scripturae, v. gr.:

Sir 38, 35. 39: Omnes artífices in mánibus suis speravérunt, et unusquisque in arte sua sápiens est. Creatúram labóris confirmábunt, et sollicitúdo illórum in operatióne artis.

2 Th 3, 7-8: Opórtet imitári nos, quóniam non gratis panem manducávimus ab áliquo sed in labóre et fatigatióne, nocte et die operántes, ne quem vestrum gravarémus.

720. Deinde minister dicit, manibus iunctis, orationem benedictionis, qua peracta, pro opportunitate, adstantes et laboris instrumenta aqua benedicta aspergit.

Deus, qui naturálium rerum virtútes  
hóminum labóri súbdere voluísti,  
concéde propítius,  
ut, opéribus nostris inténti,  
creatióni tuæ perficiéndæ  
sóciám óperam liberáliter navémus.  
Per Christum Dóminum nostrum.  
R. Amen.



## CAPUT XXI

### ORDO BENEDICTIONIS ANIMALIUM

#### PRÆNOTANDA

**721.** Cum plura animalia, iuxta divinam Creatoris providentiam, hominum vitæ quodammodo participant, quippe quæ vel adiumentum in laboribus præstent, vel etiam cibum præbeant atque solacium, nihil impedit quominus data occasione, v. gr. in festo alicuius Sancti, consuetudo servetur Dei benedictionem super illa invocandi.

**722.** Hic Ordo adhiberi potest tum a sacerdote, tum a diacono et etiam a laico, ritibus tamen et formulis pro ipso prævisis.

**723.** Ex hoc Ordine, semper servatis structura ritus ac potioribus elementis, quædam sumi possunt ut celebratio adiunctis accommodetur.

**724.** Cum agitur de uno alterove animali benedicendo vel de benedictione animalium occasione alius celebrationis, etiam Ritus brevior adhiberi potest, qui infra proponitur, nn. 741-744.

### I. ORDO BENEDICTIONIS

#### RITUS INITIALES

**725.** Communitate congregata, fieri potest cantus aptus, quo expleto, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**726.** Deinde minister, si est sacerdos vel diaconus, adstantes salutatur, dicens:

Deus qui est mirabilis  
in ómnibus opéribus suis,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**727.** Si vero minister est laicus, adstantes salutatur, dicens:

Dóminum Deum nostrum,  
qui ómnia in sapiéntia fecit,  
enixe magnificémus.

Omnes respondent:

Amen.

---

**728.** Tum minister adstantes ad benedictionem accipiendam disponit his vel similibus verbis:

Animália a Deo creáta cælum et terram et mare inhábitant, vicissitúdi-  
nes hóminis participant eiúsque vitæ sociántur. Deus ipse qui sua  
benefícia super ómnia vivéntia diffúndit, animálium haud raro vel  
adiutório útitur vel étiam imágine ad dona salutis quodámmodo  
insinuánda. Animália ab aquis dilúvii in arca servántur, et post  
dilúvium fœderi cum Noe ínito aliquómodo sociántur (Gen 9, 9-10),  
agnus paschális récolit immolationem paschálem, et libertátem ab  
Ægypti servitúte (Ex 12, 3-14); magnus piscis Ionam servat (Ion 2,  
1-11); corvi Elíam nútriunt (1 Reg 17, 6); animália hóminum

pænitentiæ aggregántur (Ion 3, 7) et cum univérsa creatúra, Christi redemptionem partíci pant.

Dei ergo benedictiónem, (per intercessiónem sancti N.) super hæc animália invocántes, ipsum ómnium Creatórem laudémus, ei grátias agámus qui nos super univérsas éxtulit creatúras, et ab eo însuper petámus ut dignitátem nostram agnoscéntes, in eius lege semper ambulémus.

#### LECTIO VERBI DEI

729. Deinde lector vel unus ex adstantibus vel ipse minister legit textum Sacrarum Scripturarum.

Gen 1, 1. 20-29 « *Dominamini universis animantibus, quæ moventur super terram* ».

Audíte, fratres, verba libri Génesis.

In princípíio creávit Deus cælum et terram. Dixit étiam Deus: « Púllulent aquæ réptile ánimæ vivéntis, et volátile volet super terram sub firmaménto cæli ». Creavítque Deus cete grándia et omnem ánimam vivéntem atque motábilem, quam púllulant aquæ secúndum spécies suas, et omne volátile secúndum genus suum. Et vidit Deus quod esset bonum; benedixítque eis Deus dicens: « Créscite et multiplicámini et repléte aquas maris, avésque multiplicéntur super terram ». Et factum est véspere et mane, dies quintus. Dixit quoque Deus: « Pro dúcat terra ánimam vivéntem in génere suo, iuménta et reptí lia et béstias terræ secúndum spécies suas ». Factúmque est ita. Et fecit Deus béstias terræ iuxta spécies suas et iuménta secúndum spécies suas et omne réptile terræ in génere suo. Et vidit Deus quod esset bonum. Et ait Deus: « Faciámus hóminem ad imáginem et similitúdinem nostram; et præsit píscibus maris et volatílibus cæli et béstiiis universæque terræ omníque réptili, quod movétur in terra ». Et creávit Deus hóminem ad imáginem suam; ad imáginem Dei creávit illum, másculum et féminam creávit eos. Benedixítque illis Deus et

ait illis Deus: « Créscite et multiplicámini et repléte terram et subícite eam et dominámini piscibus maris et volatílibus cæli et univérssis animántibus, quæ movéntur super terram ».

730. Vel:

Gen 2, 19-20a « *Appellavit homo nominibus suis omnes bestias* ».

Audíte, fratres, verba libri Génesis.

Formátis Dóminus Deus de humo cunctis animántibus agri et univérssis volatílibus cæli, addúxit ea ad hóminem, ut vidéret quid vocáret ea; omne enim, quod vocávit homo ánimæ vivéntis, ipsum est nomen eius. Appellavítque homo nomínibus suis cuncta pécora et univérssa volatília cæli et omnes béstias agri.

731. Vel:

Gen 6, 17-23 « *Ex cunctis animantibus induces in arcam ut vivant tecum* ».

Dixit Deus ad Noe: « Ecce ego addúcam ...

Is 11, 6-10 « *Non nocebunt animalia et non occident in universo monte sancto meo* ».

Hæc dicit Dóminus Deus: « In die illa habitábit lupus cum agno, et pardus cum hædo accubábit ...

732. Pro opportunitate dici vel cani potest psalmus responsorius aut alius cantus aptus.

Ps 8, 2. 4-5. 7b-9.

R. (10) *Dómine, Dóminus noster,*  
*quam admirábile est nomen tuum in univérssa terra!*

Ps 103 (104), 1-2a. 10-12. 25. 27-28

R. (27) *Omnia a te expéctant,*  
*ut des illis escam in témpore suo.*

Ps 146 (147), 5-6. 7-8. 9-11

R. (1a) *Laudáte Dóminum,  
quóniam bonum est psállere Deo nostro.*

733. Minister, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

734. Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

Deus hóminem creávit et in terra pósuit ut univérssis dóminans animántibus Creatóris glóriam faterétur. Eum ígitur láudibus extollámus, dicéntes:

R. *Quam multiplicáta sunt ópera tua, Dómine!*

Benedíctus es, Dómine, qui animália creásti  
et in labóris nostri adiuméntum  
nobis subícere voluísti. R.

Benedíctus es, Dómine,  
qui ad vires nostras reficiéndas  
animálium carnes in cibum nobis dedísti. R.

Benedíctus es, Dómine,  
qui filiórum tuórum solácio cónsulens,  
animália doméstica nobis cómites dedísti. R.

Benedíctus es, Dómine,  
qui in cæli ávibus a te nutrítis  
patérnæ tuæ providéntiæ,  
Iesu testánte, signum ostendísti. R.

Benedíctus es, Dómine,  
qui Fílium tuum tamquam Agnum nobis obtulísti  
nosque in illo  
fílios tuos et nominári et esse voluísti. R.

Benedíctus es, Dómine,  
qui per humíllimas étiam creatúras  
ad dilectiónem tuam nos tráhere non désinis. R.

Tum sequitur oratio benedictionis ut infra.

**735.** Quando preces non dicuntur, ante orationem benedictionis,  
minister dicit:

**Orémus.**

Et pro opportunitate, omnes per aliquod temporis spatium silentio  
orant. Tunc orationem benedictionis profert.

---

#### ORATIO BENEDICTIONIS

**736.** Tum minister, si est sacerdos vel diaconus, manibus extensis,  
vel si est laicus, manibus iunctis, orationem benedictionis profert:

Donórum ómnium, Deus, auctor atque largítor,  
qui necessitatibus ac labóribus hóminum  
étiam de animálibus solácia subrogásti:  
(per intercessiónem sancti N.)  
súplices te rogámus  
ut ea, sine quibus non álitur humana condítio,  
nostris fácias bonis úsibus deservíre.  
Per Christum Dóminum nostrum.  
R. Amen.

**737.** Vel:

Deus, qui ómnia in sapiéntia fecísti  
et hómini ad tuam similitúdinem creáto  
animántium dominátum tua benedictióne donásti:

déxteram tuam propítius exténde et præsta  
ut hæc animália nostris insérvant necessitatibus:  
et nos fámuli tui,  
præséntibus subsidiis adiúti,  
sempitérna fiduciálius appetámus.  
Per Christum Dóminum nostrum.  
R. Amen.

738. Pro opportunitate minister adstantes et animalia aqua benedicta aspergit.

#### CONCLUSIO RITUS

739. Tum minister ritum concludit, dicens:

Qui animália terræ in hóminum auxílium creávit  
nos grátia suæ benedictiónis  
Deus iúgiter próteget atque consérvet.  
R. Amen.

740. Laudabiliter ritus cantu apto perficitur.

## II. RITUS BREVIOR

741. Minister, initio celebrationis, dicit:

v. Adiutórium nostrum in nómine Dómini.

Omnes respondent:

R. Qui fecit cælum et terram.

742. Tum ab uno ex adstantibus vel ab ipso ministro legitur brevis textus Sacrae Scripturæ, v. gr.:

Gen 2, 20a: Appellavítque homo nomínibus suis cuncta pécora et univérsa volatília cæli et omnes béstias agri.

Cf. Ps 8, 7-9a:

Constituísti, Dómine, hóminem super opera mánuum tuárum.  
Omnia subiecísti sub pédibus eius,  
oves et boves univérsas,  
ínsuper et pécora campi,  
vólucres cæli et pisces maris.

743. Deinde minister dicit, manibus iunctis, orationem benedictionis:

Deus, qui ómnia in sapiéntia fecísti  
et hómini ad tuam similitúdinem creáto  
animántium dominátum tua benedictióne donásti:  
déteram tuam propítius exténde et præsta  
ut hæc animália nostris insérvant necessitátibus:  
et nos fámuli tui,  
præséntibus subsídiis adiúti,  
sempitérna fiduciálius appetámus.  
Per Christum Dóminum nostrum.

R. Amen.

744. Pro opportunitate minister adstantes et animalia aqua benedicta aspergit.



## CAPUT XXII

### ORDO BENEDICTIONIS AGRORUM, CAMPORUM ET PASCUORUM

#### PRÆNOTANDA

745. Hoc ritu fideles gratam beneficiorum acceptorum memoriam Deo manifestant, qui mundum universum ineffabili amore creavit eumque hominum curæ demandavit, ut assiduo labore, quæ ad vitam sunt necessaria, fratribus præstarent.

746. Hic Ordo adhiberi potest in adiunctis aptioribus vitæ rusticæ, ita ut, orationis ope, humanus labor sanctificetur atque benedictio Domini temporum vices et opera ipsis respondentia comitetur.

747. Ordo, qui hic præbetur, adhiberi potest tum a sacerdote, tum a diacono et etiam a laico, ritibus tamen et formulis pro ipso prævisis.

748. Ex hoc Ordine, semper servatis structura ritus ac potioribus elementis, quædam sumi possunt ut celebratio adiunctis loci et personarum accommodetur.

### ORDO BENEDICTIONIS

#### RITUS INITIALES

749. Communitate congregata, fieri potest cantus aptus, quo expleto, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**750.** Deinde minister, si est sacerdos vel diaconus, adstantes salutat, dicens:

Deus, qui est mirábilis in opéribus suis,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**751.** Si vero minister est laicus, adstantes salutat, dicens:

Deum, qui dat nobis  
de rore cæli et de pinguédine terræ,  
unanímiter benedicámus.

Omnes respondent:

Amen.

---

**752.** Tum minister adstantes ad benedictionem accipiendam disponit his vel similibus verbis:

Deum benedicámus, qui terram omnipoténtia sua creávit, et providéntia locupletávit, eámque dedit homínibus coléndam, ut fructus inde percíperent quibus vitam suam álerent atque nutrírent.

Dum vero Dómino pro sua largitáte grátias ágimus, discámus étiam, iuxta Evangélíi verba, quérere primum regnum Dei et iustítiam eius: tunc enim ómnia necessária adiciéntur nobis.

## LECTIO VERBI DEI

**753.** Deinde lector vel unus ex adstantibus vel ipse minister legit textum Sacrarum Scripturarum.

Gen 1, 1. 11-12. 29-31 « *Vidit Deus cuncta quæ fecit, et ecce erant valde bona* ».

Audíte, fratres, verba libri Génesis.

In princípío creávit Deus cælum et terram. Et ait Deus: « Gérminet terra herbam viréntem et herbam faciéntem semen et lignum pomíferum fáciens fructum iuxta genus suum, cuius semen in semetípso sit super terram ». Et factum est ita. Et prútulit terra herbam viréntem et herbam afferéntem semen iuxta genus suum lignúmque fáciens fructum, qui habet in semetípso seméntem secúndum spéciem suam. Et vidit Deus quod esset bonum.

Dixítque Deus: « Ecce dedi vobis omnem herbam afferéntem semen super terram et univérsa ligna, quæ habent in semetípsis fructum ligni portántem seméntem, ut sint vobis in escam et cunctis animántibus terræ omníque vólucris cæli et univérsis, quæ movéntur in terra et in quibus est ánima vivens, omnem herbam viréntem ad vescéndum ». Et factum est ita. Vidítque Deus cuncta, quæ fecit; et ecce erant valde bona.

**754.** Vel:

Deut 32, 10c-14 « *Constituit Deus populum super excelsam terram, ut comederet fructus agrorum* ».

Audíte, fratres, verba libri Deuteronomii.

Circúmdedit Deus pópulum suum et atténdit et custodívit quasi pupíllam óculi sui. Sicut áquila próvocans ad volándum pullos suos et super eos vólitans expándit alas suas et assúmp-

sit eum atque portávit super pennas suas. Dóminus solus dux eius fuit, et non erat cum eo deus aliénus. Constituit eum super excélsam terram, ut coméderet fructus agrórum, ut súgeret mel de petra oleúmque de saxo duríssimo, butýrum de arménto et lac de óvibus, cum ádipe agnórum et ariétum filiórum Basan et hircórum, cum medúlla trítici, et sánguinem uvæ bíberet meracíssimum.

**755.** Vel:

Mt 6, 25-34 « *Considerate lilia agri quomodo crescunt* ».

Dicébat Iesus discíulis suis: « Ne solliciti ...

Mc 4, 26-29 « *Semen germinat et increscit dum nescit homo* ».

Dicébat Iesus: « Sic est regnum Dei ...

**756.** Pro opportunitate dici vel cani potest psalmus responsorius aut alius cantus aptus.

Ps 64 (65), 10. 11-12. 13-14

R. (6) *Exáudies nos, Deus salútis nostræ.*

Ps 103 (104), 1-2a. 14-15. 24. 27-28

R. (24c) *Impléta est terra creatúra tua, Dómine.*

Ps 106 (107), 35-36. 37-38. 41-42

R. (1b) *Confitémini Dómino, quóniam bonus!*

**757.** Minister, pro opportunitate, adstantes alloquitur, lectionem biblicam illustrans, ut sensum celebrationis fide percipiant.

---

#### PRECES

**758.** Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

Próvidens Dóminus, ómnium Pater, fíliis suis benígne próspicit, eósque nutrit et foveat, terram benedícens ut fructus áfferat ad hóminum vitam sustentándam. Illum ergo tamquam filii suppliciter exorémus:

*R. Te rogámus, audi nos.*

Qui nos per apóstolum Paulum  
agricultúram tuam vocásti:  
— fac ut in ómnibus voluntátem tuam faciéntes,  
tibi semper adhæreámus. *R.*

Qui nos illíus vitis, qui est Christus,  
pálmites esse docuísti:  
— fac ut in Filio tuo manéntes,  
fructum multum afferámus. *R.*

Qui benedícis terram,  
eámque ubertáte replére dignáris:  
— fac ut campi nostri  
nutriméntum quo indigémus  
tua benedictióne prodúcant. *R.*

Qui tríticum múltiplicas  
in quo et panem nostrum præbes cotidiánum  
et eucharísticum donas aliméntum:  
— da nobis abundántiam fruménti  
de rore cæli et de pinguédine terræ. *R.*

Qui pascis volatília cæli  
et lília vestis campi:  
— doce nos non sollicitos esse  
quid manducémus vel quo cooperiámur,  
sed quærere primum regnum tuum tuámque iustítiam. *R.*

Tum sequitur oratio benedictionis ut infra.

**759.** Quando preces non dicuntur, ante orationem benedictionis, minister dicit:

Orémus.

Et pro opportunitate, omnes per aliquod temporis spatium silentio orant. Tunc orationem benedictionis profert.

---

ORATIO BENEDICTIONIS

**760.** Tum minister, si est sacerdos vel diaconus, manibus extensis, vel si est laicus, manibus iunctis, orationem benedictionis profert:

Te, Dómine, sancte Pater,  
qui hómini præcepísti ut operarétur terram  
et custodíret eam,  
supplíciter deprecámur  
ut nobis méssium cópias iúgiter concédas,  
fructum omnem largíter tríbuas,  
et procellárum et grándinis amóto pérículo,  
ómniúm séminum provéntus  
multiplicáre dignéris.  
Per Christum Dóminum nostrum.

R. Amen.

**761.** Vel:

Deus, qui ab orígine mundi  
in tua providéntia præcepísti  
ut germináret terra herbam viréntem  
et frúctuum omne genus afférret,  
quique semen adminístras seminánti  
et panem præstas ad manducándum,  
concéde, quæsumus, ut terra ista,  
tua largitáte multiplicíter locupletáta,  
et ópere mánuum hóminum excúlta,

frúctibus abundántibus exúberet,  
quátenus pópulus tuus bonis a te datis replétus,  
hic et in ætérnum te sine fine colláudet.

Per Christum Dóminum nostrum.

R. Amen.

#### CONCLUSIO RITUS

**762.** Tum minister, si est sacerdos vel diaconus, ritum concludit, dicens:

Fons ómnium bonórum Deus,  
vos benedícat ✠ et ópera vestra fecúndet,  
ut de eius donis gaudeátis,  
eúmque iúgiter collaudétis.

R. Amen.

---

**763.** Si vero minister est laicus, ritum concludit seipsum signans ac dicens:

Fons ómnium bonórum Deus,  
nos benedícat et ópera nostra fecúndet,  
ut de eius donis gaudeámus,  
eúmque iúgiter collaudémus.

R. Amen.

---

**764.** Laudabiliter ritus cantu apto perficitur.

## CAPUT XXIII

### ORDO BENEDICTIONIS IN PRÆSENTATIONE NOVORUM FRUCTUUM

#### PRÆNOTANDA

**765.** Digna quæ servetur est consuetudo novos fructus in signum coram afferendi ut Deum pro ipsis benedicamus. Etenim non solum officium nobis recolit Deo gratias agendi pro omnibus ab eo collatis beneficiis, sed etiam traditionem servat, de qua iam in Vetere Testamento sermo habetur.

**766.** Hic Ordo adhiberi potest tum a sacerdote, tum a diacono et etiam a laico, ritibus tamen et formulis pro ipso prævisis.

**767.** Ex hoc Ordine, semper servatis structura ritus ac potioribus elementis, quædam sumi possunt ut celebratio adiunctis loci et personarum accommodetur.

### ORDO BENEDICTIONIS

#### RITUS INITIALES

**768.** Communitate congregata, fieri potest cantus aptus, quo expleto, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**769.** Deinde minister, si est sacerdos vel diaconus, adstantes salutatur, dicens:



Deus excelsus, qui creávit cælum et terram  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

---

**770.** Si vero minister est laicus, adstantes salutatur, dicens:

Providentíssimum Deum,  
qui nobis e terra aliméntum donat,  
laudémus et superexaltémus in sæcula.

Omnes respondent:

Amen.

---

**771.** Tum minister adstantes ad benedictionem accipiendam disponit his vel similibus verbis:

In gratiárum actióne reddénda pro accéptis a Deo beneficiis, sacrificium eucharísticum potíssimum offert Ecclésia: laudes vero, quas ádhibet in Eucharístiæ celebratióne, ad diversas étiam horas diéi dilátat, docens in gratiárum semper actióne nobis esse manéndum. Benedicámus ergo Dómino qui íterum nobis in his novis frúctibus bona terræ concédit. Et sicut Abel de primítiis terræ dona Dei óbtulit, ita et nos cum fratribus egénis ea dividere discámus, ut simus filii Patris a quo cuncta bona ad ómnium utilitátem procédunt.

## LECTIO VERBI DEI

**772.** Deinde lector vel unus ex adstantibus vel ipse minister legit textum Sacrarum Scripturarum.

Act 14, 15b-17 « *Deus implet cibo et lætitia corda vestra* ».

Audite, fratres, verba Actuum Apostolorum.

Deus fecit cælum et terram et mare et ómnia, quæ in eis sunt. Qui in præteritis generatióibus permísit omnes gentes ambulare in viis suis; et quidem non sine testimonio semetípsum reliquit benefaciens, de cælo dans vobis plúvias et témpora fructífera, implens cibo et lætitia corda vestra.

**773.** Vel:

Deut 27, 1a. 28, 1-12b « *Benedictus fructus terræ tuæ* ».

Præcépit Móyses ... dicentes: 28, 1 Si audiéritis vocem ... 12 usque ad opéribus mánuum tuárum.

Ioel 2, 21-24. 26-27 « *Implebuntur areæ frumento* ».

Noli timére, terra ...

1 Tim 6, 6-11. 17-19 « *Divitibus præcipe non sperare in incerto divitiarum* ».

Carissime: Est quæstus magnus pietas ...

Lc 12, 15-21 « *Si cui res abundant, vita eius non est ex his quæ possidet* ».

In illo témpore dixit Iesus: « Vidéte et cavéte ...

**774.** Pro opportunitate dici vel cani potest psalmus responsorius aut alius cantus aptus,

Ps 66 (67), 2-3. 5. 7-8

R. (7) *Terra dedit fructum suum;*  
*benedicat nos Deus, Deus noster.*

Ps 125 (126), 4-5. 6

R. (3) *Magnificávit Dóminus fácere nobiscum.*

Ps 146 (147), 7. 8-9. 10-11

R. (5) *Magnus Dóminus noster et magnus virtúte,  
sapientiæ eius non est númerus.*

775. Minister, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

776. Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculioria rerum adiuncta respiciant.

Benedictiónem labóris mánuum nostrárum cum gratiárum actióne a Dómino peténtes, ne obliviscámur fructus iustítiæ nobis esse in vita nostra faciéndos. Súpplices ígitur Deum deprecémur dicéntes:

R. *Fructus óperis nostri réspice, Dómine.*

Providentíssime Deus,  
qui nobis e terra aliméntum  
in tua providéntia donásti,  
— fac ut hi fructus  
quos in sudóre vultus nostri de terra collégimus,  
et vitam nobis susténtent,  
et mentis ádiuvent increméntum. R.

Qui per Iesum Christum Fílium tuum  
nos fructu iustítiæ replevísti,  
— da ut, in illo manéntes,  
eius vitæ plenitúdinem hauriámus  
et fructum plúrimum afferámus. R.

Qui fructus mánuum nostrárum  
uti signa mystérii fidei in Eucharístia assumpsísti,  
— da ut ea, quæ ad mensam Fílii tui  
sacránda deférimus,  
ad Ecclésiæ vitam sustentándam profícient. R.

Qui ómnia bona univérsis fíliis tuis  
æque participánda dispónis,  
— fac ut omnes egéni  
quíetam et tranquíllam vitam degéntes  
libere te gloríficent et sine fine colláudent. R.

Tum sequitur oratio benedictionis ut infra.

**777.** Quando preces non dicuntur, ante orationem benedictionis, minister dicit:

**Orémus.**

Et pro opportunitate omnes per aliquod temporis spatium silentio orant. Tunc orationem benedictionis profert.

---

#### ORATIO BENEDICTIONIS

**778.** Tum minister, si est sacerdos vel diaconus, manibus extensis, vel si est laicus, manibus iunctis, orationem benedictionis profert:

Dómine Deus, Creátor ómnium,  
qui de rore cæli et de pinguédine terræ  
frúctuum abundántiam conférre non désinis:  
piússimæ maiestáti tuæ  
pro colléctis frúctibus grátias ágimus,  
et quia per hæc dona, quæ de tua benignitáte suscepimus,  
fidélium tuórum replésti desidérium,  
ipsi misericórdias tuas sine fine colláudent,  
et sic tránseant per bona temporália,

ut ætérna semper inquírant.  
Per Christum Dóminum nostrum.

R. Amen.

779. Vel:

Orámus pietátem tuam, omnípotens Deus,  
ut fructus terræ,  
quo áeris et plúviæ temperaménto nutríre dignáris,  
benedictiόνis tuæ imbre perfúndas,  
et tríbuas pópulo tuo,  
de tuis munéribus tibi semper grátias ágere,  
ut fertilitáte terræ,  
esuriéntium ánimas bonis affluéntibus répleas  
et egéni et páuperes nomen laudent glóriæ tuæ.  
Per Christum Dóminum nostrum.

R. Amen.

#### CONCLUSIO RITUS

780. Tum minister ritum concludit, dicens ad adstantes conversus:  
Benedicámus Patrem, et Fílium cum Sancto Spíritu,  
laudémus et superexaltémus eum in sáecula.

R. Amen.

781. Laudabiliter ritus cantu apto perficitur.

## CAPUT XXIV

### ORDO BENEDICTIONIS MENSÆ

#### PRÆNOTANDA

**782.** Ad pastum accedens et ab eo recedens, christifidelis, sive solus est sive cum aliis fratribus, providenti Deo gratias agit de cibo, quem cotidie de eius accipit bonitate. Memorat insuper Dominum Iesum Eucharistiæ sacramentum cum ritu conviviali coniunxisse, seque a mortuis suscitatum discipulis monstrasse in fractione panis.

**783.** Christifidelis, qui ad mensam accedit, in cibo sibi præstito Dei benedictionis signum agnoscens, haud immemor esse debet pauperum qui eodem victu, quo ipse forsitan abundat, minime fruuntur: quare sua etiam sobrietate, eorum, quantum potest, subvenit egestati; quinimmo libenter interdum ipsos ad mensam suam in signum fraternitatis invitat, secundum Christi verba in Evangelio relata (cf. Lc 14, 13-14).

**784.** Schemata, textus ac formulæ quæ hic proponuntur tamquam subsidia habentur, quibus tum familiæ tum cuiusvis generis communitates uti possint. Convenit vero ut, præsertim quibusdam diebus vel temporibus liturgicis, huic benedictioni nota magis respondens indoli pænitentiali vel festivæ tribuatur.

#### SCHEMA PRIMUM

##### ANTE PRANDIUM

**785.** Qui præsidet dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

Deinde:

- ℣. Omnes a te expéctant, ut des illis escam  
in témpore opportúno.  
℞. Dante te illis, cólligent,  
aperiénte te manum tuam,  
implebúntur bonis.
- ℣. Patrem invocémus, qui filiórum suórum  
curam semper agit:  
℞. Pater noster, qui es in cælis líbera nos a malo.  
Quia tuum est regnum, et potéstas,  
et glória in sácula. Amen.

Denique qui præest, signans se ac dona, si sacerdos vel diaconus est,  
dicat:

- ℣. Bénedic ✠ Dómine, nos et hæc tua dona,  
quæ de tua largitáte sumus sumptúri.  
Per Christum Dóminum nostrum.  
℞. Amen.

POST PRANDIUM

786.

- ℣. Confiteántur tibi, Dómine, ómnia ópera tua.  
℞. Et sancti tui benedícant tibi.
- ℣. Agimus tibi grátias, omnípotens Deus,  
pro univérssis benefíciis tuis.  
Qui vivis et regnas in sácula sæculórum.  
℞. Amen.
- ℣. Retribúere, dignáre, Dómine,  
ómnibus nobis bona faciéntibus propter nomen tuum,  
vitam ætérrnam.  
℞. Amen.

vel:

ꝥ. Refícere, dignáre, Dómine,  
omnes hómines necessariis aliméntis,  
ut tibi nobíscum grátias agant.

℞. Amen.

#### ANTE CENAM

787. Qui præsidet dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

Deinde:

ꝥ. Edent páuperes et saturabúntur,  
et laudábunt Dóminum, qui requírunť eum.

℞. Vivant corda eórum in sǽculum sǽculi.

ꝥ. Dóminum invocémus,  
qui panem cotídíe præstat nobis:

℞. Pater noster, qui es in cælis ...

Quia tuum est regnum ...

ꝥ. Prótege nos, Dómine, Deus noster,  
et fragilitáti nostræ necessarium præbe subsidium.  
Per Christum Dóminum nostrum.

℞. Amen.

#### POST CENAM

788.

ꝥ. Memóriam fecit mirabílium suórum,  
miséricors et miserátor Dóminus.

℞. Escam dedit timéntibus se.



℣. Satiáti sumus, Dómine, de tuis donis ac datis;  
de tua nos misericórdia replére dignéris.  
Qui vivis et regnas in sæcula sæculórum.

℞. Amen.

vel:

℣. Benedíctus Deus in donis suis,  
et sanctus in ómnibus opéribus suis.  
Qui vivit et regnat in sæcula sæculórum.

℞. Amen.

℣. Retribúere, dignáre, Dómine,  
ómnibus nobis bona faciéntibus propter nomen tuum,  
vitam ætérrnam.

℞. Amen.

vel:

℣. Refícere, dignáre, Dómine,  
omnes hómínes necessáriis aliméntis,  
ut tibi nobíscum grátias agant.

℞. Amen.

789. Prædictus modus benedicendi mensam et agendi gratias, servetur omni tempore, præterquam diebus infrascriptis, quibus versus tantum variantur.

### *Tempore Adventus*

#### ANTE REFECTIONEM

℣. Qui pascis pópulum tuum, Dómine, inténde.

℞. Excita poténtiam tuam et veni.

#### POST REFECTIONEM

℣. Sóbrie, iuste et pie vivámus in hoc sæculo.

℞. Exspectántes beátam spem  
et advéntum Salvatóris nostri Iesu Christi.

*Tempore Nativitatis*

## ANTE REFECTIONEM

℣. Verbum caro factum est, allelúia.

℞. Et habitávit in nobis, allelúia.

## POST REFECTIONEM

℣. Notum fecit Dóminus, allelúia.

℞. Salutare suum, allelúia.

*Tempore Quadragesimæ*

## ANTE REFECTIONEM

℣. Non in solo pane vivit homo.

℞. Sed in omni verbo quod procédit de ore Dei.

## POST REFECTIONEM

℣. Advenérunt nobis dies pæniténtiæ.

℞. Ad rediménda peccáta, ad salvándas ánimas.

*Feria V, Feria VI et Sabbato Hebdomadæ sanctæ*

## ANTE ET POST REFECTIONEM

℣. Christus factus est pro nobis obcédiens usque ad mortem.

℞. Mortem autem crucis.

*Hebdomada paschali*

## ANTE ET POST REFECTIONEM

℣. Hæc est dies quam fecit Dóminus, allelúia.

℞. Exsultémus et lætémur in ea, allelúia.

*Tempore paschali*

## ANTE REFECTIONEM

- ℣. Qui crediderant, sumébant cibum  
cum exsultatióne et simplicitáte cordis, allelúia.  
℞. Collaudántes Deum, allelúia.

## POST REFECTIONEM

- ℣. Cognóverunt discípuli Dóminum, allelúia.  
℞. In fractiÓne panis, allelúia.

## SCHEMA SECUNDUM

*I. Tempore Adventus*

## ANTE REFECTIONEM

790. Qui mensæ præest, dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

791. Tum fit Lectio brevis ab uno ex abstantibus:

Audíte, fratres, verba Isaíæ prophétæ. Is 58, 10. 11a.

Si effúderis esuriénti ánimam tuam et ánimam afflíctam satiá-  
veris, oriétur in ténebris lux tua, et calígo tua erit sicut merí-  
dies. Et te ducet Dóminus semper, et satiábit in locis áridis  
ánimam tuam.

792. Vel:

Audíte, fratres, verba Actuum Apostolorum. Act 2, 44-47a.

Omnes qui crediderant erant pariter et habebant omnia communia et possessiones et substantias vendebant et dividebant illas omnibus, prout cuique opus erat; cotidie quoque perdurantes unanimiter in templo et frangentes circa domos panem, sumebant cibum cum exultatione et simplicitate cordis, collaudantes Deum et habentes gratiam ad omnem plebem.

793. Vel:

Audíte, fratres, verba Pauli apostoli ad Corinthios.

2 Cor 9, 8-10.

Potens est Deus omnem gratiam abundare facere in vobis, ut, in omnibus semper omnem sufficientiam habentes, abundetis in omne opus bonum, sicut scriptum est: « Dispersionem, dedit pauperibus, iustitia eius manet in æternum ». Qui autem administrat semen seminanti, et panem ad manducandum præstabit et multiplicabit semen vestrum et auget incrementa frugum iustitiæ vestræ.

794. Vel:

Audíte, fratres, verba Pauli apostoli ad Ephésios. 5, 19-20.

Loquentes vobismetipsi in psalmis et hymnis et canticis spiritalibus, cantantes et psallentes in cordibus vestris Domino. Grátias agentes semper pro omnibus in nomine Domini nostri Iesu Christi, Deo et Patri.

795. Vel:

Audíte, fratres, verba Pauli apostoli ad Thessalonicenses.

1 Th 5, 16-18.

Semper gaudete, sine intermissione orate, in omnibus grátias agite; hæc enim voluntas Dei est in Christo Iesu erga vos.

796. Vel:

Audíte, fratres, verba epístolæ ad Hebræos. 13, 1-2.

Cáritas fraternitátis máneat. Hospitalitátem nolíte oblivísci,  
per hanc enim quidam nesciéntes hospítio recepérunt ángelos.

797. Vel:

Audíte, fratres, verba sancti Evangélíi secúndum Matthæum.  
6, 31ab. 32b-33.

Nolíte sollíciti esse dicéntes: « Quid manducábimus? » aut  
« Quid bibémus? ». Scit enim Pater vester cæléstis quia his  
óm nibus indigétis. Quærite autem primum regnum Dei et  
iustítiam eius, et hæc ómnia adiciéntur vobis.

798. Quo lecto, qui præest addit (si est sacerdos vel diaconus signum  
crucis faciens):

Orémus.

Deus, misericordiárum Pater,  
qui, ut nobis vitam rédderes,  
Fílium tuum carnem suscípere voluísti;  
bénedic ✠ hæc tua dona,  
quibus córpora sumus refectúri,  
ut víribus confirmáti,  
gloriósum Christi advéntum  
vígiles exspectémus.  
Per Christum Dóminum nostrum.  
R. Amen.

#### POST REFECTIONEM

799.

v. Sóbrie, iuste et pie vivámus in hoc sæculo.  
R. Exspectántes beátam spem  
et advéntum Salvatóris nostri Iesu Christi.

Qui præest addit:

Orémus.

Grátias tibi ágimus, omnípotens Deus,  
qui providéntiæ tuæ donis  
nos refecísti benígnus;  
concéde, quæsumus,  
ut dum córpora sublevántur  
spíritus étiam confirméntur.  
Per Christum Dóminum nostrum.  
R. Amen.

## II. *Tempore Nativitatis*

### ANTE REFECTIONEM

**800.** Omnia fiunt ut supra, tempore Adventus, præter sequentia:

Orémus.

Benedíctus es, Dómine Deus,  
qui in beátæ Maríæ virginitáte fecúnda  
expectatióem páuperum implevísti:  
concéde, quæsumus, ut eádem fide  
qua ipsa Fílium sustínuit nascitúrum,  
eúndem et nos in frátribus agnoscámus.  
Qui vivit et regnat in sácula sæculórum.  
R. Amen.

### POST REFECTIONEM

**801.** Qui præest dicit:

¶ Verbum caro factum est, allelúia.

R. Et habitávit in nobis, allelúia.

Orémus.

Pater sancte, cuius Verbum caro factum  
puer natus est nobis

et fílius natus est nobis,  
concéde, quæsumus,  
ut et ipsi fratrum nostrórum addícti servítio  
eórum ánimas satiémus et córpora.  
Per Christum Dóminum nostrum.  
R. Amen.

### III. *Tempore Quadragesimæ*

#### ANTE REFECTIONEM

802. Omnia fiunt ut supra, tempore Adventus, præter sequentia:  
Orémus.

Tibi, Dómine, grátias ágimus  
qui his aliméntis nos vesci concédis:  
egéntibus quoque providére dignéris,  
et ad beátam mensam regni tui  
omnes unánimes tribue congregári.  
Per Christum Dóminum nostrum.  
R. Amen.

#### POST REFECTIONEM

803. Qui præest dicit:

Y. Non in solo pane vivit homo.  
R. Sed in omni verbo quod procédit de ore Dei.

Orémus.

Deus, qui quadragesimáli Fílii tui ieiúnio édoces nos  
non in solo pane, hómínis consístere vitam,  
sed in omni verbo  
quod procédit de ore tuo,  
ádiuva nos, quæsumus,

ad corda nostra sursum elevánda,  
ut tua virtúte roboráti  
te in frátribus sincére diligámus.  
Per Christum Dóminum nostrum.  
R. Amen.

#### *IV. Feria V, Feria VI et Sabbato Hebdomadæ Sanctæ*

##### ANTE REFECTIONEM

804. Omnia fiunt ut supra, tempore Adventus, præter sequentia:  
Orémus.

(si est sacerdos vel diaconus, signum crucis facit)

Dómine Iesu Christe,  
qui Patris voluntátem adímplens  
factus es pro nobis obœdiens usque ad mortem,  
benedic ✠ nos  
ad hanc mensam familiáriter congregátos,  
ut eódem quo tu spiritáli cibo fruéntes,  
semper probémus quæ sit volúntas Dei  
bona, benéplacens atque perfécta.  
Qui vivis et regnas in sæcula sæculórum.  
R. Amen.

##### POST REFECTIONEM

805. Qui præest dicit:

ꝛ. Christus factus est pro nobis obœdiens usque ad mortem.  
R. Mortem autem crucis.

Orémus.

Deus, Pater cunctárum géntium,  
hanc familiam tuam propítius réspice



et concéde, ut sicut ad hanc mensam lætánter accéssimus,  
ita cum ómnibus in regno tuo  
gáudium plenum aliquándo partíri mereámur.  
Per Christum Dóminum nostrum.

R. Amen.

### *V. Tempore Paschali*

#### ANTE REFECTIONEM

**806.** Omnia fiunt ut supra, tempore Adventus, præter sequentia:

Orémus.

Te, Dómine, Iesu Christe, cum gáudio collaudámus  
qui a mórtuis suscitátus  
discípulis apparúisti in fractióne panis;  
exsta, Dómine, in médio nostri  
dum hæc dona grátias ágéntes súmimus;  
nosque in regnum tuum éxcipe commensáles,  
qui te in frátribus hópitem receptámus.  
Qui vivis et regnas in sæcula sæculórum.

R. Amen.

#### POST REFECTIONEM

**807.** Qui præest dicit:

γ. Cognovérunt discípuli Dóminum, allelúia.

R. In fractióne panis, allelúia.

Orémus.

Deus, fons vitæ,  
paschále gáudium in córdibus nostris effúnde  
et quibus dedísti cibum de terra desúptum  
in nova nos concéde vita iúgiter permanére,

quam Christus resúrgens nobis proméruiť  
nobísque misericórditer impertívit.

Qui vivit et regnat in sæcula sæculórum.

R. Amen.

## VI. *Tempus per Annum*

### ANTE REFECTIONEM

808. Omnia fiunt ut supra, tempore Adventus, præter sequentia:

Orémus.

(si est sacerdos vel diaconus, signum crucis facit)

Dómine, Deus noster,  
qui fíliis tuis patérna súbvenis caritáte;  
benedic ✠ nos et hæc tua dona,  
quæ de tua largitáte sumus sumptúri:  
et concéde benígnus ut omnes gentes  
providéntiæ tuæ munéribus perfruántur.  
Per Christum Dóminum nostrum.

R. Amen.

809. Vel:

Dómine Deus, qui ómnia creáta consérvas  
filiisque tuis necessárium cibum  
præbére non cessas  
te benedícimus propter hanc  
ad quam accédimus mensam fratérnam,  
qua dum nutrimentum súmimus  
córpora confirmámus,  
teque rogámus ut fides quoque nostra,  
verbo tuo enutríta,  
in regno tuo quæréndo iúgiter augeátur.  
Per Christum Dóminum nostrum.

R. Amen.

810. Vel:

Deus, amátor vitæ,  
qui cæli vólucres nutris  
et lília campi convéstis:  
te benedícimus propter omnes creatúras  
et propter hunc cibum, quem sumus sumptúri,  
teque, Dómine, humíliter implorámus,  
ut in tua bonitáte  
óm nibus necessárium provídeas aliméntum.  
Per Christum Dóminum nostrum.  
R. Amen.

811. Vel:

(si est sacerdos vel diaconus, signum crucis facit)  
Infinítæ bonitátis Deus,  
qui in fractióne panis  
filiórum tuórum unitátem éfficis firmiorem:  
benedic ✠ nos et hæc tua dona et præsta,  
ut ad hanc commúnem mensam  
in gáudio considéntes,  
fratérnam vitam iúgiter alámus.  
Per Christum Dóminum nostrum.  
R. Amen.

#### POST REFECTIONEM

812. Qui præest dicit:

¶ Benedícam Dóminum in omni témpore  
R. Semper laus eius in ore meo.

Orémus.

Grátias ágimus tibi, Dómine,  
bonórum ómnium largítor,

qui nos ad hanc mensam miséricors congregásti;  
præsta: ut, córpore refécti,  
álacres iter nostrum pérgerere mereámur in terris  
et ad cæléste aliquándo convívium felíciter perveníre.  
Per Christum Dóminum nostrum.

R. Amen.

813. Vel:

Dómine, qui omnem nutris vivéntem,  
in tui nos amóre consérva,  
quos ad hanc mensam assídere tribuísti:  
et nos pro frátribus redde sollicitos,  
ut quibúscum cibum communicáre gaudémus,  
mensam étiam cæléstem in regno tuo  
aliquándo partíri possímus.  
Per Christum Dóminum nostrum.

R. Amen.

814. Vel:

Grátias tibi, Dómine, persólvimus,  
qui nos hac mensa refícere voluísti:  
præsta ut quod corporáliter sumpsimus,  
ad spíritus étiam cónferat increméntum.  
Qui vivis et regnas in sæcula sæculórum.

R. Amen.

### SCHEMA TERTIUM

#### ANTE REFECTIONEM

815. Communitate congregata, qui præest dicit:

¶. Benedicámus Dómino propter dona eius.

R. Omni témpore grátias agámus Dómino.

V. Laus eius semper in ore nostro.

R. Omni témpore grátias agámus Dómino.

(si est sacerdos vel diaconus, signum crucis facit)

Te laudámus, Dómine, a quo bona cuncta procedunt:  
benedic ✠ hæc aliménta, quæ sumus sumptúri  
et præsta,  
ut in spíritu veræ fraternitátis  
unum in te simus unúmque in te iúgiter maneámus.  
Per Christum Dóminum nostrum.

R. Amen.

POST REFECTIONEM

816.

V. Sit nomen Dómini benedíctum.

R. Ex hoc nunc et usque in sæculum.

V. Glória Patri, et Fílio, et Spirítui Sancto.

R. Ex hoc nunc et usque in sæculum.

Deus, Pater noster,  
grátias ágimus tibi propter cibum  
quem nobis familiáriter congregátis  
in tua munificéntia præstitísti:  
concéde, quæsumus, ut et nos  
de tuis donis ac datis,  
sponte frátribus largiéntes,  
ætérni convívii partícipes esse possímus.  
Per Christum Dóminum nostrum.

R. Amen.

## SCHEMA QUARTUM

## ANTE REFECTIONEM

817. Omnes initio signo crucis se signant, et qui præest (si est sacerdos vel diaconus, signum crucis faciens) dicit:

Benedic ✠ Dómine, nos et hæc tua dona,  
quæ de tua largitáte sumus sumptúri.  
Per Christum Dóminum nostrum.

R. Amen.

818. Vel:

Prótege nos, Dómine, Deus noster,  
et fragilitáti nostræ necessárium præbe subsídium.  
Per Christum Dóminum nostrum.

R. Amen.

819. Vel:

Tua nos, Dómine, dona refícient  
et tua grátia consolétur.  
Per Christum Dóminum nostrum.

R. Amen.

820. Vel:

(si est sacerdos vel diaconus, signum crucis facit)

A te, Dómine, bona cuncta descéndunt:  
benedic ✠ quæsumus, hæc aliménta,  
quæ, grátias ágéntes, accípere cúpimus.

R. Amen.

821. Vel:

Benedíctus es, Pater omnípotens,  
qui nobis panem præbes cotidiánum.

Benedíctus Fílius tuus Unigénitus,  
qui verbo suo nos álere non cessat.  
Benedíctus Spíritus Sanctus,  
qui ad hoc fraternitátis convívium nos congregávit.  
R. Amen.

## POST REFECTIONEM

822. Qui præest dicit:

Agimus tibi grátias, omnípotens Deus,  
pro univérſis beneficiis tuis.  
Qui vivis et regnas in sǽcula sǽculórum.  
R. Amen.

823. Vel:

Satiáti sumus, Dómine, de tuis donis ac datis;  
de tua nos misericórdia replére dignéris.  
Qui vivis et regnas in sǽcula sǽculórum.  
R. Amen.

824. Vel:

Benedíctus Deus in donis suis  
et sanctus in ómnibus opéribus suis.  
Qui vivit et regnat in sǽcula sǽculórum.  
R. Amen.

825. Vel:

Grátias ágimus tibi, Dómine, sancte Pater,  
qui cibum ad manducándum  
potúmque ad bibéndum nobis contulísti.  
Da nobis ut mensæ regni tui  
aliquándo partícipes effécti,

cánticum laudis iúgiter decantémus.

Per Christum Dóminum nostrum.

R. Amen.

826. Vel:

Retribúere, dignáre, Dómine,  
óm nibus nobis bona faciéntibus  
propter nomen tuum,  
vitam æté rnam.

R. Amen.

827. Vel:

Refícere, dignáre, Dómine,  
omnes hó mines necessáriis aliméntis,  
ut tibi nobíscum grátias agant.

R. Amen.



**PARS TERTIA**

**DE BENEDICTIONIBUS RERUM  
QUÆ IN DOMIBUS ECCLESIAE  
AD USUM LITURGICUM  
VEL PIÆ DEVOTIONIS  
DESTINANTUR AUT ERIGUNTUR**



## PRÆNOTANDA PARTIS TERTIÆ

828. Ecclesia semper peculiari sedulitate curavit ut res, quæ ad cultum quodammodo pertinent, dignæ, decoræ et pulchræ eligerentur atque, benedictione ditatæ, tantummodo ad sacras celebrationes peragendas adhiberentur, minime autem ad usum communem. Quam consuetudinem Ecclesia conservare intendit.

Quapropter res benedictione ad cultum divinum destinatæ, reverenter ab omnibus sunt tractandæ nec ad usum non proprium seu in communibus actionibus adhibendæ.

829. Ut vero Ordines ad benedicendas res, quæ in domibus ecclesiæ ad usum liturgicum vel piæ devotionis destinantur aut eriguntur, opportune compleantur, præter celebrationes in ceteris libris liturgicis indicatæ, sequentes adduntur.

830. Quando domus ecclesiæ ritu dedicationis Deo consecrantur vel rite benedicuntur, omnia quæ in eis inveniuntur, altari excepto, ipso ritu dedicationis aut benedictionis benedicta ac erecta habeantur, ita ut nova benedictione vel erectione non indigeant.

831. Quædam benedictiones, uti benedictio Crucis et imaginum, quæ publicæ venerationi exhibentur; benedictio campanæ, organi et ianuæ ecclesiæ, necnon erectio stationum Viæ Crucis, cum in vita communitatis ecclesialis significationem ac momentum pastorale præcipuum præ se ferant, iure ab Episcopo vel presbytero ecclesiæ rectore peraguntur. Attamen, peculiaribus in adiunctis, absente presbytero, diacono committi possunt.

## CAPUT XXV

### ORDO BENEDICTIONIS BAPTISTERII SEU NOVI FONTIS BAPTISMALIS

#### PRÆNOTANDA

832. Inter potiores partes ecclesiæ iure baptisterium eminet seu locus in quo fons baptismalis positus est. Ibi enim celebratur Baptismus, primum novi Fœderis sacramentum, quo homines Christo in fide adhærentes, et Spiritum adoptionis filiorum accipientes,<sup>1</sup> filii Dei nominantur et sunt;<sup>2</sup> complantati similitudini mortis et resurrectionis Christi,<sup>3</sup> in eius corpore inseruntur;<sup>4</sup> Spiritus unctione perfusi, templum Dei sanctum existunt,<sup>5</sup> necnon membra Ecclesiæ, « genus electum, regale sacerdotium, gens sancta, populus in acquisitionem ».<sup>6</sup>

833. Cum Baptismus sit totius vitæ christianæ initium, omnes ecclesiæ cathedrales omnesque ecclesiæ parœciales suum quæque baptisterium habeant, seu locum, ubi fons baptismalis scaturiat vel collocetur. Attamen propter rationes pastorales, de consensu Ordinarii loci,<sup>7</sup> in aliis quoque ecclesiis sive oratoriis baptisterium erigi vel fons baptismalis collocari potest.

834. In novis baptisteriis ædificandis seu fontibus baptismalibus exstruendis, id in primis præ oculis habeatur, ut ritus Baptismi, prout sive in Ordine Baptismi parvulorum sive in Ordine initiationis christianæ adulatorum describuntur, digne et apte possint ibi celebrari.

<sup>1</sup> Cf. Rom 8, 15.

<sup>2</sup> Cf. 1 Io 3, 1; Io 1, 12; Rom 9, 8.

<sup>3</sup> Cf. Rom 6, 5.

<sup>4</sup> Cf. Eph 5, 30; 1 Cor 12, 27; Rom 12, 5.

<sup>5</sup> Cf. 1 Cor 3, 16-17; 6, 19; 2 Cor 6, 16; Eph 2, 21-22.

<sup>6</sup> 1 Pt 2, 9.

<sup>7</sup> Cf. *Rituale Romanum*, Ordo Baptismi parvulorum, Prænotanda, n. 11.

**835.** Sive baptisterium sit ab aula seiunctum, in quo ritus Baptismi integre celebrentur, sive agatur de fonte in ipsa aula, omnia ita disponantur ut manifeste pateat nexus Baptismi cum verbo Dei et cum Eucharistia, quæ culmen est initiationis christianæ.

**836.** Baptisterium ab aula ecclesiæ seiunctum dignum sit mysterio quod ibi celebratur atque Baptismo reservetur,<sup>8</sup> ut decet locum ex quo, veluti e gremio Ecclesiæ, per aquam et Spiritum Sanctum renascuntur homines.

**837.** Fons baptismalis, præsertim in baptisterio, fixus esse debet, semper autem ex apta materia affabre confectus, munditia nitens atque aptus etiam, si casus ferat, catechumenis mergendis.<sup>9</sup> Fons, quo signum plenius fiat, extrui etiam potest ita ut aqua tamquam e vero fonte, viva prosiliat. Provideatur insuper ut, iuxta regionum necessitates, aqua calefieri possit.<sup>10</sup>

#### DE RITU BENEDICTIONIS

**838.** Cum novum baptisterium ædificatur vel novus fons baptismalis extruitur, expedit celebrari benedictionis ritum peculiarem, qui autem non adhibetur si agitur tantum de vase mobili, « in quo, pro opportunitate, præparatur aqua ad celebrationem in presbyterio agendam ».<sup>11</sup>

#### DE RITUS MINISTRO

**839.** Cum administratio Baptismi initium constituat illius vitæ spiritualis quæ ab Episcopo, sacerdote magno suorum in Christo fidelium, quodammodo derivatur et pendet,<sup>12</sup> expedit ut ipse Episcopus nova baptisteria seu fontes baptismales quæ in sua diœcesi ædificantur benedicat; quod tamen munus alii Episcopo vel presbytero committere potest, ei præsertim quem socium et adiutorem habeat in cura pastoralis fidelium pro quibus fons baptismalis vel novum baptisterium est erectum. Si Episcopus præest, omnia quæ hic describuntur opportune aptentur.

<sup>8</sup> *Rituale Romanum*, Ordo Baptismi parvulorum, Prænotanda generalia, n. 25.

<sup>9</sup> Cf. *Ibid.*, n. 22.

<sup>10</sup> *Ibid.*, n. 20.

<sup>11</sup> *Ibid.*, n. 19.

<sup>12</sup> Cf. Conc. Vat. II, Const. de Sacra Liturgia, *Sacrosanctum Concilium*, n. 41.

## DE DIE ELIGENDO

**840.** Quo clarius exprimatur indoles paschalis Baptismi et fidelium concursus foveatur, ad baptisterium benedicendum eligatur de more dies dominica, præsertim temporis paschalis vel Dominica aut festum Baptismatis Domini.

Ritus vero benedictionis baptisterii celebrari nequit in Feria IV Cinerum, in Hebdomada Sancta, et in Commemoratione omnium fidelium defunctorum.

## DE PRÆPARATIONE PASTORALI

**841.** Novi baptisterii vel fontis baptismalis erectio magni momenti est in vita spiritali communitatis christianæ. Ideo fideles non solum tempestive certiores fiant de novi baptisterii benedictione sed etiam opportune præparentur ut actuose ritui intersint. Præsertim de fontis baptismalis sensu ac signo erudiantur oportet, ut erga Baptismum eiusque signum, qui est fons baptismalis, veneratione imbuantur et amore.

## DE REBUS PARANDIS

**842.** Ad ritum peragendum hæc parentur:

- fons aqua repletus;
- cereus paschalis in processione ferendus;
- candelabrum in quo cereus deponatur;
- Rituale Romanum;
- Lectionarium;
- turibulum et navicula cum incenso;
- vas in quod aqua noviter benedicta infundetur, cum aspersorio;
- sedes pro celebrante et ceteris ministris.

Cum Baptismus confertur, præter hæc, parentur omnia quæ ad sacramentum celebrandum sunt necessaria.

**843.** In hoc ritu sacræ vestes coloris albi vel festivi adhibentur. Parentur autem:

- (pro Episcopo: alba, crux pectoralis, stola, pluviale vel casula si Missam quoque celebret, mitra, baculus pastoralis);
- pro presbyteris: albæ et stolæ vel vestes pro Missa requisitæ;
- pro diaconis: albæ, stolæ (dalmaticæ);
- pro ceteris ministris, albæ vel aliæ vestes legitime probatæ.

## ORDO BENEDICTIONIS

I. *Benedictio novi fontis baptismalis celebrationi Baptismi coniuncta*

## RITUS INITIALES

**844.** Populo congregato, celebrans et presbyteri, diaconi et ministri, sua quisque veste indutus, e secretario per aulam ecclesiæ ad baptisterium pergunt. Præcedit turiferarius cum turibulo fumiganti; sequitur acolythus cum cereo paschali et alii. Baptizandi autem cum patrinis opportune processioni intersunt, secus in baptisterii apto loco congregantur.

**845.** Incedente processione, canuntur Litanie Sanctorum.

**846.** Cum processio ad baptisterium pervenerit, omnes in locis sibi adsignatis consistunt. Cereus autem paschalis collocatur super candelabrum paratum in medio baptisterio vel apud fontem baptismalem. Litaniarum cantu expleto, celebrans populum salutatur, dicens:

Grátia Dómini nostri Iesu Christi,  
et cáritas Dei,  
et comunicatio Sancti Spíritus  
sit cum ómnibus vobis.

vel alia apta verba e Sacra Scriptura præsertim deprompta.

Populus respondet:

Et cum spíritu tuo.

vel alio apto modo.

**847.** Deinde celebrans fideles ad celebrationem opportune disponit his vel similibus verbis:

Ad lætam celebratióem peragendam, huc, fratres caríssimi, convénimus. Novum enim Baptísmi fontem hódie aperiémus et his eléctis conferémus regeneratióis sacraméntum, ut,

misericórdiam Dei consecúti, Ecclésiám, pópulum adquisitió-  
nis, ingrediántur, Christo primogénito in multis frátribus,  
sociéntur, et, Spíritu adoptiόνis accépto, novo filiórum título  
Deum Patrem áudeant exoráre.

848. Admonitione expleta, celebrans, manibus iunctis, dicit:

Orémus.

et omnes per aliquod temporis spatium silentio orant. Tunc celebrans,  
manibus extensis, dicit:

Deus, qui in regeneratiónis mystério  
filiórum tuórum númerum multiplicáre non désinis,  
concéde ut,  
quicúmque ex hoc salútis fonte renascéntur,  
móribus et vita nomen tuum gloríficent  
et Ecclésiæ matris áugeant sanctitátem.  
Per Christum Dóminum nostrum.

Omnes:

Amen.

#### RECEPTIO BAPTIZANDORUM

849. Expleta oratione, fit ritus receptionis baptizandorum. Pro  
electorum condicione, adhibetur, aptatis aptandis, ritus qui in Ordi-  
ne Baptismi parvulorum (nn. 36-43) invenitur aut ritus qui in Ordine  
initiationis christianæ adultorum (nn. 246-251), describitur, nisi hic  
ritus iam peractus sit in secundo gradu initiationis christianæ adul-  
torum (nn. 140-151).

#### LITURGIA VERBI DEI

850. Omnia fiunt ut in Ordine initiationis christianæ adultorum  
(nn. 252-253) et in Ordine Baptismi parvulorum (nn. 44, 81, 112), adhi-  
bitis lectionibus aptis ex Lectionario.<sup>13</sup>

<sup>13</sup> Cf. *Missale Romanum*, Ordo Lectionum Missæ, nn. 751-760.



**851.** Post lectionem verbi Dei, in homilia celebrans lectiones bibli-  
cas illustrat, quo adstantes momentum Baptismi et signum fontis  
plenius intellegant.

**852.** Ritus præbaptismales fiunt ut in Ordine initiationis chri-  
stianæ adutorum (nn. 255-256) et in Ordine Baptismi parvulorum  
(nn. 49-52).

#### BENEDICTIO NOVI FONTIS

**853.** Baptizandi circum novum fontem baptismalem disponuntur:  
parvuli in ulnis matrum, adulti stantes cum patrinis. Deinde celebrans  
fideles ad orationem invitat his vel similibus verbis:

Tempus instat, fratres dilectissimi, hunc fontem sacrandi  
Ecclésiæ oratione, ut eius aquis, Spíritus Sancti múnere, vir-  
tus sanctificandi infundatur. Sed in primis Deum Patrem  
obsecrémus pro his fámulis eius N. et N., qui sanctum Bap-  
tísmum póstulant: quos ipse vocávit et ad hanc horam rege-  
neraciónis addúxit, eis lumen et robur largíri dignétur, ut,  
Christo fírmiter adhæréntes, ad vitæ plenitúdinem pervéniant.

Et omnes per aliquod temporis spatium silentio orant. Tunc cele-  
brans ad fontem, aqua repletum, conversus, manibus extensis, dicit:

Deus, mundi creátor, omniúmque Pater,  
tibi nos decet gratas persólvere laudes,  
quia nobis concédís hunc fontem salútis  
Ecclésiæ tuæ, ritu aperíre sollémni.  
Iánua spiritalis vitæ hic reserátur homínibus,  
ut quibus paradísi porta fuit clausa,  
aperiátur Ecclésiæ;  
bálneus patet,  
ubi quos peccáti vetústas sórdidos fecit  
nóvitas lavácri puros candidósque restítuat.  
Gurges pánditur, cuius túrbines rápiunt peccáta,  
ut gérmient novéllas virtútes;

fons scatet, e latere Christi manans,  
cuius lymphæ transférunt bibéntes in vitam ætérnam.  
Lampas fidei hinc lumen sanctum diffúndit,  
quod ténebras díscutit méntium  
et renátis prodit cæléstia;  
hic credéntes, undis mersi, Christi morti sociántur,  
ut cum ipso in novitáte vitæ resúrgant.  
Mitte, quæsumus, Dómine,  
in hanc aquam  
Spíritus tui fértilem auram:  
virtus, quæ obumbrávit Vírginem  
ut páreret Primogénitum,  
Ecclésiæ sponsæ grémium fecúndet,  
ut tibi, Pater, innúmeros filios gignat  
cælorúmque géneroet íncolas.  
Concéde, Dómine, ut plebes ex hoc fonte oritúra  
ópere perficiant quod fide promiserint,  
et quod tua grátia esse céperint vita demónstrent.  
Qui natióne diversí, diversí condicióne,  
ex uno vitáli lavácro germáni emérserint,  
fratres reveléntur caritáte,  
concíves agnoscántur concórdia.  
Sint filii patérnæ bonitátis reddéntes imáginem;  
discípuli, verba Magístri fidéliter custodiéntes;  
ædes, Spíritus Sancti resonántes vocem.  
Sint Evangélii testes, operatóres iustítiæ;  
temporálem, quam incolunt civitátem,  
Spíritu ímbuant Christi,  
donec in ætérnam Ierúsalem cives mereántur admítti.  
Per Christum Dóminum nostrum.

Omnes:

Amen.

854. Tunc, imposito ture, fontem incensat.

**855.** Fonte benedicto, celebratio Baptismi continuatur pro conditione baptizandorum, ut in Ordine Baptismi parvulorum (nn. 56-66), aut in Ordine initiationis christianæ adultorum (nn. 217-234 vel 259-273), indicatur.

#### CONCLUSIO RITUS

**856.** Si agitur de Baptismo parvulorum, ritus concluditur ut in Ordine Baptismi parvulorum (nn. 67-71), indicatur, vel modo qui hic proponitur.

**857.** Celebrans benedicit matres, parvulos in bracchiis gestantes, patres, populum, dicens:

Deus, ómnium Creátor,  
qui sanæ paternitátis mystérium homínibus partícipat,  
hos patres effíciat Evangélii testes atque præcónes.

Omnes:

Amen.

Christus Dei Fílius,  
qui fieri dignátus est Fílius Vírginis Mariæ,  
has matres lætas reddat de filiis suis  
ad vitam ætérrnam regenerátis.

Omnes:

Amen.

Spíritus Sanctus Paráclitus,  
qui hos párvulos sanctificávit,  
in eórum corde semper inhábitet.

Omnes:

Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

Omnes:

Amen.

858. Post benedictionem opportune canitur canticus gaudium paschale et gratiarum actionem exprimens vel *Magnificat*.

859. Denique diaconus populum dimittit more consueto.

860. Secundum perantiquam Ecclesiæ traditionem in initiatione christiana adultorum post Baptismi collationem confertur sacramentum Confirmationis et neophytæ primo Eucharistiam participant. Itaque post Baptismum omnia fiunt ut in Ordine initiationis christianæ adultorum (nn. 227-234 vel nn. 266-273) indicatur.

## II. *Benedictio novi fontis baptismalis absque Baptismi collatione*

### RITUS INITIALES

861. Populo congregato, celebrans et ministri, ut supra n. 844 dictum est, e secretario per aulam ecclesiæ ad baptisterium pergunt.

862. Interea canitur antiphona (cf. App. n. 11):

Hauriétis aquas in gáudio  
de fóntibus Salvatóris.

Vel:

Apud te, Dómine, est fons vitæ,  
et in lúmine tuo vidébimus lumen,  
cum Psalmo 35 (36), vel alius cantus aptus.

### Psalmus 35 (36), 6-11

<sup>6</sup> Dómine, in cælo misericórdia tua \*  
et véritas tua usque ad nubes;  
<sup>7</sup> iustítia tua sicut montes Dei, †  
iudícia tua abýssus multa: \*  
hómines et iuménta salvábis, Dómine.

(Repetitur antiphona)

- <sup>8</sup> Quam pretiósā misericórdia tua, Deus! \*  
Fílii autem hóminum  
in tégmīne alárum tuárum sperábunt;  
<sup>9</sup> inebriabúntur ab ubertáte domus tuæ, \*  
et torrén̄te voluptátis tuæ potábis eos.

(Repetitur antiphona)

- <sup>10</sup> Quóniam apud te est fons vitæ, \*  
et in lúmine tuo vidébimus lumen.  
<sup>11</sup> Prætén̄de misericórdiam tuam sciéntibus te \*  
et iustítiam tuam his, qui recto sunt corde.

(Repetitur antiphona)

Glória Patri, et Fílio, \*  
et Spíritui Sancto.  
Sicut erat in princíp̄io, et nunc et semper, \*  
et in sǽcula sǽculórum. Amen.

(Repetitur antiphona)

**863.** Cum processio ad baptisterium pervenerit, omnes in locis sibi adsignatis consistunt. Cereus autem paschalis collocatur super candelabrum paratum apud fontem baptismalem. Cantu expleto, celebrans populum salutat, dicens:

Grátia Dómini nostri Iesu Christi,  
et cáritas Dei,  
et communicátio Sancti Spíritus  
sit cum ómnibus vobis.

vel alia apta verba e Sacra Scriptura præsertim deprompta.

Populus respondet:

Et cum spír̄itu tuo.

vel alio apto modo.

**864.** Deinde celebrans fideles ad celebrationem disponit his vel similibus verbis:

Ad lætam celebratióem peragendam, huc, fratres caríssimi, convénimus. Novum enim Baptísmi fontem hódie aperiémus, ut quicúmque ex eo renascéntur, misericórdiam Dei consecúti, Ecclésiám, pópulum acquisitióis, ingrediántur, Christo primogénito in multis frátribus, sociéntur, et, Spíritu adoptiÓis accépto, novo filiÓrum título Deum Patrem áudeant exoráre.

**865.** Admonitione expleta, celebrans, manibus iunctis, dicit:  
Orémus.

Et omnes per aliquod temporis spatium silentio orant. Tunc celebrans, manibus extensis, dicit:

Deus, qui in regeneratiÓis mystério  
filiÓrum tuÓrum númerum multiplicáre non désinis,  
concéde ut,  
quicúmque ex hoc salútis fonte renascéntur,  
móribus et vita nomen tuum gloríficent  
et Ecclésiæ matris áugeant sanctitátem.  
Per Christum Dóminum nostrum.

Omnes:

Amen.

#### LECTIO VERBI DEI

**866.** Quibus peractis, celebrans sedet. Postea leguntur unus vel plures Sacrae Scripturae textus, ex iis qui in Lectionario proponuntur ad initiationem christianam extra Vigiliam paschalem<sup>14</sup> et in conferendo Baptismate parvulorum,<sup>15</sup> interiectis congruentibus psalmis responsoriis vel spatiis sacri silentii. Lectio autem Evangelii principem locum semper obtineat.

**867.** Post lectionem verbi Dei fit homilia, in qua celebrans lectiones biblicas illustrat, quo adstantes momentum Baptismi et signum fontis plenius intellegant.

<sup>14</sup> Cf. *Missale Romanum*, Ordo Lectionum Missæ, nn. 751-755.

<sup>15</sup> *Ibidem*, nn. 756-760.

## BENEDICTIO NOVI FONTIS

868. Deinde celebrans fideles ad orationem invitat his vel similibus verbis:

Tempus instat, fratres dilectíssimi, hunc fontem sacrándi Ecclésiæ oratióne, ut eius aquis, Spíritus Sancti múnere, virtus sanctificándi infundátur. Súpplices vero Deum Patrem obsecrémus, qui in nostra communitáte fidem christiánam tueátur et animórum fóveat concórdiam: quia fons Baptísmi tum vere patet, cum hóminum aures verbo Dei pandúntur: tum mentes Christi lúmine collustrántur, cum réspuunt ténebras peccáti; tum corda Dómino prompte adhærent, cum malígnis et opéribus eius fírmiter abrenúntiant.

869. Et omnes per aliquod temporis spatium silentio orant. Tunc celebrans, ad fontem, aqua repletum, conversus, manibus extensis, dicit:

Deus, mundi creátor, omniúmque Pater,  
tibi nos decet gratas persólvere laudes,  
quia nobis concédis hunc fontem salútis  
Ecclésiæ tuæ, ritu aperíre sollémni.  
Iánua spiritalis vitæ hic reserátur homínibus  
ut quibus paradísi porta fuit clausa,  
aperiátur Ecclésiæ;  
bálneus patet,  
ubi quos peccáti vetústas sórdidos fecit,  
nóvitas lavácri puros candidósque restítuat.  
Gurges pánditur, cuius túrbines rápiunt peccáta,  
ut gérmient novéllas virtútes;  
fons scatet, e látere Christi manans,  
cuius lymphæ tránsferunt bibéntes in vitam ætérnam.  
Lampas fídei hinc lumen sanctum diffúndit,  
quod ténebras díscutit méntium  
et renátis prodit cæléstia;

hic credentes, undis mersi, Christi morti sociantur,  
ut cum ipso in novitate vitæ resurgant.

Mitte, quæsumus, Dómine,  
in hanc aquam

Spiritus tui fértilem auram:  
virtus, quæ obumbrávit Vírginem  
ut páreret Primogénitum,  
Ecclésiæ sponsæ grémium fecúndet,  
ut tibi, Pater, innúmeros filios gignat  
cælórúmque géneret incolas.

Concéde, Dómine, ut plebes ex hoc fonte oritúræ  
ópere perficiant quod fide promiserint,  
et quod tua grátia esse céperint vita demónstrent.

Qui natióne divérsi, divérsi condicióne,  
ex uno vitáli lavácro germáni emérserint,  
fratres reveléntur caritáte,  
concíves agnoscántur concórdia.

Sint filii patrénæ bonitátis reddéntes imáginem;  
discípuli, verba Magístri fidéliter custodiéntes;  
ædes, Spíritus Sancti resonántes vocem.

Sint Evangélii testes, operatóres iustítiæ;  
temporálem quam incolunt civitátem,  
Spíritu ímbuant Christi,  
donec in ætérnam Ierúsalem cives mereántur admítti.  
Per Christum Dóminum nostrum.

Omnes:

Amen.

**870.** Invocatione super fontem expleta, opportune canitur cantus baptismalis, v. gr. antiphona (cf. App. n. 12):

Vox Dómini super aquas,  
Deus maiestátis intónuit,  
Dóminus super aquas multas.



vel:

Super aquas vox Patris íntonat,  
glória Fílii refúlget,  
et Spíritus Sancti cáritas vivíficat.

vel:

Fons hic est vitæ, qui totum díluit orbem,  
sumens de Christi vúlnerē príncípium.

Celebrans incensum in turibulum immittit, et fontem incensat.

**871.** Cantu expleto, pro opportunitate, omnes promissionem fidei baptismalis renovant.

Celebrans his vel similibus verbis fideles alloquitur:

Nunc autem, fratres, fídei mementóte, quam in christiána  
vestra initiatióne proféssi estis ut eam, grátia Spíritus Sancti  
ducti, in dies confirmáre possítis.

Postea celebrans adstantes interrogat dicens:

Créditis in Deum Patrem omnipoténtem, creatórem cæli et  
terræ?

Omnes:

Credo.

Celebrans:

Créditis in Iesum Christum, Fílium eius únicum, Dóminum  
nostrum, natum ex María Vírgine, passum et sepúltum, qui  
a mórtuis resurréxit et sedet ad déxteram Patris?

Omnes:

Credo.

Celebrans:

Créditis in Spíritum Sanctum, sanctam Ecclésiám cathólicam,  
sanctórum communióem, remissióem peccatórum, carnis  
resurrectiόem et vitam ætérrnam?

Omnes:

Credo.

Professione assentitur celebrans, proclamans fidem Ecclesiæ:

Hæc est fides nostra. Hæc est fides Ecclesiæ, quam profitéri gloriámur, in Christo Iesu Dómino nostro.

Et fidelium cœtus respondet:

Amen.

Pro formula *Hæc est fides nostra* aliam substituere licet pro opportunitate, vel etiam cantum aptum, quo communitas una voce fidem suam exprimere possit.

**872.** Deinde celebrans, accipit aspersorium et populum fidelem aspergit aqua ex fonte noviter benedicto assumpta, dum cœtus antiphonam cantat, v. gr. (cf. App. n. 13):

Vidi aquam egrediéntem de templo (cf. Ez 47, 1-2)  
a látere dextro, allelúia;  
et omnes, ad quos pervénit aqua ista,  
salvi facti sunt,  
et dicent: Allelúia, allelúia.

vel (cf. App. n. 14):

Effúndam super vos aquam mundam (Ez 36, 25-26)  
et mundabímmini ab ómnibus inquinaméntis vestris,  
dicit Dóminus.

#### CONCLUSIO RITUS

**873.** Ubi opportunum videtur, prex communis haberi potest. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Deum Patrem omnipotentem, qui per paschale mysterium ex aqua et Spiritu Sancto ad novam filiorum vitam nos generavit, uno corde deprecemur, dicentes:

*R. Rénova in nobis, Domine, mirabilia potentiae tuae.*

Pater misericordiarum,  
qui hominem ad imaginem tuam condidisti  
eumque per Baptismum sanctificasti,  
— fac ut muneris tui et dignitatis nostrae  
semper et ubique memores simus. *R.*

Tu, qui e latere Christi crucifixi,  
Spiritus Sancti fluentia manare voluisti,  
— fac ut vitales, quas hauriemus, undae  
in nobis fiant fons aquae  
in vitam aeternam salientis. *R.*

Tu, qui in regenerationis lavacro  
genus electum, regale sacerdotium, gentem sanctam  
nos misericorditer constituisti,  
— praesta ut christianum munus adimplentes,  
virtutes tuas hominibus nuntiemus. *R.*

Tu, qui Ecclesiam tuam  
nova semper prole fecundas,  
— concede ut omnes renati fonte Baptismatis  
sacramentum vivendo teneant quod fide percepérunt. *R.*

Tu, qui nobis benigne concessisti  
hunc fontem salutis extruere,  
— tribue ut catechumenis sit balneus vitalis,  
et nobis omnibus renovandae vitae incitamentum. *R.*

**874.** Deinde celebrans opportune introducit orationem dominicam his vel similibus verbis:

Memores Baptismi nostri,  
in quo Spiritum adoptionis filiorum accipimus,

et præcéptis salutáribus móniti,  
cæléstem Patrem exorémus, dicéntes:

Omnes:

Pater noster, qui es in cælis:  
sanctificétur nomen tuum;  
advéniat regnum tuum;  
fiat volúntas tua, sicut in cælo et in terra.  
Panem nostrum cotidiánum da nobis hódie;  
et dímítte nobis débíta nostra,  
sicut et nos dimíttimus debitóribus nostris;  
et ne nos indúcas in tentatiónem;  
sed líbera nos a malo.

Celebrans immediate prosequitur:

Deus, qui aquárum fluéntia  
mortis et vitæ virtútem indidísti,  
præsta ut qui, Christo consepúlti,  
in hoc fonte peccátis ómnibus exuéntur,  
cum Christo resúrgant,  
cándida veste immortalitátis indúti.  
Per Christum Dóminum nostrum.

Omnes:

Amen.

**875.** Post benedictionem opportune canitur canticus gaudium paschale et gratiarum actionem exprimens vel *Magnificat* (cf. App. n. 36).

**876.** Denique diaconus populum dimittit more consueto.

## CAPUT XXVI

### **ORDINES BENEDICTIONIS OCCASIONE DATA AUSPICANDI CATHEDRAM SEU SEDEM PRÆSIDENTIÆ VEL AMBONEM VEL TABERNACULUM VEL SEDEM AD SACRAMENTUM PÆNITENTIÆ CELEBRANDUM**

#### PRÆNOTANDA

**877.** Omnia quæ ad liturgicam celebrationem spectant, quæque in ecclesia dum dedicatur vel benedicitur iam suo loco inveniuntur, recte et ipsa una simul benedicta considerantur. Siquando tamen pars quædam, uti cathedra episcopalis in ecclesia cathedrali, sedes præsidentialis, ambo ad verbum Dei proclamandum, locus repositionis Ss.mi Sacramenti seu tabernaculum eucharisticum, sedes ad sacramentum Pænitentiae celebrandum, primo in usum deducantur vel etiam innoventur, opportunum esse potest earundem momentum apta celebratione fidelibus ostendere et commendare.

**878.** Principia ac normæ de his ecclesiæ partibus exstruendis suoque loco apte disponendis, in libris liturgicis statuta, diligenter ab omnibus servantur.

**879.** Ordines, qui hic præbentur, adhiberi possunt a sacerdote qui, rituum structura servata, opportune locorum adiunctis celebrationem aptabit.

I. ORDO BENEDICTIONIS  
OCCASIONE DATA AUSPICANDI NOVAM CATHEDRAM  
SEU SEDEM PRÆSIDENTIÆ

880. Cathedra signum est præcellens magisterii, quod cuique spectat Episcopo in eius Ecclesia. Ideo ritus aditialis novæ cathedræ ab ipso tantum Episcopo diœcesano celebrari potest, vel, in adiunctis omnino peculiaribus, ab alio Episcopo, cui ipse speciale dederit mandatum.

881. Locus vero præsidentiæ seu sedes sacerdotis celebrantis, munus significat tum cœtui liturgico præsidendi tum etiam plebis sanctæ orationem moderandi.

882. Etsi hic ritus cum Missæ celebratione aptius coniungitur, nihil tamen vetat quominus cum celebratione verbi Dei, data occasione, componi possit.

*A. In celebratione Missæ*

883. In Missa post altaris venerationem atque incensationem, celebrans antequam cathedram vel sedem petit, signat se, dicens:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

884. Deinde celebrans adstantes salutatur, unam adhibens formulam ex his quæ in Missali Romano proponuntur.

885. Tunc apta monitione fideles in Missam introducit, simul illis sensum aperiens initialis ritus, qui vel ad cathedram refertur vel ad sedem noviter exstructam. Quod facere potest his vel similibus verbis:

Hódie nova hæc cáthedra (sedes) úsui litúrgico primo destinátur. Deum et Dóminum nostrum, fratres dilectíssimi, collaudémus qui in suis minístris, sacris munéribus addíctis,

præsens adesse dignatur ut per eos fideles edoceat, regat atque sanctificet, eumque rogemus ut digniores semper efficiat qui tam sancto ministerio fungantur.

#### ORATIO BENEDICTIONIS

886. Expleta monitione, celebrans dicit:

Orémus.

Et omnes per aliquod temporis spatium silentio orant. Deinde celebrans proseguitur, manibus extensis:

Nomen tuum, Dómine, unísona voce laudámus  
et a te súplici deprecatione pétimus  
ut, qui pastor bonus venísti  
ad gregem tuum dispérsu  
in unum ovíle misericórditer congregándum,  
per eos quos veritátis cooperatóres elegísti,  
fidéles tuos enútrias,  
eósque regímíne sancto custódias,  
quátenu*s* in páscua æténa  
et oves aliquánd*o* atque pastóres  
mereántur intráre gaudéntes.  
Qui vivis et regnas in sácula sæculórum.

R. Amen.

887. Tunc celebrans, imposito incenso in turibulo, cathedram vel sedem incensat. Deinde cathedram vel sedem petit, ibique a ministro incensatur, dum aptus cantus canitur.

888. Missa, actu pænitentiali omisso, proseguitur more solito.

#### B. *In celebratione verbi Dei*

889. Si benedictio cathedræ, vel sedis, fit in celebratione verbi Dei, hic ordo agendi erit. Celebrans, post salutationem, antequam sedem

petat, fideles breviter alloquitur ut eos ad celebrationem disponat et ritus sensum illustret. Quod facere potest his vel similibus verbis:

Hódie nova hæc cáthedra (sedes) úsui litúrgico primo destinátur. Deum et Dóminum nostrum, fratres dilectíssimi, collaudémus qui in suis minístris, sacris munéribus addíctis, præsens adesse dignátur ut per eos fidéles edóceat, regat atque sanctíficet, eúmque rogémus ut digniôres semper effíciat qui tam sancto ministério fungántur.

#### ORATIO BENEDICTIONIS

890. Expleta monitione, celebrans dicit:

Orémus.

Et omnes per aliquod temporis spatium silentio orant. Deinde celebrans prosequitur, manibus extensis:

Nomen tuum, Dómine, unísona voce laudámus  
et a te súpplíci deprecatione pétimus  
ut, qui pastor bonus venísti  
ad gregem tuum dispérsum  
in unum ovíle misericórditer congregándum,  
per eos quos veritátis cooperatóres elegísti,  
fidéles tuos enútrias,  
eósque regímine sancto custódias,  
quátenus in páscua æténa  
et oves aliquándo atque pastóres  
mereántur intráre gaudéntes.  
Qui vivis et regnas in sæcula sæculórum.

R. Amen.

891. Tunc celebrans, imposito incenso in turibulo, cathedram vel sedem incensat. Deinde cathedram vel sedem petit, ibique a ministro incensatur, dum aptus cantus canitur.



## LECTIO VERBI DEI

**892.** Post incensationem celebrantis Sacrarum Scripturarum textus apti leguntur, quos opportune vel psalmus responsorius sequitur, vel etiam sacrum meditationis silentium. Lectio autem Evangelii principem locum semper obtineat.

**893.** Lectiones:

Neh 8, 1-4a. 5-6. 8-10 « *Stetit Esdras scriba super gradum ligneum, quem fecerat ad loquendum* ».

In diébus illis: Congregátusque est ... 4 *usque ad hoc* fécerant. 5 Et apéruiť ... 8 Et legérunt ...

Is 40, 9-11 « *Sicut pastor gregem pascit* ».

Super montem excélsuť ...

Act 10, 34-48 « *Nos testes sumus omnium quæ fecit* ».

In diébus illis: Apériens Petrus os suuť dixit ...

Act 13, 15-32 « *Nos vobis evangelizamus eam, quæ ad patres promissio facta est* ».

In diébus illis: Post lectionem Legis ...

Lc 4, 16-22a « *Omnium in synagoga oculi erant intendentes in Iesum* ».

Venit Iesus Názareť ... 22 *usque ad* de ore ipsíus.

**894.** Psalmi responsorii:

Ps 118 (119), 129. 130. 133. 135. 144

R. (105) *Lucérna pédibus meis verbum tuuť, Dómine.*

Ps 18B (19B), 8-9. 10. 15

R. (cf. Io 6, 63c) *Verba tua, Dómine, spíritus et vita sunt.*

**895.** Lectionibus expletis, celebrans homiliam habet, in qua tum lectiones biblicas tum etiam Christi præsentiam illustrat, in cuius persona sacri ministri munus suuť exercent.

## PRECES

**896.** Deinde fit prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria reruť adiuncta respiciant.

Dóminus noster Iesus Christus ita Ecclésiā suā dilēxit,  
ut per suos minístrōs atque pastóres, verbis divínis edócta  
et sacris enutríta mystériis, in via salútis iúgiter persevéret.  
Eum igitur láudibus extollámus, dicéntes:

*R. Grátias tibi, Dómine!*

Benedíctus es, Dómine,  
qui per fídei magístros  
Evangélíum tuum nos edocére non désinis. *R.*

Benedíctus es, Dómine,  
qui nos gregis tui oves,  
per pastóres a te eléctos,  
semper nutris atque susténtas. *R.*

Benedíctus es, Dómine,  
qui nos ad Patris laudes canéndas,  
per præcónes tuos, ádvocas atque adhortáris. *R.*

#### ORATIO BENEDICTIONIS

**897.** Deinde celebrans prosequitur, manibus extensis:

Dómine Iesu Christe,  
qui pastóres Ecclésiæ tuæ docuísti  
non ministrári velle,  
sed frátribus ministráre,  
concéde ut qui hanc cáthedram (sedem) ascéndunt,  
verbum tuum alácriter procláment  
et mystéria tua digne dispénsent,  
quátenus cum plebe sibi commíssa  
te in ætéRNA sede sine fine colláudent.  
Qui vivis et regnas in sácula sæculórum.

*R. Amen.*

## CONCLUSIO RITUS

898. Tum celebrans ritum concludit, manibus super fideles extensis, dicens:

Benedícat vos Deus omni benedictióne cælésti,  
sanctósque vos et puros  
in conspéctu suo semper effíciat;  
divítias glóriæ suæ  
in vos abundánte effúndat,  
verbis veritátis ínstruat,  
Evangélio salútis erúdiat,  
et caritaté fratérna semper locuplétet.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

899. Laudabiliter ritus apto cantu perficitur.

## II. ORDO BENEDICTIONIS OCCASIONE DATA AUSPICANDI NOVUM AMBONEM

900. Ambo seu locus e quo verbum Dei annuntiatur, eiusdem verbi dignitati respondere debet et in fidelium memoriam redigere mensam verbi Dei semper esse paratam. Hæc vero benedictio tunc tantum impertiri potest cum de vero agitur ambone, qui nempe non simplex sit pluteus mobilis, sed ambo stabilis et sua dignitate conspicuus. Attenta vero cuiusque ecclesiæ structura, etiam ambo mobilis, qui tamen vere emineat, muneri suo congruat et affabre sit ornatus, benedici potest.

901. Hic ritus tum cum Missæ celebratione coniungi, tum etiam occasione data alicuius celebrationis verbi Dei adhiberi potest.

*A. In Missæ celebratione*

**902.** In Missa omnia fiunt more solito, usque ad collectam inclusive. In processione ad introitum, Evangelium defertur et super altare deponitur. Verbi autem Dei proclamatio sequenti modo laudabiliter evolvitur: duo lectores, quorum unus defert Lectionarium Missæ, una cum psalmista ad celebrantem veniunt.

Celebrans, stans, accipit Lectionarium, ostendit populo, et hæc vel alia apta verba pronuntiat:

Semper résonet in hac aula, Dei verbum, quod Christi mystérium vobis apériat et vestram salutem in Ecclésiâ operétur.

Omnes respondent:

Amen.

vel alio apto modo.

**903.** Deinde celebrans Lectionarium priori lectori tradit. Lectores et psalmista ad ambonem pergunt, afferentes Lectionarium, omnibus aspiendum.

**904.** Lectiones vel sumuntur e Missa diei, vel hoc modo seligi possunt: prima lectio ex libro Nehemiæ 8, 1-4a. 5-6. 8-10, quam sequitur Ps 18B (19B), 8-9. 10. 15, cum responsorio: R. Verba tua, Dómine, spíritus et vita sunt; si altera quoque lectio proclametur, hæc ex epistola Pauli apostoli secunda ad Timotheum 3, 14 — 4, 5a seligi potest; ad Evangelium quod attinet, textus Lc 4, 14-22a laudabiliter proclamatur, præmissa acclamatione: Non in solo pane vivit homo, sed in omni verbo Dei, cum vel sine Allelúia, iuxta liturgicum tempus.

**905.** Post secundam lectionem Evangeliarium diaconus vel, eo absente, presbyter ex altari sumit et præcedentibus ministris cum cereis et incenso ad ambonem defert.

**906.** Post Evangelium celebrans homiliam habet in qua tum lectiones biblicas tum etiam Christi præsentiam in Dei verbo illustret.

**907.** Missa deinde proseguitur more solito: si opportunum videtur subiungitur Symbolum, ita ut fideles percipiant ipsis Deo loquenti in fide respondendum esse.

*B. In celebratione verbi Dei*

908. Si benedictio ambonis fit in celebratione verbi Dei, hic erit agendi ordo. Sacerdos, post salutationem, fideles breviter alloquitur ut eos ad celebrationem disponat et ritus sensum illustret. Quod facere potest his vel similibus verbis:

Huc convénimus, fratres, ad hunc ambónem inaugurándum et in sacrum usum deducéndum ut ómnibus illíus mensæ verbi Dei signum appáreat quod nostræ christiánæ vitæ primum idque necessárium præbet nutrimentum. Huic celebrationi inténtis ánimis attendámus, Deum nobis loquéntem fidé-liter auscultántes ut eius verba vere sint nobis spíritus et vita.

909. Expleta admonitione, celebrans dicit:

Orémus.

Et omnes per aliquod temporis spatium silentio orant. Tum celebrans prosequitur, manibus extensis:

Deus, qui ex abundántia caritátis tuæ  
ut amícos nos álloqui dignáris,  
grátiam Spíritus Sancti  
nobis concéde propítius,  
ut verbi tui dulcédine perfruéntes,  
supereminénti Filii tui sciéntia impleámur.  
Per Christum Dóminum nostrum.

R. Amen.

## LECTIO VERBI DEI

910. Deinde Sacrarum Scripturarum textus apti leguntur, quos opportune vel psalmus responsorius sequitur, vel etiam sacrum meditationis silentium. Lectio autem Evangelii principem locum semper obtineat.

**911. Lectiones:**

Neh 8, 1-4a. 5-6. 8-10 « *Legerunt in libro legis, et explicaverunt lectionem* ».

In diēbus illis: Congregatúsque est ... 4 *usque ad hoc* fécerant. 5 Et aperuit ... 8 Et legérunt ...

2 Tim 3, 14 — 4, 5a « *Sacræ Litteræ possunt instruere ad salutem per fidem* ».

Caríssime: Pérmáne in his ... 4, 5 *usque ad* evangelísta.

Lc 4, 16-22a « *Hodie impleta est hæc Scriptura* ».

In illo témpore: Venit Iesus Názareth ... 22 *usque ad* de ore ipsíus.

**912. Psalmi responsorii:**

Ps 18B (19B), 8-9. 10. 15

R. (cf. Io 6, 63c) *Verba tua, Dómine, spíritus et vita sunt.*

Ps 118 (119), 129. 130. 133. 135. 144

R. (105) *Lucérna pédibus meis verbum tuum, Dómine.*

**913.** Lectionibus expletis celebrans homiliam habet, in qua tum lectiones biblicas tum etiam Christi præsentiam in Dei verbo illustret.

**914.** Si opportunum videtur, dici vel cani potest Symbolum.

**PRECES**

**915.** Deinde fit prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Fratres, Deus Pater Verbum suum caro factum nobis præbet audiéndum, ut de eo nutriámur eíque fidéliter vivámus.

Simul ergo precémur:

R. *Verbum Christi hábitet in nobis abundánte!*

Fac, Dómine, ut Christi Fílii tui discípuli

verbum tuum fervénte esúriant

eíusque in mundo testes fidéles evádant. R.

Præsta nobis, Dómine,  
ut verbum tuum pénitus perscrutántes,  
et fide simus fervéntes  
et bonis opéribus semper inténti. R.

Adáuge in nobis, Dómine,  
verbi tui luce perfúsis,  
et tui cognitiónem et nostri:  
ut te redamémus tibíque fidéliter serviámus. R.

Adéstó, Dómine, minístris verbi tui  
ut quæ ore proclámant  
et corde credant et móribus éxprimant. R.

#### ORATIO BENEDICTIONIS

**916.** Deinde celebrans, extensis manibus, prosequitur:

Deus, qui hómines de ténebris  
in admirábile lumen tuum vocáre dignátus es,  
tibi nos decet grátias ágere  
quia dulci verbi tui pábulo  
numquam nos esuríre permíttis,  
nobisque in hac aula ecclésiæ congregátis  
sermónum tuórum mirabília  
contínua recordatióne decláras.  
Hic ergo, quæsumus, Dómine,  
vox Fílii tui sonet in áuribus nostris,  
ut quæ Spíritus Sanctus suggésserit  
fidéliter persequéntes,  
verbi tui non auditóres tantum  
sed férvidos mereámur esse factóres.  
Hic verbi tui præcónes  
sémitas vitæ nobis osténdant,  
quas alácrité percurréntes,

Christum Dóminum sequámur  
et vitam cónsequi possímus ætérnam.  
Per Christum Dóminum nostrum.

R. Amen.

#### CONCLUSIO RITUS

917. Tum celebrans ritum concludit, manibus super fideles extensis, dicens:

Benedícat vos Deus omni benedictióne cælésti,  
sanctósque vos et puros  
in conspéctu suo semper effíciat;  
divítias glóriæ suæ  
in vos abundánter effúndat, verbis veritátis ínstruat,  
Evangélio salútis erúdiat,  
et caritáte fratérna semper locuplétet.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

918. Laudabiliter ritus apto cantu perficitur.

### III. ORDO BENEDICTIONIS OCCASIONE DATA AUSPICANDI NOVUM TABERNACULUM EUCHARISTICUM

919. Tabernaculum ad Eucharistiam servandam nobis in mentem redigit et Domini præsentiam, quæ a Missæ sacrificio derivat, et fratres, quos caritate Christi amplecti debemus. Etenim Ecclesia in dispensandis mysteriis sibi a Christo Domino concreditus primitus pro infirmis et morientibus Eucharistiam servavit.

Hic cælestis cibus, in ecclesiarum sacrariis repositus, adoratus est.



**920.** Huius benedictionis ritus cum Missæ celebratione coniungitur. In hac convenienter eliguntur, servatis servandis, lectiones et orationes ex Missis de SS.ma Eucharistia.<sup>16</sup> In homilia post explicationem verbi Dei, semper aliquo modo huius ritus significatio fidelibus aperiatur.

**921.** Oratione universali peracta, celebrans prope tabernaculum benedicendum, ad cœtum conversus, fideles ad orationem invitat, dicens:  
Orémus.

Et pro opportunitate omnes per aliquod temporis spatium silentio orant. Tunc orationem benedictionis profert, manibus extensis:

Dómine, sancte Pater,  
qui homínibus panem de cælo verum dedísti,  
nos et hoc tabernáculum,  
quod sacraménto Córporis et Sáanguinis Fílii tui  
asservándo parávimus,  
benedícere dignáre,  
ita ut Christum hic præsentem adorántes  
eius redemptiόνis mystério  
iúgiter consociémur.  
Per Christum Dóminum nostrum.

R. Amen.

**922.** Deinde celebrans, imposito ture, tabernaculum incensat.

**923.** Missa proseguitur more solito, sed post Communionem fidelium, pyxis cum Sacramento super mensam altaris relinquitur

Dicta oratione post Communionem, attentis locis et celebrationis adiunctis, instrui potest, more consueto, processio per ecclesiam ad sacellum vel locum, ubi tabernaculum benedicendum invenitur.

Incedente processione, cantatur apta antiphona (cf. App. n. 15) cum psalmo, v. gr. *Gustáte et vidéte quóniam suávis est Dóminus*, cum Ps 33 (34), 2-3, 4-5, 6-7, 8-9 vel rythmus peculiaris, v. gr. *Ave, verum Corpus, natum ex María Vírgine* (cf. App. n. 16), vel alius cantus aptus.

<sup>16</sup> *Missale Romanum*, Ordo Lectionum Missæ, nn. 976-981.

**924.** Cum processio ad tabernaculum pervenit, celebrans in eodem tabernaculo pyxidem deponit, ostiolum apertum relinquens. Imposito ture, Ss.mum Sacramentum genuflexus incensat. Post congruum temporis spatium, in quo omnes silentio orant, tabernaculi porta clauditur.

**925.** Tum, si commode fieri potest, diaconus, si adest, vel ipse celebrans, pro opportunitate, dicit invitatorium, his vel similibus verbis:

Inclináte vos ad benedictiónem.

Tunc celebrans, manibus super populum extensis, eum benedicit, dicens:

Omnípotens et miséricors Deus,  
cuius Filius templum verum et vivum  
in terris éxstitit,  
eiusdem mortis et resurrectionis mystério,  
quod recoléntes adorátis,  
vos benedícat atque sanctíficet.

R. Amen.

Christus, qui visibíliter in cælos ascéndit  
ut vobis locum in domo Patris paráret,  
et hic invisibíliter adest in Sacraménto  
ut sacrificii sui grátiam exténdat,  
vos semper adiuváre et confortáre dignétur.

R. Amen.

Vobis ómnibus huc accedéntibus  
et opus salútis pie meditántibus  
Dóminus noster, in Eucharístia præsens,  
fiat aquæ vivæ fons indefíciens in vitam ætéram.

R. Amen.

Et benedíctio Dei omnipoténtis,  
Patris, et Fílii, ✠ et Spíritus Sancti,  
descéndat super vos et máneat semper.

R. Amen.

**926.** Vel, orans super populum, celebrans dicit:

Fámulis tuis, Dómine,  
fídei et grátiae præsta semper augméntum,  
ut dum amórem Fílii tui inter nos permanéntis  
assídue recólimus,  
memoriále salútis nostræ  
fructuóse frequentémus.  
Per Christum Dóminum nostrum.  
R. Amen.

Post orationem subdit:

Et benedíctio Dei omnipoténtis,  
Patris, et Fílii, ✠ et Spíritus Sancti,  
descéndat super vos et máneat semper.  
R. Amen.

**927.** Si vero processio instruenda non sit, dicta oratione post Communionem, pyxis deponitur in tabernaculo, cuius ostiolum apertum manet. Tunc imposito, celebrans Ss.mum Sacramentum genuflexus incensat.

**928.** Denique, post congruum temporis spatium, in quo omnes silentio orant, celebrans ostium tabernaculi claudit, et populum benedicit, unam adhibens formulam ex iis quæ nn. 925-926 indicantur.

**929.** Tum diaconus, si adest, vel ipse celebrans populum dimittit more consueto.

#### IV. ORDO BENEDICTIONIS OCCASIONE DATA AUSPICANDI NOVAM SEDEM AD SACRAMENTUM PÆNITENTIÆ CELEBRANDUM

**930.** Sedes ad sacramentum Pænitentiae celebrandum, in ecclesia posita, melius exprimit confessionem et absolutionem peccatorum actionem esse liturgicam quæ ad corpus Ecclesiae pertinet, et ad renovatam fratrum participationem sacrificio Christi et Ecclesiae ordinatur.

**931.** Huius benedictionis ritus numquam cum Missæ celebratione coniugendum est; opportune vero coniungitur cum celebratione aliqua pænitentiali.

#### RITUS INITIALES

**932.** Populo congregato, canitur, pro opportunitate, psalmus vel antiphona vel alius cantus aptus.

**933.** Cantu expleto, sacerdos dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**934.** Deinde sacerdos adstantes salutat, dicens:

Grátia vobis, misericórdia et pax a Deo Patre,  
per Iesum Christum, in Spíritu Sancto,  
qui est remíssio ómnium peccatórum.

vel alia apta verba e Sacra Scriptura præsertim deprompta, vel ex Ordine Pænitentiae, nn. 94-96.

Omnes respondent:

Et cum spíritu tuo.

vel alio apto modo.

**935.** Deinde sacerdos brevi monitione adstantes edocet de sensu ritus, quod facere potest his vel similibus verbis:

Ritus benedictiónis quem in fide participámus, id primum suádet, Deo grátias agéndas esse quamplúrimas qui omnipoténtiam suam parcéndo máxime et miserándo maniféstat. In hac enim confessiónis sede, peccatóres consístimus, et ex ea iustificáti discédimus, reconciliatiónis fruéntes ministério quod Christus Iesus Ecclésiæ suæ trádidit exercéndum. Ipse

concedat ut qui peccatorum p[on]dere opprimuntur, ad hanc sedem accedentes liberentur, et qui de mundano pulvere sorde[re]sunt, inde redeant dealbati in sanguine Agni.

#### LECTIO VERBI DEI

**936.** Tunc incipit celebratio verbi. Lector vel unus ex adstantibus vel ipse sacerdos legit textum aut textus Sacrae Scripturae, selectum ex iis qui in Lectionario Ordinis P[ae]nitentiae proponuntur,<sup>17</sup> vel ex iis qui infra proponuntur:

2 Sam 12, 1-9. 13 « *Dixit David ad Nathan: Peccavi Domino* ».

In diebus illis: Misit Dominus Nathan ad David ...

Ez 18, 20-32 « *Si impius egerit p[ae]nitentiam, vita vivet et non morietur* ».

Factus est sermo Domini ad me dicens: « Anima qua[m] peccaverit ...

Rom 5, 6-11 « *Gloriamur in Deo per Dominum nostrum Iesum Christum, per quem nunc reconciliationem accepimus* ».

Adhuc Christus ...

2 Cor 5, 17-21 « *Deus erat in Christo mundum reconcilians sibi* ».

Si quis in Christo ...

Mt 9, 1-8 « *Confide fili: remittuntur tibi peccata tua* ».

In illo tempore: Ascendens Iesus in naviculam transfretavit ...

Lc 7, 36-50 « *Remissa sunt peccata eius multa, quoniam dilexit multum* ».

In illo tempore: Rogabat Iesum quidam de pharisaeis ...

Io 8, 1-11 « *Vade, et amplius iam noli peccare* ».

In illo tempore: Iesus p[er]rexit in montem Oliveti ...

**937.** Pro opportunitate dici vel cani potest psalmus responsorius aut alius cantus aptus:

Ps 31 (32), 1-2. 3-4. 5. 6-7

R. (5c) *Confitebor iniquitatem meam Domino.*

<sup>17</sup> Cf. *Rituale Romanum*, Ordo P[ae]nitentiae, cap. IV, nn. 101-201.

Ps 50 (51), 3-4. 5-6. 7-8. 9-10. 11-12

R. (14a) *Redde mihi lætitiā salutāris tui.*

Ps 129 (130), 1-2. 3-4. 5-6b. 6c-8

R. (7bc) *Apud Dóminum misericórdia  
et copiósa apud eum redemptio.*

936. Lectionibus expletis, sacerdos homiliam habet, in qua tum lectiones biblicas tum momentum ecclesiale sacramenti Pænitentiae illustrat.

#### PRECES

939. Deinde fit prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiararia rerum adiuncta respiciant.

Grátias agámus, fratres, Deo Patri omnipoténti, qui per mortem et resurrectionem Fílii sui in virtúte Spíritus Sancti, eripuit nos de potestáte tenebrárum et remissionem nobis dedit ómnium peccatórum:

R. *Grátias ágimus tibi, Dómine.*

Benedíctus es, Dómine,  
qui Fílium tuum pro peccátis nostris dedísti,  
ut nos, de peccatórum ténebris eréptos,  
in lucem et pacem transférret regni tui. R.

Benedíctus es, Dómine,  
qui per Spíritum Sanctum  
consciéntiam nostram ab opéribus mórtuis emúndas. R.

Benedíctus es, Dómine,  
qui Ecclésiæ sanctæ  
claves regni cælórum tradidísti,  
quibus iánuæ misericórdiæ tuæ ómnibus patérent. R.

Benedíctus es, Dómine,  
qui magna et mirábilia

in reconciliatiónis ministério semper operáris,  
ut quibus indulgéntiam largíris  
aliquándo vitam dones ætérrnam. R.

940. Deinde celebrans prosequitur, extensis manibus:

Dignum et iustum est,  
nos tibi semper et ubíque grátias ágere,  
omnípotens sempitérne Deus,  
qui iuste córrigis et cleménter ignóscis,  
in utróque miséricors,  
quia nos ea lege dispónis,  
ut coercéndo períre non sinas in ætérrnum  
et parcéndo spátium tríbuas corrigéndi.  
Per Christum Dóminum nostrum.

R. Amen.

#### CONCLUSIO RITUS

941. Tum sacerdos ritum concludit, manibus super fideles extensis, dicens:

Benedícat nobis Pater,  
qui nos in adoptiόνem filiórum vocávit.

R. Amen.

Auxiliétur nobis Fílius,  
qui nos in frátres suscepit.

R. Amen.

Adsit nobis Spíritus,  
qui suum nos templum éfficit.

R. Amen.

Et benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

942. Laudabiliter ritus apto cantu perficitur.

## CAPUT XXVII

### ORDO BENEDICTIONIS NOVÆ PORTÆ ECCLESIAE

#### PRÆNOTANDA

943. In nonnullis celebrationibus liturgicis, sicut in Baptismo, in Matrimonio et in Exsequiis, fideles ad portas ecclesiae recipiuntur. Per eas, statutis diebus anni liturgici, in ipsam ecclesiam processione peracta ingrediuntur.

Qua de re opportunum evadit ut ianua ecclesiae, sive in sua structura sive in suo artis ornatu signum exstet Christi, qui dixit: « Ego sum ostium ovium » (Io 10, 7) et simul eorum qui viam cucurrerunt sanctitatis, quae ad Dei habitationem ducit.

944. In novis autem erigendis ecclesiae ianuis, occasio inveniri potest fidelibus memorandi tum rerum eventum exteriorum tum vero, interiorum sensum totius aedificii, cui ianuae aditum reserant.

Congruum igitur videtur ad portas benedicendas peculiarem orationem ad Deum dirigere atque fideles congregare, ut verbum Dei audiant et preces effundant.

945. Hic Ordo adhiberi potest a sacerdote, qui, ritus structura et elementis potioribus servatis, semper quaedam elementa sumere potest ut celebratio adiunctis loci et personarum melius accommodetur.

### ORDO BENEDICTIONIS

#### RITUS INITIALES

946. Communitate congregata, ante ianuam ecclesiae opportune fit cantus aptus, v. gr. antiphona (cf. App. n. 17):

Tóllite portas, principes, vestras,  
et elevámini, portae aeternáles.

cum Psalmo 23 (24).



Expleto cantu, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

947. Deinde celebrans adstantes salutat, dicens:

Grátia et pax sit ómnibus vobis  
in Ecclésia sancta Dei.

vel alia apta verba e Sacra Scriptura præsertim deprompta.  
Populus respondet:

Et cum spíritu tuo.

vel alio apto modo.

948. Deinde celebrans fideles breviter alloquitur ut eorum animos ad celebrationem disponat et ritum illustret. Quod facere potest his vel similibus verbis:

Huc convénimus, fratres, ad iánuam huius ecclésiæ benedictióne ditándam. Sacro rítui pia adsímus devotióne, atque Dóminum suppliciter exorémus, ut omnes qui ad verbum Dei audiéndum ac divína mystéria celebránda per hanc iánuam in ecclésiám ingrediéntur, Christi vocem corde recto sequántur, óstium vitæ æternæ se proferéntis.

949. Expleta admonitione, celebrans dicit:

Orémus.

Et omnes per aliquod temporis spatium silentio orant. Tum celebrans prosequitur, manibus extensis:

Deus, qui pópulum tuum Ecclésiám vocáre dignátus es,  
da ut plebs in tuo nómine congregáta  
te tímeet, te díligat, te sequátur,  
et ad cæléstia promíssa, te ducénte, pervéniat.  
Per Christum Dóminum nostrum.

R. Amen.

## LECTIO VERBI DEI

**950.** Deinde lector vel unus ex adstantibus vel ipse celebrans legit textum Sacrarum Scripturarum.

Ap 21, 2-3. 23-26 « *Civitatem sanctam vidi descendentem de cælo a Deo* ».

Audíte, fratres, verba libri Apocalýpsis.

Civitátem sanctam Ierúsalem novam vidi descendéntem de cælo a Deo, parátam sicut sponsam ornátam viro suo. Et audívi vocem magnam de throno dicéntem: « Ecce tabernáculum Dei cum homínibus! Et habitábit cum eis, et ipsi pópuli eius erunt, et ipse Deus cum eis erit eórum Deus ». Et cívitas non eget sole neque luna, ut lúceant ei, nam cláritas Dei illuminávit eam, et lucérna eius est Agnus. Et ambulábunt gentes per lumen eius, et reges terræ áfferunt glóriam suam in illam; et portæ eius non claudéntur per diem, nox enim non erit illic; et áfferent glóriam et divítias géntium in illam.

**951.** Vel:

Is 26, 1-9 « *Aperite portas, et ingrediatur gens iusta* ».  
In die illa cantábitur cánticum istud ...

Ier 7, 1-7 « *Sta in porta domus Domini et prædica ibi* ».  
Verbum, quod factum est ad Ieremíam a Dómino ...

Io 10, 1-10 « *Ego sum ostium ovium* ».  
In illo témpore dixit Iesus: « Amen, amen dico vobis ...

**952.** Pro opportunitate dici vel cani potest psalmus responsorius aut alius cantus aptus.

Ps 99 (100), 2. 3. 4. 5  
R. (2b) *Servite Dómino in lætítia.*

Ps 117 (118), 1 et 4. 15-16. 19-20. 22-23  
R. (26) *Benedictus, qui venit in nómine Dómini.*

953. Celebrans, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

954. Ubi opportunum videtur, ante orationem benedictionis, prex communis haberi potest. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria rerum adiuncta respiciant.

Nos, lápides vivi, superædificáti lápidi elécto Christo, Ipsum deprecémur pro Ecclésia sua dilécta et certitúdinem in eam profiteámur dicéndo:

*R. Hic domus Dei est et porta cæli!*

Dómine Iesu, qui Pastor ætérmus et óstium es óvium,  
— exténde, cóngrega et prótege ovíle tuum. *R.*

Dómine Iesu, qui domum tuam super petram ædificásti,  
— Ecclésiám tuam sólida fide et fidúcia confírma. *R.*

Dómine Iesu, de cuius látere fluxérunt sanguis et aqua,  
— Ecclésiám tuam sacraméntis  
novi et ætérmni testaménti rénova. *R.*

Dómine Iesu, præsens in médio eórum  
qui congregántur in nómine tuo,  
— Ecclésiæ tuæ unánimem oratióem exáudi. *R.*

Dómine Iesu, qui cum Patre et Spíritu Sancto  
mansióem facis apud eos qui te díligunt,  
— Ecclésiám tuam pérfice in dilectióne. *R.*

Dómine Iesu, qui foras numquam éicis veniéntem ad te,  
— súscipe omnes peccatóres in domum Patris tui. *R.*

Tum sequitur oratio benedictionis ut infra.

**955.** Quando preces non dicuntur, ante orationem benedictionis, celebrans, his vel similibus verbis, fideles ad orationem invitat, dicens:

Fratres caríssimi,  
huc lætántes convénimus  
ad novam ecclésiæ portam benedictióne auspicándam.  
Deum ígitur súpplīces exorémus  
ut sua grátia nobis adésse dignétur.

Et pro opportunitate, omnes per aliquod temporis spatium silentio orant.

---

#### ORATIO BENEDICTIONIS

**956.** Tum celebrans, manibus extensis, benedictionis orationem profert:

Te, Dómine, sancte Pater, benedícimus,  
qui Fílīum tuum in hunc mundum misísti,  
ut hómīnes, peccáti disgregatióne dispérsos,  
effúso sáanguine congregáret  
et eórum qui in unum colligúntur ovíle,  
ipse esset Pastor et óstium,  
per quod si quis introíerit, salvábitur,  
et ingrediétur et egrediétur,  
et páscua invéniet.

Te ergo, Dómine, deprecámur,  
ut fidéles tui, hanc portam ingrediéntes,  
per Iesum Christum Fílīum tuum  
accéssum hábeant in uno Spírītu ad te, Pater,  
et ad ecclésiā tuā concurréntes  
in confidéntia per fidem eius,  
perseverántes in doctrína Apostolórum,  
in communicatióne fractiōnis panis,  
in oratiōnibus assídui,

in cæléstis ædificatióne Ierúsalem semper succréscant.  
Per Christum Dóminum nostrum.

R. Amen.


957. Post orationem benedictionis, celebrans, pro opportunitate, aqua benedicta aspergit portam et, imposito ture, eam incensat.

#### CONCLUSIO RITUS

958. Deinde celebrans populum benedicit, manibus super fideles extensis, dicens:

Deus, Dóminus cæli et terræ,  
qui vos hódie ad huius portæ benedictiόνem  
vóluit adunáre,  
vobis étiam concédát ut portas Dómini  
introeátis in confessióne  
et átria eius in hymnis,  
quátenus ætérnæ beatitúdinis hereditátem possideátis.

R. Amen.

Et benedictio Dei omnipoténtis,  
Patris, et Fílii,  et Spíritus Sancti,  
descéndat super vos et máneat semper.

R. Amen.

959. Laudabiliter ritus cantu apto perficitur.

## CAPUT XXVIII

### ORDO BENEDICTIONIS NOVÆ CRUCIS PUBLICÆ VENERATIONI EXHIBENDÆ

#### PRÆNOTANDA

**960.** Inter sanctas imagines, « figura pretiosæ et vivificæ Crucis »<sup>18</sup> principem obtinet locum, quippe quæ symbolum sit totius paschalis mysterii. Nulla christianorum plebi carior est imago, nulla antiquior. Christi passio eiusque de morte triumphus per sanctam Crucem repræsentatur simulque, ut sancti Patres docuerunt, secundus idemque gloriosus nuntiatur eius adventus.

**961.** Crucis imago non solum Feria VI in Passione Domini fidelibus colenda proponitur et in festo Exaltationis, die 14 septembris, tamquam Christi tropæum et arbor vitæ celebratur, sed eminet in ecclesia et ponitur coram populo quotiescumque ad sacros ritus celebrandos congregatur, et in domesticis etiam baptizatorum ædibus loco insigni collocatur. Attentis temporum et locorum condicionibus, iure christifideles Crucem publice erigunt, quæ sit suæ fidei testimonium et illius caritatis signum, qua Deus cunctos prosequitur homines.

**962.** Præstat autem, maximeque si de Cruce agatur quæ loco insigni ecclesiæ collocetur, ligno crucis imaginem quoque corporis Iesu Crucifixi affixam esse.

**963.** Ordo, qui hic præbetur adhiberi potest a presbytero, qui ritus structura et potioribus elementis servatis, personarum et locorum adiunctis celebrationem aptabit. Si ritui laudabiliter præest Episcopus, omnia opportune aptentur.

<sup>18</sup> Conc. Nicænum II, Act. VII: Mansi XIII, 378; Denzinger-Schönmetzer, 601.

**964.** Benedictio novæ Crucis quolibet die et hora peragi potest, præterquam Feria IV Cinerum, Triduo paschali et Commemoratione omnium fidelium defunctorum; dies vero potissimum eligatur quo fideles frequentiores convenire possint. Fideles opportune præparentur ut actuose ritui intersint.

**965.** Ritus qui hoc capite describitur duos tantum casus spectat:

a) cum sollemniter benedicenda est Crux erecta loco publico, ab ecclesia seiuncto;

b) cum benedicenda est Crux principalis quæ emineat in aula ecclesiæ, ubi communitas fidelium congregatur.

## ORDO BENEDICTIONIS

### RITUS INITIALES

**966.** Ubi fieri potest, præstat communitatem christifidelium processionaliter se conferre ab ecclesia aliove apto loco ad locum ubi Crux benedicenda erecta est. Si processio fieri nequit vel haud opportuna videtur, fideles congregantur ad locum ubi Crux benedicenda est erecta.

**967.** Populo congregato, celebrans fideles salutatur, dicens:

Grátia Dómini nostri Iesu Christi,  
qui pro nobis pepéndit in ligno,  
sit cum ómnibus vobis.

vel alia apta verba e Sacra Scriptura præsertim deprompta. Populus respondet:

Et cum spírítu tuo.

vel alio apto modo.

**968.** Deinde celebrans fideles breviter alloquitur, ut eorum animos ad celebrationem disponat et ritus sensum illustret, quod facere potest his vel similibus verbis:

Novam Crucem sollémniter benedictúri, fratres dilectíssimi, in fide venerémur ætérnum Dei consílium, quo Crucis mystérium divínæ factum est misericórdiæ sacraméntum.

Crucem conspiciéntes mémores simus in ea amóris consummátum esse sacraméntum, quo Christus suam diléxit Ecclésiám.

Crucem salutántes, recordémur Christum, omni divisióne in suo ságuine subláta, Pópulum Dei fecísse ex divérsis géntibus unum.

Crucem venerántes, recogitémus nos Christi discípulos et esse et profitéri, crucémque cuíque própriam cotídie feréntes, eum generóse sectémur.

Huic ergo celebratióni, inténtis ánimis adesse nitámur, quo fulgídus nobis Crucis páteat mystérium eiúsque vim effícius experíri valeámus.

**969.** Expleta admonitione, celebrans dicit:

Orémus.

Et omnes per aliquod temporis spatium silentio orant. Tunc celebrans prosequitur:

Deus, cuius Fílius, ex hoc mundo ad te transitúrus,  
in ligno pendens crucis  
humánam tibi famíliam conciliávit,  
réspice hos fámulos tuos,  
qui hoc signum salútis erexérunt  
et præsta ut eius virtúte muníti,  
crucem suam cotídie tolléntes  
atque Evangélíi itínера percurréntes,  
cælórum metam felíciter consequántur.  
Per Christum Dóminum nostrum.

Omnes:

Amen.



970. Diaconus, si casus fert, admonet:

Procedámus in pace.

971. Et ordinatur processio ad locum ubi Crux erecta est. Incedente processione, canitur antiphona (cf. App. n. 18):

Nos autem gloriári opórtet  
in cruce Dómini nostri Iesu Christi.

cum Psalmo 97 (98), vel hymnus aliusve aptus cantus.

Psalmus 97 (98)

<sup>1</sup> Cantáte Dómino cánticum novum, \*  
quia mirabília fecit.

(Repetitur antiphona)

Salvávít sibi délixtera eius, \*  
et bráchium sanctum eius.

<sup>2</sup> Notum fecit Dóminus salutáre suum, \*  
in conspéctu géntium revelávit iustítiam suam.

<sup>3</sup> Recordátus est misericórdiæ suæ \*  
et veritátis suæ dómui Israel.  
Vidérunt omnes términi terræ \*  
salutáre Dei nostri.

(Repetitur antiphona)

<sup>4</sup> Iubiláte Deo, omnis terra, \*  
erúmpite, exsultáte et psállite.

<sup>5</sup> Psállite Dómino in cíthara, \*  
in cíthara et voce psalmi;

<sup>6</sup> in tubis ductílibus et voce tubæ córneæ, \*  
iubiláte in conspéctu regis Dómini.

(Repetitur antiphona)

<sup>7</sup> Sonet mare et plenitúdo eius, \*  
orbis terrárum et qui hábitant in eo.

<sup>8</sup> Flúmina plaudent manu, †  
 simul montes exsultábunt <sup>9</sup> a conspéctu Dómini, \*  
 quóniam venit iudicáre terram.  
 Iudicábit orbem terrárum in iustítia \*  
 et pópulos in æquitáte.

(Repetitur antiphona)

Glória Patri, et Fílio, \*  
 et Spirítui Sancto.  
 Sicut erat in princípío, et nunc et semper, \*  
 et in sácula sæculórum. Amen.

(Repetitur antiphona)

**972.** Si vero processio non est facienda statim post collectam, omisso cantu, fit lectio verbi Dei.

#### LECTIO VERBI DEI

**973.** Deinde lector, unus ex adstantibus vel ipse celebrans legit unum vel plures Sacrae Scripturae textus, ex iis potissimum selectos qui vel infra vel in Lectionario de mysterio sanctae Crucis proponuntur,<sup>19</sup> interiectis congruentibus psalmis responsoriis vel intervallis silentio peragendis.

Lectio autem Evangelii principem locum semper obtineat. Adhiberi etiam possunt lectiones de passione Domini, quae in Lectionario proponuntur.<sup>20</sup>

Phil 2, 5-11 « *Humiliavit semetipsum factus obædiens usque ad mortem, mortem autem crucis* ».

Audíte, fratres, verba Pauli apóstoli ad Philippénses.

Hoc sentíte in vobis, quod et in Christo Iesu: qui, cum in forma Dei esset, non rapínam arbitrátus est esse se æquá-

<sup>19</sup> Cf. *Missale Romanum*, Ordo Lectionum Missae, nn. 969-974.

<sup>20</sup> Cf. *ibidem*, n. 975.

lem Deo, sed semetípsum exinanívit formam servi accípiens, in similitúdinem hóminum factus; et hábitu invéntus ut homo, humiliávit semetípsum factus obœdiens usque ad mortem, mortem autem crucis. Propter quod et Deus illum exaltávit et donávit illi nomen, quod est super omne nomen, ut in nómine Iesu omne genu flectátur cæléstium et terréstrium et infernórum et omnis lingua confiteátur: « Dóminus Iesus Christus! », in glóriam Dei Patris.

**974.** Vel:

Num 21, 4-9 « *Qui percussus aspexerit serpentem ignitum vivet* ». In diébus illis: Profécti sunt Hebræi de monte Hor per viam quæ ducit ad mare Rubrum ...

1 Cor 2, 1-5 « *Annuntians verbis mysterium Dei* ». Ego cum veníssem ...

Hebr 4, 12-16 « *Adeamus cum fiducia ad thronum gratiæ* ». Vivus est Dei sermo ...

Io 3, 13-17 « *Exaltari oportet Filium hominis* ». Nemo ascéndit in cælum ...

Io 19, 25-27 « *Stabat iuxta crucem Iesu mater eius* ». In illo témpore: Stabant iuxta crucem Iesu ...

**975.** Pro opportunitate, dici vel cani potest psalmus responsorius aut alius cantus aptus.

Ps 21 (22), 8-9. 17-18a. 23-24b

R. (2a) *Deus, Deus meus, quare me dereliquísti?*

Ps 30 (31), 2 et 6. 12-13. 15-16

R. (Lc 23, 46) *Pater, in manus tuas comméndo spíritum meum.*

Ps 54 (55), 5-6. 13. 14-15. 17-18. 23

R. (23ab) *Iacta super Dóminum curam tuam, et ipse te enútriet.*

**976.** Celebrans, pro opportunitate, adstantes breviter alloquitur, lectionem biblicam illustrans, ut sensum celebrationis et virtutem Crucis Domini fide percipiant.

## ORATIO BENEDICTIONIS

**977.** Expleta homilia, celebrans, stans ante Crucem, manibus extensis, orationem benedictionis profert:

Benedícimus te, Dómine, sancte Pater,  
qui abundántia diléctionis tuæ  
e ligno, unde homo intéritum háuserat et ruínam,  
remédium providísti salútis et vitæ.  
Etenim, cum suæ Paschæ hora venísset,  
Dóminus Iesus, sacérdos, magíster, atque rex  
árborem crucis voluntárie conscéndit  
eámque glóriæ suæ thronum,  
sacrificíi aram, cáthedram veritátis effécit.  
Ibi, exaltátus a terra, de hoste triumphávit antíquo  
ac suo sáanguine purpurátus,  
ómnia sibi miserátus attráxit:  
ibi, exténsis mánibus,  
tibi, Pater, vitæ suæ sacrificíum obtulit,  
et sacraméntis novæ legis vim índidit salutárem:  
ibi moriéndó dócuit quod verbo nuntiáverat:  
granum fruménti demórtuum  
ubérrimas édere ségetes.  
Te ergo, Dómine, adprecámur  
ut fidéles tui hoc signum venerántes salútis,  
illos redemptiónis cápiant fructus,  
quos Christus Iesus sua passióne proméruiť:  
eius Cruci peccáta affígant,  
ipsiúsque Crucis virtúte supérbiam átterant,  
infirmítatem róbovent;  
ex ea in pressúris háuriant solácium,  
ad eam in perículis secúri confúgiant,  
atque, eius virtúte muníti,  
itínера mundi percúrrant incólumes,

donec tu, Pater, eos in cælórum domum recípias.

Per Christum Dóminum nostrum.

R. Amen.

**978.** Vel:

Dómine, Pater sancte,

qui voluísti Crucem Fílii tui

fontem ómnium fíeri benedictiónum

omniúmque causam gratiárum,

nobis benígnus adésto,

qui istam Crucem eréximus in signum fídei nostræ:

et concéde ut, Christi passiónis mystério

iúgiter inhæréntes in terris,

ætérna resurrectiόνis gáudia consequámur.

Per Christum Dóminum nostrum.

R. Amen.

**979.** Tunc celebrans in turibulum incensum immittit et incensat Crucem. Postea canitur antiphona (cf. App. n. 19):

Crucem tuam adorámus, Dómine,

et sanctam resurrectiόνem tuam

laudámus et glorificámus:

ecce enim propter lignum

venit gáudium in unívérso mundo.

vel (cf. App. n. 20):

Per signum Crucis

de inimícis nostris

líbera nos, Deus noster.

vel alius aptus cantus in honorem sanctæ Crucis.

**980.** Cantu expleto, si commode peragi potest, celebrans, ministri, fideles novam Crucem venerantur: singuli ad eam ordinatim accedunt

eique venerationis exhibent signum, secundum loci consuetudinem. Quod si fieri nequit, celebrans paucis verbis ad sanctæ Crucis venerationem populum invitat, qui eam veneratur, vel servando aliquod spatium silentii vel aptam acclamationem proferendo, v. gr.:

Hoc signum crucis erit in cælo  
cum Dóminus ad iudicándum vénerit.

#### CONCLUSIO RITUS

981. Veneratione Crucis expleta, fit oratio universalis, vel modo in Missæ celebratione consueto vel modo qui hic proponitur:

Redemptórem nostrum, qui per Crucem suam nos redémit,  
cum fidúcia deprecémur, dicéntes:

*R. Per crucem tuam salva nos, Dómine.*

Christe, qui temetípsum exinanísti,  
formam servi accípiens  
in similitúdinem hóminum factus,  
— præsta ut ómnia Ecclésiæ membra  
tuam humilitátem imiténtur. *R.*

Christe, qui humiliásti temetípsum  
factus obœdiens usque ad mortem,  
mortem autem crucis,  
— da servis tuis obœdiéntiæ et patiéntiæ virtútem. *R.*

Christe, qui exaltátus a Deo  
accepísti nomen quod est super omne nomen,  
— concéde ut fidéles tui in tuo semper servítio perseverént. *R.*

Christe, in cuius nómine omne genu flectátur opórtet,  
cæléstium, terréstrium et infernórum,  
— omnes áttrahe ad cor tuum ut te veneréntur,  
teque fidéliter adórent. *R.*

Christe, quem omnis lingua confitébitur  
Dóminum in glóriam Dei Patris,

— récipe fratres nostros defúntos  
in regnum beatitúdinis perpétuæ. R.

982. Deinde celebrans opportune introducit orationem dominicam  
his vel similibus verbis:

Verba et exémpia Christi patiéntis secúti,  
oratiónem dicámus qua nos Dei Patris voluntáti  
in fide commítimus.

Omnes:

Pater noster, qui es in cælis;  
sanctificétur nomen tuum;  
advéniat regnum tuum;  
fiat volúntas tua, sicut in cælo et in terra.  
Panem nostrum cotidiánum da nobis hódie;  
et dimítte nobis débita nostra,  
sicut et nos dimíttimus debitóribus nostris;  
et ne nos indúcas in tentatiónem;  
sed líbera nos a malo.

Celebrans immediate prosequitur:

Deus, qui Unigénitum tuum Crucis torméntum  
subíre voluísti, ut salvum fáceret genus humánum,  
præsta, quæsumus, ut, cuius mystérium  
in terra cognóvimus,  
eius redemptionis præmia in cælo cónsequi mereámur.  
Per Christum Dóminum nostrum.

Omnes:

Amen.

983. Tunc celebrans benedicit populum more consuetudo; diaconus  
vero populum dimittit.

## CAPUT XXIX

### ORDO AD BENEDICENDAS IMAGINES QUÆ FIDELIUM VENERATIONI PUBLICÆ EXHIBENTUR

#### PRÆNOTANDA

984. Ad imaginem et similitudinem suam Deus hominem fecit.<sup>21</sup> Hanc divinam imaginem, quam homo, in seipso, peccando misere fœdavit, Christus, qui est plena et perfecta « imago Dei invisibilis »<sup>22</sup> moriendo misericorditer reparavit. In Christo autem discipuli eius nova fiunt creatura<sup>23</sup> et, Spiritus Sancti operante virtute, in eiusdem imaginem transformantur.<sup>24</sup>

985. Quo altius fideles inspiciant mysterium gloriæ Dei, quæ resplenduit in facie Iesu Christi<sup>25</sup> atque in Sanctis eius relucet, et ipsi « lux in Domino » fiant<sup>26</sup> mater Ecclesia ad sacras imagines venerandas eos pie invitat. Quæ, cum interdum summo artificio sint perfectæ ac religiosa polleant nobilitate, illius pulchritudinis iubar reddere videntur, quæ a Deo procedit et ad Deum ducit. Imagines enim non solum Iesum Christum et Sanctos quos effingunt in fidelium memoriam revocant, sed et in eorum conspectum quodammodo eos adducunt: « Quanto enim frequentius per imaginalem formationem videntur, tanto, qui has contemplantur, alacrius eriguntur ad primitivorum earum memoriam et desiderium ».<sup>27</sup>

Quare sacrarum imaginum veneratio in præcipuis et insignibus formis illius cultus qui Christo Domino et, alio quidem modo, Sanctis debetur adnumeratur<sup>28</sup> « non quod credatur inesse aliqua in iis divi-

<sup>21</sup> Cf. Gen 1, 26-27.

<sup>22</sup> Col 1, 15.

<sup>23</sup> Cf 2 Cor 5, 17.

<sup>24</sup> Cf. 2 Cor 3, 18.

<sup>25</sup> Cf. 2 Cor 4, 6; Mt 17, 2.

<sup>26</sup> Eph 5, 8.

<sup>27</sup> Conc. Nicænum II, Act. VII; Mansi XIII, 378; Denzinger-Schönmetzer, 601.

<sup>28</sup> Cf. Conc. Vat. II, Const. de Sacra Liturgia *Sacrosanctum Concilium*, n. 111.



nitas vel virtus, propter quod sint colendæ », sed « quoniam honor qui eis exhibetur refertur ad prototypa quæ illæ repræsentant ».<sup>29</sup>

986. Cum publicæ fidelium venerationi, præsertim in ecclesiis, ad mentem Constitutionis liturgicæ Sacrosanctum Concilium, n. 125, principalis nova imago sancta exhibetur, præstat eam benedicere ritu particulari qui hic proponitur. Ritus autem non fit intra Missam. Si vero agitur de sancta imagine in fidelium domibus tantum veneranda, benedicatur ritu qui infra cap. XXXVII describitur.

987. In hoc capite tres ordines continentur:

- a) ordo benedicendi imaginem Domini nostri Iesu Christi;
- b) ordo benedicendi imaginem beatæ Mariæ Virginis;
- c) ordo benedicendi imaginem unius vel plurium Sanctorum.

988. Ordines, qui hic præbentur, adhiberi possunt a presbytero, qui, ritus structura et elementis potioribus servatis, semper quædam elementa sumere potest, ut celebratio adiunctis loci et personarum melius accommodetur. Si ritui laudabiliter præest Episcopus, omnia opportune aptentur.

989. Benedictio imaginis sacrae celebrationi Vesperarum coniungitur, die qua Vesperæ respondentes vel celebrandæ sunt vel celebrari possunt.

Vesperæ more consueto celebrantur. Absoluta tamen psalmodia, convenienter fit lectio longior, selecta ex iis quæ in Lectionario proponuntur pro festis Domini, beatæ Mariæ Virginis et Sanctorum.

Deinde celebrans homiliam habet in qua cum lectionem biblicam tum imaginum sacrarum momentum in Ecclesia illustrat.

Post lectionem biblicam vel homiliam, pro opportunitate, omnes per aliquod temporis spatium verbum Dei silentio meditantur. Tum canitur responsorium ex Liturgia Horarum vel cantus eiusdem indolis.

Cantu expleto, celebrans dicit orationem benedictionis quam sequitur canticum evangelicum cum propria antiphona. Imago incensatur dum canitur canticum, post altaris crucisque incensationem.

Prosequitur ac concluditur celebratio Vesperarum more solito.

<sup>29</sup> Conc. Tridentinum, Sess. XXV: Denzinger-Schönmetzer, 1823.

## I. ORDO BENEDICTIONIS IMAGINIS DOMINI NOSTRI IESU CHRISTI

### RITUS INITIALES

**990.** Populo congregato, opportune fit cantus aptus, quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**991.** Deinde celebrans adstantes salutatur, dicens:

Grátia vobis et pax a Deo Patre,  
et a Dómino nostro Iesu Christo,  
qui est imágo Dei invisíbilis.

vel alia apta verba e Sacra Scriptura præsertim deprompta. Populus respondet:

Et cum spírítu tuo.

vel alio apto modo.

**992.** Deinde celebrans fideles breviter alloquitur ut eorum animos ad celebrationem disponat et ritus sensum illustret, quod facere potest his vel similibus verbis:

Vere habémus quod lætémur, fratres dilectíssimi, quia Deum sumus benedictúri ocasióne data huius novæ imáginis Dómini nostri Iesu Christi ..., quam públice venerándam fidélibus propónimus. Hæc sacra imágo id in primis récolat, Christum invisíbilis Dei visíbilem esse imáginem: ætérnus Dei Fílius qui descéndit in Vírginis sinum, Dei Patris signum est et sacraméntum. Ipse enim dixit: « Qui videt me, videt et Patrem ». Hanc ergo imáginem venerántes, ad Christum óculos levémus, qui cum Patre et Spírítu regnat in ætérnum.

## LECTIO VERBI DEI

993. Deinde lector, unus ex adstantibus vel ipse celebrans legit unum vel plures Sacrae Scripturae textus, selectos praesertim ex iis qui in Missalis Romani vel Liturgiae Horarum Lectionario proponuntur pro celebratione peculiaris mysterii dominici quod imagine repraesentatur, interiectis congruentibus responsoriis vel intervallis silentio peragendis. Lectio autem Evangelii principem locum semper obtineat. Legi possunt etiam textus qui infra proponuntur.

Col 1, 12-20 « *Christus Dominus est imago Dei invisibilis* ».

Audíte, fratres, verba Pauli apóstoli ad Colossenses.

Grátias ágimus Deo Patri, qui idóneos vos fecit in partem sortis sanctórum in lúmine; qui erípuit nos de potestáte tenebrárum et tránstulit in regnum Fílii dilectiónis suæ, in quo habémus redemptionem, remissionem peccatórum; qui est imágo Dei invisíbilis, primogénitus omnis creatúrae, quia in ipso cóndita sunt univérsa in cælis et in terra, visibília et invisibília, sive throni, sive dominationes, sive principátus, sive potestátes. Omnia per ipsum et in ipsum creáta sunt, et ipse est ante ómnia, et ómnia in ipso constant. Et ipse est caput córporis ecclésiæ; qui est princípium, primogénitus ex mórtuis, ut sit in ómnibus ipse primátum tenens, quia in ipso complácuit omnem plenitúdinem habitáre et per eum reconciliáre ómnia in ipsum, pacíficans per ságuinem crucis eius, sive quæ in terris sive quæ in cælis sunt.

994. Vel:

Io 14, 1-11 « *Qui vidit me, vidit Patrem* ».

In illo témpore: Dixit Iesus discípulis suis: « Non turbétur cor vestrum ...

995. Pro opportunitate, dici vel cani potest psalmus responsorius aut alius cantus aptus.

Ps 8, 4-5. 6-7a

R. (2a) *Dómine, Dóminus noster,*  
*quam admirábile est nomen tuum in univérsa terra.*

Ap 15, 3. 4

R. (Ap 14, 7) *Timéte Dóminum et date illi glóriam!*

996. Celebrans, pro opportunitate, homiliam habet, in qua cum lectiones biblicas tum mysterium Domini in imagine repræsentatum illustrat, ut sensus celebrationis fide percipiatur.

---

#### PRECES

997. Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria communitatis vel rerum adiunctis respiciant.

Deum Patrem deprecémur, qui Verbum suum, per quod ómnia creáta sunt et in quo ómnia constant, nobis dedit salvatórem et redemptórem, eíque dicámus:

R. *Concéde nobis Fílio tuo confórmes fieri.*

Pater, cuius Fílius infínita est Sapiéntia  
ac summa Véritas,

— præsta ut eum in dies áltius cognoscéntes,  
ei árctius étiam adhærére cupiámus. R.

Pater, qui Fílium tuum mittens in terram  
eam exsultatiónis rore perfudísti,

— lætífica cor nostrum contínua Christi præsentia. R.

Pater, qui Christum unxísti  
sacerdotem, regem ac prophétam,

— præsta ut ipse nos invéniat  
acceptábiles hóstias, servos fidéles, sédulos discípulos. R.

Pater, qui voluísti Christum  
nobis magístrum esse mitem et húmílem corde,  
— concéde ut benignitátem et mansuetúdinem  
ab eo dóciles discámus. R.

Pater, qui per sánguinem crucis Christi  
ómnia tibi reconciliásti,  
— fac ut nos operatóres simus concórdiæ et pacis. R.

Pater, qui ineffábili providéntiæ consílio  
voluísti Salvatórem nostrum in ligno suspéndi  
ut mortem et inférnum destrúeret,  
— da nobis eius morti sociári,  
ut ipsíus resurrectionis efficiámur consórtes. R.

Tum sequitur oratio benedictionis ut infra.

**998.** Quando preces non dicuntur, ante orationem benedictionis, celebrans, his vel similibus verbis, omnes ad orandum invitat, ut divinum exposcant auxilium:

Orémus, fratres caríssimi,  
Deum Patrem omnipoténtem,  
ut, Christi recoléntes mystérium,  
nostræ salútis fructus cónsequi mereámur.

Et pro opportunitate, omnes per aliquod temporis spatium silentio orant.

---

#### ORATIO BENEDICTIONIS

**999.** Tum celebrans, manibus extensis, benedictionis orationem profert:

Benedícimus te, Pater, humáni géneris amátor bone,  
qui Verbum tuum in mundum misísti  
ut, ex intácta Vírgine carnem assúmens,

noster fieret salvátor ac primogénitus frater,  
per ómnia nobis símilis absque peccáto.  
In Christo nobis suprénum dedísti  
sanctitátis exémples:  
eum púerum venerátur Ecclésia,  
quæ, in cunis débilem cernens infántem,  
Deum adórat cunctipoténtem;  
fáciem eius contémples  
vultum réspicit tuæ bonitátis  
atque ex ore eius verba háuriens vitæ,  
tua replétur sapiéntia;  
eius cordis ima caritátis explórans,  
Spíritus igne ipsa combúritur,  
quo ille in regeneratióem effúndit,  
eum respiciens divíno cruóre purpurátum,  
pretiósus colit ságuinem,  
quo et ipsa dealbátur;  
sed et Christi gaudens resurrectiόe,  
Sponsi glóriam prægustádo participat.  
Te igitur, Dómine, súpplīces deprecámur  
ut fidēles tui hanc Christi venerántes effígiem,  
hoc idem séntiant quod et in Christo Iesu,  
et qui imáginem portárunt terréni hómīnis,  
cæléstis étiam réferant aliquádo.  
Fílius tuus sit eis, Pater,  
via qua ad te gradiántur,  
véritas eórum corda collústrans,  
vita qua alántur et vivant;  
sit eis lux quæ itíneris díssipet umbras,  
petra ubi fatigáti requiēscant,  
porta qua in novam admittántur Ierúsalem.  
Qui vivit et regnat in sæcula sæculórum.

R. Amen.

1000. Vel:

Deus, qui lucem hábitas inaccessibilem,  
et tanta nos dilexísti caritáte,  
ut te, invisibilem, in Christo  
nobis visibilem præbéres:  
hos fámulos intuére benígnus,  
qui hanc Fílii tui effígiem figurárunt,  
et præsta ut ipsi in eum transforméntur,  
cuius imáginem venerántur.  
Qui vivit et regnat in sácula sæculórum.  
R. Amen.

1001. Post orationem benedictionis, celebrans, imposito ture, incensat imaginem; dum canitur antiphona, hymnus aut psalmus de Christi mysterio in imagine repræsentato, vel alius cantus aptus.

#### CONCLUSIO RITUS

1002. Celebrans populum benedicit, manibus super eum extensis, dicens:

Pax Dei, quæ exsúperat omnem sensum,  
custódiat corda vestra  
et intellegéntias vestras  
in sciéntia et caritáte Dei,  
et Fílii sui, Dómini nostri Iesu Christi.

Omnes:

Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

Omnes:

Amen.

1003. Laudabiliter ritus cantu apto perficitur.

## II. ORDO BENEDICTIONIS IMAGINIS BEATÆ MARIÆ VIRGINIS

### RITUS INITIALES

**1004.** Populo congregato, opportune fit cantus aptus, quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**1005.** Deinde celebrans adstantes salutatur, dicens:

Grátia Dómini nostri Iesu Christi,  
ex alma Vírgine nati,  
et cáritas Dei  
et communicátio Sancti Spíritus  
sit cum ómnibus vobis.

vel alia apta verba e Sacra Scriptura præsertim deprompta. Populus respondet:

Et cum spírítu tuo.

vel alio apto modo.

**1006.** Deinde celebrans fideles breviter alloquitur ut eorum animos ad celebrationem disponat et ritus sensum illustret, quod facere potest his vel similibus verbis:

Huc, fratres dilectíssimi, lætántes convénimus ad imáginem beátæ Mariæ Vírginis benedicéndam. Hoc simulácrum sub título N., significábit qualis et quanta sit necessitúdo beátæ Vírginis Mariæ cum Christo eiúsque Ecclésia. Sancta María



enim mater est Christi visibilis, imáginis Dei invisibilis, sed et ipsa est imágo, typus, exémpplar Ecclésiæ: imágo, in qua Ecclésia id quod ipsa tota esse cupit cum gáudio contemplá-tur; typus, in quo viam et disciplínam agnóscit ad perféctam cum Christo uniónem consequéndam; exémpplar quo Sponsa Christi innítitur in apostólico múnere adimpléndo. Huic sacrae actióni inténtis ánimis iúgiter pióque fervóre adesse conémur.

#### LECTIO VERBI DEI

**1007.** Deinde lector, unus ex adstantibus vel ipse celebrans legit unum vel plures Sacrae Scripturae textus, selectos praesertim ex iis qui in Missalis Romani vel Liturgiae Horarum Lectionario proponuntur sive in Communi sive in Proprio beatae Mariae Virginis, interiectis congruentibus sponsoriis vel intervallis silentio peragendis. Legi possunt etiam textus qui infra proponuntur.

Lc 1, 42-50 « *Beatam me dicent omnes generationes* ».

Audíte, fratres, verba sancti Evangélii secúndum Lucam.

Elísabeth exclamávit voce magna et dixit: « Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ crédidit, quóniam perficiéntur ea, quæ dicta sunt ei a Dómino ». Et ait María: « Magníficat ánima mea Dóminum, et exsultávit spíritus meus in Deo salvatóre meo, quia respéxit humilitátem ancíllæ suæ. Ecce enim ex hoc beátam me dicent omnes generatiónes, quia fecit mihi magna, qui potens est, et sanctum nomen eius, et misericórdia eius in progénies et progénies tíméntibus eum ».

1008. Vel:

Ap 11, 19a; 12, 1-6a. 10ab « *Signum magnum apparuit in cælo* ». Apértum est templum Dei ... *usque ad* in templo eius ... 12, 6 *usque ad* parátum a Deo. 10 *usque ad* Christi eius.

Lc 1, 26-38 « *Ecce concipies in utero et paries filium* ».

In illo témpore: Missus est ángelus Gábriel ...

Io 19, 25-27 « *Ecce filius tuus. Ecce mater tua* ».

In illo témpore: Stabant iuxta crucem Iesu ...

1009. Pro opportunitate, dici vel cani potest psalmus responsorius aut alius cantus aptus.

Ps 112 (113), 1-2. 3-4. 5-6. 7-8

R. *Sit nomen Dómini benedíctum in sæcula.*

Lc 1, 46-47. 48-49. 50-51. 52-53. 54-55

R. (49) « *Fecit mihi magna qui potens est,  
et sanctum nomen eius* ».

1010. Celebrans, pro opportunitate, homiliam habet in qua cum lectiones biblicas tum munus beatæ Mariæ Virginis in historia salutis illustrat, ut sensus celebrationis fide percipiatur.

---

## PRECES

1011. Ubi opportunum videtur, ante orationem benedictionis, communis prex haberi potest. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria communitalis vel rerum adiuncta respiciant.

Salvatórem nostrum celebrántes, qui ex María Vírgine nasci dignátus est, exorémus dicéntes:

R. *Intercédát pro nobis Mater tua, Dómine.*

Salvátor mundi,  
qui redemptionis tuæ virtúte

ab omni peccáti labe Matrem tuam præservásti,  
— serva nos mundos a peccáto. R.

Redemptor noster,  
qui Vírginem Mariám domum habitatiónis tuæ  
et Spíritus Sancti fecísti sacrárium,  
— nos templum ædifica in quo Spíritus tuus  
semper inhábitet. R.

Sacérdos noster,  
qui iuxta crucem Matrem tuam astáre voluísti,  
— præsta ut, ipsa intercedénte,  
communicántes tuis passió nibus gaudeámus. R.

Rex regum,  
qui Matrem tuam córpore et ánima  
tecum voluísti in cælum assúptam,  
— fac ut quæ sursum sunt semper quærámus  
atque sapiámus. R.

Dómine cæli et terræ,  
qui Mariám reginam a dextris tuis astáre fecísti,  
— tríbue nobis ut eiúsdem glóriæ mereámur  
esse consórtes. R.

Tum sequitur oratio benedictionis ut infra.

**1012.** Quando Preces non dicuntur, ante orationem benedictionis, celebrans, his vel similibus verbis, omnes ad orandum invitat, ut divinum exposcant auxilium:

In unum congregáti,  
sicut Mater Iesu et Apóstoli,  
preces Deo nostro súpplikes effundámus.

Et pro opportunitate, omnes per aliquod temporis spatium silentio orant.

## ORATIO BENEDICTIONIS

1013. Tum celebrans, manibus extensis, benedictionis orationem profert:

Te confitémur, Dómine, ineffábilis Deus,  
qui ante mundi primórdia  
Christum constituísti universórum princípium et finem  
eíque miro pietátis consílio  
beátam Víginem iunxísti,  
quæ Fílii tui Génetrix esset et sócia,  
Ecclésiæ imágo et exémpLAR,  
ómniū nostrum mater atque advocáta:  
ipsa est enim múlter nova,  
quæ antíquæ Evæ reparávit ruínam;  
præcélsa Fília Sion,  
quæ, súpplícem vocem Patriarchárum gemítibus iungens,  
exspectatióem vétérís Israel corde suscepit;  
ancílla pauper et húmilis,  
ex qua Sol iustítiæ procéssit,  
Fílius tuus, Dóminus noster Iesus Christus.  
Pater sancte, súpplícēs te rogámus ut fidéles tui,  
qui hanc beátæ Vírginis effígiem apparárunť,  
eius protectióne perpétuo muniántur  
et in corde figant imáginem quam óculis intuéntur.  
Sit eis fides indeficiens et firma spes,  
própera sit cáritas et humílitas sincéra;  
sit in dolóre fortitúdo, in paupertáte dígnitas,  
in advérsis tolerántia, in prósperis commúnio;  
sint ipsi pacis factóres et operatóres iustítiæ,  
donec, itinéríbus mundi in tui et fratrum amóre peráctis,  
ad manéntem pervéniant Civitátem,  
ubi beáta Virgo Mater intercédit et fulget Regína.  
Per Christum Dóminum nostrum.

R. Amen.

1014. Vel:

Deus, qui Ecclesiæ tuæ peregrinanti  
in beata Virgine futuræ gloriæ imaginem dedisti,  
præsta ut fideles tui,  
qui hanc sanctæ Mariæ effigiem appararunt,  
oculos suos ad eam fidenter attollant,  
quæ toti electorum plebi virtutum præfulget exemplar.  
Per Christum Dóminum nostrum.

R. Amen.

1015. Post orationem benedictionis celebrans pro opportunitate,  
imposito ture, incensat imaginem, dum canitur psalmus aut hymnus  
de beatæ Mariæ Virginis titulo in imagine repræsentato, vel v. gr.  
una ex sequentibus antiphonis (cf. App. n. 21):

Benedicta es tu, Virgo María,  
a Dómino Deo excélso  
præ ómnibus muliéribus super terram.

vel (cf. App. n. 1):

Sub tuum præsidium confúgimus,  
sancta Dei Génatrix;  
nostras deprecationes ne despicias in necessitatibus;  
sed a periculis cunctis libera nos semper,  
Virgo gloriósa et benedicta.

#### CONCLUSIO RITUS

1016. Celebrans populum benedicit, manibus extensis super eum,  
dicens:

Deus, qui per beatæ Mariæ Virginis partum  
genus humánum sua vóluit benignitate redímere,  
sua vos dignetur benedictione ditare.

R. Amen.

Eiusque semper et ubique patrocínia sentiátis,  
per quam auctórem vitæ suscipere meruístis.

R. Amen.

Et qui hodiérna die devótis méntibus convenístis,  
spiritalium gaudiórum cælestiúmque præmiórum  
vobíscum múnera reportétis.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

1017. Laudabiliter ritus apto cantu perficitur.

### III. ORDO BENEDICTIONIS IMAGINIS SANCTORUM

#### RITUS INITIALES

1018. Populo congregato, opportune fit cantus aptus, quo expleto,  
celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

1019. Deinde celebrans adstantes salutat, dicens:

Grátia Dómini nostri Iesu Christi,  
qui est coróna Sanctórum ómnium,  
et cáritas Dei,  
et communicatio Sancti Spíritus  
sit cum ómnibus vobis.

vel alia apta verba e Sacra Scriptura præsertim deprompta.

Populus respondet:

Et cum spírítu tuo.

vel alio apto modo.

**1020.** Deinde celebrans fideles breviter alloquitur ut eorum animos ad celebrationem disponat et ritus sensum illustret, quod facere potest his vel similibus verbis:

Ritum celebratúri, fratres, quo Deus benedicétur, occasióne data hanc novam et præcláram imáginem sancti N., fidélium veneratióni públicæ exhibéndi, ánimos in primis apte disponámus opórtet, ut celebratiónis sensum perspéctum habeámus. Sanctórum imáginés públicæ fidélium veneratióni éxhibens, id Mater Ecclésia máxime spectat ut nos, effígies eórum qui Christum fidéliter sunt secúti conspiciéntes, futúram Civitátem inquirámus, simúlque edoceámur qua via ad perféctam cum Christo uniónem tutíssime perveníre possímus. Sancti enim Iesu Christi amíci sunt et coherédes, fratres quoque nostri ac benefactóres exímii, qui nos díligunt, nobis adsunt, solícite pro nobis intercédunt, mirábili modo nobíscum commúnicant.

#### LECTIO VERBI DEI

**1021.** Deinde lector, unus ex adstantibus vel ipse celebrans legit unum vel plures Sacrae Scripturae textus, selectos praesertim ex iis qui in Missalis Romani vel Liturgiae Horarum Lectionario proponuntur sive in Communi sive in Proprio Sanctorum, interiectis congruentibus psalmis responsoriis vel intervallis silentio peragendis. Lectio Evangelii principem locum semper obtineat. Legi possunt etiam textus qui infra proponuntur.

Mt 5, 1-12a « *Gaudete et exsultate, quoniam merces vestra copiosa est in caelis* ».

Audíte, fratres, verba sancti Evangélíi secúndum Mattháeum. Videns Iesus turbas, ascéndit in montem; et cum sedísset, accessérunt ad eum discípuli eius; et apériens os suum docébat eos dicens:  
« Beáti páuperes spírítu, quóniam ipsórum est regnum caelórum.

Beāti qui lugent, quóniam ipsi consolabúntur.

Beāti mites, quóniam ipsi possidébunt terram.

Beāti qui esúriunt et sítiunt iustítiam, quóniam ipsi saturabúntur.

Beāti misericórdes, quia ipsi misericórdiam consequéntur.

Beāti mundo corde, quóniam ipsi Deum vidébunt.

Beāti pacífici, quóniam filii Dei vocabúntur.

Beāti qui persecutiónem patiúntur propter iustítiam, quóniam ipsórum est regnum cælórum.

Beāti estis cum maledíxerint vobis et persecúti vos fúerint et díxerint omne malum advérsus vos, mentiéntes, propter me; gaudéte et exsultáte, quóniam merces vestra copiósa est in cælis ».

**1022.** Vel:

Eph 3, 14-19 « *Scire supereminentem scientiæ caritatem Christi* ».  
Flecto génua mea ad Patrem ...

1 Petr 4, 7b-11 « *Unusquisque, sicut accepit donationem, in alterutrum illam administrantes* ».

Caríssimi: Estóte prudéntes ...

1 Io 5, 1-5 « *Hæc est victoria, quæ vincit mundum: fides nostra* ».  
Caríssimi: Omnis qui credit ...

**1023.** Pro opportunitate, dici vel cani potest psalmus responsorius aut alius cantus aptus.

Ps 1, 1-2. 3. 4 et 6

R. (2a) *In lege Dómini volúntas eius.*

Ps 14 (15), 2-3. 4-5

R. (Cf. 1b) *Iustus requiéscet in monte sancto tuo, Dómine.*

Ps 33 (34), 2-3. 4-5. 6-7. 8-9. 10-11

R. (2a) *Benedícam Dóminum in omni témpore.*



1024. Deinde celebrans, pro opportunitate, homiliam habet, in qua cum lectiones biblicas tum munus Sanctorum in vita Ecclesiæ apte illustrat, ut sensus celebrationis fide percipiatur.

---

#### PRECES

1025. Ubi opportunum videtur, ante orationem benedictionis, communis prex haberi potest. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria communitatis vel rerum adiuncta respiciant.

Deum Patrem, qui Sanctos reddit confórmes imáginí Fílii sui et Spíritus virtúte Ecclésiám iúgiter sanctíficat, súpplíces exorémus, dicéntes:

R. *Per intercessiónem Sancti N., salva nos, Dómine.*

Deus, fons sanctitátis,  
qui multifórmis grátiae tuæ mirabília  
in Sanctis fulgére fecísti,  
— concéde nobis in illis magnitúdinem tuam celebráre. R.

Deus sapientíssime,  
qui Apóstolos per Christum  
Ecclésiæ fundaméntum constituísti,  
— serva fidéles tuos in eórum doctrína. R.

Qui Martýribus fortitúdinem testimónii  
usque ad effusióem ságuinis dedísti,  
— redde christiános testes fidéles Fílii tui. R.

Qui sanctis Virgínibus  
donum insígne dedísti Christum vírginem imitándi,  
— concéde ut virginitátem tibi consecrátam  
peculiáre signum cæléstium bonórum agnóscant. R.

Qui in Sanctis ómnibus præséntiam tuam osténdis  
et vultum et verbum tuum manifestas,

— tríbue fidélibus tuis ut, dum illos venerántur,  
tibi se séntiant préssius adhærére. R.

Tum sequitur oratio benedictionis ut infra.

**1026.** Quando preces non dicuntur, ante orationem benedictionis, celebrans, his vel similibus verbis, omnes ad orandum invitat, ut divinum exposcant auxilium:

Uníus Spíritus virtúte  
ex multis géntibus congregáti,  
et cuncti ad unam sanctitátem vocáti,  
unum Deum et Patrem supplíciter exorémus.

Et pro opportunitate, omnes per aliquod temporis spatium silentio orant.

---

#### ORATIO BENEDICTIONIS

**1027.** Tum celebrans, manibus extensis, benedictionis orationem profert:

Te magnificámus, Dómine,  
quia solus es sanctus et, nostri misértus,  
in mundum misísti Fílium tuum, Iesum Christum,  
omnis sanctitátis auctórem et consummatórem;  
qui, super nascéntem Ecclésiám,  
Sanctum Paráclitum emísit Spíritum:  
vocem, quæ sanctitátis docet arcána,  
auram, quæ fórtia súggerit atque suávia,  
ignem, qui corda fidélium exúrit caritáte,  
semen divínium, quod ubérrimos grátiae gérmínat fructus.  
Te igitur, Dómine, hódie glorificámus,  
quia eiúsdem Spíritus donis beátum N. ditásti,  
in cuius veneratióne fámuli tui  
hanc imáginem effingéndam curárunť.

Concéde, quæsumus, ut ipsi vestigia Dómini sectántes  
et sancti N. intuéntes exémpła,  
in virum occúrrant perféctum,  
in mensúram ætátis plenitúdinis Christi.  
Verbo et exémplo Evangélium núntient,  
pro quo ne sánguinem quidem dúbitent offérre;  
crucem domínica cotídie baiulántes,  
pro tui fratrumque servítio impendántur;  
terrénæ civitátis expléntes offícia,  
eam ímbuant Spíritu Christi  
et ad mansiónem supérnam óculos attóllant,  
ubi tu, Pater, eos cum Fílio tuo regnatúros excípies.  
Qui tecum vivit et regnat in sæcula sæculórum.  
R. Amen.

**1028.** Vel:

Deus, fons omnis grátiae et sanctitátis,  
intuére benígnus nos fámulos tuos,  
qui hanc sancti N. effígiem apparávimus,  
et præsta ut eius intercessiónem experiámur,  
qui, Christi amícus et cohéres efféctus,  
evangélicæ vitæ testis effúlget  
et apud te exímius intercéssor.  
Per Christum Dóminum nostrum.  
R. Amen.

**1029.** Post orationem benedictionis celebrans pro opportunitate,  
imposito ture, incensat imaginem, dum canitur psalmus, aut hymnus  
qui congruat Sancto cuius imago benedicitur, vel una ex sequentibus  
antiphonis (cf. App. n. 22):

Laudem dícite Deo nostro,  
omnes Sancti eius  
et qui timétis Deum, pusílli et magni;  
quóniam regnávit Dóminus Deus noster omnípotens.

Gaudeámus, et exsultémus,  
et demus glóriam ei.

Vel antiphona (cf. App. n. 23):

Sapiéntiam Sanctórum narrent pópuli,  
et laudes eórum núntiet Ecclésia.

#### CONCLUSIO RITUS

**1030.** Celebrans populum benedicit, manibus extensis super eum, dicens:

Deus, glória et exsultátio Sanctórum,  
benedícat vos benedictióne perpétua,  
qui vobis tríbuit tantis patrocíniis adiuvári.

R. Amen.

Eórum intercessióne a præséntibus malis liberáti,  
et exémpilis sanctæ conversatiónis instrúcti,  
in servítio Dei fratrúmque inveniámini semper inténti.

R. Amen.

Quátenus cum iis ómnibus  
valeátis illíus pátriæ vos gáudia possidére,  
in qua fílios suos supérnis coniúngi cívibus  
in pace perpétua sancta lætátur Ecclésia.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

**1031.** Laudabiliter ritus cantu apto perficitur.

## CAPUT XXX

### ORDO BENEDICTIONIS CAMPANÆ

#### PRÆNOTANDA

**1032.** Antiquus est mos christianam plebem aliquo signo vel sonitu ad cœtum liturgicum convocandi eamque monendi de præcipuis communitalis localis eventibus. Itaque campanarum vox sensus populi Dei quodammodo exprimit, cum ipse exsultat aut plorat, gratias agit aut supplicat, in unum convenit et suæ in Christo unitatis mysterium manifestat.

**1033.** Propter intimam rationem quam campanæ habent cum vita populi christiani, mos invaluit, qui opportune servatur, eas benedicendi antequam turre campanaria collocentur.

**1034.** Oportet campanam benedicendam loco designato ita suspendi vel collocari ut, si casus fert, commode circumiri et pulsari possit.

**1035.** Pro locorum et rerum adiunctis, campana benedicitur die festivo vel extra ecclesiam vel etiam intra ecclesiam, ritu qui infra nn. 1037-1050 proponitur. Si vero opportunum videtur eam infra Missam benedici, benedictio fit post homiliam, iis servatis quæ n. 1051 dicuntur.

**1036.** Hic Ordo adhiberi potest a presbytero, qui, ritus structura et elementis potioribus servatis, semper quædam elementa sumere potest ut celebratio adiunctis loci et personarum melius accommodetur. Si ritui laudabiliter præest Episcopus, omnia opportune aptentur.

## ORDO BENEDICTIONIS

## RITUS INITIALES

**1037.** Communitate congregata, opportune fit cantus aptus, quo expleto celebrans dicit:

In nómine Patris, et Filii, et Spíritus Sancti.

Omnes signo crucis se signant, et respondent:

Amen.

**1038.** Deinde celebrans adstantes salutat, dicens:

Grátia Dómini nostri Iesu Christi,  
cáritas Dei, qui nos cónvocat in unam Ecclésiám,  
et comunicátio Sancti Spíritus  
sit cum ómnibus vobis.

vel alia apta verba e Sacra Scriptura præsertim deprompta. Populus respondet:

Et cum spíritu tuo.

vel alio apto modo.

**1039.** Deinde celebrans fideles breviter alloquitur ut eorum animos ad celebrationem disponat et ritus sensum illustret, quod facere potest his vel similibus verbis:

Lætus nobis hodiérnus dies illúcet cum hæc ecclésiæ domus novis instruitur campánis, et occasio præbétur Deum hac celebratióne benedicéndi. Campánæ enim vitæ pópuli Dei quodámmodo conectúntur: eórum sonus témpora oratiónis metítur, plebem cóngregat ad litúrgicas actiões peragéndas, fidéles monet de gravióribus evéntibus qui hanc Ecclésiæ portiónem (hanc civitátem) aut síngulos fidéles vel lætítia vel dolóre affíciunt. Pia adsímus ergo devotióne his rítibus

ut in nostra vita campānas audiētes, recordēmus unam nos esse famíliam atque eárum sono obsequētes, in unum conveniāmus, nostram in Christo unitátem manifestántes.

#### LECTIO VERBI DEI

**1040.** Deinde lector vel unus ex adstantibus vel ipse celebrans legit textum Sacrarum Scripturarum ex iis qui infra proponuntur.

Mc 16, 14-16. 20 « *Euntes in mundum universum prædicate Evangelium omni creaturæ* ».

Audíte, fratres, verba sancti Evangélii secúndum Marcum.

Novíssime, recumbéntibus úndecim, illis Iesus appáruit, et exprobrávit incredulitátem illórum et durítiam cordis, quia his, qui víderant eum resuscitátum, non crediderant. Et dixit eis: « Eúntes in mundum univérsum prædicáte evangélium omni creatúræ. Qui credíderit et baptizátus fúerit, salvus erit; qui vero non credíderit, condemnábitur ». Illi autem profécti prædicavérunt ubíque, Dómino cooperánte et sermónem confirmánte, sequéntibus signis.

**1041.** Vel:

Num 10, 1-8. 10 « *Fac tibi duas tubas argenteas* ».

In diébus illis: Locútus est Dóminus ad Móysen ...

1 Chr 15, 11-12. 25-28; 16, 1-2 « *Deducebant arcam fæderis Domini in iubilo et bucina et tubis* ».

In diébus illis: Vocávit David Sadoc et Abiathar sacerdótes ...

Is 40, 1-5. 9-11 « *Exalta in fortitudine vocem tuam, quæ evangelizas Ierusalem* ».

« Consolámini, consolámini pópulum meum ...

Act 2, 36-39. 41-42 « *Vobis est repromissio et omnibus quoscumque advocaverit Dominus* ».

In die Pentecóstes dicébat Petrus Iudæis: « Certíssime sciat omnis domus Israel ...

Mt 3, 1-11 « *Venit Ioannes, prædicans: Appropinquavit regnum cælorum* ».

In diébus illis venit Ioánnes Baptísta, prædicans ...

Mc 1, 1-8 « *Vox clamantis in deserto: Parate viam Domini* ».

Initium Evangélii Iesu Christi Fílii Dei ...

**1042.** Pro opportunitate, dici vel cani potest psalmus responsorius aut alius cantus aptus:

Ps 28 (29), 1-2. 3 et 5. 7-9. 10-11

R. (4) *Vox Dómini in virtúte,  
vox Dómini in magnificéntia.*

Ps 150, 1-2. 3-4. 5

R. (2b) *Laudáte Dóminum  
secúndum multitudínem magnitúdinis eius.*

**1043.** Celebrans, pro opportunitate, adstantes breviter alloquitur, lectionem biblicam illustrans, ut sensum tum celebrationis tum usus campanæ percipiant.

---

#### PRECES

**1044.** Sequitur, pro opportunitate, prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria adstantium vel rerum adiuncta respiciant.

Ad Deum Patrem, qui Ecclésiám suam ex cunctis géntibus vult adunáre, súpplíces dirigámus preces, una voce dicéntes:

R. *Ecclésiám tuam cóngrega ex uníversis géntibus.*

Dómine Deus, qui in unum nos vocáre non désinis,  
ut, uno Spíritu animáti,  
unam viam percurrámus salútis. R.



Dómine Deus, qui nos, plebem tuam,  
signum perféctius vis fieri  
præséntiæ tuæ apud hómines. R.

Dómine Deus, qui fratrum dolóres et gáudia  
nos doces participáre,  
quo plénior fiat nostra diléctio. R.

Dómine Deus, qui supérna lætítia  
hódie nostrum locupléta cœtum,  
quo tui mystérii núntium ferat ad fratres. R.

Tum sequitur oratio benedictionis ut infra.

**1045.** Quando preces non dicuntur, ante orationem benedictionis, celebrans, his vel similibus verbis, omnes ad orandum invitat, ut divinum exposcant auxilium:

Laudes et petitiónes nostras ad Patrem,  
qui nos in unam congregávit domum,  
oratióne confirmémus.

Et pro opportunitate, omnes per aliquod temporis spatium silentio orant.

---

#### ORATIO BENEDICTIONIS

**1046.** Tum celebrans, manibus extensis, orationem benedictionis profert:

Te, Dómine, sancte Pater, benedícimus,  
qui Fílium tuum in hunc mundum misísti,  
ut hómines, peccáti vúlnerē dispérsos,  
effúso sáanguine congregáret,  
et, in unum colléctos ovíle,  
ipse, unus pastor, régeret atque nutríret.  
Te ergo, Dómine, deprecámur,

ut, campánæ sónitu advocánte,  
fidéles tui ad ecclésiám festína exsultatióne concúrrant  
et in Apostolorum doctrína, in fratérna concórdia,  
in fractiÓne panis et in oratiÓne perseve ántes,  
cor unum fiant et ánima una,  
ad laudem glóriæ tuæ.  
Per Christum Dóminum nostrum.

R. Amen.

1047. Vel:

Deus, cuius vox prima mundi luce  
in áuribus resonávit hóminis,  
eum ad divínium invítans consórtium,  
ineffábilia docens, salutária monens:  
Deus, qui Móysen, servum tuum,  
ad pópulum congregándum  
argénteas tubas adhibére iussísti;  
Deus, qui non rénuis in Ecclésia tua  
ex ære cónfici campánas,  
quæ pópulum tuum ad orándum invítent:  
hac benedictiÓne ✠ ut tibi dicátam áccipe  
hanc novam campánam,  
et fac, ut omnes fidéles tui,  
qui eius vocem percéperint,  
corda ad te dírigant  
et, fratrum gáudia et luctus participántes,  
ad domum ecclésiæ festínent,  
ubi Christum præséntem séntiant,  
verbum tuum áudiant  
votáque sua tibi pandant.  
Per Christum Dóminum nostrum.

R. Amen.

**1048.** Post orationem benedictionis celebrans, pro opportunitate, aqua benedicta aspergit et, imposito ture, incensat campanam, dum canitur antiphona (cf. App. n. 24):

Cantáte Dómino,  
et benedícite nómini eius, allelúia.

cum Psalmo 149, vel alius aptus cantus.

### Psalmus 149, 1-5

<sup>1</sup> Cantáte Dómino cánticum novum; \*  
laus eius in ecclésia sanctórum.

<sup>2</sup> Lætétur Israel in eo, qui fecit eum, \*  
et filii Sion exsúltent in rege suo.

(Repetitur antiphona)

<sup>3</sup> Laudent nomen eius in choro, \*  
in týmpano et cíthara psallant ei,

<sup>4</sup> quia beneplácitum est Dómino in pópulo suo, \*  
et honorábit mansuétos in salúte.

(Repetitur antiphona)

<sup>5</sup> Iúbilent sancti in glória, \*  
læténtur in cubílibus suis.

(Repetitur antiphona)

Glória Patri, et Fílio, \*  
et Spíritui Sancto.

Sicut erat in princípío, et nunc et semper, \*  
et in sácula sæculórum. Amen.

(Repetitur antiphona)

### CONCLUSIO RITUS

**1049.** Celebrans populum benedicit, manibus super fideles extensis, dicens:

Deus, qui ex multis géntibus  
unam cóngregat Ecclésiam,  
sua vos cleméntia benedícat,  
qui ad novam benedicéndam campánam  
huc festinánter convenístis.

R. Amen.

Miséricors ipse concédát, ut illi quos  
campánæ clara resonántis voce  
in domum ecclésiæ convocáverit,  
verbo, quod áudiunt, inténtas præbeant aures.

R. Amen.

Quátenus omni inter fratres divisióne subláta,  
et sincéra caritaté ínvicem diligéntes,  
divína mystéria unánimes célebrent.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

**1050.** Si opportunum videtur, celebrans et fideles campanam benedictam pulsanť in signum lætitiæ. Laudabiliter apto cantu ritus perficitur.

**1051.** Si benedictio campánæ fit intra Missam (cf. supra n. 1035), hæc servantur:

— dicitur Missa diei;

— lectiones, præterquam in sollemnitatibus, festis, diebus dominicis, sumi possunt vel ex Missa diei vel ex iis quæ nn. 1040-1042 proponuntur;

— benedictio campánæ fit post homiliam, iuxta ritum qui nn. 1044-1047 describitur.

## CAPUT XXXI

### ORDO BENEDICTIONIS ORGANI

#### PRÆNOTANDA

**1052.** In divinis mysteriis peragendis musica sacra magni est momenti; organum autem in Ecclesia latina in honore habetur, quippe quod sive cum cantus comitetur sive cum solum pulsetur, sacris addat splendorem, divinas laudes prosequatur, fidelium preces foveat, eorumque mentes ad Deum extollat.

Propter intimam rationem quam organum habet cum musica et cantu in actionibus liturgicis piisque populi christiani exercitiis, opportunum est illud benedici antequam usui liturgico destinetur.

**1053.** Hic Ordo adhiberi potest a presbytero, qui, ritus structura et elementis potioribus servatis, semper quædam elementa sumere potest, ut celebratio adiunctis loci et personarum melius accommodetur. Si ritui laudabiliter præest Episcopus, omnia opportune aptentur.

**1054.** Benedictio organi quolibet die peragi potest, præterquam temporibus quibus ius organi usum moderatur.

### ORDO BENEDICTIONIS

#### RITUS INITIALES

**1055.** Communitate congregata, opportune fit cantus aptus, quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**1056.** Deinde celebrans adstantes salutatur dicens:

Dei Patris diléctio,  
pax Dómini nostri Iesu Christi,  
et solácium Sancti Spíritus  
sit semper vobíscum.

vel:

Dóminus, quem Sancti sine fine colláudant,  
sit semper vobíscum.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**1057.** Tum celebrans adstantes ad benedictionem accipiendam disponit his vel similibus verbis:

Huc convénimus, fratres dilectíssimi, ad novum órganum benedicéndum, quo divínæ liturgiæ celebratio púlchrior evádat atque sollémnior. Cum enim ars música in sacris actiόνibus adhíbita id spectet in primis, ut glorificétur Deus et hómines sanctificéntur, sonus órgani signum fit præclárum illíus cantus novi, quem Deo cantáre iubémur: cánticum équidem novum tum vere cánimus cum bene vívimus, cum Dei voluntáti álacres lætíque adhærémus, cum, ínvicem diligéntes, mandátum novum adimplémus.

#### LECTIO VERBI DEI

**1058.** Deinde lector, unus ex adstantibus vel ipse celebrans legit textum Sacrarum Scripturarum ex iis qui infra proponuntur.

Col 3, 12-17 « *In gratia cantantes in cordibus vestris Deo* ».

Audíte, fratres, verba Pauli apóstoli ad Colossénses.

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patién-

tiam, supportántes ínvicem et donántes vobis ipsis si quis advérsus áliquem habet querélam; sicut et Dóminus donávit vobis, ita et vos. Super ómnia autem hæc caritátem, quod est vínculum perfectiónis. Et pax Christi dominétur in córdibus vestris, ad quam et vocáti estis in uno córpore. Et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spiritálibus, in grátia cantántes in córdibus vestris Deo; et omne, quodcúmque fácitis in verbo aut in ópere, ómnia in nómine Dómini Iesu grátias ágentes Deo Patri per ipsum.

**1059.** Vel:

Num 10, 1-10 « *Canetis tubis super holocaustis et pacificis victimis* ». Locútus est ...

1 Chr 15, 3. 16. 19-21. 25 *Clangebant tubis coram arcam*.  
Congregávit David univérsum Israel ...

2 Chr 5, 2-5a. 11-14 *Sacerdotes canentes tubis*.  
Congregávit Sálomon maióres natu Israel ... *usque ad tabernáculi*.

Eph 5, 15-20 « *Cantantes et psallentes in cordibus vestris Domino* ». Vidéte, caute quómodo ambulétis ...

Lc 1, 39-47 « *Exsultavit spiritus meus in Deo Salvatore meo* ». Exsúrgens María in diébus illis ábiit in montána ...

Lc 10, 21-22 « *Iesus exsultavit Spiritu Sancto* ». In illa hora ...

**1060.** Pro opportunitate, dici vel cani potest psalmus responsorius aut alius cantus aptus:

Ps 46 (47), 2-3. 7-8

R. (cf. 6) *Psállite Deo in iúbilo et in voce tubæ*.

Ps 97 (98), 1. 2-3. 4-6

R. (cf. 5 et 6) *Psállite et iubiláte Dómino*.

**1061.** Celebrans, pro opportunitate, adstantes breviter alloquitur, lectionem biblicam illustrans, ut sensum tum celebrationis, tum usus organi percipiant.

---

#### PRECES

**1062.** Sequitur, pro opportunitate, prex communis. Ex invocationibus, quæ infra proponuntur, celebrans seligere potest eas, quæ aptiores videantur vel alias adicere, quæ peculiaria adstantium vel rerum adiuncta respiciant.

Exsultantes, fratres dilectissimi, Deum omnipotentem magnificemus, pro innúmeris quibus nos cūmulat suæ bonitatis donis, eique, sicut Apóstolus ádmonet, grátias reddámus eius laudes corde et ore canéntes:

*R. Glória tibi, Dómine.*

Pater sancte, rex cæli et terræ,  
fons totius perfectiónis  
omnísque sacri concéntus  
inspirátor assíduus,  
te laudámus  
propter magnam glóriam tuam. *R.*

Dómine Iesu Christe, splendor glóriæ Patris,  
qui homo factus ad hómines venísti,  
ut peccátum mundi tólleres  
fratrésque redéptos tua ditáres grátia,  
te glorificámus  
propter magnam misericórdiam tuam. *R.*

Spíritus Sancte Deus,  
qui in hóminum córdibus inhábitas  
eósque in unum corpus ædíficas,  
te celebrámus  
propter tuam in Ecclésia arcánam præsentiam. *R.*



Sancta Trínitas, unus Deus,  
rerum ómnium princípium et finis,  
cui cánticum novum cæli et terra decántant,  
te adorámus  
propter investigábilem beatitúdinem tuam. R.

Tum sequitur oratio benedictionis ut infra.

**1063.** Quando preces non dicuntur, ante orationem benedictionis, celebrans, his vel similibus verbis, omnes ad orandum invitat, ut divinum exposcant auxilium:

Nunc vero, uníus qui sumus sanctæ Ecclésiæ membra,  
una voce et uno corde,  
Deum et Patrem nostrum invocémus.

et pro opportunitate, omnes per aliquod temporis spatium silentio orant.

---

#### ORATIO BENEDICTIONIS

**1064.** Tum celebrans, manibus extensis, benedictionis orationem profert:

Dómine Deus, qui semper antíqua es pulchritúdo,  
sempérque nova,  
cuius sapiéntia régitur mundus  
et bonitáte decorátur orbis,  
te Angelórum órdenes colláudant  
tuis semper nútibus obsequéntes,  
te sídera cóncinunt univérsa  
legis tuæ præcépta constánti motu servántes,  
te omnes redémpti sanctum una voce proclámant  
et corde, ore, vita,  
iucúnda exsultatióne concélebrant.  
Sed et nos, plebs tua sancta,

in hac æde lætánti ánimo congregáti,  
universáli concéntui nostras cúpimus iúngere voces:  
quo autem dígnus ad tuam maiestátem  
hymnus noster ascéndat,  
hoc tibi benedicéndum órganum exhibémus,  
ut eius sonu adiuvánte, laudes et preces  
concínna tibi modulatióne canámus.  
Per Christum Dóminum nostrum.

R. Amen.

**1065.** Deinde celebrans organum, imposito ture, incensat; dum illud  
opportune prima vice in usum deducitur.

#### CONCLUSIO RITUS

**1066.** Celebrans populum benedicit, manibus super fideles extensis,  
dicens:

Dóminus, qui omni est laude dignus,  
vobis concédatur, ut, cui ore, corde, vita  
nunc in terra cantáre satágitis,  
in cælis aliquándo cánticum novum  
perpétuo decantáre possitis.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

**1067.** Laudabiliter ritus cantu apto perficitur.

## CAPUT XXXII

### ORDO BENEDICTIONIS RERUM QUÆ IN LITURGICIS CELEBRATIONIBUS USURPANTUR

#### PRÆNOTANDA

**1068.** Inter res ad sacrum cultum pertinentes, quædam, utpote quæ peculiari sint observatione dignæ, antequam in usum assumantur laudabiliter benedicuntur.

**1069.** Calix et patena benedicuntur ritu in Pontificali Romano descripto.<sup>30</sup>

**1070.** Vasculum vero seu pyxis, ostensorium, vestes, quibus sacri ministri induuntur, necnon lintheamina, uti sunt corporalia et tobaleæ, quæ in liturgicis celebrationibus de more usurpantur, opportune benedicuntur.

**1071.** Res pro liturgicis celebrationibus benedicendæ respondere debent normis a legitima auctoritate statutis: pulchræ quidem sint et exquisita elegantia confectæ, semper tamen mera sumptuositate vitata.

**1072.** Convenit plures res unico ritu benedicere vel intra Missam vel etiam in aliqua celebratione, quam fideles opportune participant. Si vero una tantum res benedicenda sit, Ritus brevior extra Missam adhiberi potest.

**1073.** Ritus brevior extra Missam adhiberi potest etiam a diacono.

<sup>30</sup> Cf. *Pontificale Romanum*, Ordo Dedicationis ecclesiæ et altaris, Caput VII, Ordo benedictionis calicis et patenæ.

## I. ORDO BENEDICTIONIS INTRA MISSAM ADHIBENDUS

**1074.** Ad indolem didacticam celebrationum promovendam et ad ritus captui fidelium accommodandos, pro opportunitate, prævideri potest usus rerum benedictarum in eadem Missæ celebratione. Ideo vestes in Missæ celebratione a sacerdote induendæ necnon tobaleæ ad altare cooperiendum, ante ritus initiales coram populo benedici possunt.

**1075.** Alio vero modo post lectionem verbi Dei fit homilia, in qua sacerdos tum lectiones biblicas tum sensum benedictionis illustret.

**1076.** Oratione universali expleta, ministri vel legati communitalis offerentis, res benedicendas ante celebrantem deferunt.

**1077.** Tum celebrans adstantes ad benedictionem disponit his vel similibus verbis:

Fratres caríssimi, res quæ huc sunt allátæ, peculiári nunc benedictióne donántur ut significétur ad cultum divínium eas únice destinári. Sed Dóminum deprecémur ut nos quoque benedictióne sua confirmet, quátenus ipse, qui Sanctus est, et nos sanctos effíciat ac dignos, qui divína mystéria pia devotióne celebrémus.

### ORATIO BENEDICTIONIS

**1078.** Deinde celebrans dicit:

Orémus.

Et omnes per aliquod temporis spatium silentio orant. Tunc celebrans, extensis manibus, prosequitur:

Benedíctus Deus,  
qui per Fílium tuum, Novi Testaménti mediatórem,  
laudem nostram cleménter áccipis

et dona tua lárɡiter dispénsas:  
concéde, quæsumus, ut hæc ómnia  
divíni cultus celebratióni dicáta,  
dum pietátis nostræ signum exsístunt,  
devotiónis præbeant increméntum.  
Per Christum Dóminum nostrum.

R. Amen.

1079. Vel, pro vestibus liturgicis:

Benedíctus Deus, qui Fílium tuum Unigénitum  
Novi Testaménti  
summum et ætérnum constituísti sacerdótem,  
et hómines elegísti  
ut tuórum essent dispensatóres mysteriórum:  
concéde, quæsumus, ut has vestes,  
ad sacra celebránda dispósitas  
ac tua benedictióne ditátas,  
minístri tui reverénter indúere  
et sancta conversatióne sátagant honestáre.  
Per Christum Dóminum nostrum.

R. Amen.

## II. RITUS BREVIOR

1080. Fidelibus congregatis, celebrans incipit dicens:

ʒ. Adiutórium nostrum in nómine Dómini.

Omnes respondent:

R. Qui fecit cælum et terram.

vel:

ꝿ. Dóminus vobíscum.

Omnes respondent:

℞. Et cum spíritu tuo.

**1081.** Tum celebrans ad benedictionis celebrationem adstantes pro opportunitate disponit.

**1082.** Unus ex adstantibus vel ipse celebrans legit aliquem textum Sacrae Scripturæ:

Rom 12, 1: Obsecro vos, fratres, per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum.

Gal 3, 26-27: Omnes filii Dei estis per fidem in Christo Iesu. Quicúmque enim in Christo baptizáti estis, Christum induístis.

Act 2, 42: Discípuli erant perseverántes in doctrína Apostolorum et communicatióne, in fractiÓne panis et oratiÓnibus.

Io 4, 23: Venit hora et nunc est, quando veri adoratóres adorábunt Patrem in Spíritu et veritate; nam et Pater tales quærit, qui adórent eum.

**1083.** Deinde celebrans dicit:

Orémus.

Et omnes per aliquod temporis spatium silentio orant. Tunc celebrans, extensis manibus, prosequitur:

Benedíctus Deus,  
qui per Fílium tuum, Novi Testaménti mediatórem,  
laudem nostram cleménter áccipis  
et dona tua lárgiter dispénsas:

concéde, quæsumus, ut hæc ómnia  
(vel v. gr. hæc pyxis / hoc ostensórium /  
hæc linteámina / hæc tobálea)  
divíni cultus celebratióni dicáta (dicátum),  
dum pietátis nostræ signum exsístunt (exsístit),  
devotiónis præbeant (præbeat) increméntum.  
Per Christum Dóminum nostrum.

R. Amen.

1084. Vel, pro vestibus liturgicis:

Benedíctus Deus, qui Fílium tuum Unigénitum  
Novi Testaménti  
summum et ætérnum constituísti sacerdotem,  
et hómines elegísti  
ut tuórum essent dispensatóres mysteriórum:  
concéde, quæsumus, ut has vestes,  
ad sacra celebránda dispósitas  
ac tua benedictióne ditátas,  
minístri tui reverénter indúere  
et sancta conversatióne sátagant honestáre.  
Per Christum Dóminum nostrum.

R. Amen.

## CAPUT XXXIII

### ORDO AD FACIENDAM AQUAM BENEDICTAM EXTRA MISSÆ CELEBRATIONEM

#### PRÆNOTANDA

**1085.** Antiqua ex consuetudine inter signa, quibus Ecclesia utitur ad fideles benedicendos, aqua frequenter adhibetur. Aqua autem rite benedicta in fidelium mentes Christum revocat, qui benedictionis divinæ summa nobis existit, quique se aquam vivam vocavit, et Baptismum, aquæ sacramentum, in signum salutiferæ benedictionis pro nobis instituit.

**1086.** Benedictio et aspersio aquæ ordinarie peragitur die Dominica, iuxta ritum in Missali Romano descriptum.<sup>31</sup>

**1087.** Cum vero aquæ benedictio fit extra Missæ celebrationem, ritus hic propositus adhibeatur, a sacerdote vel a diacono qui, ritus structura et potioribus elementis servatis, rerum adiunctis celebrationem aptabunt.

### ORDO BENEDICTIONIS

#### RITUS INITIALES

**1088.** Celebrans incipit dicens:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

<sup>31</sup> Cf. *Missale Romanum*, Appendix, Ordo ad faciendam ad aspergendam aquam benedictam.



**1089.** Deinde celebrans adstantes salutat, dicens:

Deus, qui ex aqua et Spíritu Sancto  
nos regenerávit in Christo,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**1090.** Tum celebrans, pro opportunitate, adstantes ad benedictionis celebrationem disponit his vel similibus verbis:

Hac aquæ benedictióne, Christum aquam vivam ac Baptísmatis recólimus sacraméntum, in quo ex aqua et Spíritu Sancto renáti sumus. Quóties ergo hac aqua aspergémur, vel ea tum intrántes in ecclésiám tum domi manéntes cum signo crucis utémur, grátias Deo agémus pro inenarrábili dono eius, eiúsque implorábimus auxílium, ut sacraméntum vivéndo teneámus, quod fide percépimus.

#### LECTIO VERBI DEI

**1091.** Deinde fit ab uno ex adstantibus vel ab ipso celebrante brevis lectio Sacrae Scripturæ.

Io 7, 37-39 « *Si quis sitit, veniat ad me* ».

Audíte, fratres, verba sancti Evangélii secúndum Ioánnem.

In novíssimo die magno festivitátis stabat Iesus et clamávit dicens: « Si quis sitit, véniat ad me et bibat, qui credit in me. Sicut dixit Scriptúra, flúmina de ventre eius fluent aquæ vivæ ». Hoc autem dixit de Spíritu, quem acceptúri erant qui credíderant in eum.

**1092.** Vel:

Is 12, 1-6 « *Haurietis aquas cum gaudio de fontibus salutis* ».  
Et dices in die illa ...

Is 55, 1-11 « *Omnes sitientes, venite ad aquas* ».  
Hæc dicit Dóminus Deus: « Omnes sitiéntes ...

Sir 15, 1-6 « *Timentem Deum aqua sapientiæ potabit illum* ».  
Qui timet Deum ...

1 Io 5, 1-6 « *Venit per aquam et sanguinem* ».  
Caríssimi, omnis qui credit ...

Ap 7, 13-17 « *Agnus deducet eos ad vitæ fontes aquarum* ».  
Réspóndit unus de senióribus dicens mihi Ioánni, in visióne: « Hi qui  
amícti sunt ...

Ap 22, 1-5 « *Fluvius aquæ vitæ procedens de throno Dei et Agni* ».  
Osténdit mihi Ioánni, in visióne ángelus flúvium ...

Io 13, 3-15 « *Vos mundi estis* ».  
Sciens Iesus quia ómnia ...

#### ORATIO BENEDICTIONIS

**1093.** Deinde celebrans dicit:

Orémus.

Post brevem silentii pausam, celebrans, manibus extensis, dicit orationem benedictionis:

Benedíctus es, Dómine, Deus omnípotens,  
qui nos in Christo, aqua viva salútis nostræ,  
benedícere dignátus es et intus reformáre:  
concéde ut qui huius aquæ aspersione  
vel usu munímur,  
renováta ánimæ iuventúte  
per virtútem Sancti Spíritus  
in novitáte vitæ iúgiter ambulémus.  
Per Christum Dóminum nostrum.

R. Amen.

1094. Vel:

Dómine, sancte Pater,  
réspice super nos,  
qui per Fílium tuum redépti,  
ex aqua et Spíritu Sancto  
per Baptísmum sumus renáti:  
præsta, quæsumus,  
ut qui hac aqua fúerint aspérsi,  
córpo et mente renovéntur  
et puram tibi exhíbeant servitútem.  
Per Christum Dóminum nostrum.  
R. Amen.

1095. Vel celebrans dicit:

Omnium creátor Deus, qui ex aqua et Spíritu  
formam dedísti atque imáginem hómini et univérso.  
R. Ecclésiám tuam bénedic atque emúnda.

Christe, qui de rescísso in cruce látere  
sacraménta salútis scatére fecísti.  
R. Ecclésiám tuam bénedic atque emúnda.

Sancte Spíritus, qui e baptismáli Ecclésiæ grémio,  
in regeneratiónis lavácro,  
novas nos constituísti creatúras.  
R. Ecclésiám tuam bénedic atque emúnda.

1096. Post orationem benedictionis, celebrans adstantes aqua benedicta aspergit, dicens, pro opportunitate:

Sit hæc aqua suscepti Baptísmatis memória,  
et Christum récolat,  
qui Passióne et Resurrectióne sua nos redémit.  
R. Amen.

Interim peragitur cantus aptus.

## CAPUT XXXIV

### ORDO BENEDICENDI STATIONES « VIÆ CRUCIS »

#### PRÆNOTANDA

**1097.** Quando in ecclesia vel oratorio stationes « Viæ Crucis » eriguntur, opportunum est ut benedictio ac erectio fiat celebratione ad hoc instituta et ab eiusdem ecclesiæ rectore vel ab alio presbytero peracta, cum populi participatione, ita tamen ut celebratio ipsa immediate præcedat pium exercitium « Viæ Crucis ». Si vero stationes « Viæ Crucis » in ecclesia dedicanda vel benedicenda iam exstant, nulla peculiari erectione indigent.

**1098.** Imagines stationum cum crucibus, vel cruces tantum, convenienti modo coram fidelibus, vel iam proprio loco disponantur.

**1099.** Ex hoc Ordine semper quædam sumi possunt, ita ut celebratio, structura ritus ac potioribus elementis servatis, condicionibus loci et adstantibus accommodetur.

### ORDO BENEDICTIONIS

#### RITUS INITIALES

**1100.** Communitate congregata, cani potest hymnus *Vexilla Regis prædeunt* (cf. App. n. 25), vel alius cantus aptus.

**1101.** Quo expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**1102.** Deinde celebrans adstantes salutatur, dicens:

Dóminus Iesus,  
qui pro nobis passus est,  
et suo pascháli mystério nos redémit,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

**1103.** Tum celebrans ad benedictionem et ad pium exercitium peragendum adstantes disponit his vel similibus verbis:

Deus misericordiárum, hómínes salvos fecit per mortem et resurrectionem Fílii sui. Qui semetípsum exinanívit formam servi accípiens, factus pro nobis obœdiens usque ad mortem, mortem autem crucis.

Imménsam hanc Christi caritátem commemoránte, ad viam crucis mente et corde percurréndam pia devotióne invitámur, ut grátias ágéntes Dómino, qui pro nobis in cruce mórtuus est, et nos ipsi peccáto moriámur et in novitáte vitæ ambulémus.

#### LECTIO VERBI DEI

**1104.** Deinde lector, vel unus ex adstantibus, vel ipse celebrans legit textum Sacrarum Scripturarum, ex iis potissimum selectum qui in Missalis Romani Lectionario pro Missis de mysterio sanctæ Crucis<sup>32</sup> vel infra proponuntur.

<sup>32</sup> Cf. *Missale Romanum*, Ordo Lectionum Missæ, nn. 969-975.

1 Petr 2, 19-25 « *Christus passus est pro nobis, vobis relin-  
quens exemplum* ».

Audíte, fratres, verba Petri apóstoli.

Caríssimi: Hæc est grátia, si propter consciéntiam Dei sústi-  
net quis tristítias, pátiens iniúste. Quæ enim glória est si  
peccántes et colaphizáti sustinétis? Sed si benefaciéntes et  
patiéntes sustinétis, hæc est grátia apud Deum. In hoc enim  
vocáti estis, quia et Christus passus est pro vobis, vobis relín-  
quens exémplum, ut sequámini vestígia eius: qui peccátum  
non fecit, nec invéntus est dolus in ore ipsíus; qui cum male-  
dicerétur, non remaledicébat, cum paterétur, non commina-  
bátur, commendábat autem iuste iudicánti; qui peccáta no-  
stra ipse pértulit in córpore suo super lignum, ut peccátis  
mórtui iustítiae viverémus; cuius livóre sanáti estis. Erátis  
enim sicut oves errántes, sed convérsi estis nunc ad pastórem  
et episcopum animárum vestrárum.

**1105.** Vel:

1 Petr 3, 18 — 4, 2 « *Christo passo in carne, et vos eadem cogitatione  
armamini* ».

Caríssimi, Christus semel pro peccátis passus est...

Mt 5, 1-12a « *Beati qui persecutionem patiuntur propter iustitiam* ».  
Videns Iesus turbas ... 12 usque ad copiósa est in cælis.

Lc 18, 31-34 « *Consummabuntur omnia quæ scripta sunt per prophetas  
de Filio hominis* ».

Assúmpsit Iesus duódecim ...

**1106.** Pro opportunitate dici vel cani potest psalmus responsorius  
aut alius cantus aptus:

Ps 21 (22), 8-9. 17-18a. 23-24

R. (2a) *Deus, Deus meus, quare me dereliquisti?*

Ps 30 (31), 2 et 6. 12-13. 15-16

R. (Lc 23, 46) *Pater, in manus tuas comméndo spíritum meum.*

**1107.** Celebrans, pro opportunitate, adstantes breviter alloquitur, lectionem biblicam illustrans, ut sensum celebrationis fide percipiant.

#### PRECES

**1108.** Sequitur prex communis. Ex invocationibus quæ infra proponuntur, celebrans seligere potest eas quæ aptiores videantur vel alias adicere quæ peculiaria adstantium vel rerum adiuncta respiciant.

Christum, qui diléxit nos et redémit nos in ságuine suo, láudibus extollámus, eíque qui pro nobis mórtuus est et resurrexit, grátias agámus, dicétes:

*R. Redemísti nos, Dómine, in ságuine tuo.*

Qui homo factus,  
viam salútis in cruce homínibus protulísti:  
— fac ut cruci tecum confíxi,  
tibi commoriámur  
ut et tibi convívere possímus. *R.*

Qui discípulos tuos  
crucem suam cotídie baiuláre iussísti:  
— ádiuva nos ut te patiéntem sequámur  
et gloriósum aliquándo contemplémur. *R.*

Qui ad Calvárium ductus,  
adiutórem non recusásti,  
qui crucem tuam portáret:  
— nos tecum pro Ecclésia  
magno ánimo cómpati concéde. *R.*

Qui viam crucis ascéndens  
mulíerum plangéntium pia es miseratióne levátus:  
— concéde ut fratres nostros  
consolatióne sublevémur. *R.*

Qui per ságuinem crucis tuæ  
ómnia pacificásti:

— omnes tecum hómines coniúnge  
ut omni divisióne subláta,  
in uno ovíli te unum hábeant pastórem. R.

Qui exaltátus a terra  
omnes ad te tráhere promísisti:  
— univérso hómines  
ad tuam convérte dilectiónem. R.

Qui pati in via crucis voluísti,  
ut ómnibus auxílium ferres qui probántur:  
— crucis nos édoce sciéntiam  
ut qui tuis passióibus communicámus,  
in revelatióne glóriæ tuæ gaudeámus exsultántes. R.

Qui in cruce pósitus  
latróni tecum compatiénti  
paradísium promísisti:  
— nobis in huius vitæ dolóribus adésto,  
ut tibi compatiéntes in terris  
tecum in cælis conglorificámur. R.

Qui in cruce pósitus,  
Mariám, Matrem tuam, nobis in discípulo commisísti:  
— fac ut cum ea passióis tuæ  
consórtes simus et glóriæ. R.

#### ORATIO BENEDICTIONIS

**1109.** Tum celebrans, manibus extensis, orationem benedictionis profert:

Deus, cuius Fílius  
pro nobis tráditus est et resurrexit,  
ut peccátis mórtui, iustítiæ vivámus:  
benedictiόnis tuæ grátia  
adésto propítius fidélibus tuis,  
passiόnis eius mystéria devóte recoléntibus,



ut qui Christum sequentes crucem suam in patientia báulant  
in revelatióne glóriæ eius gáudeant exultantes.

Per Christum Dóminum nostrum.

R. Amen.

1110. Vel:

Dómine, Pater sancte,  
qui voluisti ut crux Fílii tui  
ómnium fons benedictiónum  
omniúmque fieret causa gratiárum,  
concède ut beátæ Christi passióni  
iúgiter inhærentes in terris,  
ætérna resurrectionis gáudia consequámur.

Per Christum Dóminum nostrum.

R. Amen.

1111. Post orationem benedictionis celebrans, pro opportunitate,  
imposito ture, incensat omnes cruces vel imagines, dum canitur  
antiphona (cf. App. n. 19):

Crucem tuam adorámus, Dómine,  
et sanctam resurrectionem tuam  
laudámus et glorificámus:  
ecce enim propter lignum  
venit gáudium in univérso mundo.

Vel alia antiphona vel cantus aptus, v. gr. *Stabat Mater* (cf. App. n. 26).

1112. Deinde sequitur pium exercitium Viæ Crucis, secundum loci  
consuetudines.

#### CONCLUSIO RITUS

1113. Fieri decet aptus cantus, v. gr. hymnus *Ad cenam Agni próvidi*  
(cf. App. n. 27), in memoriam Resurrectionis. Postea celebrans popu-  
lum benedicit, dicens:

Deus, qui per Fílii sui mortem et resurrectionem  
genus húmánum redímere dignátus est,

vobis concédât ut, Christi passiônem pie recoléntes,  
Dóminum sequámini crucifíxum  
ut ipso in cælis perfruámini glorióso.

R. Amen.

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

1114. Vel:

Benedícat vos Deus,  
qui per crucem et ságuinem Fílii sui  
nos redímere dignátus est atque salváre.

R. Amen.

Concédât vobis  
ut sanctæ crucis sublimitátem et profúndum,  
devóta mente cum ómnibus sanctis  
comprehéndere possítis.

R. Amen.

Quod pie ágitis  
sua ipse miseratióne suscípiat,  
et quas preces effúnditis  
cleménter exaudíre dignétur.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

## CAPUT XXXV

### ORDO AD CÆMETERIUM BENEDICENDUM

#### PRÆNOTANDA

**1115.** Ecclesia, cum cœmeterium locum sacrum habeat, studet ac monet ut nova cœmeteria, quæ vel a communitate catholica vel a publica potestate in regionibus catholicis exstruuntur, benedicantur atque in iis erigatur Crux Domini, signum spei et resurrectionis pro cunctis hominibus.

Christi autem discipuli « neque regione neque sermone neque politicis vitæ institutis a ceteris hominibus sunt distincti », <sup>33</sup> quorum in familiaritate exoptant degere vitam: pro cunctis ergo hominibus cælestem Patrem exorant, pro illis qui « obierunt in pace Christi, et pro eis quorum fidem Deus solus cognovit ». <sup>34</sup>

Quare Christiani in cœmeteriis sepeliunt et colunt non solum corpora eorum quos fide fratres effecit, sed et eorum quos humana natura fecit consortes: omnes enim Christus in cruce redemit, pro omnibus sanguinem fundens.

**1116.** Ritus congruenter peragitur ab Episcopo diœcesis; quod munus Episcopus presbytero committere potest, ei præsertim quem adiutorem habeat in cura pastoralis fidelium qui cœmeterium ædificandum curaverunt.

Si Episcopus præest omnia opportune aptentur.

**1117.** Benedictio cœmeterii quolibet die et hora peragi potest, præterquam Feria IV Cinerum et Hebdomada sancta; dies vero potissimum eligatur, quo fideles frequentes convenire possint, præsertim dies Dominica, quia commemoratio hebdomadaria Paschæ Domini sensum paschalem mortis christianæ melius exprimit.

<sup>33</sup> *Epistula ad Diognetum*, 5: Funk, 1, 397.

<sup>34</sup> *Missale Romanum*, Prex Eucharistica IV, n. 123.

**1118.** Sicubi vero vel a publica potestate vel a communitate christiana — a fratribus nempe seiunctis et a catholicis — exstruitur cœmeterium, quod adhibebitur ad inhumandos defunctos communitatum præsertim christianarum, cœmeterium præstat auspicari celebratione œcumenica, cuius partes omnibus quorum interest cooperantibus disponentur. Celebratio autem, quatenus catholicos respicit, ab Ordinario loci est disponenda.

**1119.** Si communitas catholica invitatur ad auspicandum cœmeterium quod indolem religioni non christianæ propriam aut mere laicam præfert, Mater Ecclesia ritui non renuit adesse aut preces effundere pro omnibus defunctis. Ad Ordinarium vero loci præsentiam catholicorum spectat moderari.

Sacerdos autem catholicus et fideles, data facultate, Sacræ Scripturæ seligant lectiones, psalmos, preces, quæ dilucide exprimant Ecclesiæ doctrinam de morte et fine hominis, qui suapte natura ad Deum vivum et verum propendet.

## ORDO BENEDICTIONIS

### RITUS INITIALES

**1120.** Ubi fieri potest, præstat communitatem christifidelium ordinatim se conferre ab ecclesia aliove apto loco ad cœmeterium benedicendum. Si processio fieri nequit vel haud opportuna videtur, fideles congregantur ad limen cœmeterii.

Deinde celebrans fideles salutatur, dicens:

Grátia Dómini nostri Iesu Christi,  
qui largítor est vitæ et mortis triumphátor,  
sit cum ómnibus vobis.

vel aliam salutationem huic similem.

Populus respondet:

Et cum spíritu tuo.

vel alio apto modo.

1121. Deinde celebrans fidelium animos ad celebrationem opportune disponit his vel similibus verbis:

Fratres caríssimi: christiána pietáte compúlси convénimus ad cœmetérium benedicéndum, ubi fratrum nostrórum cörpera requiéscent donec dies Dómini gloriósus lucéscat. Dormitiónis loco frátribus defúntis paráto, ad supérnam civitátem óculos levémus Christúmque aspiciámus pro nobis passum et suscitátum, ut ille, nos resurgéntes benígnus excípiat, quem exspectáre iubémur vigilántes.

1122. Expleta admonitione, celebrans dicit:

Orémus.

Et omnes per aliquod temporis spatium silentio orant. Tunc celebrans, extensis manibus, prosequitur:

Deus, qui fidéles tuos  
peregrínam in terris constitúis Ecclésiám,  
ut ætérnos íncolas in cælos recípias,  
réspice hanc famíliam tuam,  
pie adeúntem cœmetérium,  
et præsta, ut locus,  
quem ad inhumánda cörpera parávit,  
eam de vita in Christo futúra commóneat,  
qui reformábit corpus humilitátis nostræ  
configuratúum cörperi claritátis suæ.  
Qui vivit et regnat in sæcula sæculórum.

R. Amen.

1123. Oratione expleta, diaconus admonet:

Procedámus in pace.

Et ordinatur processio ad cœmeterium hoc modo: præcedit crucifer medius inter duos ministros cum intorticiis accensis; sequitur celebrans cum ceteris ministris, postremo fideles.

**1124.** Incedente processione canitur antiphona (cf. App. n. 28):  
 Pórtio mea, Dómine, sit in terra vivéntium.

vel antiphona (cf. App. n. 29):

Aperíte mihi portas iustítiæ,  
 ingréssus in eas confitébor Dómino.

vel antiphona (cf. App. n. 30):

Hæc porta Dómini, iústi intrábunt in eam.

cum Psalmo 117 (118), vel alio psalmo ex Ordine Exsequiarum præsertim sumpto,<sup>35</sup> vel alius aptus cantus.

**1125.** Si processio non est facienda, statim post collectam celebrans cum ministris et fidelibus ingreditur cœmeterium dum canitur antiphona (cf. App. n. 31):

Audívi vocem de cælo dicéntem:  
 beáti mórtui, qui in Dómino moriúntur.

cum Psalmo 133 (134), vel alius aptus cantus.

#### LITURGIA VERBI DEI

**1126.** Processio pergit ad locum in quo Crux est erecta, ubi fiet lectio verbi Dei; si ibi commode hoc peragi non potest, ad sacellum cœmeterii vel ad alium aptiorem locum.

**1127.** Deinde leguntur unus vel plures Sacræ Scripturæ textus ex iis potissimum selecti qui in Lectionario Ordinis Exsequiarum proponuntur,<sup>36</sup> interiectis congruentibus psalmis responsoriis vel sacro silentio per aliquod temporis spatium servato. Lectio autem Evangelii principem locum semper obtineat. Si autem sequitur celebratio liturgiæ eucharisticæ, legantur, congruo interiecto psalmo responsorio, saltem duæ lectiones e Lectionario defunctorum<sup>37</sup> sumptæ, quarum altera sit Evangelii.

<sup>35</sup> Cf. *Rituale Romanum*, Ordo Exsequiarum, nn. 145-165.

<sup>36</sup> Cf. *ibid.*, nn. 83-144.

<sup>37</sup> Cf. *Missale Romanum*, Ordo Lectionum Missæ, nn. 1011-1026.

1128. Quibus expletis, celebrans homiliam habet illustrans tum lectiones biblicas tum sensum paschalem mortis christianæ.

#### ORATIO BENEDICTIONIS

1129. Expleta homilia, celebrans, stans ante Crucem in medio cœmeterii positam, ipsam Crucem et aream cœmeterialem benedicit, dicens, manibus extensis:

Deus totius consolatiónis,  
mortália cõrpora e terra plasmáta  
iusta senténtia ad terram redíre statuísti,  
sed misericórdi consílio hoc pœnæ decretum  
in testimónium amóris convertísti:  
tu enim Abrahæ, credéntium patri,  
in terra promissiõnis sepultúram providísti;  
tu, Tobíæ pietátem  
in sepeliéndis frátribus sublimásti;  
tu Fílium tuum unigénitum  
in novo voluísti condi sepúlcro  
ex quo victor mortis resúrgeret  
et nobis futúre resurrectionis pignus offérret.  
Te ergo quæsumus, Dómine,  
ut hoc cœmetérium ad inhumánda cõrpora  
sub umbra Crucis instrúctum,  
tuæ benedictiõnis ✠ virtúte  
locus fiat requiétis et spei;  
hic defunctorum cõrpora in pace requièscent  
donec glorióso Fílii tui advéntu  
immortáles resúrgant;  
hic vivórum mentes ad spem erigántur ætéram;  
hinc tibi acceptábiles preces ascéndant,  
quæ suffrágio sint dormiéntibus in Christo  
et tuam misericórdiam sine fine colláudent.  
Per Christum Dóminum nostrum.  
R. Amen.

**1130.** Tunc celebrans in turibulum incensum immittit et Crucem incensat. Deinde aqua benedicta aspergit cœmeterium et adstantes. Aspercionem cœmeterii peragere potest vel stans in media area cœmetheriali vel circumiens muros, quo in casu opportune canitur antiphona (cf. App. n. 32):

Exsultábunt Dómino ossa humiliáta.

cum Psalmo 50 (51), vel alius aptus cantus.

#### LITURGIA EUCHARISTICA VEL PRECES

**1131.** Quibus peractis, si celebrandum est sacrificium dominicum pro defunctis, celebrans, facta cum ministris debita reverentia, osculo altare veneratur.

Ministri corporale, purificatorium, calicem, Missale in altari collocant; deinde afferunt panem, vinum et aquam, et Missa prosequitur more solito.

---

**1132.** Si vero dedicandum vel benedicendum est altare sacelli cœmeterii, omnia fiant, aptatis aptandis, ut in Ordine dedicationis ecclesiæ et altaris, in Pontificali Romano dicitur.<sup>38</sup>

---

**1133.** Si autem Eucharistia non celebratur, expleta aspersione cœmeterii, ritus concluditur communi prece, vel modo orationis universalis in Missæ celebratione consueto vel modo qui hic proponitur:

Christo Dómino, qui in cruce móriens peccátum delévit atque e sepúlcro resúrgens mortem destrúxit, súplices acclamémus, dicéntes:

*R. Tu es vita et resurréctio nostra.*

Christe, Fili hóminis,  
qui, in cruce móriens, Matrem passióni tuæ sociásti,

<sup>38</sup> Cf. *Pontificale Romanum*, Ordo dedicationis ecclesiæ et altaris, cap. IV et VI.



et resúrgens, replevísti lætítia,  
— tribulátos súbleva eorúmque spem confírma. R.

Christe, Fili Dei vivi,  
qui amícum Lázarum a mórtuis suscitásti,  
— ad vitam et glóriam defúntcos súscita,  
quos pretiósco tuo ságuine redemísti. R.

Christe, mæréntium consolátor,  
qui matris víduæ filii mortem complorántis,  
lácrimas abstersísti adolescéntem súscitans,  
— omnes consoláre qui suos collácrimant defúntcos. R.

Christe redémpctor,  
illúmina eos qui te non cognoscéntes,  
spem non habent,  
— ut resurrectiόνem credant et vitam sáculi ventúri. R.

Christe, lux mundi,  
qui cæco nato oculórum lúmina dedísti  
et te conspiciéndi facultátem præbuísti,  
— tuum revéla vultum defúntcis,  
qui nondum tua fruúntur luce. R.

**1134.** Deinde celebrans opportune introducit orationem dominicam  
his vel similibus verbis:

Nunc ad cælórum Patrem ánimos erigámus  
illam Dómini precem dicéntes,  
qua et advéntum regni pétimus  
et nostra postulámus relaxári delícta.

Omnes:

Pater noster, qui es in cælis:  
sanctificétur nomen tuum;  
advéniat regnum tuum;  
fiat volúntas tua, sicut in cælo et in terra.

Panem nostrum cotidiānum da nobis hódie;  
et dimítte nobis débita nostra,  
sicut et nos dimíttimus debitóribus nostris;  
et ne nos indúcas in tentatiónem;  
sed líbera nos a malo.  
Quia tuum est regnum,  
et potéstas, et glória in sǎcula.

1135. Tunc celebrans benedicit populum, dicens:

Benedícat vos Deus totíus consolatiónis,  
qui hóminem ineffábili bonitáte creávit,  
et in resurrectiόne Unigéniti sui  
spem credéntibus resurgéndi concéssit.

R. Amen.

Nobis, qui vívimus, véniam tríbuat pro peccátis,  
et ómnibus defúntis locum concédát lucis et pacis.

R. Amen.

Ut omnes cum Christo sine fine felíciter vivámus,  
quem resurrexísse a mórtuis veráciter crédimus.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

1136. Tum diaconus populum dimittit.

**PARS QUARTA**

**DE BENEDICTIONIBUS RERUM  
QUÆ AD DEVOTIONES POPULI CHRISTIANI  
FOVENDAS TRADUNTUR**



## PRÆNOTANDA PARTIS QUARTÆ

**1137.** Pia populi christiani exercitia, quæ legibus congruant et normis in hac materia latis, ad pietatis incrementum fovendum ex more sustinet Ecclesia. Cum autem pro precibus liturgicis et piis exercitiis res seu obiecta quædam adhibeantur, uti sunt vel coronæ rosarii beatæ Mariæ Virginis, vel alia huiusmodi, opportune hæc omnia benedictionis celebratione fidelibus commendantur.

**1138.** Proba insuper apud fideles invaluit consuetudo secum afferendi obiecta quædam devotionis, alia vero adhibendi ad orationem faciendam, sacras in domibus suis imagines exponendi, res benedictas, apud se conservandi etiam ut potus ac esculenta.

Ad huiusmodi pietatis formis quodammodo consulendum, hac in parte nonnulla proponuntur exempla pro benedictionibus variis in adiunctis celebrandis.

## CAPUT XXXVI

### ORDO BENEDICENDI POTUS VEL ESCULENTA ALIASVE RES DEVOTIONIS CAUSA

#### PRÆNOTANDA

1139. Quibusdam in locis peculiare ritus benedictionis peragi solent, v. gr. aquæ, panis, vini, olei, aliorum esculentorum, aliarumve rerum quas fideles interdum, devotionis causa, benedicendas afferunt, sive occasione alicuius festi vel temporis anni liturgici, sive in honorem beatæ Mariæ Virginis vel Sanctorum.

In his benedictionibus celebrandis curet animarum pastor ut, fideles germanum ritus sensum recte intellegant. Celebrans in monitione vel allocutione præ oculis habeat, quantum fieri potest, eas traditiones ac Sanctorum vitæ narrationes, si casus fert, quibus illustrari possit origo vel sensus peculiaris illius celebrationis in ipsorum honorem adhibitæ. Veritatem autem historicam semper servetur oportet.

1140. Pro his celebrationibus in ecclesia a sacerdote vel diacono peragendis, populi concursus et actiosa participatio commendatur.

1141. Si plura esculenta simul benedicenda sunt, ritus ne multiplicentur, sed unico ritu omnia benedicantur, congrua adhibita formula.

1142. Ex hoc Ordine, retentis semper ritus structura et potioribus elementis, quædam sumi possunt ut celebratio adiunctis loci et personarum accommodetur.

1143. Hæ benedictiones celebrari possunt intra Missam tantummodo in festis beatæ Mariæ Virginis et Sanctorum, ubi traditio popularis viget et fideles solent Missam frequentare ritu infra nn. 1157-1161 proposito. Quando benedictio intra Missam celebratur, semel tantum in die peragi potest.

## I. ORDO BENEDICTIONIS EXTRA MISSAM

## RITUS INITIALES

**1144.** Populo congregato, opportune canitur hymnus vel apta antiphona. Cantu expleto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**1145.** Deinde celebrans adstantes salutat dicens:

Deus, qui elégit nos  
ut sancti simus,  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

**1146.** Tum celebrans adstantes ad benedictionis celebrationem disponit his vel similibus verbis:

Deus, qui omnipoténtiam et bonitátem suam ubíque terrarum maniféstat, eleménta parvi étiam prétii Ecclésiæ suæ commíttit benedicénda, ut quotquot, pia devotióne (invocáto nómine beátæ Mariæ Vírginis vel Sanctórum), iisdem religióse usi fúerint, ad invisibília trahántur, Deúmque benedícant qui patrans útique mirabília solus, mirábilis vero manet étiam in Sanctis suis.

## LECTIO VERBI DEI

**1147.** Deinde lector vel unus ex adstantibus vel ipse celebrans legit e Sacra Scriptura textum hic propositum, vel alium e Lectionario opportune desumptum. Adhiberi etiam potest textus selectus ex iis qui infra proponuntur.

Mt 7, 7-11 « *Petite et dabitur vobis* ».

Audíte, fratres, verba sancti Evangélii secúndum Matthæum.

In illo témpore dixit Iesus discípulis suis: « Pétite et dábitur vobis; quærite et inveniétis; pulsáte, et aperiétur vobis. Omnis enim qui petit, áccipit; et qui quærit, ínvenit; et pulsánti aperiétur. Aut quis est ex vobis homo, quem si petierit fílius suus panem, numquid lápidem pórriget ei? Aut si piscem petierit, numquid serpéntem pórriget ei? Si ergo vos, cum sitis mali, nostis dona bona dare fíliis vestris, quanto magis Pater vester, qui in cælis est, dabit bona peténtibus se ».

**1148.** Vel:

a) *Pro benedictione aquæ*

Ex 17, 1-7 « *Da nobis aquam ut bibamus* ».

In illo témpore profécta omnis congregatio ...

2 Reg 2, 19-22 « *Sanavi aquas has, et non erit ultra in eis mors* ».

Dixerunt viri civitátis ad Elisæum prophétam ...

b) *Pro benedictione panis*

1 Reg 19, 3b-8 « *Ambulavit in fortitudine panis* ».

Surgens Elías ábiit ...

Sap 16, 20-21. 24-26 « *Ut discerent filii tui, quos dilexisti* ».

Angelórum esca nutritívisti ...

Io 6, 28-35 « *Operamini non cibum qui perit* » (v. 27).

Dixerunt ad Iesum Iudæi: « *Quid faciémus* ...



c) *Pro aliis esculentis*

Gen 1, 27-31a « *Dedi vobis omnia quæ habent fructum ad vescendum* ».  
Creávit Deus hóminem ...

Gen 9, 1-3 « *Omne quod movetur et vivit erit vobis in cibum* ».  
Benedíxit Deus Noe ...

Ex 12, 1-4. 6-8. 11 « *Sic comedetis agnum; est Pascha Domini!* ».  
Dixit Dóminus ad Móysen ...

Lc 11, 9-13 « *Petite et dabitur vobis* ».  
In illo témpore, dixit Iesus discípulis suis: « Ego dico vobis ...

d) *Pro oleo, vino, sale*

Sir 39, 30-41 « *Necessaria vitæ hominum* ».  
Bona bonis creáta sunt ab inítio ...

Mt 5, 13-16 « *Vos estis sal terræ* ».  
In illo témpore dixit Iesus discípulis suis: « Vos estis ...

Mc 6, 7-13 « *Ungebant oleo multos et sanabant* ».  
Cónvocat Iesus duódecim ...

Lc 10, 30-37 « *Alligavit vulnera eius, infundens oleum* ».  
In illo témpore, suscípiens Iesus dixit ...

Io 2, 1-11 « *Tu servasti bonum vinum usque adhuc* ».  
In illo témpore, núptiæ factæ sunt ...

e) *Pro floribus (v. gr. rosis, liliis ..)*

Sir 24, 1a. 17-31 « *Plantatio rosæ in Iericho* ».  
Sapiéntia laudábit ánimam suam. Quasi cedrum ...

2 Cor 2, 14-17 « *Christi bonus odor sumus Deo* ».  
Deo grátias, qui ...

Mt 6, 25-34 « *Considerate lilia agri* ».  
Dixit Iesus discípulis suis: « Ne solliciti sitis ánimæ vestræ ...

f) *Pro benedictione cereorum*

Mt 4, 13-17 « *Populus vidit lucem magnam* ».  
Relícta Názareth, venit Iesus ...

Lc 2, 27-33 « *Lumen ad gloriam plebis tuæ* ».

Venit Símeon in Spíritu ...

Io 1, 6-10 « *Erat lux vera* ».

Fuit homo missus a Deo ...

Eph 5, 8-10 « *Ut filii lucis ambulate* ».

Erátis aliquándo ténebræ ...

**1149.** Pro opportunitate dici vel cani potest psalmus responsorius aut alius cantus aptus:

Ps 8, 2 et 4. 5-7a. 7b-9

R. (10) *Dómine, Dóminus noster,*

*quam admirábile est nomen tuum in universa terra!*

Ps 22 (23), 1-3. 4. 5. 6

R. (5) *Parásti in conspéctu meo mensam, Dómine!*

Ps 103 (104), 10-12. 13-15. 16-18. 19-21. 22-23

R. (24) *Quam multiplicáta sunt ópera tua, Dómine!*

Ps 146-147 (147), 7-8. 9-11. 12-13. 14-16

R. (1) *Laudáte Dóminum,*

*quóniam bonum est psállere Deo nostro.*

**1150.** Post lectiones fit homilia in qua celebrans illustrat cum lectiones tum sensum ritus.

---

#### PRECES

**1151.** Ante orationem benedictionis prex communis haberi potest, quæ congrue aptetur festivitati vel tempori liturgico.

**1152.** Quando preces non dicuntur, ante orationem benedictionis, celebrans dicit:

**Orémus.**

Et omnes per aliquod temporis spatium silentio orant. Deinde celebrans benedictionis orationem profert.

---

## ORATIO BENEDICTIONIS

**1153.** Tum celebrans, manibus extensis, orationem benedictionis profert:

*a) Pro potu et esculentis*

Benedíctus es, Dómine, Deus noster,  
qui ómnia tua reple benedictióne;  
fámulis tuis, quæsumus, concéde  
ut qui hac creatúra  
(in memóriam et per intercessiónem  
beátæ Mariæ Vírginis / Sancti N.)  
(in hac festivitáte celebránda)  
devóte usi fúerint,  
cælésti grátiae rore indesinénter abúndent,  
ut divína prorsus quæréntes  
in caritaté semper profíciant.  
Per Christum Dóminum nostrum.  
R. Amen.

*b) Pro aliis rebus*

Dómine Deus,  
qui Ecclésiám tuam Sanctórum virtúte  
multipliciter exórnas:  
esto, quæsumus, propítius his fámulis tuis,  
qui hoc (his) bonitátis tuæ signo (signis)  
(in memóriam et honórem  
beátæ Mariæ Vírginis / Sancti tui N.)  
religióse uti desíderant,  
ut tuórum repleántur dilectióne mandatórum,  
et præsentis vitæ auxiliis roboráti,  
ad immortalitátis efféctum secúri profíciant.  
Per Christum Dóminum nostrum.  
R. Amen.

vel:

c) *Pro pluribus præsertim rebus*

Deus virtútum,  
fons gratiárum et coróna Sanctórum,  
concéde nobis,  
beáta María Vírgine (vel Sancto N.) intercedénte,  
ut dum his útimur rebus,  
quæ tibi benedicénda deférimus,  
imitári non pígeat  
quod celebráre deléctat,  
et de cuius protectióne gratulámur in terris,  
eiúsdem in cælis consórtio perfruámur.  
Per Christum Dóminum nostrum.  
R. Amen.

1154. Potus, esculenta vel aliæ res, ubi mos viget, aqua benedicta aspergi possunt.

#### CONCLUSIO RITUS

1155. Tum celebrans ritum concludit, manibus super fideles extensis, dicens:

Devotiónem vestram Dóminus dignánte inténdat,  
et remédia vobis opportúna  
divína pietáte concédant.

R. Amen.

Tranquíllam vobis cónferat vitam,  
et bonis ómnibus abundáre vos fáciat.

R. Amen.

Tali vos subsidio pietátis regat in terris  
ut beatitúdinis mérito sustóllat in cælum.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

1156. Laudabiliter ritus cantu apto perficitur.

## II. ORDO BENEDITIONIS INTRA MISSAM IN DIE FESTO ADHIBENDUS

1157. Post lectionem verbi Dei fit homilia, in qua sacerdos tum lectiones biblicas, tum sensum benedictionis in honorem beatæ Mariæ Virginis vel Sancti declarat.

1158. Sequitur Oratio fidelium, modo in Missæ celebratione consueto; quam orationem celebrans concludit congrua oratione benedictionis ex iis selecta, quæ infra proponuntur. Fieri etiam potest communis prex modo qui hic proponitur. Ex invocationibus, celebrans seligere potest eas quæ aptiores videantur vel alias adicere quæ peculiaria adstantium vel rerum adiuncta respiciant.

Per intercessiónem beátæ Mariæ Vírginis (vel Sancti N.)  
Deum laudémus, dicéntes:

R. *Gloriósus es, Dómine, in Sanctis tuis.*

Clementíssime Pater,  
qui in beáta María Vírgine (vel in Sancto N.)  
omnipoténtiam tuam mirabíliter revelásti,  
— concéde ut nos, Baptísmi grátia suffúlti,  
novi hómínes in dies fieri valeámus. R.

Qui per Sanctos servos tuos  
misericórdiam tuam nos experíri concédís:  
— fac ut, quæ in illis admiránda vidémus,  
in vitæ nostræ ratióne transferámus. R.

Qui per beátos tuos  
sanctitátem Ecclésiæ homínibus maniféstas,  
— da ut glóriæ tuæ procurándæ  
fratrúmque salúti persecuéndæ  
semper instántes simus. R.

Qui Sanctos tuos intercessóres nostros  
fieri voluísti,  
— præsta ut, a præsentibus malis liberáti,  
cum eisdem felíciter æténa hereditáte fruámur. R.

Deinde celebrans prosequitur:

Deus virtútum,  
fons gratiarum et coróna Sanctórum,  
concéde nobis,  
beáta María Vírgine (vel Sancto N.) intercedénte,  
ut dum his útimur rebus,  
quæ tibi benedicénda deférimus,  
imitári non pígeat  
quod celebráre deléctat,  
et de cuius protectióne gratulámur in terris,  
eiúsdem in cælis consórtio perfruámur.  
Per Christum Dóminum nostrum.  
R. Amen.

**1159.** Adhiberi etiam possunt orationes quæ supra n. 1153 proponuntur.

**1160.** In fine celebrationis Missæ convenienter adhibeatur benedictio sollemnis de beata Maria Virgine:

Deus, qui per beátæ Mariæ Vírginis partum  
genus humánum sua vóluit benignitáte redímere,  
sua vos dignétur benedictióne ditáre.  
R. Amen.

Eiúsque semper et ubíque patrocínia sentiátis,  
per quam auctórem vitæ suscípere meruístis.

R. Amen.

Et qui ad eius celebrándam sollemnitátem  
hodiérna die devótis méntibus convenístis,  
spiritálium gaudiórum cælestiúmque præmiórum  
vobíscum múnera reportétis.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

**1161.** vel una ex orationibus super populum pro festis Sanctorum:

Exsúltet, Dómine, pópulus christiánu  
de magnórum Fílii tui glorificatióne membrórum;  
et in quorum est celebritáte tibi devótus,  
partem acquírat in eórum sorte perpétua,  
atque de tua glória semper congáudeat.  
Per Christum Dóminum nostrum.

R. Amen.

vel:

Plebis tuæ, quæsumus, Dómine,  
ad te semper corda convérte,  
et quam tantis facis patrocíniis adiuvári,  
perpétuis non désinas gubernáre præsídiis.  
Per Christum Dóminum nostrum.

R. Amen.

## CAPUT XXXVII

### ORDO BENEDICTIONIS RERUM, QUÆ AD PIETATEM ET DEVOTIONEM EXERCENDAM DESTINANTUR

#### PRÆNOTANDA

**1162.** Præsens Ordo adhibendus est ad benedicenda numismata, parvas cruces, imagines religiosas in locis non sacris exponendas, scapularia, coronas et similia pro piis exercitiis absolvendis.

**1163.** Præsertim in sanctuariis vel in peregrinationum locis, quo fideles frequentiores conveniunt, hæc benedictio rerum ad pietatem pertinentium opportune fit celebratione communi, et congruenti modo includi potest in celebrationibus peculiaribus pro peregrinis.

**1164.** Hic Ordo adhiberi potest a sacerdote et a diacono, qui ritus structura et potioribus elementis servatis, celebrationem adiunctis rerum ac personarum aptabunt.

**1165.** Si pro una tantum re benedictio sit celebranda, minister adhibere potest Ritum breviorum qui in fine huius Ordinis exhibetur, nn. 1178-1181, vel in peculiaribus adiunctis, tantummodo formulam brevem, quæ n. 1182 exhibetur.

#### I. ORDO BENEDICTIONIS

##### RITUS INITIALES

**1166.** Populo congregato, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.



1167. Deinde celebrans adstantes salutatur, dicens:

Grátia, misericórdia et pax,  
Patris, et Fílii, et Spíritus Sancti  
sit cum ómnibus vobis.

vel alia apta verba e Sacris Scripturis præsertim deprompta.

Omnes respondent:

Et cum spíritu tuo.

vel alio apto modo.

1168. Tum celebrans adstantes ad benedictionis celebrationem disponit his vel similibus verbis:

Pietátis signa quæ vobíscum benedicénda sumpsístis, ália álio modo fidem vestram osténdunt, nam ad Dómini nostri amórem revocándum insérviunt, vel ad fidúciam in auxílio beátæ Mariæ Vírginis et Sanctórum augédam.

Cum ergo benedictiónem Dómini super hæc signa et imágenes invocámus, id potíssimum attendéndum est: ut nosmetípsi tale christiánæ vitæ testimónium præbeámus quale, his rebus adhíbitis, iure nobis exhibéndum esse vidétur.

#### LECTIO VERBI DEI

1169. Deinde lector vel unus ex adstantibus vel ipse celebrans legit textum Sacrarum Scripturarum, selectum præsertim ex iis qui infra proponuntur. Adhiberi etiam possunt alii textus ritui congruentes.

2 Cor 3, 17b — 4, 2 « *Gloriam Domini speculantes,  
in eandem imaginem transformamur* ».

Audíte, fratres, verba Pauli apóstoli ad Corínthios.

Ubi Spíritus Dómini, ibi libértas. Nos vero omnes reveláta fácie glóriam Dómini speculántes, in eándem imaginem

transformámur a claritáte in claritátem tamquam a Dómini Spíritu.

Ideo habéntes hanc ministratióem, iuxta quod misericórdiam consecúti sumus, non defícimus, sed abdicávimus occúlta dedécoris non ambulántes in astútia, neque adultérantes verbum Dei, sed in manifestatióne veritátis commendántes nosmetípsos ad omnem consciéntiam hóminum coram Deo.

1170. Vel:

Rom 8, 26-31 « *Quid oremus sicut oportet nescimus, sed Spiritus secundum Deum postulat pro sanctis* ».

Spíritus ádiuvat infirmitátem nostram ...

1 Cor 13, 8-13 « *Videmus nunc per speculum, tunc facie ad faciem* ».  
Cáritas numquam éxcidit ...

1 Cor 15, 45-50 « *Sicut portavimus imaginem terreni, portabimus et imaginem cælestis* ».

Factus est primus homo ...

2 Cor 4, 1-7 « *Christus est imago Dei* ».

Nos, apóstoli Christi, habéntes hanc ministratióem ...

Gal 1, 1. 3-5 — 2, 19b-20 « *Christo confixus sum cruci* ».

Paulus apóstolus ... 3 grátia vobis et pax ... 2, 19b Christo confixus sum cruci ...

Eph 3, 14-21 « *Potens est Deus supra omnia facere superabundanter quam petimus aut intellegimus* ».

Ego, Paulus, flecto génua mea ...

Col 3, 14-17 « *Omnia in nomine Domini, gratias agentes Deo* ».

Super ómnia hæc caritátem ...

Lc 11, 5-13 « *Petite et dabitur vobis; quærite et invenietis* ».

Ait Iesus ad illos: « Quis vestrum habébit amicum ...

Lc 18, 1-8 « *Oportet semper orare, et non deficere* ».

Dicébat Iesus parábolam ad illos, quóniam ...

1171. Pro opportunitate dici vel cani potest psalmus responsorius aut alius cantus aptus.

Ps 99 (100), 2. 3. 4. 5

R. (5b) *In ætérnum misericórdia Dómini.*

Ps 122 (123), 1. 2. 3-4

R. (1) *Ad te levávi óculos meos, qui hábitas in cælis.*

Ps 138 (139), 1-2. 3-4. 5-6. 7-8. 9-10

R. (4b) *Ecce, Dómine, tu cognovísti ómnia.*

Ps 150, 1-2. 3-4. 5

R. (2a) *Laudáte Dóminum in magnálibus eius.*

1172. Post lectionem opportune fit homilia in qua celebrans illustrat cum lectionem tum sensum ritus.

---

1173. Ante orationem benedictionis, communis prex haberi potest. Ex invocationibus quæ infra proponuntur, celebrans seligere potest eas quæ aptiores videantur, vel alias adicere quæ peculiaria adstantium vel rerum adiuncta respiciant.

Non spéciem pietátis, fratres, habéntes, sed eius ex corde profiténtes virtútem, Dóminum invocémus:

R. *Emítte in nos, Dómine, spíritum pietátis.*

Clementíssime Deus,

qui mirabílium tuórum,

nos iúgiter mémore esse summópere cupis,

— fac ut, per ea quæ óculis intuémur

ad signa misericórdiæ tuæ contemplánda incitémur. R.

Qui adoratóres in spíritu et veritáte quæris,

— concéde ut his rebus signisque iuvántibus pietátem semper sectémur et fidem. R.

Qui mandátum semper orándi  
per Fílium tuum nobis dedísti,  
— da ut in oratióne perseverántes  
vitam agámus in omni pietáte et castitáte. R.

Qui in Ecclésia tua  
sanctitátis pietátisque subsídia  
mirábili dispensatióne largírís,  
— fac ut, quod de Ecclésiæ mánibus recípimus,  
in eiúsdem increméntum adhibeámus. R.

Tum sequitur oratio benedictionis ut infra.

1174. Quando preces non dicuntur, ante orationem benedictionis, celebrans dicit:

Orémus.

Et omnes per aliquod temporis spatium silentio orant. Deinde celebrans benedictionis orationem profert.

---

#### ORATIO BENEDICTIONIS

1175. Tum celebrans, manibus extensis, dicit:

Benedíctus es, Dómine,  
omnis benedictiόνis fons et orígo,  
qui de fidélium tuórum corroboráta pietáte lætáris:  
his fámulis tuis, quæsumus, benígnus adésto  
et præsta ut ipsi,  
hæc fídei atque pietátis signa gestántes,  
in Fílii tui imáginem stúdeant transformári.  
Qui vivit et regnat in sæcula sæculórum.  
R. Amen.

## CONCLUSIO RITUS

1176. Celebrans ritum concludit, dicens:

Deus, qui in Christo  
glóriam suam nobis revelávit,  
vobis concédát vitam vestram  
imáginí eius conformáre,  
ut fácie ad fáciem eum vidére valeátis.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

1177. Laudabiliter ritus cantu apto perficitur.

## II. RITUS BREVIOR

1178. Initio celebrans dicit:

V. Osténde nobis, Dómine, misericórdiam tuam.

Omnes respondent:

R. Et salutáre tuum da nobis.

1179. Tum celebrans ad benedictionis celebrationem adstantes pro opportunitate disponit.

1180. Unus ex adstantibus vel ipse celebrans legit aliquem textum Sacrae Scripturae.

Rom 8, 26b. 27b: Quid orémus, sicut opórtet, nescímus, sed ipse Spíritus interpéllat gemítibus inenarrabílibus, quia secúndum Deum póstulat pro sanctis.

Col 3, 17: Omne, quodcúmque fácitis in verbo aut in ópere, ómnia in nómine Dómini Iesu grátias ágentes Deo Patri per ipsum.

Lc 11, 9-10: Ego dico vobis: « Pétite, et dábitur vobis; quærite, et inveniétis; pulsáte et aperiétur vobis. Omnis enim qui petit, áccipit; et qui quærit, ínvenit; et pulsánti aperiétur ».

1181. Deinde celebrans dicit, manibus extensis:

Devotiónis tuæ pietátis vota  
sua Dóminus benedictióne ✠  
misericórditer fóveat atque confírmet,  
ut et præsentem vitam sine offensióne percúrras  
et ætérmam felíciter consequáris.  
Per Christum Dóminum nostrum.

R. Amen.

---

#### FORMULA BREVIS

1182. In peculiaribus adiunctis, sacerdos vel diaconus adhibere potest sequentem formulam brevem:

In nómine Patris, et Fílii, ✠ et Spíritus Sancti.

R. Amen.

## CAPUT XXXVIII

### ORDO BENEDICTIONIS CORONARUM ROSARII

#### PRÆNOTANDA

1183. Benedictionem plurium coronarum Rosarii fieri decet aliqua celebratione quæ immediate præcedat piam Rosarii recitationem cum populi participatione.

1184. Ordo pro celebratione communi convenienter adhibetur etiam in festis ac memoriis beatæ Mariæ Virginis, vel occasione piæ peregrinationis. Coronæ Rosarii benedici possunt una simul cum aliis rebus quæ ad pietatem ac devotionem pertinent, iuxta Ordinem infra descriptum.

1185. Hic Ordo adhiberi potest a sacerdote et a diacono, qui, ritus structura et potioribus elementis servatis, celebrationem adiunctis rerum ac personarum aptabunt.

1186. Si pro una tantum vel paucis coronis Rosarii benedictio est celebranda, minister adhibere potest Ritus breviorum qui in fine huius Ordinis, nn. 1202-1206, exhibetur, vel in peculiaribus adiunctis, tantummodo formulam brevem, quæ n. 1207 exhibetur.

#### I. ORDO BENEDICTIONIS

##### RITUS INITIALES

1187. Populo congregato, celebrans accedit dum opportune canitur hymnus *Te gestiéntem gáudiis*,<sup>1</sup> vel alius cantus aptus.

1188. Cantu expleto, celebrans dicit:

In nómine Patris, et Fílii, et Spíritus Sancti.

<sup>1</sup> Cf. *Liturgia Horarum*, in memoria B.M.V. a Rosario, die 7 octobris, ad Laudes matutinas (cf. App. n. 33).

Omnes signo crucis se signant, et respondent:

Amen.

1189. Deinde celebrans adstantes salutatur, dicens:

Grátia vobis et pax  
a Deo Patre nostro,  
a quo, per Fílium ex Vírgine natum,  
bona cuncta procédunt.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

1190. Tum celebrans adstantes ad benedictionis celebrationem disponit his vel similibus verbis:

Beáta Virgo, ab ætérno una cum divíni Verbi incarnatióne, tamquam Mater Dei prædestináta, his in terris éxstitit alma redemptóris mater, eiúsque óperi, singulári prorsus modo, cooperáta est.

Hoc divínæ providéntiæ consílium in ratióne illa precándi, quæ Rosárium vocátur, próprie miréque extóllitur: quare Rosárium semper ab Ecclésiæ pastóribus magni factum est et veheménter commendátum. Iure ergo Ecclésia et Rosárii corónas et eos qui, Rosárium recitántes, redemptionis nostræ mystéria récolunt et meditántur, peculiári ditat benedictióne, ut cum María et per Mariám laudes Deo exsolvántur.

#### LECTIO VERBI DEI

1191. Deinde lector vel unus ex adstantibus vel ipse celebrans legit textum Sacrarum Scripturarum, ex iis potissimum selectum qui in



Missali Romano pro Lectionario de Communi beatæ Mariæ Virginis<sup>2</sup> indicantur, vel ex iis qui infra proponuntur.

Lc 2, 46-52 « *Mater Iesu conservabat omnia verba in corde suo* ».

Audíte, fratres, verba sancti Evangélii secúndum Lucam.

Post tríduum María et Ióseph invenérunt púerum Iesum in templo sedéntem in médio doctórum, audiéntem illos et interrogántem eos; stupébant autem omnes, qui eum audiébant, super prudéntia et respónsis eius. Et vidéntes eum admiráti sunt, et dixit Mater eius ad illum: « Fili, quid fecísti nobis sic? Ecce pater tuus et ego doléntes quærebámus te ». Et ait ad illos: « Quid est quod me quærebátis? Nesciebátis quia in his, quæ Patris mei sunt, opórtet me esse? ». Et ipsi non intellexérunt verbum, quod locútus est ad illos. Et descéndit cum eis et venit Názareth et erat súbditus illis. Et mater eius conservábat ómnia verba in corde suo. Et Iesus proficiébat sapiéntia et ætáte et grátia apud Deum et hómines.

1192. Vel:

Act 1, 12-14 « *Omnes erant perseverantes unanimiter in oratione, cum Maria, matre Iesu* ».

Audíte, fratres, verba Actuum Apostolórum.

Postquam vidérunt Iesum ascendéntem in cælum, revérsi sunt apóstoli in Ierúsalem a monte, qui vocátur Olivéti, qui est iuxta Ierúsalem sábbati habens iter. Et cum introíssent in cenáculum ascendérunt, ubi manébant et Petrus et Ioánes et Iacóbus et Andréas, Philíppus et Thomas, Bartholomæus et Matthæus, Iacóbus Alphæi et Simon Zelótes et

<sup>2</sup> Cf. *Missale Romanum*, Ordo Lectionum Missæ, nn. 707-712.

Iudas Iacóbi. Hi omnes erant perseverántes unánimiter in oratióne cum muliéribus et Mariá matre Iesu et frátribus eius.

1193. Pro opportunitate dici vel cani potest psalmus responsorius aut alius cantus aptus.

Ps 112 (113), 1-2. 3-4. 5-6. 7-8

R. (2) *Sit nomen Dómini benedíctum in sáeculum!*

Lc 1, 46-47. 48-49. 50-51. 52-53. 54-55

R. (49) *Fecit mihi magna qui potens est,  
et sanctum nomen eius.*

1194. Celebrans, pro opportunitate, adstantes breviter alloquitur, lectionem biblicam illustrans, ut fideles sensum celebrationis fide percipiant et modum pie ac fructuose orandi, Rosarii adhibita corona, facilius addiscant.

---

#### PRECES

1195. Ubi opportunum videtur, ante orationem benedictionis, fit communis prex. Ex intentionibus quæ infra proponuntur, celebrans seligere potest eas quæ aptiores videantur vel alias adicere quæ peculiariter adstantium vel rerum adiuncta respiciant.

Quóniam præstans devotiónis nostræ signum erga Vírginem Mariám coróna Rosárii mérito considerátur, per intercessiÓNem ipsíus beátæ Vírginis, Dóminum invocémus dicéntes:

R. *Fac, Dómine, ut per Mariám Christo intímus adhæreámus.*

Clementíssime Pater,  
qui Mariám, verbo tuo consentiéntem,  
sóciám RedemptiÓNis  
felíciter elegísti,

— concéde, ut Ecclésia tua,  
ipsa beáta Vírgine intercedénte,  
redemptiónis fructus  
abúnde percípiat. R.

Qui Vírginem Mariám  
Christo Fílio tuo arcto vínculo coniúgens  
plenitúdine grátiae tuæ mirabíliter donásti,  
— concéde ut ipsam grátiae advocátam  
iúgiter sentiámus. R.

Qui in Vírgine María  
perféctum nobis exémplum  
Christi sequélæ præbére voluísti,  
— fac ut mystéria salútis,  
quæ in oratióne Rosárii pie recólimus,  
in vitam quoque nostram  
efficáciter transférre conémur. R.

Qui Vírginem Mariám ómnia verba tua  
in corde suo conserváre docuísti,  
— fac ut, eius exémplum secúti,  
verba Filii tui suscipiámus in fide  
et in ópere exsequámur. R.

Qui Apóstolis tuis, cum María Matre Iesu orántibus,  
Sanctum dedísti Spíritum  
— præsta ut perseverántes in oratióne,  
sicut Spíritu vívimus  
Spíritu et ambulémus. R.

Tum celebrans orationem benedictionis profert, ut infra.

**1196.** Quando preces non dicuntur, ante orationem benedictionis,  
celebrans dicit:

Orémus.

Et omnes per aliquod temporis spatium silentio orant. Deinde celebrans benedictionis orationem profert.

---

ORATIO BENEDICTIONIS

1197. Tum celebrans, manibus extensis, dicit:

Benedíctus sit Deus ac Pater noster,  
qui Fílii sui mystéria  
et recolénda præbet  
et fide celebránda concédit.  
Præstet nobis fidélibus suis,  
pia Rosárii precatióne suffúltis,  
ut, Iesu gáudia, passiónem et glóriam  
cum María, eius Matre,  
et in corde nostro conférre  
et conserváre iúgiter studeámus.  
Per Christum Dóminum nostrum.

R. Amen.

1198. Vel:

Concéde, quæsumus, omnípotens Deus,  
ut in huius Rosárii coróna devóte recitánda  
fidéles tui beátam Mariám Vírginem fidénter implórent  
et Christi Iesu mystéria assídue revolvéntes,  
quæ in oratióne récolunt  
in vitæ transférant actiónem.  
Per Christum Dóminum nostrum.

R. Amen.

1199. Vel:

Omnípotens et miséricors Deus,  
qui propter exímiam caritátem

qua dilexísti nos,  
Fílium tuum  
ex beáta Vírgine María  
de Spíritu Sancto carnem suscípere,  
mortem in cruce subíre,  
et a mórtuis resúrgere voluísti:  
benedícere dignáre  
omnes qui his Rosárii corónis usi fúerint  
in honórem Genetrícis Fílii tui,  
et lábiis ac mente oráverint,  
ut perseveránti devotióne abúndent,  
et, in vitæ éxitu, ab ipsa beáta Vírgine María  
tibi præsentári mereántur.  
Per Christum Dóminum nostrum.  
R. Amen.

1200. Deinde sequitur pia recitatio Rosarii, secundum loci consuetudines.

#### CONCLUSIO RITUS

1201. Post cantum antiphonæ, v. gr. *Salve Regína* (cf. App. n. 4), vel alium aptum cantum, celebrans ritum concludit, dicens:

Deus, qui per beátam Mariám Vírginem,  
mundum lætificáre dignátus est,  
sua vos benignitáte ditáre dignétur.

R. Amen.

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

## II. RITUS BREVIOR

**1202.** Initio celebrans dicit:

**γ.** Osténde nobis, Dómine, misericórdiam tuam.

Omnes:

**℞.** Et salutáre tuum da nobis.

**1203.** Tum celebrans ad benedictionis celebrationem adstantes pro opportunitate disponit.

**1204.** Unus ex adstantibus vel ipse celebrans legit aliquem textum Sacrae Scripturae:

Lc 2, 51b-52: Mater Iesu conservábat ómnia verba in corde suo. Et Iesus proficiébat sapiéntia et ætáte et grátia apud Deum et hómines.

Act 2, 14: Hi omnes erant perseverántes unanímiter in oratióne, cum muliéribus et María matre Iesu et frátribus eius.

**1205.** Deinde celebrans dicit, manibus extensis:

Benedíctus sit Deus ac Pater noster,  
qui Fílii sui mystéria  
et recolénda præbet  
et fide celebránda concédit.  
Præstet nobis fidélibus suis,  
pia Rosárii precatióne suffúltis,  
ut, Iesu gáudia, passióes et glóriam  
cum María, eius Matre,  
et in corde nostro conférre  
et conserváre iúgiter studeámus.  
Per Christum Dóminum nostrum.

**℞.** Amen.

1206. Vel:

In memóriam mysteriórum  
vitæ, mortis et resurrectionis Dómini nostri,  
ad honórem Vírginis Mariæ,  
Matris Christi et Ecclésiæ,  
benedicátur qui hac Rosárii coróna devóte oráverit:  
in nómine Patris, et Fílii, ✠ et Spíritus Sancti.

R. Amen.

---

FORMULA BREVIS

1207. In peculiaribus adiunctis, sacerdos vel diaconus adhibere potest sequentem formulam brevem:

In nómine Patris, et Fílii, ✠ et Spíritus Sancti.

R. Amen.

## CAPUT XXXIX

### ORDO BENEDICTIONIS ET IMPOSITIONIS SCAPULARIS

#### PRÆNOTANDA

**1208.** Benedictio et impositio scapularis communi celebratione, quantum fieri potest, peragatur. Cum autem agitur de scapularis impositione, qua christifideles ad confraternitatem alicuius Instituti religiosi admittuntur, admissio hæc per sodalem vel per ministrum rite a competenti auctoritate ipsius Instituti delegatum fieri debet.

**1209.** Pro benedictione et impositione, scapulare adhibendum est forma et materia pro confraternitate vel consociatione de qua agitur definitis; postea vero numismate benedicto substitui potest.

**1210.** Pro ingressu in confraternitatem qua quis cuiusdam Instituti religiosi spiritualiter fit particeps, particulares normæ a singulis Institutis præfinitæ præ oculis habeantur, eæque integre servantur.

### ORDO BENEDICTIONIS

#### RITUS INITIALES

**1211.** Populo vel saltem membris confraternitatis congregatis, celebrans accedit dum opportune canitur hymnus qui peculiari celebrationi congruat. Cantu absoluto, celebrans dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.



**1212.** Deinde celebrans adstantes salutatur, dicens:

Grátia vobis et pax a Deo Patre nostro,  
a quo, per Fílium ex Vírgine natum,  
bona cuncta procedunt.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

**1213.** Tum celebrans adstantes ad ritum celebrandum disponit his vel similibus verbis:

Deus humílibus útitur signis ut magnam suam in nos misericórdiam manífestet. Humílibus étiam signis homo grati ánimi sensus pandit, voluntátem osténdit Deo serviéndi et propósitum se Baptísmatis consecrátióni tota vita fidélem præstándi.

[Hoc Scapuláre quod quasi signum habétur ingrèssus in confraternitátem cum Ordine religiósó N. in Ecclesiá approbáto, speciálem éxprimit voluntátem spírítum eiúsdem Ordinis participándi. Id vero baptismále rénovat propósitum Christum induéndi, auxiliánte Vírgine María, quæ máxime vult ut Christo in laudem Trinitátis conformémur, donec nuptiáli veste indúti, in pátriam cæléstem adducámur].

#### LECTIO VERBI DEI

**1214.** Deinde lector vel unus ex adstantibus vel ipse celebrans legit textum Sacrarum Scripturarum, ex iis potissimum selectum qui in Lectionario de SS. Trinitate, de mysteriis Domini vel de beata Maria Virgine agunt. Seligi autem opportune potest unus alterve textus ex iis qui illius Instituti religiosi spiritui congruunt, cui confraternitas adhæret.

1215. Vel:

2 Cor 4, 13 — 5, 10 « *Nolumus exspoliari sed supervestiri* ».

Audíte, fratres, verba Pauli apóstoli ad Corínthios.

Habéntes eúndem spíritum fídei, sicut scriptum est: « Cré-  
didi, propter quod locútus sum », et nos crédimus, propter  
quod et lóquimur, sciéntes quóniam, qui suscitávit Dómi-  
num Iesum, et nos cum Iesu suscitábit et constituet vobís-  
cum. Omnia enim propter vos, ut grátia abúndans per multos  
gratiárum actiόνem abundáre fáciat in glóriam Dei. Propter  
quod non defícimus, sed licet is, qui foris est, noster homo  
corrúmpitur, tamen is, qui intus est, noster renovátur de  
die in diem. Id enim, quod in præsénti est, leve tribulatiónis  
nostræ supra modum in sublimitátem ætérnum glóriæ pon-  
dus operátur nobis, non contemplántibus nobis, quæ vidén-  
tur, sed quæ non vidéntur; quæ enim vidéntur, temporália  
sunt, quæ autem non vidéntur, æténa sunt.

Scimus enim quóniam si terréstris domus nostra huius ta-  
bernáculi dissolvátur, ædificatióem ex Deo habémus domum  
non manufactam, ætérnam in cælis. Nam et in hoc ingemís-  
cimus habitatióem nostram quæ de cælo est, superíndui  
cupiéntes, si tamen et exspoliáti, non nudi inveniámur. Nam  
et, qui sumus in tabernáculo, ingemíscimus graváti, eo quod  
nólumus exspoliári sed supervestíri, ut absorbeátur, quod  
mortále est, a vita. Qui autem effécit nos in hoc ipsum, Deus,  
qui dedit nobis arrabónem Spíritus.

Audéntes ígitur semper et sciéntes quóniam, dum præséntes  
sumus in corpore, peregrinámur a Dómino; per fidem enim  
ambulámus et non per spéciem. Audémus autem et bonam  
voluntátem habémus magis peregrinári a corpore et præsén-  
tes esse ad Dóminum. Et ídeo conténdimus sive præséntes  
sive abséntes placére illi. Omnes enim nos manifestári opór-  
tet ante tribúnal Christi, ut réferat unusquisque pro eis,  
quæ per corpus gessit, sive bonum sive malum.

**1216.** Tum celebrans homiliam habet, qua sensum celebrationis adstantibus illustret.

#### PRECES

**1217.** Sequitur prex communis. Ex intercessionibus quæ infra proponuntur, celebrans seligere potest eas quæ aptiores videantur vel alias adicere quæ peculiaria fidelium vel rerum adiuncta respiciant.

Deiparæ suffrágio suffúlti, quæ Verbo pro nobis in ea de Spíritu Sancto incarnáto vestem nostræ mortalitátis contéxuit, ut fratris nostri primogéniti grátiam participémus, et in Dei laudem vivámus, Patrem deprecémur, dicéntes:

*R. Christum nos, Deus, indúere concéde.*

Qui Fílium dilectiónis tuæ  
carnem nostram indúere disposuísti,  
ut per eum hómines vitæ tuæ partícipes  
in Christo fíerent;  
— fac ut fílii tui semper nominémur et simus. *R.*

Qui Christum in ómnibus nobis símilem voluísti,  
præter peccátum  
ut, eum secúti, confórmes simus  
imáginí Fílii tui:  
— Christum nos sequi concéde  
ut tibi in ómnibus placeámus. *R.*

Qui hómines, regni tui nuptiáli veste indútos,  
ad grátiae ádvocas convívium  
ut te ipsum eis reveláre dignéris,  
— doce nos fidéliter tibi servíre. *R.*

Qui per Apóstolum tuum nos hortáris  
ut bonus Christi odor in mundo simus,  
— fac ut Christi præsentíæ signum  
inter fratres agnoscámus. *R.*

Qui veste iustítiæ et sanctitátis nos ornas  
ut tibi in Spíritu Sancto vitam ágéntes  
Ecclésiæ sanctitátem exprimámus:  
— nos per Christum in dies sanctífica,  
ut fratrum quoque salúti generóse cooperémur. R.

Qui omni benedictióne spiritáli  
nos in Christo semper benedícis,  
donec nuptiáli veste indúti,  
ipsi veniénti occurrámus:  
— fac ut, Vírgine María interveniénte,  
de morte ad vitam felíciter gradiámur. R.

#### ORATIO BENEDICTIONIS

1218. Tum celebrans, extensis manibus, subiungit:

Deus, sanctitátis auctor et consummátor,  
qui renátos ex aqua et Spíritu Sancto  
ad vitæ cristiánæ plenitúdinem  
et caritátis perfectiónem vocas,  
fámulos tuos propítius réspice  
hoc scapuláre in laudem Trinitátis  
(ad honórem v.gr. Passiónis Christi)  
(ad honórem beátæ Mariæ Vírginis)  
devóte suscipiéntes,  
ut Christi Fílii tui imágini confórmes efficiántur  
et huius vitæ cursu felíciter consummáto,  
Deípara Vírgine auxiliánte, in gáudium domus tuæ  
intráre mereántur.  
Per Christum Dóminum nostrum.  
R. Amen.

## IMPOSITIO SCAPULARIS

**1219.** Deinde celebrans scapulare candidatis imponit verba sequentia proferens, vel similia ut in proprio Rituali:

a) *Pro scapulari in honorem Trinitatis vel mysteriorum Iesu Christi*

Accipe hunc hábitum  
quo in religiósæ famíliæ N.  
Trinitáti Sanctíssimæ  
(vel v.gr. Passióni Iesu Christi) dicátæ  
confraternitátem admítteris,  
et ita age ut, Deípara auxiliánte,  
ad Trinitátis glóriam  
atque Ecclésiæ et hóminum bonum  
in dies Christum indúere sátagas,  
qui nos redémit in ságuine suo.  
R. Amen.

b) *Pro scapulari in honorem b. Mariæ Virginis*

Accipe hunc hábitum  
quo in religiósæ famíliæ N.,  
beátæ Mariæ Vírgini dicátæ,  
confraternitátem admítteris,  
et ita age ut, Deípara auxiliánte,  
ad Trinitátis glóriam  
atque Ecclésiæ et hóminum bonum  
in dies Christum indúere sátagas  
eúmque in te vivéntem maniféstes.  
R. Amen.

**1220.** Pro opportunitate, celebrans formulam impositionis semel pro omnibus pronuntiat, elata voce.

Omnes respondent una simul: Amen, et ad celebrantem accedunt scapulare recepturi.

**1221.** Tum celebrans, ad novos confratres versus, dicit:

Hoc Scapulári indúti,  
in familiam religiósam N. suscepti estis,  
ut Christo eiúsque Ecclésiæ  
in spíritu eiúsdem Ordinis  
impénsius servíre valeátis.  
Quod ut perféctius assequámini,  
ego, ex potestáte mihi concéssa,  
ad participatióem ómnium bonórum spirituálium  
eiúsdem familiæ religiósæ vos admítto.

**1222.** Confraternitatis officiis et obligationibus declaratis, celebrans omnes aqua benedicta aspergit, nihil dicens.

#### CONCLUSIO RITUS

**1223.** Celebrans ritum concludit, dicens:

Omnípotens Deus sua vos cleméntia benedícat,  
et sensum in vobis sapiéntiæ salutáris infúndat.  
R. Amen.

Fídei documéntis vos semper enútriat,  
et in sanctis opéribus, ut perseverétis, effíciat.  
R. Amen.

Gressus vestros ad se convértat,  
et viam vobis pacis et caritátis osténdat.  
R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.  
R. Amen.

vel alia formula benedictionis, ratione habita cum titulo ipsius scapularis.

**1224.** Ritus laudabiliter cantu apto perficitur.

**PARS QUINTA**

**DE BENEDICTIONIBUS AD DIVERSA**





## PRÆNOTANDUM PARTIS QUINTÆ

**1225.** Christifidelium vita multimodis crescit, cum in Spiritu Domini et iuxta eius mandata, quæ ad conversationem fovendam inter homines bona sunt, necnon fructus naturæ et industriæ nostræ propagat. Crescit ideo etiam cum Dominus nos benedicit et nos Dominum benedicimus,<sup>1</sup> quapropter ei gratias agimus eiusque auxilium apta celebratione ac prece imploramus, ut quæ nobis concessit debito modo ad regnum Dei consummandum adhibeantur.

Schemata, quæ in hac parte proponuntur, cum varias occasiones orationis et gratiarum actionis prævideant, sedulo diversis rerum circumstantiis accommodari debent.

<sup>1</sup> Cf. S. AUGUSTINUS, *Enar. in ps 66*, 1: PL 36, 802; CCL 39, 856.

## CAPUT XL

### ORDO BENEDICTIONIS IN GRATIARUM ACTIONE AGENDA PRO ACCEPTIS BENEFICIIS

#### PRÆNOTANDA

**1226.** Christifideles, qui celebrationis eucharisticæ gratiam ad vitam cotidianam dilatare student, curant ut in gratiarum semper maneant actione. Suis autem donis Deus incessanter ad grates advocat rependendas; id vero tum potissimum valet cum Deus peculiaria beneficia fidelibus suis tribuit, quos proinde ad Deum laudandum et benedicendum congregari decet.

**1227.** Ordo, qui hic præbetur, adhiberi potest tum a sacerdote, tum a diacono, tum etiam a laico, ritibus et formulis pro ipso prævisis, qui omnes, ritus structura et potioribus elementis servatis, personarum et locorum adiunctis singulas partes aptabunt.

**1228.** Congruenter hic Ordo adhibetur, si non adest presbyter, ubi mos viget aliquam habendi gratiarum actionis celebrationem in fine anni.

### ORDO BENEDICTIONIS

#### RITUS INITIALES

**1229.** Communitate congregata, minister dicit:

In nómine Patris, et Fílii, et Spíritus Sancti.

Omnes signo crucis se signant, et respondent:

Amen.

**1230.** Deinde minister, si est sacerdos vel diaconus, adstantes salutatur, dicens:

Deus, dives in misericórdia,  
qui mirabilia facit pópulo suo,  
sit semper vobíscum.

vel alia apta verba e Sacris Scripturis præsertim deprompta.

Omnes respondent:

Et cum spírítu tuo.

vel alio apto modo.

---

**1231.** Si vero minister est laicus, adstantes salutatur, dicens:

Fratres, Deum benedícite,  
qui dives in misericórdia,  
mirabilia facit pópulo suo.

Omnes respondent:

Amen.

---

**1232.** Tum minister adstantes ad benedictionem accipiendam disponit his vel similibus verbis:

Pro donis quibus nos Deus cumuláre dignátus est, cor nostrum in gratiárum actióne ei aperiámus. Apóstolus Paulus nos ádmonet, in ómnibus, Deo Patri grátias agéndas esse per Christum, per quem ómnia nobis donávit. Cum enim filii Dei facti simus, superabundavérunt divítiae grátiae eius in nobis, quos de potestáte eréptos tenebrárum ipse in regnum tránstulit Fílii dilectiónis suæ. Dei ergo agnoscéntes benefícia, nos ipsos ad Eucharístiam plénius participándam comparámus, in qua ómnia bona comprehendúntur et in quam omnis gratiárum áctio effúnditur atque redúndat.

## LECTIO VERBI DEI

1233. Deinde lector, vel unus ex adstantibus vel ipse minister legit textum Sacrarum Scripturarum.

Phil 4, 4-7 « *Cum gratiarum actione petitiones vestrae innotescant apud Deum* ».

Audíte, fratres, verba Pauli apóstoli ad Philippenses.

Gaudéte in Dómino semper. Iterum dico: Gaudéte! Módestia vestra nota sit ómnibus homínibus. Dóminus prope. Nihil solliciti sitis, sed in ómnibus oratióne et obsecratióne cum gratiárum actiÓne petitiÓnes vestrae innotescant apud Deum. Et pax Dei, quæ exsúperat omnem sensum, custódiat corda vestra et intellegéntias vestras in Christo Iesu.

1234. Vel:

1 Cor 1, 4-9 « *In omnibus divites facti estis in Christo Iesu* ». Grátias ago Deo meo ...

Col 3, 15-17 « *Gratias agentes Deo Patri per Ipsum* ». Pax Christi dominétur ...

1 Th 5, 12-24 « *In omnibus gratias agite: hæc enim voluntas Dei est* ». Rogámus autem vos ...

1 Tim 2, 1-10 « *Obsecro primo omnium fieri gratiarum actiones pro omnibus* ». Obsecro primo ómnium ...

Lc 17, 11-19 « *Cum magna voce magnificabant Deum* ». Et factum est dum iret in Ierúsalem ...

1235. Pro opportunitate dici vel cani potest psalmus responsorius aut alius cantus aptus.

Ps 46 (47), 2-3. 5-6. 7-8. 9-10

R. (2b) *Iubiláte Deo in voce exsultatiÓnis!*

Ps 65 (66), 1b-2. 8-9. 10-11. 13-14. 16-17. 19-20

R. (cf. 16) *Veníte, audite, et narrábo,  
quanta fecit Deus ánimæ meæ!*

Ps 117 (118), 1-2. 5-6. 8-9. 17-19. 26-27. 28-29

R. (1) *Confitémini Dómino, quóniam bonus,  
quóniam in sæculum misericórdia eius.*

**1236.** Minister, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

---

#### PRECES

**1237.** Ubi opportunum videtur, sequitur prex communis. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

Deum Patrem omnipoténtem, cuius glóriam cæli enarrant et bonitátem omnis exáltat ab eo cóndita creatúra, grátias ágéntes collaudémus, et mémoires grátique dicámus:

R. *Pro univérſis beneficiis tuis, glória tibi, Dómine.*

Pater munificentíſſime,  
qui in Christo Fílio tuo ómnia nobis donásti,  
— fac ut a tua numquam laude cessémus. R.

Qui abundántia pietátis tuæ  
et mérita súpplicum excédis et vota,  
— concéde ut mirábília tua  
corde semper et ore canámus. R.

Qui signa innumerábília amóris tui  
pro nobis liberáliter præparas atque dispónis,  
— præsta ut dum tua dona recípiamus  
te donántem pótius discernámus. R.

Qui partem bonórum cum áliis communicáre  
discípulos tuos docuísti,  
— fratres quoque nostros  
donórum tuórum tríbuas esse partícipes,  
ut gáudii nostri sint et ipsi consórtes. R.

**1238.** Loco communis precis cani potest hymnus *Te Deum laudá-*  
*mus* (cf. App. n. 34), vel canticum *Benedícite, ómnia ópera Dómini,*  
*Dómino* (cf. App. n. 35), vel canticum *Magnificat* (cf. App. n. 36), vel  
psalmus.

---

#### ORATIO BENEDICTIONIS

**1239.** Tum minister, si est sacerdos vel diaconus manibus extensis,  
si vero est laicus, manibus iunctis, benedictionis orationem profert:

Pater omnípotens,  
bonórum ómnium munífice dispensátor,  
pro beneficiis nobis collátis  
tibi grátias ágimus,  
humíliter supplicántes,  
ut, quos sóspites in tua benignitáte servásti,  
sub umbra alárum tuárum  
semper prótegas atque custódias.  
Per Christum Dóminum nostrum.  
R. Amen.

**1240.** Vel:

Deus, cuius misericórdiæ non est númerus,  
et bonitátis infinítus est thesáurus:  
piíssimæ Maiestáti tuæ  
pro collátis donis grátias ágimus,  
tuam semper cleméntiam exorántes,  
ut, qui peténtibus postuláta concédís,

eósdem non déserens,  
ad præmia futúra dispónas.  
Per Christum Dóminum nostrum.

R. Amen.

#### CONCLUSIO RITUS

1241. Tum minister, si est sacerdos vel diaconus, ritum concludit, dicens:

Deus Pater, cum Fílio et Sancto Spíritu,  
qui fecit vobíscum  
secúndum magnam misericórdiam suam,  
benedícat vos benedictióne perpétua.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

---

1242. Si vero minister est laicus, ritum concludit, seipsum signans ac dicens:

Deus Pater, cum Fílio et Sancto Spíritu,  
qui fecit nobíscum  
secúndum magnam misericórdiam suam,  
sit semper benedíctus in sæcula.

R. Amen.

---

1243. Laudabiliter ritus cantu apto perficitur.

## CAPUT XLI

### ORDO BENEDICTIONIS PRO VARIIS CIRCUMSTANTIIS

#### PRÆNOTANDA

**1244.** Ad sanctificanda, peculiari adhibita celebratione benedictionis, ea etiam vitæ adiuncta quæ in superioribus Ordinibus non aperte indicantur (v. gr. adunatio membrorum alicuius familiæ vel cœtus ad celebrandum peculiarem eventum, vel collectio rerum quæ pauperibus destinantur, etc.) proponitur hic ordo celebrationis, qui cum plures præbeat textus eligendos, facilius diversis rerum circumstantiis accommodari potest.

**1245.** Præsens autem Ordo nihil de principiis derogare intendit. Haud decet enim ex omnibus quibuscumque rebus (v. gr. ex erecto quovis monumento, ex instrumentis bellicis nuper instructis vel ex omnis generis adiunctis) occasionem sumere ad celebrandam aliquam benedictionem. Unaquæquæ vero celebratio semper æquo iudicio pastoralis subici debet, præsertim si periculum admirationis apud fideles vel ceteros prævideri possit.

**1246.** Ordo, qui hic præbetur, adhiberi potest tum a sacerdote, tum a diacono, tum a laico, ritibus et formulis pro ipso prævisis, qui omnes, ritus structura et potioribus elementis servatis, personarum et locorum adiunctis singulas partes aptabunt.

### ORDO BENEDICTIONIS

#### RITUS INITIALES

**1247.** Communitate congregata, minister dicit:

In nómine Patris, et Fílii, et Spíritus Sancti.



Omnes signo crucis se signant, et respondent:

Amen.

**1248.** Deinde minister, si est sacerdos vel diaconus, adstantes salutatur, dicens:

Deus, bonórum ómnium fons,  
sit cum ómnibus vobis.

vel alia apta verba e Sacris Scripturis præsertim deprompta. Omnes respondent:

Et cum spírítu tuo.

vel alio apto modo.

---

**1249.** Si vero minister est laicus, adstantes salutatur dicens:

Deum, bonórum ómnium fontem,  
fratres, benedicámus.

Omnes respondent:

Amen.

---

**1250.** Tum minister adstantes ad benedictionem accipiendam disponit his vel similibus verbis:

Omnia quæ Deus creávit et susténtat, événtus omnes quos ipse providénter gubérnat, hóminum étiam ópera quæ bona sint et ad bonum indúcant, credéntium corda movent et ora, ut Deum benedicant, bonórum ómnium oríginem et fontem. Hac nostra celebratióne ómnia cooperári in bonum eórum qui Deum timent ac díligunt nos crédere profitémur; qui divínium auxílium semper et in ómnibus quæréndum esse non dubitámus ut Patris nostri voluntáti adhæréntes ómnia ad Dei glóriam in Christo fácere possímus.

## LECTIO VERBI DEI

1251. Deinde lector, vel unus ex adstantibus vel ipse minister legit textum Sacrarum Scripturarum.

Col 1, 9b-14 « *In omni opere bono fructificantes* ».

Audíte, fratres, verba Pauli apóstoli ad Colossénses.

Non cessámus pro vobis orántes et postulántes, ut impleámini agnitióne voluntátis eius in omni sapiéntia et intellectu spiritali, ut ambulétis digne Dómino per ómnia plácéntes, in omni ópere bono fructificántes et crescéntes in sciéntia Dei, in omni virtúte confortáti secúndum poténtiam claritátis eius in omnem paciéntiam et longanimitátem, cum gáudio grátias ágéntes Patri, qui idóneos vos fecit in partem sortis sanctórum in lúmine; qui erípuit nos de potestáte tenebrárum et tránstulit in regnum Filii dilectiónis suæ, in quo habémus redemptiónem, remissionem peccatórum.

1252. Vel:

Rom 8, 24-28 « *Spiritus adiuvat infirmitatem nostram* ».

Audíte, fratres, verba Pauli apóstoli ad Romános.

Spe salvi facti sumus; spes autem, quæ vidétur, non est spes; nam, quod videt quis, sperat? Si autem, quod non vidémus, sperámus, per paciéntiam exspectámus. Simíliter autem et Spíritus ádiuvat infirmitátem nostram; nam quid orémus, sicut opórtet, nescímus, sed ipse Spíritus interpéllat gemítibus inenarrabílibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

**1253.** Vel:

1 Tim 4, 4 « *Omnis creatura Dei bona* ».

Audíte, fratres, verba Pauli apóstoli ad Timótheum.

Omnis creatúra Dei bona, et nihil reiciéndum, quod cum gratiárum actióne percípitur, sanctificátur enim per verbum Dei et oratióem.

**1254.** Vel:

Num 6, 22-27 « *Sic benedicetis filiis Israel et ego benedicam eis* ».

Locutúsque est Dóminus ad Móysen, dicens ...

Deut 33, 1. 13b-16a *Benedictio Moysis*.

Hæc est benedictio, qua benedíxit Móyses ... 13 Benedícta a Dómino ...  
16 usque ad plenitúdine eius.

Sap 13, 1-7 « *A magnitudine et pulchritudine creaturarum cognoscibiliter potest Creator horum videri* ».

Vani autem sunt natúra omnes hómines ...

Sir 18, 1-9 « *Quis sufficit enarrare opera Dei!* ».

Qui vivit in ætérnum, creávit ómnia simul ...

**1255.** Pro opportunitate dici vel caní potest psalmus responsorius aut alius cantus aptus:

Ps 104 (105), 1-2. 3-4. 5 et 7. 8-9

R. (43) *Edúxit Dóminus pópulum suum in exsultatióne!*

Ps 105 (106), 2-3. 4-5. 45-46. 47. 48

R. (1) *Confitémini Dómino, quóniam bonus,  
quóniam in sáculum misericórdia eius.*

Ps 106 (107), 2-3. 8-9. 31-32. 42-43

R. (6) *Clamavérunt ad Dóminum, cum tribularéntur,  
et de necessitatibus eórum eripuit eos.*

**1256.** Minister, pro opportunitate adstantes breviter alloquitur, lectionem biblicam illustrans, ut sensum celebrationis fide percipiant.

---

## PRECES

**1257.** Ubi opportunum videtur, ante orationem benedictionis, communis prex haberi potest. Ex invocationibus quæ infra proponuntur, minister seligere potest eas quæ aptiores videantur vel alias adicere quæ peculiaria rerum adiuncta respiciant.

Deus univérſa diligit quæ creávit, eáque servat ómnibus benedícens. Ut suam nunc benedictiónem impértiat nosque sua consolatióne récreet atque sustíneat, humíliter precémur, dicéntes:

*R. Benedíctio tua sit super nos, Dómine.*

Ætérne Deus, qui altiórem donas huius vitæ sensum  
si tu ex corde serviámus voluntáti,  
— nos spírítu sanctitátis tuæ  
benígnus implére dignéris. *R.*

Qui cupis ut dona tua  
multiplicáta tibi reddántur et frátribus,  
— áccipe múnera nostræ servitútis et dilectiόνis. *R.*

Qui semper nos tuæ réspicis óculis pietátis,  
— audi vocem sperántium in te, Dómine. *R.*

Qui Fílium tuum in mundum misísti  
ut peccáti maledictiόne subláta,  
benedictiόnem tuam nobis afférret,  
— omni benedictiόne cælésti  
in Ipso nos replére dignéris. *R.*

Qui Spírítum Fílii tui in corda nostra effudísti,  
in quo clamámus: Abba Pater,  
— fílios exáudi, qui Patris bonitátem  
agnoscéntes exáltant. *R.*

Qui per mortem et resurrectiόnem Fílii tui  
pópulum tuum tuámque hereditátem nos elegísti,

— nostri meménto in necessitatibus nostris  
et bédedic hereditáti tuæ. R.

Tum celebrans orationem benedictionis profert, ut infra.

1258. Quando preces non dicuntur, ante orationem benedictionis, celebrans dicit:

Orémus.

Et omnes per aliquod temporis spatium silentio orant. Deinde minister benedictionis orationem profert.

---

#### ORATIO BENEDICTIONIS

1259. Tum minister, si est sacerdos vel diaconus, manibus extensis, vel si laicus, manibus iunctis, dicit:

1260. a) *Pro rebus creatis*

Benedíctus Deus, Creátor univérsi,  
qui ómnia bona fecísti,  
et terram hómini coléndam tradidísti:  
concéde ut rebus a te creátis,  
cum gratiárum actióne semper utámur,  
et quæ tua sunt dona cum egéntibus compartiámur,  
in caritaté Christi, Dómini nostri.  
Qui tecum vivit et regnat in sæcula sæculórum.

R. Amen.

1261. Vel:

Te benedícimus, Dómine, sancte Pater,  
cuius verbo et poténtia facta sunt ómnia;  
cuius dono percípimus  
quæ ad vitæ subsídium adhibémus:

præsta, quæsumus, ut fidèles tui,  
voluntāti tuæ feliciter obsequentes,  
creatúris istis cum gratiárum actióne  
semper utántur.

Per Christum Dóminum nostrum.

R. Amen.

1262. Vel:

Omnípotens sempitérne Deus,  
qui sic hóminem condidísti  
ut huius vitæ beneficiis conveniénter instrúctum  
ad æténa dona promovére decérnas,  
adesto nobis supplicibus tuis et præsta;  
ut præsentium rerum consolatióibus adiúti,  
sufficiéntiam temporálem consequámur  
et promissiónis tuæ perficiámur herédes.

Per Christum Dóminum nostrum.

R. Amen.

1263. b) *Pro rebus manufactis*

Omnípotens ætérne Deus,  
qui mundum creatum homínibus subiecísti,  
ut alter reddat álteri offícia caritátis,  
preces nostras, quæsumus, exáudi benígnus,  
quibus benedictiόnem tuam implorámus  
super eos qui his rebus pro sua necessitaté uténtur,  
ut te summum bonum iúgiter agnóscant  
et fratres suos sincéro prosequántur amóre.

Per Christum Dóminum nostrum.

R. Amen.

1264. c) *Pro peculiaribus vitæ adiunctis*

Dómine Deus, de abundántia misericordiárum tuárum  
fámulos præsta locuplétes, præsta secúros,

ut, benedictionibus tuis confirmati,  
in omni gratiarum actione semper abundant,  
teque perpétua exsultatione benedicant.  
Per Christum Dóminum nostrum.

R. Amen.

1265. Vel:

Adsit, Dómine, fidelibus tuis  
sacræ benedictionis effectus,  
qui mentes ómnium spiritali vegetatióne dispónat,  
ut ad ópera sua exercénda  
virtúte caritátis tuæ roboréntur.  
Per Christum Dóminum nostrum.

R. Amen.

1266. Vel:

Fidéles tuos, Dómine,  
benedictio desideráta confírmes,  
quæ eos et a tua voluntáte  
numquam fáciat discrepáre,  
et tuis semper indúlgeat beneficiis gratulári.  
Per Christum Dóminum nostrum.

R. Amen.

1267. Vel:

Bénedic, Dómine, plebem tuam,  
quæ munus tuæ miseratiónis expéctat,  
et concéde, ut, quod, te inspiránte, desíderat,  
te largiénte percípiat.  
Per Christum Dóminum nostrum.

R. Amen.

1268. Vel:

Plebs tua, Dómine, quæsumus,  
benedictiónis sanctæ munus accípiat,  
per quod et nóxia quæque declínet,  
et optáta repériat.

Per Christum Dóminum nostrum.

R. Amen.

#### CONCLUSIO RITUS

1269. Tum minister, si est sacerdos vel diaconus, ritum concludit, dicens:

Deus per ómnia benedíctus,  
in ómnibus vos per Christum benedícat,  
ut ómnia in bonum vestrum cooperéntur.

R. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

R. Amen.

---

1270. Si minister est laicus, ritum concludit, seipsum signans ac dicens:

Deus per ómnia benedíctus,  
in ómnibus nos per Christum benedícat,  
ut ómnia in bonum nostrum cooperéntur.

R. Amen.

---

1271. Laudabiliter ritus cantu apto perficitur.




**APPENDIX**

**CANTUS ANTIPHONARUM  
ET ALIORUM TEXTUUM**



1. Antiphona (n. 229)

VII



Sub tu-um prae-si-di-um confu-gimus,\* sancta De- i Génetrix; no-




stras depre-ca-ti-ones ne despí-ci-as in neces-si-tá-tibus; sed a pe-rí-cu-



lis cunctis lí-be-ra nos semper, Virgo glo-ri-ó-sa et be- ne-dí-cta.

2. Antiphona (n. 229)

V



Al-ma \* Redemptó-ris Ma-ter, quæ pérv- a cæ-li porta manes, et




stella ma-ris, succúrre cadénti, súrge-re qui cu-rat, pópu-lo: tu quæ ge-



nu-ísti, na-tú-ra mi-ránte, tu-um sanctum Ge-ni-tó-rem, Virgo pri-us



ac posté-ri-us, Gabri-é-lis ab o-re sumens illud Ave, pecca-tórum mi-



se-ré-re.

## 3. Antiphona (n. 229)




Ave, Ma-rí a, \* grá-ti a plena: Dóminus tecum: bene-dícta tu †




in mu-li é-ribus. T. P. † in mu-li é-ribus, alle- lú- ia.


## 4. Antiphona (n. 229)




Salve, Re-gí-na, \* mater mi-se-ri-córdi-æ; vi-ta, dulcé-do et spes




nostra, salve. Ad te clamá-mus, éxsu-les fí-li-i Evæ. Ad te su-



spi-rá-mus, geméntes et flentes in hac lacrimá-rum valle. E-ia ergo,




advocá-ta nostra, illos tu-os mi-se-ri-córdes ócu-los ad nos convér-




te. Et Iesum, bene-díctum fructum ventris tu-i, nobis post hoc ex-






sí-li-um osténde. O cle-mens, o pi-a, o dulcis Vir-





## 5. Antiphona super Psalmum 95 (n. 355)





## 6. Hymnus (n. 378)






7. Antiphona (n. 378)




8. Antiphona: Io 13, 35 (n. 402)



In hoc cognóscant omnes, \* qui-a me-i estis discí-pu-li, si di-




lecti-ónem habu-é-ri-tis ad ínvi-cem. V. Di-xit Ie-sus discípu-lis




su-is. In hoc cognóscent omnes.

9. Antiphona et cantus « Ubi caritas » (n. 403)




Ubi cá-ri-tas est ve-ra, De-us i-bi est. V. Congregá-vit nos




in u-num Christi amor. V. Exsultémus et in i-psy iu-cundémur.



V. Time-ámus et amémus De-um vivum. V. Et ex corde di-li-gámus




nos sin-cé-ro.







R. Ubi cá-ri-tas est ve-ra, De-us i-bi est. V. Simul ergo cum in u-




num congregámur: V. Ne nos mente di-vi-dámur, ca-ve-ámus. V. Ces-



sent iúr-gi-a ma-ligna, cessent li-tes. V. Et in mé-di-o nostri sit Chri-




# 10. Hymnus (n. 420)







pa-rá-ta, ut intác-ta copu-lé-tur Dómi-no. Pla-té-æ et mu-ri e-ius



ex auro pu-rís-simo; 3. Portæ ni-tent marga-rí-tis ády-tis pa-ténti-




bus, et virtú-te me-ri-tó-rum illuc intro-dú-ci-tur omnis qui ob



Christi nomen hic in mundo pré-mi-tur. 4. Tunsí-ó-ni-bus, pressú-ris



expo-lí-ti lá-pi-des su-is co-ap-tántur lo-cis per manum artí-fi-cis;



dispo-núntur permansú-ri sacris ædi-fi-ci-is. 5. Gló-ri-a et honor




De-o usquequáque altís-simo, una Patri Fi-li-ó-que atque Sancto





Flá-mini, quibus laudes et po-té-stas per ætérna sæ-cu-la. (A-men.)


## 11. Antiphona super Psalmum 35 (n. 862)




## 12. Antiphona (n. 870)



## 13. Antiphona (n. 872)



## 14. Antiphona (n. 872)



Effúdam \* super vos aquam mundam, et muda- bími-ni ab



óm-nibus inquina-méntis vestris, di-cit Dóminus.

## 15. Antiphona super Psalmum 33 (n. 923)



Gustá-te et vidé-te, \* quó-ni- am su-á-vis est Dó-



mi- nus be- á-tus vir, qui spe-rat in e- o. T.P. Al-




le- lú- ia. E u o u a e.

## 16. Rythmus (n. 923)



A-ve verum \* Corpus na-tum de Ma-rí-a Vírgi-ne: Ve-re pas-



sum, immo-lá-tum in cruce pro hó-mi-ne: Cu-ius latus perfo-rá-tum



flu-xit aqua et sán-guine: Esto nobis prægustá-tum mor-tis




in ex-ámi-ne. O Ie-su dul- cis! O Ie-su pi- e! O




Ie- su fi- li Ma- rí- æ.

17. Antiphona super Psalmum 23 (n. 946)

III a



Tól-lite portas, \* príncipes, vestras, et e-le-vámi-ni, portæ æ-ter-



ná-les. E u o u a e.

18. Antiphona super Psalmum 97 (n. 971)

VII c




Nos autem \* glo-ri- á-ri opór-tet in cru-ce Dómi-ni nostri




Ie-su Christi. E u o u a e.

19. Antiphona super Psalmum 66 (n. 979)

IV



Cru-cem tu-am \* ado-rá-mus, Dómi-ne, et sanctam re-surrecti- ónem



tu-am laudá-mus et glo-ri- fi-cá-mus: ecce e-nim propter lignum ve-



nit gáudi- um in u-ni- vé-ro mundo. Ps. De- us mi-se-re- á-tur nostri  
et be-ne-dí-cat no-bis: il-lúmi-net vultum su-um super nos, et mi-  
se-re- á- tur nostri.

Et repetitur antiphona: Crucem tuam.

20. Antiphona (n. 979)

II D



Per signum Cru- cis \* de i-ni-mí-cis no-stris líbe- ra nos, De-  
us noster. E u o u a e

21. Cantus (n. 1015)

V



Bene- dí- cta es tu, \* Virgo Ma-rí- a, a Dó-  
mi-no De- o ex-cél- so, præ ómni- bus mu-li- é- ri-  
bus su- per ter-ram.

## 22. Antiphona (n. 1029)

V

Laudem dí-ci-te De o no-stro, o mnes Sancti e-ius, et

qui timé-tis De-um, pu-síl-li et magni: quóni-am regnávít Dóminus

De- us noster omní-po-tens. Gaude-á-mus et exsultémus, et demus

gló-ri-am e- i.

## 23. Antiphona (n. 1029)

IV E

Sa-pi- énti-am \* Sanctó-rum narrant pópu-li, et laudes e-órum

pronúnti-at omnis ecclé-si-a.

## 24. Antiphona super Psalmum 149 (n. 1048)

II D

Cantá-te Dómino, \* et bene-dí-ci-te nó-mi-ni e-ius. T.P. e-ius,

alle-lú-ia. E u o u a e.

## 25. Hymnus (n. 1100)



Ve-xíl-la re- gis pró- de- unt, fulget crucis mysté-ri- um, quo car-




ne carnis cóndi- tor su- spén- sus est pa-tí-bu-lo.


2. Salve, ara, salve, víctima,  
de passiónis glória,  
qua Vita mortem pértulit  
et morte vitam réddidit!
3. O crux, ave, spes única!  
hoc passiónis témpore  
piis adáuge grátiam  
reísque dele crímina.
4. Te, fons salútis, Trínitas,  
colláudet omnis spíritus;  
quos per crucis mystérium  
salvas, fove per sácula.
5. Quo, vulnerátus însuper  
mucrónē diro lánceæ,  
ut nos láváret crímīne,  
manávit unda et ságuine.
6. Arbor decóra et fulgida,  
ornáta regis púrpura,  
elécta digno stípīte  
tam sancta membra tángere!
7. Beáta, cuius bráccīis  
sæcli pepéndit prétium;  
statéra facta córporis  
prædam tulítque tártari. (Amen.)

## 26. Sequentia (n. 1111)

Hæc sequentia dicitur vel integra vel forma brevior, inde a verbis: \* Sancta mater (str. n. 11):



Stabat mater do-lo-rós-a iuxta crucem lacrimó-sa, dum pendébat



Fí-li-us.

2. Cuius ánimam geméntem,  
contristátam et doléntem  
pertransívit gládius.
3. O quam tristis et afflícta  
fuit illa benedícta  
mater Unigéniti!
4. Quæ mærébat et dolébat  
pia mater, cum vidébat  
Nati pœnas íncliti.
5. Quis est homo qui non fleret,  
matrem Christi si vidéret  
in tanto supplicio?
6. Quis non posset contristári,  
piam matrem contemplári,  
doléntem cum Fílio?
7. Pro peccátis suæ gentis  
vidit Iesum in torméntis  
et flagéllis súbditum.
8. Vidit suum dulcem Natum  
moriéntem, desolátum,  
cum emísit spíritum.
9. Eia, mater, fons amóris,  
me sentíre vim dolóris  
fac, ut tecum lúgeam.




10. Fac ut árdeat cor meum  
in amándo Christum Deum,  
ut sibi compláceam.
11. \* Sancta mater, istud agas,  
Crucifíxi fige plagas  
cordi meo válide.
12. Tui Nati vulneráti,  
tam dignáti pro me pati  
poenas mecum dívide.
13. Fac me vere tecum flere,  
Crucifíxo condólere,  
donec ego víxero.
14. Iuxta crucem tecum stare  
ac me tibi sociáre  
in planctu desidéro.
15. Virgo vírginum præclára,  
mihi iam non sis amára;  
fac me tecum plángere.
16. Fac ut portem Christi mortem,  
passiónis fac me sortem  
et plagas recólere.
17. Fac me plagis vulnerári,  
cruce hac inebriári  
et cruóre Fílii.
18. Flammis urar ne succénsus,  
per te, Virgo, sim defénsus  
in die iudícii.
19. Fac me cruce custodíri,  
morte Christi præmuníri,  
confovéri grátia.
20. Quando corpus moriétur,  
fac ut ánimæ donétur  
paradísi glória. (Amen.)

## 27. Hymnus (n. 1113)


VIII



Ad cenam Agni pró-vi-di, sto-liš sa-lú-tis cándi-di, post tránsi-




tum ma-ris Rubri Christo ca-ná-mus prínci-pi. 2. Cuius corpus sanc-



tíssimum in a-ra crucis tórridum, sed et cru- ó-rem róse-um gu-




stándo, De-o ví-vimus. 3. Pro-técti paschæ véspero a de-vastánte




ánge-lo, de Phara- ó-nis áspe-ro sumus e-répti impé-ri-o. 4. Iam




pascha nostrum Christus est, agnus occi-sus ínno-cens; since-ri-tá-tis




á-zyma qui carnem su-am óbtu-lit. 5. O vera, digna hósti-a, per




quam frangúntur tárta-ra, captí-va plebs redími-tur reddúntur vi-tæ




præmi-a! 6. Consúrgit Chri-stus túmu-lo, victor red-it de bá-rathro,




ty-ránnum trudens víncu-lo et para-dí-sum rése-rans. 7. Esto per-




énne méntibus paschá-le, Iesu, gáudi-um et nos re-ná-tos grá-ti æ



tu-is tri-úmphis ággrega. 8. Ie-su, ti-bi sit gló-ri-a, qui mor-te




victa præni-tes, cum Patre et almo Spí-ri-tu, in sempi-térna sæcu-



la. (A-men.)

## 28. Antiphona super Psalmum 117 (n. 1124)

VIII c




Pórti-o me-a, Dómine,\* sit in terra vi-vénti-um. E u o u a e.

## 29. Antiphona super Psalmum 117 (n. 1124)

VIII G



A-pe-rí-te mi-hi \* portas iustí-ti-æ, et ingressus in e-as con-



fi-tébor Dómino. E u o u a e.

## 30. Antiphona super Psalmum 117 (n. 1124)


I f 

Hæc porta Dómi-ni: \* iusti intrábunt in e- am. E u o u a e.

## 31. Antiphona super Psalmum 133 (n. 1125)


II D 

Audi-vi vo-cem \* de cælo di-céntem: Be- á-ti mórtu- i, qui in




Dómino mo-ri- úntur. E u o u a e.

## 32. Antiphona super Psalmum 50 (n. 1130)


I f 

Ex-sultábunt Dómino ossa humi- li- á-ta. E u o u a e.

## 33. Hymnus (n. 1187)

II 

Te ge- sti- éntem gáudi- is, te sáuci- am do- ló- ri- bus, te iugi




amíctam gló-ri- a, o Virgo Ma- ter, pángimus.

2. Ave, redúndans gáudio  
dum cóncipis, dum vísitas,  
et edis, offers, ínvenis,  
mater beáta, Fílium.


3. Ave, dolens et íntimo  
in corde agónem, vérbera,  
spinas crucémque Fílii  
perpéssa, princeps mártýrum.

4. Ave, in triúmphis Fílii,  
in ignibus Parácliti,  
in regni honóre et lúmine  
regína fulgens glória.
5. Veníte, gentes, cárpíte  
ex his rosas mystériis,  
et pulchri amóris ínclitæ  
matri corónas néctite.
6. Iesu, tibi sit glória,  
qui natus es de Vírgine,  
cum Patre et almo Spíritu,  
in sempitérna sáecula. (Amen.)


## 34. Hymnus (n. 1238)



Te De-um laudámus: \* te Dóminum confi-témur. Te æ-térnum




Patrem, omnis terra vene-rá-tur. Ti-bi omnes ánge-li, ti-bi cæ-li et




uni-vérsæ potestá-tes: Ti-bi chérubim et séraphim incessá-bi-li voce




proclámant: Sanctus: Sanctus: Sanctus Dóminus De-us Sába-oth.




Pleni sunt cæ-li et terra ma-iestá-tis gló-ri-æ tu-æ. Te glo-ri-ó-sus




Aposto-lórum chorus. Te prophe-tá-rum laudá-bi-lis núme-rus. Te már-



ty-rum candidá-tus laudat ex-érci-tus. Te per orbem terrá-rum sancta




confi-té-tur Ecclé-si-a: Pa-trem imménsæ ma-iestá-tis; Vene-rándum



tu-um verum et úni-cum Fí-li-um; Sanctum quoque Pa-rá-cli-tum



Spí-ri-tum. Tu rex gló-ri-æ, Christe. Tu Patris sempi-térnus es Fí-li-us.




Tu, ad li-be-rándum susceptú-rus hó-mi-nem, non horru-ísti Vírgi-nis



ú-te-rum. Tu, devícto mortis acú-le-o, ape-ru-ísti credéntibus regna




cæ-ló-rum. Tu ad dexte-ram De-i sedes in gló-ri-a Patris. Iudex







cré-de-ris esse ventú-rus. Te ergo quæsumus, tu-is fá-mu-lis súb-veni,



quos pre-ti-ó-so sá-n-gui-ne redemísti. Ætérna fac cum sanctis tu-is



Hæc ultima pars hymni ad libitum omitti potest:



## 35. Antiphona et canticum Danielis (n. 1238)



Benedícite, ómnia ópera Dómini, Dómino, \*

laudáte et superexaltáte eum in sæcula.

Benedícite, cæli, Dómino, \*

benedícite, ángeli Dómini, Dómino.

Benedícite, aquæ omnes, quæ super cælos sunt, Dómino, \*

benedícat omnis virtus Dómino.

Benedícite, sol et luna, Dómino, \*

benedícite, stellæ cæli, Dómino.

Benedícite, omnis imber et ros, Dómino, \*

benedícite, omnes venti, Dómino.

Benedícite, ignis et æstus, Dómino, \*

benedícite, frigus et æstus, Dómino.

Benedícite, rores et pruína, Dómino, \*

benedícite, gelu et frigus, Dómino.

Benedícite, glácies et nives, Dómino, \*

benedícite, noctes et dies, Dómino.

Benedícite, lux et ténebræ, Dómino, \*

benedícite, fúlgura et nubes, Dómino.

Benedícat terra Dóminum, \*

laudet et superexáltet eum in sæcula.

Benedícite, montes et colles, Dómino, \*

benedícite, univérsa germinántia in terra, Dómino.

Benedícite, mária et flúmina, Dómino, \*

benedícite, fontes, Dómino.



Benedícite, cete et ómnia

quæ movéntur in aquis, Dómino, \*

benedícite, omnes vólucres cæli, Dómino.

Benedícite, omnes béstia et pécora, Dómino, \*

benedícite, filii hóminum, Dómino.

Bénedic, Israel, Dómino, \*

laudáte et superexaltáte eum in sæcula.

Benedícite, sacerdótes Dómini, Dómino, \*

benedícite, servi Dómini, Dómino.

Benedícite, spíritus et ánimæ iustórum, Dómino; \*

benedícite, sancti et húmiles corde, Dómino.

Benedícite, Ananía, Azaría, Mísael, Dómino, \*

laudáte et superexaltáte eum in sæcula.

Benedicámus Patrem et Filium cum Sancto Spíritu; \*


laudémus et superexaltémus eum in sæcula.

Benedíctus es in firmaménto cæli \*

et laudábilis et gloriósus et superexaltátus in sæcula.

In fine huius cantici non dicitur: Glória Patri.


### 36. Canticum evangelicum: Lc 1, 46-55 (n. 1238)



Magní- fi- cat \* á-nima me-a Dómi-num, qui- a re-spé-xit De-us



humi- li- tá-tem me- am. Magní- fi- cat \* á-nima... Et exsultá-vit...



E u o u a e.

*Exsultatio Ecclesiæ in Deo Salvatore*

Magnificat \*

ánima mea Dóminum,  
et exsultávit spíritus meus \*

in Deo salvatóre meo,  
quia respéxit humilitátem ancillæ suæ. \*

Ecce enim ex hoc beátam me dicent omnes generatiónes,  
quia fecit mihi magna, qui potens est, \*

et sanctum nomen eius,  
et misericórdia eius in progénies et progénies \*  
timéntibus eum.

Fecit poténtiam in bráchio suo, \*  
dispérsit supérbos mente cordis sui;  
depósuit poténtes de sede \*  
et exaltávit húmiles;  
esuriéntes implévit bonis \*  
et dívites dimísit inánes.

Suscépit Israel púerum suum, \*  
recordátus misericórdiæ,  
sicut locútus est ad patres nostros, \*  
Abraham et sémini eius in sæcula.

Glória Patri, et Fílio, et Spirítui Sancto. \*  
Sicut erat in princípio, et nunc et semper,  
et in sæcula sæculórum. Amen.

## **INDICES**



## INDEX ALPHABETICUS BENEDICTIONUM

- Adiunctorum peculiarium vitæ, cf. Pro variis circumstantiis.  
*Orationes*, nn. 1264-1268.
- Ædium ad communicationes sociales, nn. 617-620.  
*Ordo*, nn. 621-633.
- Ædium corporibus exercitandis, nn. 634-637.  
*Ordo*, nn. 638-650.
- Ægrotantis, cf. Adulti infirmi; Pueri infirmi.
- Aerio itineri destinatæ machinæ, cf. Navigii aerii.
- Aeroportus, cf. Instrumentorum itinerantibus hominibus destinatorum.  
*Orationes*, n. 668, a).
- Adulti infirmi, nn. 290-293.  
*Ordo*, nn. 294-305; 309-312.  
*Ritus brevior*, nn. 317-319.  
*Formula brevis*, nn. 293 et 320.
- Adultorum infirmorum, nn. 290-292.  
*Ordo*, nn. 294-308; 310-312.
- Agni, præsertim in Pascha, cf. Esculentorum devotionis causa.
- Agrorum, nn. 745-748.  
*Ordo*, nn. 749-764.
- Alpium, cf. Pascuorum.
- Ambonis novi, nn. 877-879; 900-901.  
*Ordo*, nn. 902-907; 908-918.
- Animalium, nn. 721-724.  
*Ordo*, nn. 725-740.  
*Ritus brevior*, nn. 741-744.
- Annus in gratiarum actione, cf. Pro acceptis beneficiis.
- Anulorum,  
In anniversariis Matrimonii, nn. 97-99; 124-126.  
Desponsatorum, n. 210.
- Apum, cf. Animalium.
- Aquæ ad benedicendum, nn. 1085-1087.  
*Ordo*, nn. 1088-1096.

Aquæ devotionis causa, cf. Potus devotionis causa.

*Lectiones*, n. 1148, a).

*Oratio*, n. 1153, a).

Aquæductus, cf. Instrumentorum technicorum peculiarium.

*Oratio*, n. 693, c).

Archivi, cf. Bibliothecæ novæ.

Areæ novi ædificii, n. 471, cf. Operis quo novi ædificii structura paratur.

Armentorum, cf. Animalium.

Baptisterii novi, nn. 832-843.

*Ordo* I, celebrationi Baptismi coniunctus, nn. 844-860.

*Ordo* II, absque Baptismi collatione, nn. 861-876.

Bibliothecæ novæ, nn. 564-567.

*Ordo*, nn. 568-581.

Campanæ, nn. 1032-1036.

*Ordo*, nn. 1037-1051.

Campi corporibus exercitandis, cf. Locorum corporibus exercitandis.

Camporum, nn. 745-748.

*Ordo*, nn. 749-764.

Candelarum, cf. Cereorum.

Catechistarum, nn. 361-362.

*Ordo*, nn. 363-372; 373-377.

Cathedræ episcopalis, nn. 877-879; 880-882.

*Ordo*, nn. 883-888; 889-899.

Cereorum, cf. Rerum devotionis causa.

Cinematographi, cf. Ædium ad communicationes sociales.

Cœmeterii, nn. 1115-1119.

*Ordo*, nn. 1120-1136.

Coetus ad catechesim, n. 378-381.

*Ordo*, nn. 382-387.

Coetus ad celebrandum peculiare eventum, n. 1244.

Coetus desponsatorum ante Matrimonium, n. 198.

Coetus parentum ante Baptismum filiorum, n. 156.

Coetus ad orationem, nn. 378-381.

*Ordo*, nn. 382-387.

Comestibilis cuiuscumque, cf. Rerum creatarum.

Coniugum, nn. 90-93.

*Ordo* in anniversariis Matrimonii, nn. 94-106; 115-128, a); 129-131.

*Ordo* aliis in circumstantiis, nn. 107-114; 115-128, b); 129-131.

*Ritus brevior*, nn. 132-134.

Consociationum ad auxilium publicum præstandum, nn. 388-390.

*Ordo*, nn. 391-403.

Conventus religiosi, cf. Domus religiosæ novæ.

Conventuum, nn. 378-381.

Corporalis, cf. Lintheaminum.

Coronarum, cf. Rerum ad pietatem et devotionem exercendam.

Coronarum Rosarii, nn. 1183-1186.

*Ordo*, nn. 1187-1201.

*Ritus brevior*, nn. 1202-1206.

*Formula brevis*, n. 1208.

Crucis Missionariis tradendæ, n. 338; n. 352.

Crucis parvæ, cf. Rerum ad pietatem et devotionem exercendam.

Crucis publicæ venerationi exhibendæ, nn. 960-965.

*Ordo*, nn. 966-983.

Currus, cf. Vehiculi.

Desponsatorum, nn. 195-198.

*Ordo*, nn. 199-214.

Diaconi Missionarii, cf. Missionariorum.

Domus ægrotis curandis aptatæ, cf. Nosocomii novi.

Domus religiosæ novæ, nn. 515-520.

*Ordo*, nn. 521-537.

Domus novæ, nn. 474-477.

*Ordo*, nn. 478-491.

Emigrantium, cf. Itinerantium.

Emptorii, nn. 599-602.

*Ordo*, nn. 603-612; 613, c); 614-616.

Epistolarum publici Diribitorii,

cf. Ædium ad communicationes sociales.

Equorum, cf. Animalium.

Esculentorum devotionis causa, nn. 1139-1143.

*Ordo*, nn. 1144-1152; 1153, a); 1154-1156; nn. 1157-1161.

Excubiarum adversus incendia,

cf. Consociationum ad auxilium publicum præstandum.

Familiæ, nn. 40-41; 42-43.

*Ordo*, nn. 44-61; 62-67.

Familiarum annua, nn. 68-74.

*Ordo*, nn. 75-89.

Familiæ membrorum, in adunatione, n. 1244.

Filii, cf. Filiorum.

Filii infirmi, nn. 178; 313-316.

Filiorum, nn. 174-177.

*Ordo*, nn. 179-193.

*Formula brevis*, n. 194.

Florum, cf. Rerum devotionis causa.

Fontis baptismalis novi, cf. Baptisterii novi.

Fornacis, cf. Officinæ laboris.

Fructuum novorum, in præsentatione, nn. 765-767.

*Ordo*, nn. 768-781.

Frugum, cf. Fructuum.

Gratiarum actione, in, cf. Pro acceptis beneficiis.

Herbarum, cf. Fructuum.

Ianuæ, cf. Portæ ecclesiæ.

Imaginis venerationi publicæ exhibendæ, nn. 984-988.

— Domini nostri Iesu Christi, nn. 989; 990-1003.

— beatæ Mariæ Virginis, nn. 989; 1004-1017.

— unius vel plurium Sanctorum, nn. 989; 1018-1031.

Imaginum in locis non sacris exponendarum,

cf. Rerum ad pietatem et devotionem exercendam.

Infantis, cf. Pueri.

Infirmariorum consociationum, n. 389, cf. Consociationum ad auxilium publicum præstandum.

Infirmi, cf. Adulti, Adultorum; Pueri, Puerorum; Filii.

Instrumentorum itinerantibus hominibus destinatum, nn. 651-655.

*Ordo*, nn. 656-672.

*Ritus brevior*, nn. 673-677.

Instrumentorum laboris, nn. 698-702.

*Ordo*, nn. 703-717.

*Ritus brevior*, nn. 702; 718-720.



Instrumentorum technicorum peculiarium, nn. 678-681.

*Ordo*, nn. 682-697.

Itinerantium, nn. 431-433.

*Ordo*, nn. 434-448.

*Ritus brevior*, nn. 449-452.

Itineris, cf. Itinerantium.

Laici Missionarii, cf. Missionariorum.

Lapidis primarii, nn. 456-458.

*Ordo*, nn. 459-473.

Librariæ officinæ, cf. Officinæ laboris.

Liliorum, cf. Florum.

Linteaminum, nn. 1068; 1070-1073.

*Ordo*, nn. 1074-1078.

*Ritus brevior*, nn. 1080-1083.

Locorum corporibus exercitandis, nn. 634-637.

*Ordo*, nn. 638-650.

Machinæ ad excitandam lucem electricam,

cf. Instrumentorum technicorum peculiarium.

Machinæ ad extinguendum incendium,

cf. Consociationum ad auxilium publicum præstandum.

Machinæ ad laborandum, cf. Instrumentorum laboris.

Machinæ itineri aërio destinatæ,

cf. Instrumentorum itinerantibus hominibus destinatum.

Machinæ typographica, cf. Instrumentorum laboris.

Mapparum altaris, cf. Linteaminum.

Mensæ, nn. 782-784.

*Schema primum*, nn. 785-789.

*Schema secundum*, nn. 790-814.

*Schema tertium*, nn. 815-816.

*Schema quartum*, nn. 817-827.

Missionariorum, nn. 321-323.

*Ordo*, nn. 324-342; 343-360.

Monasterii, cf. Domus religiosæ novæ.

Mulieris vel mulierum ante partum, nn. 215; 217-218.

*Ordo*, nn. 219-231.

*Ritus brevior*, nn. 232-234.

*Formula brevis*, n. 235.

Mulieris post partum, nn. 216; 217-218; 236-237.

*Ordo*, nn. 238-253.

*Ritus brevior*, nn. 254-256.

*Formula brevis*, n. 257.

Naviculæ, cf. Instrumentorum itinerantibus hominibus destinatum.

*Oratio*, n. 668, c).

*Ritus brevior*, nn. 673-674; 676-677.

Naviculæ ad piscandum, cf. Instrumentorum laboris.

Navigii aerii, cf. Instrumentorum itinerantibus hominibus destinatum.

*Orationes*, n. 668, c).

Navis, cf. Instrumentorum itinerantibus hominibus destinatum.

*Oratio*, n. 668, e).

Nosocomii novi, nn. 582-585.

*Ordo*, nn. 586-598.

Numismatum, cf. Rerum ad pietatem et devotionem exercendam.

Officii, nn. 599-602.

*Ordo*, nn. 603-612; 613, a); 614-616.

Officinæ laboris, nn. 599-602.

*Ordo*, nn. 603-612; 613, b); 614-616.

Olei devotionis causa, cf. Rerum ad pietatem et devotionem exercendam.

*Lectiones*, n. 1148, d.

Operis quo novi ædificii structura paratur, nn. 456-458.

*Ordo*, nn. 459-473.

Organi, nn. 1052-1054.

*Ordo*, nn. 1055-1067.

Ostensorii, nn. 1068; 1070-1073.

*Ordo*, nn. 1074-1078.

*Ritus brevior*, nn. 1080-1083.

Ovorum, præsertim in Pascha, cf. Esculentorum devotionis causa.

Palæstræ gymnicae, cf. Ædium corporibus exercitandis.

Pallæ, cf. Lintheaminum.

Panis, cf. Esculentorum devotionis causa.

*Lectiones*, n. 1148, b.

- Parvuli nondum baptizati, nn. 156-157.  
    *Ordo*, nn. 158-169.  
    *Ritus brevior*, nn. 170-171; 172, b.  
    *Formula brevis*, n. 173.
- Paramentorum, cf. Vestium sacrarum.
- Pascuorum, nn. 745-748.  
    *Ordo*, nn. 749-764.
- Pecorum, cf. Animalium.
- Peregrinantium vacationis causa, cf. Itinerantium.
- Peregrinorum, nn. 404-408.  
    Iter ineuntium,  
        *Ordo*, nn. 409-419.  
    Ante vel post reditum,  
        *Ordo*, nn. 420-430.
- Piscatoriæ navis, cf. Instrumentorum laboris.
- Plateæ, cf. Instrumentorum itinerantibus hominibus destinatum.  
    *Orationes*, n. 668, a).
- Pontis, cf. Instrumentorum itinerantibus hominibus destinatum.  
    *Orationes*, n. 668, a).
- Portæ ecclesiæ, nn. 943-945.  
    *Ordo*, nn. 946-959.
- Portus, cf. Instrumentorum itinerantibus hominibus destinatum.  
    *Orationes*, n. 668, a).
- Potus devotionis causa, nn. 1139-1143.  
    *Ordo*, nn. 1144-1152; 1153, a)-1156; 1157-1161.
- Preli, cf. Ædium ad communicationes sociales.
- Presbyteri Missionarii, cf. Missionariorum.
- Pro acceptis beneficiis, nn. 1226-1228.  
    *Ordo*, nn. 1229-1243.
- Pro variis circumstantiis, nn. 1244-1246.  
    *Ordo*, nn. 1247-1271.
- Puellæ, cf. Pueri.
- Puellarum, cf. Puerorum.
- Pueri baptizati, nn. 135-138.  
    *Ordo*, nn. 139-155.  
    *Ritus brevior*, nn. 170-172, a).  
    *Formula brevis*, n. 173.
- Puerorum baptizatorum, nn. 135-137.  
    *Ordo*, nn. 139-155.

Pueri infirmi, nn. 290-293; 313.

*Ordo*, nn. 294-302; 314-316; 310-312.

*Ritus brevior*, nn. 317-319.

*Formula brevis*, n. 320.

Puerorum infirmorum, nn. 290-292.

*Ordo*, nn. 294-302; 314-316; 310-312.

Pyxidis, cf. Vasculi ad Eucharistiam asservandam.

Radiophonicæ stationis, cf. *Ædium ad communicationes sociales*.

Religiosæ Missionariæ, cf. *Missionariorum*.

Religiosi Missionarii, cf. *Missionariorum*.

Rerum ad pietatem et devotionem exercendam, nn. 1162-1165.

*Ordo*, nn. 1166-1177.

*Ritus brevior*, nn. 1178-1181.

*Formula brevis*, n. 1182.

Rerum creatarum, cf. *Pro variis circumstantiis*.

*Orationes*, nn. 1260-1262.

Rerum devotionis causa, nn. 1139-1143.

*Ordo*, nn. 1144-1152; 1153, b); c)-1156; 1157-1161.

Rerum manufactarum, cf. *Pro variis circumstantiis*.

*Oratio*, n. 1263.

Rerum quæ pauperibus destinantur, n. 1244.

Rosarum, cf. *Florum*.

Salis, cf. *Esculentorum devotionis causa*.

*Lectiones*, n. 1148, d).

Scapularium, cf. *Rerum ad pietatem et devotionem exercendam*.

Scapularis imponendi, nn. 1208-1210.

*Ordo*, nn. 1211-1224.

Scholæ novæ, nn. 538-542.

*Ordo*, nn. 543-549; 550, a; 551-556; 557-563.

Scholaris anni inchoatio, cf. *Puerorum*, n. 135.

Sedis confessionalis, nn. 877-879; 930-931.

*Ordo*, nn. 932-942.

Sedis præsidentiae, nn. 877-879; 880-882.

*Ordo*, nn. 883-888; 889-899.

Sedis primariæ energiae, cf. *Instrumentorum technicorum peculiarium*.

*Oratio*, n. 693, b).

- Seismographæi, cf. Instrumentorum technicorum peculiarium.
- Seminarii novi, nn. 492-496.  
*Ordo*, nn. 497-514.
- Senis, nn. 258-261.  
*Ordo*, nn. 262-276; 283-285.  
*Ritus brevior*, nn. 286-288.  
*Formula brevis*, n. 289.
- Senum, nn. 258-260.  
*Ordo*, nn. 262-276; 277-282; 283-285.  
*Formula brevis*, n. 289.
- Stadii, cf. Ædium corporibus exercitandis.
- Stationum « Viæ Crucis », nn. 1097-1099.  
*Ordo*, nn. 1100-1114.
- Tabernaculi eucharistici novi, nn. 877-879; 919.  
*Ordo*, nn. 920-929.
- Tabularii, cf. Bibliothecæ novæ.
- Telephonii sedis, cf. Ædium ad communicationes sociales.
- Televisualis stationis, cf. Ædium ad communicationes sociales.
- Telegraphi, cf. Ædium ad communicationes sociales.
- Tobaleæ altaris, cf. Linteaminum.
- Turris speculatoriæ, cf. Instrumentorum technicorum peculiarium.
- Typographicæ machinæ, cf. Instrumentorum laboris.
- Universitatis studiorum novæ, nn. 538-542.  
*Ordo*, nn. 543-549; 550, b); 551-556; 557-563.
- Uvarum, cf. Fructuum novorum.
- Vasculi ad Eucharistiam asservandam, nn. 1068; 1070-1073.  
*Ordo*, nn. 1074-1078.  
*Ritus brevior*, nn. 1080-1083.
- Vasis mobilis ad baptizandum, n. 838.
- Vehiculi, nn. 651-656.  
*Oratio*, n. 668, b).  
*Ritus brevior*, nn. 673-677.
- Viæ, cf. Instrumentorum itinerantibus hominibus destinatorum.  
*Orationes*, n. 668, a).
- Viæ Crucis, cf. Stationum.

Via ferreæ, cf. Instrumentorum itinerantibus hominibus destinatum.  
*Orationes*, n. 668, a).

Vini, cf. Potus devotionis causa.  
*Lectioes*, n. 1148, d)  
*Oratio*, n. 1153, a).

Vestium sacrarum, nn. 1068; 1070-1073.  
*Ordo*, nn. 1074-1077; 1079.  
*Ritus brevior*, nn. 1080-1082; 1084.

Volucrum, cf. Animalium.

## INDEX LECTIONUM

NB. *Numeri qui notantur respondent textibus, non paginis.*  
*Numeri caractere italico impressi respondent textibus quorum unice titulus et initium indicatur.*

### I. LECTIONES VETERIS TESTAMENTI

#### GENESIS:

- 1, 1. 11-12. 29-31: 753.
- 1. 20-29: 729.
- 1-5a. 14-18: 686.
- 27-31a: 606. *1148.*
- 2, 19-20a: 730.
- 20a: 742.
- 6, 17-23: *731.*
- 9, 1-3: *1148.*
- 12, 1-9: *440.*
- 18, 1-10a: *483.*
- 28, 10-16: *440.*

#### EXODUS:

- 12, 1-4. 6-8. 11: *1148.*
- 17, 1-7: *1148.*
- 35, 30 – 36, 1: *708.*

#### NUMERI:

- 6, 22-27: *1254.*
- 10, 1-10: *1059.*
- 1-8. 10: *1041.*
- 20, 2-11: *688.*
- 21, 4-9: *974.*

#### DEUTERONOMIUM:

- 6, 4-9: 439.
- 27, 1a. – 28, 1-12b: 773.
- 32, 10c-14: 754
- 33, 1. 13b-16a: *1254.*

#### 1 SAMUELIS:

- 1, 20-28: 242.
- 27: 255.
- 2, 1-10: 243.
- 3, 1-10: 504.

#### 2 SAMUELIS:

- 12, 1-9. 13: 936.

#### 1 REGUM:

- 19, 3b-8: *1148.*

#### 2 REGUM:

- 2, 19-22: *1148.*

**1 CHRONICORUM:**

15, 3. 16. 19-21. 25: 1059.  
15, 11-12. 25-28; 16, 1-2: 1041.  
29, 9-18: 423.

**2 CHRONICORUM:**

5, 2-5a. 11-14: 1059.

**NEHEMIAS:**

8, 1-4a. 5-6. 8-10: 893. 904. 911.

**THOBIS:**

4, 5-7. 19: 184.  
19a: 450.  
5, 17-22: 440.  
12, 6-13: 396.

**IOB:**

28, 1-28: 708.

**PROVERBIA:**

1, 1-7. 547.  
4, 1-7: 185.  
31, 10-31: 708.

**SAPIENTIA:**

4, 8: 287.  
8-9: 267.  
7, 7-20: 547.  
9, 1-6. 10-18: 504. 547.  
13, 1-7: 1254.  
16, 20-21. 24-26: 1148.

**SIRACIDES:**

1, 1-5. 22-25: 547.  
3, 2-18: 267.  
3, 33-4, 11: 396.  
7, 36-39: 396.  
15, 1-6: 1092.

**(SIRACIDES)**

17, 1-6: 688.  
18, 1-9: 1254.  
24, 1a. 17-31: 1148.  
25, 6-8. 13-16: 267.  
38, 1-14: 590.  
25-39: 608. 708.  
35, 39: 718.  
39, 30-41: 1148.  
51, 18-29: 547.

**PSALMI:**

8, 7-9: 742.

**ISAIAS:**

2, 2-5: 413.  
11, 6-10: 731.  
12, 1-6: 1092.  
26, 1-9: 951.  
28, 16-17b: 465.  
23-29: 708.  
40, 1a. 3-5: 663.  
1-5. 9-11: 1041.  
9-11: 893.  
44, 3: 233.  
55, 1-11: 688. 1092.  
58, 1ab. 5-11: 395.  
10. 11a: 791.

**IEREMIAS:**

7, 1-7: 951.

**BARUCH:**

3, 29-36: 625.

**EZECHIEL:**

18, 20-32: 936.

**OSEE:**

2, 21-26: 205.

**IOEL:**

2, 21-24. 26-27: 773.



## II. LECTIONES NOVI TESTAMENTI

## MATTHAEUS:

- 3, 1-11: 1041.  
4, 13-17: 1148.  
23-25: 589.  
5, 1-12a: 1021. 1105.  
1b. 2. 13-16: 546. 625.  
13-16: 1148.  
6, 25-34: 608. 755. 1148.  
31ab. 32b-33: 797.  
7, 7-11: 1147.  
24-28: 77.  
9, 1-8: 936.  
35-38: 506.  
11, 25-30: 547.  
28-29: 318.  
28-30: 299.  
13, 1-9: 708.  
44-46: 507.  
18, 1-5. 10: 144. 186.  
3: 171.  
5: 171.  
19, 13-15: 145. 183.  
21, 14-16: 145.  
22, 37a. 39b-40: 674.  
25, 14-29: 608.  
31-46: 394. 590.

## MARCUS:

- 1, 1-8: 1041.  
29-30: 483.  
2, 1-12: 396.  
4, 1-2. 26b-34: 507.  
26-29: 755.  
35-41: 663.  
6, 1-3: 607.  
7-13: 1148.  
53-56: 300.  
10, 8-9: 133.  
14: 171.  
13-16: 143. 162.  
16, 14-16. 20: 1040.  
14a. 15-20: 624.

## LUCAS:

- 1, 1-4: 573.  
26-38: 224. 1008.  
39-45: 223.  
39-47: 1059.  
41-42a: 233.  
42-50: 1007.  
67-79: 243.  
68-69: 255.  
2, 1-14: 224.  
25-32. 36-38: 266.  
27-33: 1148.  
41-51: 413.  
46-52: 145. 1191.  
51b-52: 1204.  
3, 3-6: 438. 663.  
4, 14-22a: 904. 911.  
16-22a: 537. 893.  
5, 3-11: 708.  
6, 47-49: 465.  
7, 36-50: 936.  
9, 23: 287.  
10, 5-9: 482.  
21-22: 1059.  
25-37: 396.  
30-37: 590. 1148.  
38-42: 483.  
11, 5-13: 1170.  
9-10: 1180.  
9-13: 1148.  
12, 15-21: 773.  
16, 9-12: 608.  
17, 11-19: 1234.  
18, 1-8: 1170.  
31-34: 1105.  
19, 1-9: 483.  
1-10: 78.  
24, 13-35: 413. 440.  
28-32: 483.  
28-35: 424.  
44-48: 507.

**IOANNES:**

- 1, 6-10: 1148.  
 35-39: 78.  
 35-42: 507. 528.  
 47-51: 663.  
 2, 1-11: 1148.  
 3, 13-17: 974.  
 4, 5-14: 687.  
 23: 1082.  
 5, 1-15: 424.  
 6, 28-35: 1148.  
 7, 37-39: 1091.  
 8, 1-11: 936.  
 9, 1-38: 424.  
 10, 1-10: 951.  
 13, 3-15: 1092.  
 12-17: 396.  
 14, 1-7: 663.  
 1-11: 440. 994.  
 6: 450. 674.  
 6-7: 661.  
 15, 9. 10. 11: 133.  
 9-12: 203.  
 19, 25-27: 974. 1008.  
 20, 19-23: 507.  
 21, 24-25: 573.

**ACTUS APOSTOLORUM:**

- 1, 12-14: 1192.  
 2, 14: 1204.  
 42: 1082.  
 36-39. 41-42: 1041.  
 44-47a: 78. 792.  
 8, 26-35: 424.  
 26-39: 663.  
 10, 34-48: 893.  
 13, 15-32: 893.  
 14, 15b-17: 772.  
 17, 22-28: 662.  
 18, 1-5: 708.

**AD ROMANOS:**

- 5, 6-11: 936.  
 8, 24-28: 1252.  
 26b-27b: 1180.

**(AD ROMANOS)**

- 8, 26-31: 1170.  
 10, 9-15: 366.  
 12, 1: 1082.  
 4-16: 52.

**1 AD CORINTHIOS:**

- 1, 4-9: 121. 1234.  
 1, 26-2, 5: 503.  
 2, 1-5: 974.  
 3, 9-11: 464.  
 16-17: 642.  
 6, 19-20: 642.  
 9, 7-27: 504.  
 24-27: 641.  
 12, 12-14: 50.  
 12, 31b-13, 7: 52.  
 13, 4-13: 204.  
 8-13: 1170.  
 14, 20: 171.  
 15, 45-50: 1170.

**2 AD CORINTHIOS:**

- 1, 3-4: 318.  
 3-7: 298. 590.  
 2, 14-17: 1148.  
 3, 17b-4, 2: 1169.  
 4, 1-7: 1170.  
 4, 13-5, 10: 1215.  
 5, 6b-10: 412.  
 17-21: 936.  
 9, 8-10: 793.

**AD GALATAS:**

- 1, 1. 3-5-2, 19b-20: 1170.  
 3, 26-27: 1082.

**AD EPHESIOS:**

- 3, 14-19: 1022.  
 14-21: 1170.  
 4, 1-6: 51. 78.  
 11-24: 547.  
 5, 8-10: 1148.  
 15-20: 1059.  
 19-20: 794.

**AD PHILIPPENSES:**

- 2, 1-5: 205.  
5-11: 973.  
3, 12-15: 642.  
3, 20-4, 1: 267.  
4, 4-7: 1233.  
8-9: 625.

**AD COLOSSENSES:**

- 1, 9b-14: 1251.  
12-20: 993.  
3, 12-17: 1058.  
12-25: 78.  
14-17: 1170.  
15-17: 1234.  
16-17: 571.  
17: 1180.

**1 AD THESSALONICENSES:**

- 4, 9-12: 608.  
9, 10b-12: 707.  
5, 12-24: 1234.  
16-18: 795.  
18: 255.

**2 AD THESSALONICENSES:**

- 3, 6-13: 608.  
7-8: 718.

**1 AD TIMOTHEUM:**

- 2, 1-10: 1234.  
4, 4: 1253.  
6, 6-11, 17-19: 773.

**2 AD TIMOTHEUM:**

- 3, 14-4, 5a: 904. 911.

**AD HEBRÆOS:**

- 4, 12-16: 625. 974.  
10, 19-25: 413.  
13, 1-2: 796.  
1-3, 5-7, 14-17: 527.  
12-21: 424.

**IACOBUS:**

- 5, 7-8: 287.

**1 PETRI:**

- 2, 4-10: 465.  
4-12: 413.  
19-25: 1104.  
3, 18-4, 2: 1105.  
4, 7b-11: 1022.

**1 IOANNIS:**

- 5, 1-5: 1022. 1092.

**APOCALYPSIS:**

- 7, 13-17: 1092.  
11, 19a. 12, 1-6a. 10ab: 1008.  
21, 2-3. 23-26: 950.  
22, 1-5: 1092.

## INDEX PSALMORUM ET CANTICORUM

NB. *Numeri qui notantur respondent formulis, non paginis.*

### I. PSALMI

Ps 1: 1023.  
Ps 8: 626, 732, 995, 1149.  
Ps 14 (15): 1023.  
Ps 15 (16): 505.  
Ps 17 (18): 689.  
Ps 18A (19A): 626.  
Ps 18B (19B): 548, 574, 894, 904, 912.  
Ps 21 (22): 975, 1106.  
Ps 22 (23): 441, 505, 664, 1149.  
Ps 23 (24): 414, 529, 946.  
Ps 24 (25): 441, 664.  
Ps 26 (27): 414.  
Ps 28 (29): 689, 1042.  
Ps 30 (31): 975, 1106.  
Ps 31 (32): 937.  
Ps 32 (33): 225.  
Ps 33 (34): 397, 923, 1023.  
Ps 35 (36): 862.  
Ps 44 (45): 529.  
Ps 46 (47): 1060, 1235.  
Ps 50 (51): 937, 1130.  
Ps 54 (55): 975.  
Ps 64 (65): 709, 756.  
Ps 65 (66): 1235.  
Ps 66 (67): 543, 774.  
Ps 70 (71): 268.  
Ps 76 (77): 574.  
Ps 77 (78): 548.  
Ps 83 (84): 425, 505, 529.  
Ps 89 (90): 466, 609, 709.  
Ps 90 (91): 441.  
Ps 95 (96): 355, 367.  
Ps 97 (98): 917, 1060.  
Ps 99 (100): 79, 147, 505, 643, 952, 1171.  
Ps 101 (102): 301, 591.  
Ps 102 (103): 397.  
Ps 103 (104): 609, 626, 732, 756, 1149.

Ps 104 (105): 1255.  
Ps 105 (106): 1255.  
Ps 106 (107): 709, 756, 1255.  
Ps 111 (112): 484.  
Ps 112 (113): 139, 1009, 1193.  
Ps 117 (118): 952, 1124, 1235.  
Ps 118 (119): 548, 894, 912.  
Ps 120 (121): 466.  
Ps 121 (122): 409, 425.  
Ps 122 (123): 1171.  
Ps 125 (126): 268, 774.  
Ps 126 (127): 459, 484, 709.  
Ps 127 (128): 53, 79, 122, 187, 244, 484.  
Ps 129 (130): 937.  
Ps 132 (133): 529.  
Ps 133 (134): 1125.  
Ps 138 (139): 548, 1171.  
Ps 144 (145): 206.  
Ps 146 (147): 732, 774, 1149.  
Ps 148: 79, 643, 689.  
Ps 149: 1048.  
Ps 150: 147, 164, 664, 1042, 1171.

### II. CANTICA VETERIS TESTAMENTI

#### ISAIAS:

38, 10. 11. 12a-d. 16: 301. 591.

### III. CANTICA NOVI TESTAMENTI

#### LUCAS:

1, 46-47. 48-49. 50-51. 52-53. 54-55:  
1009, 1193.

#### APOCALYPSIS:

15, 3. 4: 995.

## INDEX

Decretum . . . . .	5
--------------------	---

### *Prænotanda*

I. Benedictio in historia salutis . . . . .	9
II. Benedictiones in vita Ecclesiæ . . . . .	11
III. De officiis et ministeriis . . . . .	13
IV. De celebratione benedictionis	
<i>De structura typica</i> . . . . .	15
<i>De signis adhibendis</i> . . . . .	16
<i>De modo uniendi celebrationem benedictionis cum aliis celebrationibus vel cum aliis benedictionibus</i> . . . . .	17
<i>De munere ministri in præparanda ordinandaque celebra- tione</i> . . . . .	18
<i>De vestibus liturgicis adhibendis</i> . . . . .	18
V. De aptationibus quæ Conferentiis Episcoporum competunt	19

### Pars prima

#### DE BENEDICTIONIBUS QUÆ DIRECTE PERSONAS SPECTANT

#### Caput I. *Ordines benedictionis familiarum earumque membrorum*

Prænotanda . . . . .	23
I. Ordo benedictionis familiæ	
Prænotanda . . . . .	24
A. Ordo benedictionis . . . . .	24
B. Ordo benedictionis celebrationi Missæ coniunctæ . .	30
II. Ordo benedictionis annuæ familiarum in propriis domibus	
Prænotanda . . . . .	33
Ordo benedictionis . . . . .	34

III.	Ordo benedictionis coniugum	
	Prænotanda . . . . .	40
	A. Ordo benedictionis intra Missam occasione data anni-	
	versarii Matrimonii adhibendus . . . . .	41
	B. Ordo benedictionis intra Missam aliis in circumstantiis	45
	C. Ordo benedictionis extra Missam . . . . .	48
	C. Ritus brevior . . . . .	56
IV.	Ordines benedictionis puerorum	
	Prænotanda . . . . .	57
	A. Ordo benedictionis puerorum iam baptizatorum . . .	58
	B. Ordo benedictionis parvuli nondum baptizati . . .	65
	C. Ritus brevior . . . . .	70
V.	Ordo benedictionis filiorum	
	Prænotanda . . . . .	72
	Ordo benedictionis . . . . .	73
VI.	Ordo benedictionis desponsatorum	
	Prænotanda . . . . .	79
	Ordo benedictionis . . . . .	79
VII.	Ordines ad benedicendam mulierem ante vel post partum	
	Prænotanda . . . . .	85
	A. Ordo benedictionis mulieris ante partum . . . . .	85
	B. Ritus brevior . . . . .	91
	C. Ordo benedictionis mulieris post partum . . . . .	92
	D. Ritus brevior . . . . .	98
VIII.	Ordo benedictionis senum domi manentium	
	Prænotanda . . . . .	99
	A. Ordo benedictionis . . . . .	100
	B. Ordo benedictionis celebrationi Missæ coniunctæ . .	107
	C. Ordo benedictionis Communioni extra Missam coniunctæ	110
	D. Ritus brevior . . . . .	111

## Caput II. *Ordo benedictionis infirmorum*

	Prænotanda . . . . .	113
I.	Ordo benedictionis	
	A. Pro adultis . . . . .	113
	B. Pro pueris . . . . .	121
II.	Ritus brevior . . . . .	123

Caput III. *Ordo benedictionis eorum qui ad Evangelium nuntiandum mittuntur*

Prænotanda . . . . .	125
I. Ordo benedictionis in celebratione verbi . . . . .	125
II. Ordo benedictionis celebrationi Missæ coniunctæ . . . . .	133

Caput IV. *Ordines benedictionis ad catechesim et orationem communem spectantes*

I. Ordo benedictionis eorum qui ad catechesim faciendam deputantur	
Prænotanda . . . . .	139
A. Ordo benedictionis in celebratione verbi . . . . .	139
B. Ordo benedictionis celebrationi Missæ coniunctæ . . . . .	143
II. Ordo benedictionis pro cœtu ad catechesim vel orationem faciendam congregato	
Prænotanda . . . . .	145
Ordo benedictionis . . . . .	146

Caput V. *Ordo benedictionis consociationum ad auxilium in publicis necessitatibus præstandum*

Prænotanda . . . . .	150
Ordo benedictionis . . . . .	150

Caput VI. *Ordo ad benedicendos peregrinos*

Prænotanda . . . . .	157
I. Ordo benedictionis peregrinorum iter ineuntium . . . . .	158
II. Ordo benedictionis peregrinorum ante vel post reditum . . . . .	162

Caput VII. *Ordo benedictionis pro itinere ineundo*

Prænotanda . . . . .	168
I. Ordo benedictionis . . . . .	168
II. Ritus brevior . . . . .	174

Pars secunda

DE BENEDICTIONIBUS

QUÆ ÆDES ET CHRISTIFIDELIUM MULTIMODAM NAVITATEM SPECTANT

Prænotanda . . . . .	179
----------------------	-----

Caput VIII. *Ordo benedictionis operis quo novi ædificii structura paratur*

Prænotanda . . . . .	180
Ordo benedictionis . . . . .	180

Caput IX. *Ordo benedictionis novæ domus*

Prænotanda . . . . .	186
Ordo benedictionis . . . . .	186

Caput X. *Ordo benedictionis novi seminarii*

Prænotanda . . . . .	192
Ordo benedictionis . . . . .	193

Caput XI. *Ordo benedictionis novæ domus religiosæ*

Prænotanda . . . . .	202
Ordo benedictionis . . . . .	203

Caput XII. *Ordo benedictionis novæ scholæ vel studiorum Universitatis*

Prænotanda . . . . .	211
I. Ordo benedictionis . . . . .	212
II. Ordo benedictionis intra Missæ celebrationem . . . . .	218

Caput XIII. *Ordo benedictionis novæ bibliothecæ*

Prænotanda . . . . .	221
Ordo benedictionis . . . . .	221

Caput XIV. *Ordo benedictionis novi nosocomii vel cuiusvis domus ægrotis curandis aptatæ*

Prænotanda . . . . .	228
Ordo benedictionis . . . . .	229

Caput XV. *Ordo benedictionis officii, officinæ laboris, emptorii*

Prænotanda . . . . .	234
Ordo benedictionis . . . . .	235



Caput XVI. *Ordo benedictionis ædium ad communicationes sociales promovendas*

Prænotanda . . . . .	242
Ordo benedictionis . . . . .	243

Caput XVII. *Ordo benedictionis ædium et locorum corporibus exercitandis*

Prænotanda . . . . .	248
Ordo benedictionis . . . . .	248

Caput XVIII. *Ordo benedictionis omnium quæ itinerantibus hominibus destinantur*

Prænotanda . . . . .	253
I. Ordo benedictionis . . . . .	254
II. Ritus brevior . . . . .	262

Caput XIX. *Ordo benedictionis peculiarium instrumentorum technicorum*

Prænotanda . . . . .	264
Ordo benedictionis . . . . .	265

Caput XX. *Ordo benedictionis instrumentorum laboris*

Prænotanda . . . . .	272
I. Ordo benedictionis . . . . .	273
II. Ritus brevior . . . . .	278

Caput XXI. *Ordo benedictionis animalium*

Prænotanda . . . . .	279
I. Ordo benedictionis . . . . .	279
II. Ritus brevior . . . . .	285

Caput XXII. *Ordo benedictionis agrorum, camporum et pascuorum*

Prænotanda . . . . .	287
Ordo benedictionis . . . . .	287

Caput XXIII. *Ordo benedictionis in præsentatione novorum fructuum*

Prænotanda . . . . .	294
Ordo benedictionis . . . . .	294

Caput XXIV. *Ordo benedictionis mensæ*

Prænotanda . . . . .	300
Schema primum . . . . .	300
Schema secundum . . . . .	305
Schema tertium . . . . .	314
Schema quartum . . . . .	316

Pars tertia

DE BENEDICTIONIBUS RERUM

QUÆ IN DOMIBUS ECCLESIAE AD USUM LITURGICUM VEL  
PLÆ DEVOTIONIS DESTINANTUR AUT ERIGUNTUR

Prænotanda . . . . .	321
----------------------	-----

Caput XXV. *Ordo benedictionis baptisterii seu novi fontis baptismalis*

Prænotanda . . . . .	322
Ordo benedictionis . . . . .	325
I. Benedictio novi fontis baptismalis celebrationi Baptismi coniuncta . . . . .	325
II. Benedictio novi fontis baptismalis absque Baptismi col- latione . . . . .	330

Caput XXVI. *Ordines benedictionis occasione data auspicandi  
cathedram vel sedem præsentia vel ambonem, vel taber-  
naculum, vel sedem ad sacramentum Pœnitentiæ celebrandum*

Prænotanda . . . . .	339
I. Ordo benedictionis occasione data auspicandi novam ca- thedram seu sedem præsentia . . . . .	340
A. In celebratione Missæ . . . . .	340
B. In celebratione verbi . . . . .	341

II. Ordo benedictionis occasione data auspicandi novum ambonem . . . . .	345
A. In celebratione Missæ . . . . .	346
B. In celebratione verbi . . . . .	347
III. Ordo benedictionis occasione data auspicandi novum tabernaculum eucharisticum . . . . .	350
IV. Ordo benedictionis occasione data auspicandi novam sedem ad sacramentum Pœnitentiæ celebrandum . . . . .	353

Caput XXVII. *Ordo benedictionis novæ portæ ecclesiæ*

Prænotanda . . . . .	358
Ordo benedictionis . . . . .	358

Caput XXVIII. *Ordo benedictionis novæ Crucis publicæ venerationi exhibendæ*

Prænotanda . . . . .	364
Ordo benedictionis . . . . .	365

Caput XXIX. *Ordo ad benedicendas imagines quæ fidelium venerationi publicæ exhibentur*

Prænotanda . . . . .	374
I. Ordo benedictionis imaginis D. N. I. C. . . . .	376
II. Ordo benedictionis imaginis b. M. V. . . . .	382
III. Ordo benedictionis imaginis Sanctorum . . . . .	388

Caput XXX. *Ordo benedictionis campanæ*

Prænotanda . . . . .	395
Ordo benedictionis . . . . .	396

Caput XXXI. *Ordo benedictionis organi*

Prænotanda . . . . .	403
Ordo benedictionis . . . . .	403

Caput XXXII. *Ordo benedictionis rerum quæ in liturgicis celebrationibus usurpantur*

Prænotanda . . . . .	409
I. Ordo benedictionis intra Missam adhibendus . . . . .	410
II. Ritus brevior . . . . .	411

Caput XXXIII. *Ordo ad faciendam aquam benedictam extra Missæ celebrationem*

Prænotanda . . . . .	414
Ordo benedictionis . . . . .	414

Caput XXXIV. *Ordo benedicendi stationes « Viæ Crucis »*

Prænotanda . . . . .	418
Ordo benedictionis . . . . .	418

Caput XXXV. *Ordo ad cœmeterium benedicendum*

Prænotanda . . . . .	425
Ordo benedictionis . . . . .	426

Pars quarta

DE BENEDICTIONIBUS RERUM

QUÆ AD DEVOTIONES POPULI CHRISTIANI FOVENDAS TRADUNTUR

Prænotanda . . . . .	435
----------------------	-----

Caput XXXVI. *Ordo benedicendi potus vel esculenta aliasve res devotionis causa*

Prænotanda . . . . .	436
I. Ordo benedictionis extra Missam . . . . .	437
II. Ordo benedictionis intra Missam in die festo adhibendus . . . . .	443

Caput XXXVII. *Ordo benedictionis rerum, quæ ad pietatem et devotionem exercendam destinantur*

Prænotanda . . . . .	446
I. Ordo benedictionis . . . . .	446
II. Ritus brevior . . . . .	451

Caput XXXVIII. *Ordo benedictionis coronarum Rosarii*

Prænotanda . . . . .	453
I. Ordo benedictionis . . . . .	453
II. Ritus brevior . . . . .	460

Caput XXXIX. *Ordo benedictionis et impositionis scapularis*

Prænotanda . . . . .	462
Ordo benedictionis . . . . .	462

Pars quinta

DE BENEDICTIONIBUS AD DIVERSA

Prænotandum . . . . .	471
-----------------------	-----

Caput XL. *Ordo benedictionis in gratiarum actione agenda pro acceptis beneficiis*

Prænotanda . . . . .	472
Ordo benedictionis . . . . .	472

Caput XLI. *Ordo benedictionis pro variis circumstantiis*

Prænotanda . . . . .	478
Ordo benedictionis . . . . .	478

Appendix . . . . .	487
--------------------	-----

Index alphabeticus benedictionum . . . . .	515
--	-----

Index Lectionum . . . . .	525
---------------------------	-----

Index Psalmorum et Canticorum . . . . .	530
---	-----

**HOC VOLUMEN  
TYPIS VATICANIS  
EXCUSUM EST**

**IMAGINEM INITIO VOLUMINIS POSITAM  
IOANNES ALOISIUS UBOLDI  
DELINEAVIT**



